





Ex Bibliotheca
majori Coll. Rom.
Societ. Jesu

8

6541
ARCHIDVCALIS ACADEMIA
MOLSHEMENSIS, APOSTOLICA
CÆSAREAQUE AVTORITATE FIRMATA,
ET EXPLICATA

PANEGYRICO,

Bibl. Sec. Coll. 2 v E M Rom. Soc. Sec.



LIBRIS QVATVOR DIVISVM
REVERENDISSIMO ET SERE-
NISSIMO PRINCIPI AC DOMINO D.

LEOPOLDO

ARCHIDVCI AVSTRIÆ,

EPISCOPO ARGENTINENSI

ET PASSAVIENSI, &c.

MUNIFICENTISSIMO ACADEMIÆ

FVNDA TORI

Solemni Promulgationis die v. 1. Kal. Septemb. pu-
blica totius ALSATIÆ Panegyri

DIXIT, DICAUIT, CONSECRAVIT
COLLEGIVM ACADEMICVM SOCIETA-
TIS IESV MOLSHEMENSE.



MOLSHEMII,

Typis IOANNIS HARTMANNI

ANNO M. DC. XIIX.

SYMBOLVM SERENISSIMI
 ARCHIDVCIS LEOPOLDI.
 PIETAS AD OMNIA VTI-
 LIS EST.



CVM POSSIT SAPIENS, FORTIS, LARGVS VOCARI
 AVSTRIVS ANTISTITES, MALVIT ESSE PIVS.

*IN ARCHIDVCALIA
REVERENDISSIMI & SERENIS-
SIMI FVNDATORIS
INSIGNIA.*

AVSTRIACIS radiare vides quos Symbola Cam-
pis,

Tot VIRTVTIS opes & PIETATIS habent.

Victrices AQUILÆ, inuicta virtute LEONES,

MURATÆ TURRES, Herculeæque TRABES

ARCHIDVCM infractos animos, & Martia signant
Pectora, quæ stupet, & laudat vterque polus.

Vnde illam meritò DIADEMATA, SCEPTRA,
CORONÆ

REGALEM decorant CÆSAREAMQ. DO-
MVM.

His iungens Sacro LEOPOLDVS honore TIA-
RAM

ARGENTINA, Tuam, PASSAVIVMQVE,
Tuam,

Et Patriæ Clypeus, seruans PATRIAMQ. FIDEMQ.
Laude pari COELO fidus & IMPËRIO,

Aurea sæcla Patrum reuocat per TEMPLA, per
ARTES,

Infestosq; arcet MARTE, PEDOQVE lupos.

Hinc terris GEMINATVS HONOS, GEMINA-
TAQVE Cœlo

PRÆMIA debentur PRÆSVLI, & ARCHI-
DVCL.



INDEX
LIBRORVM ET CAPITVM
PANEGYRICI MOLSHEMENSIS.

LIBER PRIMVS.

DE MVLTIPlici ACADEMIARVM BONO.

CAPVT I.

*Remp. Christianam RELIGIONE ac DOCTRINA
stare atque efflorescere.*

CAPVT II.

*Doctrinam, qua consuta LL. Artium Encyclopædia in A-
CADEMIIS traditur, sicut Reipubl. firmamento,
ita Religioni ornamento esse.*

CAPVT III.

*ACADEMIAS Ciuitatibus, quibus condita sunt, exi-
mium semper splendorem; saepe etiam incrementum
attulisse.*

CAPVT IV.

*ACADEMIARVM primordia, iura, & honorum in-
signia; eaq; ad profectum Academicorum plurimum
momenti adferre.*

CAPVT V.

*ACADEMIAS, sicut Tyrannis exosa fuerunt; ita Opti-
mis rerumpubl. Principibus cordi semper curæq; fuisse.*

CAPVT VI.

*ACADEMIAS Catholicas tum fidei Orthodoxa pro-
pugnanda, tum Hæresibus propulsandis Acropolés esse
munitissimas.*

CA-

I N D E X.

C A P V T V I I.

ACADEMIAS Catholicas non minus Summorum Pontificum, quam Imp. & Principum autoritate firmandas esse.

C A P V T I I X.

GRATIAE Serenissimo FVNDATORI, totius Alsatia nomine.

LIBER SECVNDVS.

DE DOMO AVSTRIACA, DE QVE Serenissimo LEOPOLDO Academia FVNDATORE.

C A P V T I.

DOMVM AVSTRIACAM per Augustos S. R. I. Cæ. sares, quos Orbi Christiano dedit, Remp. Christianam armis & Sapientia asseruisse.

C A P V T I I.

DOMVM AVSTRIACAM per Serenissimos Archiduces complurium in Orbe Christiano Academia- rum Parentem atque Altricem esse.

C A P V T I I I.

Serenissimum LEOPOLDVM, Generosissimorum sui Nominis è Domo AVSTRIACA Maiorum indoli, hac Academia fundacione quam maximè respondisse.

C A P V T I V.

Optimorum Episcoporum, etiam eorū, qui de AVSTRIACA PROSAPIA olim hanc Diæcesin administrarunt, in Serenissimo Academia Fundatore impressa vestigia.

I N D E X.

C A P V T V.

*De consilio Serenissimi LEOPOLDI in condenda Mols-
hemensi Academia.*

C A P V T VI.

*Admodum Reuerendorū & Illustrium Cathedralis Ecclesia
Argentoratensis Canonorum laudabilis in Acade-
miam Molsheimianam ab Serenissimo fundatam, &
Societatis IESV cura traditam consensu.*

C A P V T VII.

*Seminarium LEOPOLDIANVM, eximium quā pie-
tatis & munificentia AVSTRIACAE, quā Mols-
hemensis Academia auctarium esse.*

C A P V T IIX.

*GRATIAE Serenissimo FVNDATORI, nomine Cle-
ri Alsatici, & Religiosorum.*

L I B E R T E R T I V S.

*DE ALSATIA, IN QVA FVNDATA
est Academia Molsheimensis.*

C A P V T I.

*ALSATARVM aborigines, prisca ritus, Sacra, Ma-
gistratus.*

C A P V T II.

*ALSATARVM ad fidem Orthodoxam Conuersio. eos-
que primos à Germanica Natione ad Christiana Sa-
cra respexisse.*

C A P V T III.

*ALSATIAM quondam ab Imp. & Regibus frequenta-
tam, variisque beneficiis cumulatam fuisse.*

CA.

I N D E X.

C A P V T I V.

*ALSATIAE, qui morum innocentia, vitæque sanctitate,
& admirandis prodigiis Patriam illustrarunt.*

C A P V T V.

*ALSATIAE hæcenus Academiam; non tamen Alsatæ
Academiis defuisse.*

C A P V T V I.

*ALSATICAIE Iuuentutis ingenia disciplinis Academi-
cis percipiendis idonea esse.*

C A P V T V I I.

*Quam honorificum, quamque opportunum ALSATIAE,
in ea per Serenissimum Domus Austriacæ Archidu-
cem Academiam fundari.*

C A P V T I I X.

*GRATIAE Serenissimo FVNDATORI, nomine No-
bilitatis Alsatæ.*

L I B E R Q V A R T V S.

*DE SOCIETATE IESV, cuius gubernationi credi-
ta est academia Molshemensis.*

C A P V T I.

*De SOCIETATIS IESV in Christiana Iuuentute
disciplinis Academicis erudienda instituto.*

C A P V T I I.

*SOCIETATEM IESV Hereticis tum ob alia, tum ma-
ximè propter functiones Academicas exosam esse.*

C A P V T I I I.

*SOCIETATEM IESV ab primis initiis ad hanc diem
per Serenissimam Domum Austriacam clementissimè
in Germania susceptam, defensam, & per Orbem
Christianum propagatam esse.*

C A P. I V.

I N D E X.

C A P V T I V.

SOCIETATIS IESV in Alsatiā enoatio, fundatio, & usque ad tempora Serenissimi LEOPOLDI progressus.

C A P V T V.

SOCIETATIS IESV sub Serenissimo LEOPOLDO incrementum, coloniaque per Alsatiā deducta.

C A P V T V I.

Quod Serenissimus LEOPOLDVS Academiam Molshemensē ab se Fundatam SOCIETATIS IESV gubernationi commendavit, id aliorum Christiani Orbis Principum ac Dynastarum exemplo, bonum factum videri.

C A P V T V I I.

TEMPLI NOVI Molshemensis in Collegio SOCIETATIS IESV ab Serenissimo LEOPOLDO positi descriptio, & sub idem tempus Academia promulgata, ENCOENIA.

C A P V T I I X.

GRATIAE Serenissimo FUNDATORI, nomine Iuventutis Alsaticae, cum EPILOGO PARANETICO ad eandem.





CAPVT I.

REMPUBLICAM CHRISTIANAM RELIGIONE ET DOCTRINA stare atq; efflorescere.



UAM munifica & varia per omnem ætatem ab Principibus in subiectas illis ditiones emolumenta profecta sint, ex quo mortalium vita legibus & iustis imperiis à victu cultuq; æstiarum abducta in vnā societatem coaluit; dubitari

fortasse posset, nisi innumerarum vrbiū cætus, & florentissimarum nationum populorūque mores atque instituta, hunc nobis fructum quotidie commendarent. Etenim quis non videt, post illam pulcerrimam non ciuilium duntaxat legum, & earum, quas natura duce hausimus; sed Christianæ etiam disciplinæ descriptionem in mores hominum inuectam, quanta gentium antea effratissimarum mansuetudo consecuta sit, quanta veracundix & cōtinentiæ laus, quantus fidei & iustitiæ splendor in animis eorum præsertim eluxerit, qui vnā religionē deuincti optimam benè beateque viuendi rationem ac viam tenuerunt? Et vero proprium Religionis esse sapientissimū quique rerū publ. moderatores statuunt, suū Deo cum primis cultum summamque venerationem religiosè, castè, integrè impertiri, effrenes indomitæ cupiditatū motus in rationis gyrum cogere, complecti patriam, conciliare sibi animos hominum, & quod *Cic. lib. 3.* de Regibus iuste imperantibus quidam dixit; summos *effe.* cum

cum infimis pari iure retinere. Itaque instar legis vera Religio cum omnibus vna semper atque eadem voce loqui solet, totius reip. summam suo sibi iure deponere, legibus dare vitam, ciuibus pacem, salutem & incolumitatem subditis; vt non tam naturę, quam diuini Numinis pręsidio hæc felicitas mortalium generi comparata videatur. Enimuero duce & auspice Deo regnare Reges, perque eum Respub. constitui ac gubernari, tam est apud Orthodoxos exploratę veritatis, vt genti & regno, quod non ipsi seruerit, interitum & pręsens exitium diuina per Isaiam oracula denunciarint; vt qui populum non habet iuris, equitatis, & quod caput est, verę Religionis consensione sociatum, cum ne rempubl. quidem habere arbitremur. Quare in omnibus supremi Numinis obseruantiam, & à summo Christiani Orbis legislatore Christo præclarę sancitam viuendi disciplinam principatum obtinere necesse est, si indemnem atque incolumem esse volumus non eam modo, quę iure gentium & legibus populorum; sed beatiorē illam inter mortales consociationem, quę diuinarum legum retinaculo continetur: vt nulla tam tetra, tamque exitiabilis in remp. pestilētia grassari possit, quam si hoc firmissimo Reip. munimēto per hominum factorum improbitatem tremefacto, regnum resque publicę non ad Religionem; sed Religio ad regni ac rerumpubl. rationes accommodantur. Et quidem idcirco tuendę sancindęque Religionis munus apud Reges & Principes tam sanctum esse maiores nostri voluerunt, vt nemini omnium apud Christianos siue summa in Imperio Romano, siue inferiora in regnis quibuscunque aliis sceptrā committi voluerint, qui non antea religiosissimā asseueratione, id est, solemni iureiurādo sacrosancta Dei Evangelia contestatus promississet, se non iura tantum iussu & populi; sed Ecclesię dignitatem & Ordinem Ecclesiasticum, omniaque Religionis commoda atque pręsidia

fidia pro virili aduersus unumquemlibet hostem strenuè vindicaturum, nec vindicaturum modo, sed fortunas imperii, & Ecclesiæ facultates, etiam pro renata, quoad eius fieri posset, ampliaturum. Quotus quisque ergo Principum, qui hoc se iusiurandum ex animi sententia iurasse meminerit, non grauissimi sceleris reum se æstimabit, si officio tutelæ ac necessarię defensionis intermisso, vel oppugnata clam palamue Religionis patrocinium turpissimè deserat; vel prædæ denique sicariorum aut atroci beluarum immanitati populum, Clerum, resque sacratissimas perniciosâ dissimulatione, non admotis, quibus opportunè succurrere posset, remediis, obici patiatur? Quid alia memorem vincula, quibus Regum ac Dynastarum fidem tutandæ conseruandæque Religioni vetus auorum memoria arctissimè constrinxit? Sacrosanctas Cæsarum leges ac sanctiones, Theodosii nominatim, & Valentiniani, hanc principem omnium Gubernatorum curam esse sancientum, vt per omnia superni Numinis Religionem tueantur; & inter cæteras sollicitudines hanc perpetuam veræ & Catholicæ Religionis sartæ testæ retinendæ cogitationem, esse oportere, vti, cuius cultu iter prosperitatis humanæ Principum cœptis aperiatur. Quid Concilia Oecumenica, summâ semper piorum Imperatorum aduersus exitiales & pestiferas hæreses & liberalitate contracta, & autoritate defensâ? Quid tot illustrium & fortium Regum exempla, qui terra marique ad impietatem profligandam & stabiliendam fidem, arma, viros, suum denique, vbi res postulauit, suorumque sanguinem, excelso inuictoque animo reipubl. Christianæ sunt largiti? Quod vt ne prolixius exequar, neue alienos labores occupem, per me licet adeantur, qui de Ecclesiarum

*L. Vnica.
C. Mem.
lic. Novel-
la Valent.
T. 2.*

Iohn. Baptista Eucherius. Cunen. Episc. Ribaden. S. Thom. de reg. Principum.

Eginhard. M. V. Vagne. rus in Vita Caroli M.

immunitate, templorum religione & asylys, deque officio Christianorum Principum, longinqua scriptorum serie ab usque principis naturæ, & moribus omnium gentium repetita, graviter copioseque hac ætate pertractarunt. Carolum ego verè Magnum conticescere nefas duco, qui potentem & bellicosam Saxonum nationem bello longè omnium difficillimo & diuturno, triginta trium circiter annorum perpetua contentione feliciter confecto, perdomitam, ita Germaniæ populis adiunxit, ut non suo magis, quam Christi regno adiunxisse videretur. ut ægrè statuas, hæc tam illustis victoria victis an victori grandius attulerit emolumentum. nam & eiusdem gentis ad decies mille cum vxoribus & liberis in oram Flandriæ translatos compertum est, tamque fidam & strenuam inde Carolo & successoribus operam nauasse, ut in longinquas etiam expeditiones quini sextum emitterent, contra Sclauos bini tertium armaient, in Sorabos vniuersi bellum susciperent. & ut nunquam sine Sanctissimorum Præsulum ac Sacerdotum comitatu eorumque Spirituali panoplia bellum aliquod anceps adgressus est, ita eorundem disciplinis sub suauissimum Christi iugum missi ab effera barbarie ad eam mansuetudinem traducti sunt; ut pro vastitate & inimicitis omnia legum & pacis ornamenta colerent, vbi antea ferarum saltus, ibi tum conuentus hominum & ciuitates; vbi dæmonum atque idolorum delubra, ibi templa Dei, collegiaque Sacerdotum; vbi solitudines vastæ, ibi Cœnobia & Religiosorum hominum qui se ab mundi illecebris vltro dimouissent, domicilia constituerentur. atque ut videas Heroem illum verè Augustum, æquè Religione & Marte Magnum extitisse; istas in Carolini ensis capulo notas illius iussu expressas ferunt; D. P. C. C. A. D. C. quorum sententia est, Decem Præceptorum Castodem, Carolum

à Deo

à Deo constitutum fuisse. Quibus Religionis operibus tantam sibi gloriam peperit Carolus, vt Patres ad Synodum quoquouerſum euocati certatim in gratulationem euntes, nouis eum laudum præconiis honestarent: & qui Moguntiaci conuenerant, CHRISTIANISSIMUM cum veræ Religionis Rectorem, Sanctæq; DEI Ecclesiæ defensorem pronunciarunt; qui Remis congregati, PISSIMUM dixerunt; ab Arelatensibus Princeps & Imperator verè ORTHODOXVS confalutatus est: & hæc quidem ab Ecclesiarum Præſulibus; at vero à Deo O.M. tam luculentis eximie beneuolentiæ significationibus insignitus fuit, vr secundum Nathanis vaticinium, tot illustribus pace belloque factis 2. Reg. 7. nomen grande iuxta nomen Magnorum qui sunt in terra, consequeretur. Ottonem pari cognomento Carolo Magno parissimum nomen? ea virtute & felicitate, vt eum DEVS ad imperium Orbis terræ recuperandum genuisse, ea facilitate & moderatione, vt non tam Imperatorem quam Patronum quendam Christiano populo dedisse videretur: qui post Sedem Apostolicam armis vindicatam, post opem Italię fatiscenti magna dextera impensam, post Græcos in Calabria & Apulia profligatos, post Berengarium insolentem hæresiarcham repressum, cum par semper dedisset Religionis specimen & virtutis; ita omnium in se gentium animos in illo communi Orbis Christiani theatro convertit, vt quemadmodum antea regni à Græcis ad Germanos translati cunabula in Caroli Magni sinum: ita tunc eiusdem apud Germanicam Gentem stabilimenta, in Ottonis tutelam, vniuersa Italia secundissimis plausibus admurmurante, (obstreptentibus nequidquam nouis Sectariorum Scholis) Summi Pontificis arbitrium collocarit. Vides ergo,

SERENISSIME PRINCEPS, Germanos ab defenſa Religionẽ Imperatoriæ maiſtatis primordia duxiſſe, vt præclarè intelligamus, hoc auguſtiſſimi honoris ornamentum non vi vlla crudeliore, ſed ſincera potius erga Deum immortalem pietate, ſed Religionẽ, ſed iuſtitia partum, ſedem ſuam ex illo tempore in Germania ſtabilem collocaſſe. Verum nec illud præteribo, quod eloquentiſſimus

Laſſet. lib.

4. Inſt. c. 3.

Orator Laſſantius publicâ lucubratione diſertè conſignauit; Viſiſſe maiores noſtros, Religionem cum Sapientia indiſſolubili nexu cohærere; nec fieri poſſe; quin ſi quis hanc ab illa iniquo diuortio diremerit, contingat Religionem in ſuperſtitionẽ fædiſſima metamorphoſi, velut roſam in ſquillam degenerare. Vt enim natura ſapiens rerum architectatrix, non altero tantum, ſed

Cic. lib. 3.

de natura

Deorum.

duobus nos oculis res obiectas voluit intueri; tametſi idem vno fortasſe aſſequi valeremus, ideoquẽ gemina lucis receptacula in humano corpore ſolerti fabrefactione perforauit: ad eundem modum ciuitas quæpiam RELIGIONEM cumprimis, qua Deum purè, caſtequẽ colet; tum vero eam veri rectique Perſpicientiam, quæ reconditis in Artibus & multiplici rerum cognitione verſatur,

Plato in

Alcibiade.

tamquam oculos adhibebit, quibus falſum à vero, à deterioribus honeſta, & à noxiis vtilia ſecernantur; vt vniuerſim de RELIGIONE & DOCTRINA Ennianum illud haud inconcinne uſurpes

----- *alterius ſic*

Altera poſcit opem res, & coniuuat amicè.

Et omnino hinc intelligas, quam perperam imperiis ac ciuitatibus ij cõſulant, qui labefactatis Artium ingenuarum præſidiis, atque interiore cultu ſapientiæ ſemoto, rerum duntaxat vmbris, & inani quadam oſtentione contenti, nouam, ſi diis placer, luſcis Cyclopibus citra ſolidas doctriinarum diſciplinæ Academiam conderẽ adnitun-

nituntur. Aliam longè mentem eloquentissimum Præsulem Osorium & imbibisse, & ei, què instituendum suscepserat, Regi instillasse comperio, cùm illud inprimis *Osor. lib. 2. de Instit. Regi.* persuasum testatumque esse cupit, post RELIGIONEM Reip. constituendæ conferuandæque basin, omne decus atque salutem in SAPIENTIA consistere, eamque esse vel maximè, què mentem veris opibus illustrans, reliquis bonis scienter vti frui doceat: quare operâ Regi dandam, vt resp. etiam studio Philosophiæ florentissima euadat, vti quæ non comes ignauix & (quod Asophi nescio qui comminiscuntur) inertis ocii nutricula, sed vigilantix magistra, homines publicæ salutis cupiditate inardescere faciat, & tamquam saluberrima laborâtis reip. medicina, vniuersa morborû symptomata efficaci amuleto dispellat. Sanè Walfridum Strabonem in poëmate, quod Ludouici Pij Imperatoris Coniugi, Regiæ item proli, ceterisque Palatinis inscripsit & dicauit, ad illud Platonis in Alcibiade effatum, quo florentem imperii statum fore Principe Philosophante dixerat, ita memini verius fortasse, quam elegantius canentem allusisse;

*Nunc tandem creuit felix respublica, cum sat
Et Reges sapiunt simul & regnant sapientes.*

neq; hic contrita retexam eorum exempla, quos magnis cladibus imperia concussisse reperimus, quamprimum Regibus hæc Sapienciæ & Doctrinæ præsidia eripuerunt. An non Gothi Athalaricum, quem Amassunta præclaris dotibus femina liberaliter instituendû optimis Magistris in disciplinâ dediderat, à literis magno suo rei; publicæ damno abstraxere, quod hisce studiis in eo militare robur infringi, animumq; crederent effeminari? Quid Ludouicus xi. Galliarû Rex, is qui Alsariam nostram cæde quondam & populationib. sædissimè lacerauit: an non eius cõsiliij, quo Carolum Filium rudem literarum esse voluit, neq;

*Papirius
Massonius.*

neq; plus de Latina lingua quam hæc quina verba condi-
 scere; Qui nescit dissimulare, nescit regnare; infeli-
 cem & pænitendum successum, florentissimo Gallia re-
 gno haud multo post omnem in partem à paucis potēti-
 bus misere circumacto, deplorauit? dissimulemne, quod
 è Paccio Locensi regens Gallus historiographus de Lu-
 douico Simplicie memoriæ prodidit, qui cum nullas o-
 mnino literas didicisset, vbi Turonū aliquando venit, vi-
 ditque Fulconem Andegauensium Comitem in templi
 choro Sacerdotibus permixtum psallere, risum tenere
 non potuit. sed re comperta Fulco breues ad eum po-
 stea literas dedit, quarum summa erat; inter Regem in-
 doctum & asinum coronæ redimtum nihil omnino in-
 teresse. neq; his literis offensum aiunt Regem, sed quod
 bonarum Artium rudis esset, dolenter ingemuisset. Præ-
 clare igitur peruidisti, SERENISIME PRINCEPS, il-
 lud firmum expertæque soliditatis in rep. constituenda
 fundamentum esse, non quod Alpium prærupta & hor-
 rida vel naturæ vel artis ductu propugnacula exterarum
 gentium transgressionibus opponent, nec quod Occa-
 nus aduersus hostium insularum vicinitatem obicit;
 nec fossas, quas gurgitibus inundantes solers archistrate-
 gorum industria manibus circumducit; sed quod RE-
 LIGIONE, verique DEI cultu & SAPIENTIA nititur,
 quarum præsidio: si montes subsidissent, si exaruis-
 sent maria, si fossæ implerentur, si æquarentur solo vniuersa,
 adhuc tamen aduersus omnem vim hostilium machina-
 rum & inualescentes rerum humanarum procellas pro-
 bissimè munitam Te rep. habiturum opinaris. Vidisti
 etiam, si nexum hunc RELIGIONIS, & SAPIENTIAE
 dissolui nolumus, si vim & iniuriam volumus extingui,
 siciuium animis barbariem omnem atque feritatem eri-
 pi, si iudicia, iustitiam, leges, easque Artes, & instituta pie-
 tatis, quibus & res communis, & cætus hominum, & vr-
 bes

bes oppidaque continentur, retinere, si eas pestes pro virili profligare, quæ bonorum consensum, iuris æquitatem, fidei constantiam, belli ac fæderum leges, ciuium commoda, salutem & incolumitatem rerumpub. aut opprimere solent aut elidere; **ACADEMIAS** & bonarum Artium domicilia constituenda esse, vt in quibus & **RELIGIONIS**, quæ vinculum est rerumpub. regnorumque, & **DOCTRINÆ**, quæ instrumentum virtutis haberi solet, firmissima præsidia comparantur.

CAPVT II.

DOCTRINAM, QUÆ CONSVETA LL. ARTIVM ENCYCLOPAEDIA
*in ACADEMIIS traditur, sicut Reip. fir-
 mento; ita Religioni ornamento
 esse.*

SED iam nobis hucusque in accuratiorem ciuitatis ac reip. Christianæ quâ Religione, quâ Sapientiâ firmandæ curam incumbentibus, liceat, **SERENISSIME PRINCEPS**, alias quoque partes suscipere: vt cum Aristotele & optimis ciuitatis fundandæ magistris vtrumque hoc munimētum suis adminiculis fulciamus. Quod dum cogito, venit in mentem veteris illius sæculi, quod aureum Poëtæ dixerunt, felicissimum per se genus hominum iuxtaque sapientissimum producentis; quando in illis naturæ incunabulis, & quasi sincerioribus humanæ vitæ rudimentis, solâ virtute regnum ditionemque obtinente, sicut omnis illa scelerum vitiorumque colluuiis longissimè aberat; ita vltro ad virtutem honestatemque impellebantur: at postquam hic vigor consenescere, & velut ad occasum sol iste fulgentissimus declinare cœpit; mox ingenia mortalium ad peruersa delabi, vitiis malle;

*Plato de
 rep. Arist.
 in Politicis.*

B

quam

quam virtutibus oblectari, adeoque contra honestatem
armare sese; donec longo tandem usu in illarum locum
subirent

*----- fraudesq̃, doliq̃,
Insidiaq̃, & vis, & amor sceleratus habendi,*

Quæ turpissima malorū vorago iam in eo erat, vt totam
ferè hominū stirpem depasceretur; ni eadem illa vis na-
turæ & rationis, tamquam impendentis ruinæ præsentī
periculo expergescens receptui canens, in paucorū, id est,
doctorum hominum sese præsidium receperit. illi ergo
indicto vitiis bello, & animis hominū ab agresti more ad
omnem humanitatem reuocatis, aureum illud sæculum
per Philosophiam & cæterarū Artium, quas liberales di-
cimus, cognitionem, quasi postliminiō nobis recupera-
runt. Quarum Artium disciplinis literariæ iuuentuti pu-
blicas exedris tradendis, ACADEMIÆ, celeberrimæ cu-
iusq̃ reip. pars non minima, destinantur; vt sicut magnis
impendiis constitutæ, magnis iteni immunitatum præro-
gatiuis decoratæ sunt; ita ad illas, quasi ad communes in-
gentiarum Artium officinas, publica disciplinarum em-
poria, altrices ingeniorum Domos, cunctarum gentium
& nationum lumina, quibus studia excoluntur, acuuntur
ingenia, limatur doctrina; omnis ordinis ingeniosa indol-
es discendi gratiā comearet, resp. consilium quandoq̃; &
instructionem in grauissimis controuersiarum litibus ca-
peret: tum vero per easdem, viri eximiā suā eruditione
commodo atque vsui quandoque futuri, vbi bonam æta-
tis partem in iis obeundis contriuerint, velut per inaugu-
ratorium tribunal à vulgo secernerentur. vt rectè proin-
de R Gamalielem in Apophthegmatis Iudæorum, quæ
ipsi Pirke Auoth dicunt, pronunciaſſe censendum sit;
Qui Academiam multiplicat, eundem quoq̃; sa-
pientiam multiplicare. Enimuero qui animum suum
ita crudiunt, vt eliminatis Academicarum doctrinarum,
studis, sistāt nobis homines excultos peregrinationibus,
aliquantā item exoticarū linguarum cognitione perpoli-

*In Pirke
An. cap. 2.*

tos, & si placet, plasticæ, architecturæ, addo etiam, rei militaris vsu exercitos, quiq; gustū aliquem rarioris elegantix, multos homines & vrbes adeūdo, delibarint; illos demū obeundis iudiciis, sententiis pro Senatu dicendis, consiliisq; ad populum explicandis opportunos arbitrantur; næ ii non meā solius, sed omnium rectè sentientiū opinione grauissimè hallucinātur. Sicut enim optimū quemq; & reip. gubernaculis intentum moderatorē à prudentia consilioq; ita instructum esse oportet, vt sine hac libellā & lineā nullum illi opus ex animi sententiā processurum faciliè intelligam; ita per doctrinā, quæ ab eruditis **ACAMIA RV M** subsellis peti solet, rationis iudicium. & vim non modo formari atq; acui; sed, vt oculo lumen ab ære circumfuso, sic lucem quandam ab hac, in rerum agendarum fugiendarumq; dilectu, æstimo communicari. Quod certè tam vtile, tamq; necessarium vtriusq; commercium Menedemus Atheniensis Senator probè animaduertit, qui, referente apud Marc. Tull. Antonio, omnes germanæ prudentiæ, quæ politicam tractat, partes, à philosophia petendas asseruit, cum ea quæ in rep. de diis immortalibus, de disciplina iuuentutis, de iustitia, de patientia, de temperantia, de modo rerū omnium, de fide, de legib., de frangendis cupiditatib. & morib. hominum cōformandis statuenda essent, cæteraq; sine quibus ciuitates aut esse, aut bene moratæ esse nequeunt, hæc omnia penitus in media philosophia abdita retrusaq; comperiantur. Mancam itaque & mutilā ciuitati prudentiam relinquit, quisquis ab eius latere Philosophiā & veræ Sapiētię studium auellere nititur, eaq; bona in rep. malè diuidit, quę sine certissimo reip. detrimento non possunt separari. Quibus ita cōstitutis, si hominē quempiam plenū rationis & cōsiliij, atq; è paucis absolutū omnib. numeris virum rebus gerēdis maturum

*Arist. apud
Laertium.
I. Lips. no-
tat in c. 10.
Polit.
Cicer. 1. de
Oratore.*

*Arist. 3.
Ethic.*

desideras; nego talem vsquam terrarum reperiri, nisi ille ab inchoatæ literaturæ elementis exorsus, indeque per scholarum gradus prouectus Academicarû Artium cultura erudiat. quid enim? sit nobis puer naturæ bonitate & insitæ ingenuitatis indole, qualem Philosophus exigit, ad studia probè capeßenda factus; sit, qualem Flaccus volebat, ingenium cui sit, cui mens sincerior, atque os magna sonaturum; hic si vtilitatis publicæ, si grauissimorum virorum, si perfectionis suæ rationem habeat, dabit se primum in Grammaticorum gymnasia, vbi verba interpretari condiscat, eoque referat vniuersa, vt emendatè, purè, vt Latine loquatur, idque eò conabitur accuratius, quod in his quasi seminibus principia quædam magnorum fructuum delitescere pro comperto habeat: deinceps vero, hoc velut solo ac fundamento posito, adhuc in Musarum castris prætextatus gentium historias cognoscere, poëtas pertractare, totius antiquitatis longinquam memoriâ retexere, descriptiones temporum, ritus gentium, Sacrorum ac sacerdotum iura, nomina, officiaque, quæ domesticâ bellicâque disciplina retro lapsis sæculis viguerunt, replicare consueßet. tum vero vbi non doctrinâ minus, quam ætate iudicioque processerit, acrioribus literarum percipiendarum facibus incensus, maius quiddam audebit, & verba meditabitur, quibus non aptè solum, sed disertè, sed copiosè, sed eloquenter animi sensa depromens, in mentes hominum irrepit, restinguat iracundiam, eripiat metum, lætitiâ comprimat, ægritudinem abstergat, & diuersissimorum animi motuum quasi prudēs modimperator, mutatâ quoquo uersum, vbi opus erit, velificatione, abducat, reducatque Auditorem. Huic ergo sic ab vrbaniore literis egregiè comparato, vbi veri falsique disceptatrix affinis Oratoriæ disciplina accesserit, quâ latentia definiendo patefacere, obscura

obscura quæque explanare, distinguere ambigua, & quale quid sit, ratione indagare condiscat, indeq; in penitiora Physices adyta intromissus, si causas rerum obscurissimâ nocte retrusas solerter eruat, si aquarum fontes, fontium capita, multiplices orbium cælestium reuolutiones, tandemque patentissimum hoc vniuersi templum, quod omnem rerum naturam complexu suo tuctur, animo subeat, si denique animus ipse supra omnem oculi corporei facultatem, omnium quæ extra se fuerunt contemplator, interiore semetipsum obiectu sentientem, intelligẽtem, & vegetantem, & nihilo tamen minus æternum, ac suapte vi ab omni corporeæ molis impedimento separabilem, diuinarum mentium socium, Deoque ipsi quam simillimum cognoscat; incredibile est, quam solidâ suauique internæ mentis amœnitate perfruatur. Hunc talem, iam omnia quæ supera, media, quæque infima sunt, in aspectu collocantem, si animum vel ad ciuilem disciplinam adplicet, vel ad medicinam adpellat, an non hisce scientiis assequendis potiores illi partes præ illo deferemus, qui summa dumtaxat rerum ante recensitarum capita, decerpserit, quique de tam vasto disciplinarum Oceano, stilulas, vt sic loquar, aquæ guttatim, velut canis è Nilo degustarit? Quod si autem Sacrosanctæ Theologiæ & Sacrarum literarum apex, idemq; ille clarissimus omnium Scientiarum fulgor, tamquam Sol stellarum Princeps ac moderator sacundo pectori illuxerit, qui longè latèque vniuersa splendore suo irradians, quæ diu crassis circumfusa horrebant tenebris, in patentissimum meridiem producat, nonne hic noster Pancratiaista, tot tamque egregiis consilii & ingenii laboribus magnâ omnium approbatione perfunctus, nec tam clypeo, quam veritatis caduceo insignitè obarmatus, comite ac duce Diua THEOLOGIA, vel inter medios hostiũ cuneos deprehensus, quidquid aut maleuolentissimorum hominum fraudes, aut pesti-

pestiferarum hereseon amentata tela, aut turpissimorum
 scelerum oppositę tures obiecerint, contemnens, refrin-
 get impetum, comprimet audaciam, conatus retundet?
 huius consiliis resp. tam belli, quam pacis Artibus egregię
 efflorescet? ipse interea nihil sibi, nihil viribus suis arro-
 gabit; sed cum omnia vni Deo adscribet, tum vero se o-
 mnium administrum, & quasi stipendiarium curatorem,
 agnoscet. neque enim velim hunc, quem tamquam per-
 fectum Academicum proponimus, esse aut eloquentiā
 inflatum, aut elatum scientiā, aut peccati cuiusquam su-
 spicione, nedum labe corruptum; vti qui fuerat ab pri-
 mæuā in Lyceum ingressione vnā cum literis ad pietatē,
 ad religionem, ad sanctos mores imbuendus; vt ex omni-
 bus, quę pro scholis disceret, præclaram illam combibe-
 ret Dei consuetudinem, quā in turpem & criminum sor-
 dibus lutulentam animam purissimum illum diuinę Sa-
 pientiæ liquorem influere non consueffet. Exposui, quā
 licuit, exactam summi illius viri normam, quem à primo
 tyrocinio egregiis Academię disciplinis accepimus insti-
 tuendum. ad quod exemplū non minore doctrinā quam
 sanctitate Augustinus magni & perfecti Theologi specię,
 se ipsum nescius viuis colorib. expingens, eum principio
 quidem copiosa politiorum literarum cognitione imbu-
 tum, tum nullo ex illis fastu tumidū, sed modestia potius
 atque animi demissione insignem; deinde toto pectore
 sacris literis ad operam fructuosius quandoque reip. na-
 uandam deditum efformabat, quem non vercor, ne quis-
 quam eius Oratoris similem esse suspicetur, quem se nun-
 quam vidisse, sed neque se visurum fuisse apud Ciceronē
 Antonius palam cōtestatur; aut Xenophontei Cyri non
 ad fidem historię, sed ad iusti Regis effigiem conscripti.
 extiterunt enim, vt cādide, quod sentio, eloquar, in omni
 semper ætate ex Academiis hactenus institutis, è quibus
 etiamnum vel ex hoc ipso confessu, quę summa Dei be-
 nignitas

Cicero in
 Orat.

nignitas est, proferri possent, nisi notus modestiæ pudor obstaret, viua, hodieque spirantia eorum exempla, qui eximia doctrina, magna pietate, egregia fide viri, sicut diuinam hanc felicitatem ab Deo Domino sunt consecuti, ita Societati nostræ animos addunt, nosque vniuersos quotquot hoc loci degimus, vnà tecū SERENISSIME PRINCEPS, benè sperare ac confidere iubent, vt si non omnes ad tam excellens in omnigena variarum rerum eruditione percipienda fastigium, at certè ad id, quod in omni genere cuiq; accommodatissimum est, prouehere, tora quoad possumus, animorum contentione sinus adlaboraturi. Quorus quisq; iam mihi nō assentitur, talem quotidianis literariæ palæstræ exercitamentis egregiè iactatum probatumq;, in rep. moderanda pupis illis longe anteponendum, qui vix negotiationē literariam ingressi, aut ad cænam doctrinarum inuitati, iā saturos sese clamāt, quodq; magnus sui nominis Chrysostomus puerilis ingenij effecē fuit, putidè apud suos ratiocinati, nihil philosophiæ sàlebras ad SS. Theologiæ templa; vel ad Iurisprudentiæ arcana prodesse; vix dum contactis Academiæ vestibulis perinde agunt, quasi iam scientiarum colophonem pertigissent. domum interim reducēs, non tam Doctores Artium & Iurium, quam patrimoniorum decoctores, si ius populis dicendum, si dandum consiliū, si sententia in comitijs explicanda, pro laude & plausu sapenumerè, vti simia in fabulis, largam reportant messem cachiinorum. Sed his iam præteritis de RELIGIONIS per disciplinas Academicas ornamento maximè omnium necessario vel pauxillulum agamus. Quid hic morer SERENISSIME PRINCEPS? cur in Ecclesia vetere tam exacta diuinorum voluminum tum conseruandorum tum elucubratorum cura? cur de Philosophorum quorumpiam & Oratorū ad Christi fidē accessione tantę quondā Christianorum gratulationes? cur de indoctis ab Sacrorū Ordinū

aditu

aditu arcendis tot Conciliorum leges grauissimæ? cur in Amplissimis Canonicorum Collegiis de annis aliquot in Vniuersitate ponendis tot maiorum sanctiones? cur in Religiosorum Asceteriis de diuinis literis explanandis tam seriæ Prouincialium & Oecumenicarum Synodorum cohortationes? videlicet in liberali & erudita laudatissimarum Artium perceptione RELIGIONIS nostræ gardo vertitur, per eam hæresum tenebræ deteguntur, prauarum mentium stolones extirpantur, vitiōū omnium sordes deterguntur, & in quo sunt omnia, respub. benè ritèque administrantur. Exhinc cum in prisca illa Christianitatis tempora mentis aciem intendo, non possum prætermittere, quin optimos illos Principes vel indiculo recensēam, qui cum belli magis, quam pacis artes id temporis martiales tractarent, nec tamen Religio & Sapientia longè ab iis abessent; viros pietate & scientiis instructissimos palatiis suis innutrierunt; quibus domestica, militiam Palatinam, cancellorum decus, arcana sua, responsaque tutissimè concrederent; vt eorum & eruditio consiliis suis auctoritatem, & RELIGIONIS tuendæ studium tutelam reipub. adferret. Sanè qui florentissimi Francorum Imperij res præclaras memoria repetunt, illorum palatia non tam ciuiliū hominū aulas, quam Gymnasia Sacerdotum, & sanctissimorum Præfulum fuisse meminerunt. Producamne Cunibertos, Modoaldos, Eligios, Arnulphos, qui Clotharij & Dagoberti Filij Galliarum, atque Austrasiæ instauratorum palatia non integritate solum, vitæque innocentia; sed iustitiæ, religionis, & prudentiæ grauitate exornarunt? Dicamne in Caroli Martelli Bellicosi Regis aulâ Bonifacios, Hildulphos, Willibrordos, cælestis sapientiæ & exempli, morisque prisçi seueritate illustrissimos Præfules? Laudemne nunquam, satis laudandum Carolum Magnum, quem maiorum literę inter Pontifices & DEI Sacerdotes assiduè commoran-

tem

tē domi, foris, pace, bello, sine hoc clauo, & gubernationis Ecclesiasticæ disciplina nusquam aut vela dedisse in altum, aut reipub. nauem cuiquam commisisse prodiderunt. Longum sit ire, post fasces imperij in Saxonum stirpem inclinantes, ad Heribertos, Brunones, Vdalricos, Ottones, Bernvvardos, Hosios, Socolouios, Antistites sanctitate iuxta & eruditione notissimos, qui Ottones, Henricos, Lutulos, Fridericos, Sigismundos, Stephanos, aliosque imperij regniq̃ue Procures ita publicorum consiliorum moderamine direxerunt, vt nihil ab iis admitti paterentur, quod à regia dignitate, id est, à iustitia, ab auita religione, à sincera pietate abhorreret. Ac ne antiqua solum tabularia excutere videamur; quis non Carolum V. Augustum Tui sanguinis Cæsarem, dignam Augusto, dignam domo Austria vocem emisisse laudauit; qui posteaquam Ioannem Roffensem Patrum purpuratorum decus, & Thomam Morum regni Cancellarium, Anglicani Regis furore, pietatis & innocentie suæ reos, nefarie contrucidatos inaudiit; Ego vero, inquebat, si meis in regnis eiusmodi duo lumina nactus fuissē, quamcunq̃ munitissimam mihi præ illis ciuitatem auferri paterer; nedum vt iniquè oppressos tolli è medio iuberem. intelligebat videlicet sapientissimus iuxta & bellicosissimus Imperator, quod olim Darium Persarum Regem huic panè gemellum dixisse meminimus; malle vnum se in regno Zopyrum habere, qui Regem consilio prudentiaque regeret, quàm decem Babilonibus potiri; quod talium virorum autoritate ductuque & regia potestas, & amplitudo imperij, & magistratuum incolumitas, leges, mos maiorum, res militaris, sacra, profanaque iura contineantur. Hoc ergo ampliorē se Tibi, SERENISSIME ARCHIDVX, & venerationem

*Zenocarus
in vita Caroli V.*

tionem vt Principi, & laudem vt Tutori, & amorem vt Parenti, Alsatæ Tui, qua sunt insita humanitatis indole, profitebuntur, quod, vt illis in Religione orthodoxa constantissimè retinendis adderes perpetuitatem, ACADEMIAM hanc intra ipsa Patriæ viscera constitui decreuisti, vbi in carissimorum parentum complexu floridior ætas adolefcentum, illam humanitatis & Philosophiæ peritiam cum SS. Theologia pulcerrimo fœdere copularet; deinde vero ad maturitatem prouecta, cōsilio, industriaque sua id ageret, vt, quod ille inter aurea Christiani populi sæcula commendabat, reuerentia Religioni, dignitas pudori, honor virtuti, caritas patriæ ab omnibus æquè impenderetur.

CAPVT III.

ACADEMIAS CIVITATI-

BVS QVIBVS CONDITAE SVNT,

eximium semper splendorem, sæpe etiam incrementum attulisse.

NE vero Academiæ atque Gymnasiorum amplitudinem sola vtilitate, quod vulgus solet, metiri videamur, istud etiam exequendum duxi, Academiæ in decus, gloriam, & immortalitatem non eorum tantum, qui iis excoluntur, sed vniuersarum etiam ciuitatum rerumque publicarum conspirare. Certè cum è duobus alterna rerum pub. tempora esse soleant, pacis aut belli; quod pacis ornamentum augustius, quod solidius firmamentum, quam earum Artium sedes & domicilia, quarum cognitione (vt ille canit) pectora mollescunt, asperitasque fugit? at quid formidolosos armatorum hostium impetus frangere, generis claritatem conciliare, vrbium decora firmitus tueri potest, quam bellica fortitudo? nimirum, quod in suarum Institutionum vestibulo Iustinianum Imp. & sanctissimum Francorum Regem Ludo-

Ludouicum dicere solitos accepimus, ea verè florens ac beata Resp. est, in qua cum bellicarum rerum gloria, diuinarum humanarumque rerum cognitio efflorescit. Quod veteres vt significarent, eandē opinor Mineruam, quam disciplinarum Præsidem statuebant, & casside armatam, & instructam libris esse finxerunt; vt quod in vna Dea expingebant, id in vna Rep. optimè confociari docerent. Verumenimvero dabis, vt i confido, SERENISSIME PRINCEPS, hanc veniam Musis togisque nostris, quæ pacem inferre & colere, atque ad hanc alios hortari consueuerunt, vt in hac cōferta humanissimorum hominum Corona martios omnes tumultus silentio conspeliā, & ad lectissimā pacis gemmam, qua, Tulliano elogio, non ij modo quibus natura sensum dedit, sed testā etiam ipsā atq; agri lætari videntur; cōuertero dictionem. Hac igitur principatum obtinente, dum per varios recentis veterisq; memoriæ & celeberrimarum orbis partium annales animum circumduco; vna quasi voce atq; consensu, nobilissimas quasque ciuitates immortalis nominis fama, hominum vndequaq; affluentium concursu, amplissimis opibus, & quod caput est, virtute, sapientia, & religione per Academias potissimum effloruisse loquuntur. Etenim vti ea cælorum pars ornatissima, in qua maior astrorum collucentium multitudo visitur; ita ea terrarum laudatissima portio habenda, in qua maior eruditiorum hominum, qui in Sacris iuxta & profanis tabulis Iūci, Soli, stellis conferri solent, frequentia reperitur. Mira quondam & magna eademque doctissimorum hominum encomiis vulgatissima Athenarum monumenta fuerunt. quis enim Atheniensium classes, quis populosam multitudinem, quis affluentissimas opes, ædium & palatiorum amplitudinem quis non audiuit? nihil tamen illis tantum splendoris comparauit, quantum, quod eruditissimis hominibus liberalibusq; studiis affluerent,

quod mortalium iudicio sapientissimos Socrates, diuinos
 Platones, Philosophorum Principes Aristoteles, quod di-
 cendi magistros Isocrates, eloquentiæ Reges geniosque
 Demosthenes, quod ceteram illam Philotophorum at-
 que Oratorum familiam alerent, qui omnia illustrium
 doctrinarum genera certis Academiæ, Lyceorum,
 Stoarum, Gymnasiorum domiciliis profitebantur. Nisi
 vero tam sumus veteris historiæ rudes, ut paucas Vrbes
 toto terrarum orbe iisdem planè temporibus, pulcritu-
 dine insignes, magnitudine florentes, adeoque ipsis Athe-
 nis, si alia omnia spectemus, longè anteponendas existisse
 opinemur; Memphim, Carthaginem, Alexandriam in A-
 frica, Romam, Augustodunum, Treuiros in Europa, Ec-
 batanam, Tauros, Babilonem in Asia, pulcerrimas iuxta
 opulentissimasque ciuitates, quæ tamen, quod istis stu-
 diorum ornamentis, Doctorum hominum copia, & pu-
 blicis Academicarum Artium exedris desituerentur, præ
 illis subobscuræ manserunt. certè illas ipsas, quas collau-
 dauit Athenas, iam tum licet pristini decoris honorisque
 expertes, suspiciebat tamen apud Marc. Tullium Atticus,
 non tam opibus earum magnificis, exquisitisq; antiquo-
 rum operum monumentis delectatus, quam recordatio-
 ne clarissimorum virorum; cum ubi quisque habitare,
 ubi sedere, ubi disputare consuesset, studiosius indagaret.
 Quid Romæ terrarum Domina, orbis & Urbium Regina
 celebrius? Illa, ut Nicetas loquitur, illustrissima omnium
 regionum & Prouinciarum Princeps, ut Chrysostomus
 appellauit, totius Orbis metropolis, quam Cyrus Mona-
 chus nunquam senescentem, semper floridam, & terra-
 rum Phanicem, alij omnium gentium arcem, matrem
 populorum, augustum imperij domicilium, magnarum
 Urbium caput prædicant; quæque (ut ipsa semet quo-
 dam lenitate designauit)

*Cic lib. 2.
 de legib. &
 lib. 5. de fi-
 nibus.*

Fuit

----- Fuit quondam toto celeberrima mundo,

Marte, firu, ingenio, nobilitate potens.

*Andr. Fr.
fius in Epi-
gramm.*

*Hieron. ep.
ad Pauli-
num.*

& tamen, magno Hieronymo Stridonensi teste, ad T. Li-
tium lacteo eloquentiæ fonte manantem audiendum
de extremis Hispaniarum Galliarumque finibus venisse le-
gimus, & quos ad sui cōtemplationem Roma non traxe-
rat, vniuseruditi hominis fama perduxit. Quid Byzan-
tium loquar? quam Constantinus Magnus, Matre Hele-
na Augusta rebus humanis erepta, cum imperio Occidē-
tali relicto maiestatem decusq; provinciarum in Orien-
tem transferre satageret, & ceu alteram Romam omni-
bus iusti imperij ornamentis afficere statuisset, post vastis-
sima spacia, quæ immensis opibus impensisque in eam
rem comparatis, mænibus vallarat, tum priuatis tum pu-
blicis ædificiis occupata, post tot deductas superba vi-
rium ostentatione colonias, post Augusti sui nominis ap-
pellationem illi impertitam; nunquam tamen eam illi
celebritatem comparauit, quam consequentibus annis
legū consultissimus Imperator Iustinianus inuexit, cum
primum Iuri dicundo docendoque publicum ibidem
emporium ingenti præmiorum, honorum, & vacatio-
num specie catissimis Legum Professoribus, vnaque audito-
ribus proposita collocasset. Tunc enim Constantinopo-
lis ob Clarissimorum Doctorum celebritatem, incredibili
studiosorum vndeque affluentum copiam, fama
longinquas regiones longè lateque peruadente, per mul-
tas deinceps ætates studiorum altrix atque domina, & vt
Fridericus Augustus posteris sæculis scripsit, Liberalium
A. A. ex vniuersa Græcia eo confugientum quasi com-
mune asylum audiuit. Parisiorum vero Lutetiam quis
orbis angulus ignorat? quis eam non prædicat? non ad-
miratur? at illi hoc vnde? quod augustissimū ibi Regum
Franciæ palatium? quod multa Palatinorum nobilitas?

*Epist. ad
Nicol. P. P.*



quod ædificia vel ingenio vel effectu admiranda? quod munitissima propugnacula? quod murorum ab ima fossa eductorum stupendi ambitus? sunt hæc Parisiis sanè omnia: non eam tamen, quæ de vrbe illa est omnibus terrarum oris admirabilitatem commouerunt; sed fecit hoc eorum, qui ex quo tempore Carolus vere Magnus ex Romana Academia Coloniam illuc duxit, iuuentuti disciplinis liberaliter instituendæ præfuerunt, præclara doctrina, egregia partim dicendi partim docendi facultas, acerrimum in literarum progressu prouehendo studium, exquisita eruditio cum integritate vitæ honorumq; dignitate coniuncta. Et vero non amplissimis modò Europæ urbibus, quas iam memorauimus; sed in minorū etiam Gentium oppidis hanc tam insignem publici splendoris accessionem ex Academicarum domiciliis manasse videmus. Quid olim apud vicinos Austrasios Mussipontum? quid apud Vindelicios Dilinga? erat nimirum vtraque ædium paucitate pertenuis, mænium ambitu perexilis, opibus non ditissima; nominè vero & celebritate adeoque insigni suo incremento vtraque, postquam Academicæ optimarum Artium officinæ ab fortunatissimis Principibus institutæ sunt, quam celebris, quam florens, quam multorum hominum sermonibus peruulgata? Quid, quod grauis cum paucis autor Petrus Tolosæ, erudito de Rep. volumine, sua tempestate oppidula narrat extitisse in nostra maxime Germania, ante Generaliū, vt vocat, studiorum plantationem adeo obscura, vt Geographi nullo ea loco in tabulis cosmographicis dignarentur: quæ tamen postea ex Doctorum hominum & studiosorum affluxu, ita opibus & dignitate excreuerunt, vt etiam cum primariis regni ciuitatibus conferrentur, & vero haud vulgarem illis ipsæ gloriam conciliarent? Habent hoc nimirum

*Pet. Tolos.
libr. 18. de
repub. s. 6.*

tum literæ, vt non eorum solum, à quibus penetrantur, sed earum etiam vrbiũ, à quibus sede atque hospitio accipiuntur, dignitatem quamplurimum augeant; vt tametsi illa, situ atque amplitudine ædificiorum, illa, mæniorum atque turrium pulcritudine, illa, palatiorum infanis substructionibus nobilitata descriptio absit; Gymnasiorum tamen atque ingeniorum culturâ speciem quandam accipiant illustriorem. Desinant itaque nunc Græci suas nobis Athenas inani prædicatione iactare, desinant Thraces, desinant alij suas quondam florentissimas vrbes obtrudere, quas tamen nullius perinde rei, quam literarum ope ad eam dignitatem euasisse fateri debent; Alsariam intueantur, Molsheimium lustrent, vbi non iam solum Grammaticorum Scholæ nihil non peruium habent, non Poëtarum musea comædiis, epigrammatis, & iustis heroicorum facinorum poëmatibus perstreperent, nec Rhetorum Gymnasia præceptis, declamationibus, & perpetuis styli vtriusque lingua exercitationibus fulminabunt: Sed iam etiam Dialecticorum acumine, tum Sophistarum nodis æquabitur Gordias, naturalium rerum perspicacitate & cultura morum Aristoteles, Arithmeticæ numeris Euclides, Astrologiæ speculatione Anaximander, Geometrarum mensuris Ptolemæus. quod si ad diuiniora quoque subsellia quis adspiret, iam Sacrosancti diuinorum decretorum Codices, iam Angelici Doctoris tripartita volumina, iam Hebræa Chaldaëaque lingua suis indagata radicibus personabunt. Neque erit, quod eorum quispiam, qui hanc Tuam Academiam, SERENISSIME PRINCEPS, limis aut liuentibus oculis intuentur, obtrectandi prurigne argutetur, eam ab Augusta domo augustiore loco conditam oportuisse; cum in vicis etiam murorum ambitu & portarum muni-

munimento nudatis magnifica Gymnasiorum domicilia sedem fixisse reperiamus. Videntur enim mihi zoili isti non in doctrinarum excellentia, eximiis Auditorum ingeniis, nobilissimarum Artium perceptione; sed in locorum amantibus, in hospitiorū & cauponarum lautitiis, uti quorum animus in patinis magis, quam in palæstris habitat, Academicam gloriam collocare. quorum alterum in celeberrimis atque amplissimis ciuitatibus procliuius fere sit optare, quam assequi, alterum in pago etiam & villa sit reperire. Quamquam si tanta illos eius, quæ ex loco affluit, celebritatis cura remorderet, bono illos animo esse iubeo; idque non vanis ominibus auguror, fore, ut posteaquam hæc secuturis annis ACADEMIA MOLSHÊMICA solitis nixa firmamenti inualuerit, nihil eorum quæ florētissimis terrarum vrbibus vigere cernimus, exterorum etiam commodorum, pro Academicis nostris in Vrbe Molshemensi sint desideraturi: ut quod laudi esse apud probatissimum quemq; solet, illud etiam de Archiducali Tua Academia, non è loco accepisse, sed illi potius in signe ornamentum attulisse, prædiceretur.

CAPUT IV.

ACADEMIARVM PRIMOR-

DIA, IVRA, ET HONORVM INSP-

*gnia; eaq; ad profectum Academico-
rum plurimum momenti
adferre.*

HAc ergo tam præstanti nobilitate, quam Academia Ciuitatibus iis, quibus positæ sunt, conciliare solent, asserta vindicataque; quod veterum historiarum scriptores fecisse animaduerto, ut in primigenias illustrium familiarum origines, prosapiarum capita, clypeos,

peos, colores, & heroa Maiorum, si quæ ad posteritatis
 memoriam facinora patrarunt, curiosius an ambiciosius
 inquirant; idem mihi hoc loci in primis Academiarum
 fontibus, è quibus tot tantaque in vniuersum Orbem
 Christianum ornamenta profluxerunt, hodièque peren-
 niter promanant, inuestigandis faciundum putauì. Neq;
 enim vereor, si vetustissimarum Academiarum aborigi-
 nes collaudaro, fore, vt tantillum de nostræ huius iam re-
 cens nascentis gloriâ decerpatur; non magis, quam cum
 ex nobilissimâ arbore traducem, vel ex vberissimo limpi-
 dissimoque fonte nouellam scatebram, vel ex illustri stir-
 pe aliam prolem sobolescere videmus. Ergo Athenis stu-
 diorum culturâ celeberrimis, quas idcirco Pindarus cul-
 men orbis & firmanentum, alij totius Græciæ musæum,
 Græcorum Vestam & Prytaneum Pythius, Liberalium
 Artium mercatum M. Tullius indigitauit, primam sibi
 sedem ACADEMIA defixit. Vbi sicut Stoici à Stoâ,
 quod in porticu cum suis Zeno sectæ suæ Princeps philo-
 sopharetur, & Lyceum, locus iisdem propinquus, in quo
 cum Peripateticis Aristoteles regnû obtinebat: ita Laër-
 tio testante, ex quo diuinus Plato Socraticis prius
 institutis apprimè ipsos xx annos formatus, Megaram
 deinde ad Euclidem, hinc longis itineribus Cyrenem pro-
 fectus ad Theodorum Mathematicum, exinde in Italiam
 ad Philolaum Pythagoricum, tandem ad Sacerdotes in
 Ægyptum, & ab Ægypto denique Athenas regressus, lo-
 cum in suburbano nemorosum egregiâ Clarissimi He-
 rois ACADEMI beneficentiâ Platoniciæ philosophiæ da-
 rum dicatûmque palam docendo illustrauit, sicut disci-
 pulis tum grati animi, tum honoris ergo Academico-
 rum, ita Gymnasio ACADEMIÆ vocabulum imposuit.
 Itaq; quemadmodum principio in vnâ vrbiũ Vrbe, ab
 Toli in arce Tarpeia refossi atque euoluti capite, Capito-
 lium fuit appellatum; aliubi tamen, vt Constantinopoli,

*Tol. san. li.
 18. de re-
 publ. cap. 6.
 Diogen.
 Laert. in
 Platone.*

D

Cartha-

Carthagine, Rauennæ, Capuæ, Tolosæ, nec non celeberrimis coloniarum ciuitatibus, augustiora quælibet idolorum delubra, quibus Deorū statuæ magnā superstitionis improbitate locabantur, eandem illis Capitolij nuncupationem arrogasse, tum testes sunt locupletissimi, tum illud cumprimis argumento est, quod grauissimis decretis, olim Christianis vetitum legimus, ne vsquam terrarum Capitoliū Sacrificandi causā conscenderent: ad eundem modum Academia, ducto ab Platone initio, colonique in alias Vrbes laudat. *ssimorum Principum voluntate inductā, simul cum re Academicæ notitiam transmissit.* Cæterum cum parentum æuo certa duntaxat disciplinæ iis vrbibus, quibus hoc beneficij Principes inducerant, excolerentur; cœpere tandem D. Caroli Magni temporibus ea Gymnasia excitari, quæ, quod in iis vniuersa liberalium Scientiarum exercitamenta proponerentur, VNIVERSITATES vocabantur. Vt enim mundus iste adspectabilis, quod ambitu suo rerum tam sublunarium quam ætherearum omnigenam varietatem comprehendat, Platoni & Aristoteli τὸ πᾶν, id est, Vniuersitas dicitur; ita Scholę, in quibus ille laudatarum Artium orbis, quem, teste Fabio, ἐμπολυτεχνία Græci dicunt, euoluatur, Vniuersitates (aliàs studia generalia) meritò appellari cœperunt. Cum autem magno illo Sapientiæ Magistro attestante, omnes ad ea studia inflammentur, eaque frequentent, quæ in honore sunt (quis enim virtutem amplectitur ipsam, præmia si tollas?) hinc amantissimi rerum publ. Principes non ipsos modò Professores Academicos eximiis honorum titulis atque ornamentis, amplissimis muneribus, largissimis annonarum stipendiis honorificentissimè cumularunt, (quod in Vespasiano, M. Antonino, Augusto Cæsare, Athalarico, Constantino, veter-

*Plat. o dial.
9. de R. pub.*

*lib 2. Capi.
cap 5.*

*I. vnica de
Prof. ff. Al
ciat lib. 6.
Paterg. lu
in cap 27.
Castrod. l. 1.
var. ep. 21.*

veterum monumentis proditum est) verum etiam Au- *L. Medicos*
 ditores, quò promptius ad tam necessaria reipubl. con- *§ Sive Pro-*
 seruandæ tuendæque præsidia conuolarent, velut pecu- *fessoribus*
 liaria totius corporis membra exemptos omni terrena *& Medicis.*
 Principum potestate, & vulgatissimis Clericorum im-
 munitatibus dotatos, aliis etiam prærogatiuis munifi-
 centissimè decorarunt. Quarum exemptionum non-
 Principum liberalitate duntaxat, sed etiam primæ Sedis
 autoritate sancitarum, cum ad octoginta supra centum
 capita Petrus Rebuffus doctus inprimis autor percen-
 scat, ne actum agere videar, adtexere superfedebo. illud
 tantum; optimo has iis iure collatas videri. Sunt enim
 ipsa literarum studia (quod Sigismundus Augustus pru-
 denter aduertit) propter eminentem quandam excellen-
 tiam, qua singulari Dei munere in orbem terrarum in-
 uecta fuerunt, omnibus honorum officiis honestanda;
 vt veterum memoria hominibus non, exteris tantum,
 sed distortis etiam & morborum tabo deformibus, lite-
 ratura tamen tinctis, velut stibio quouis & cerussa for-
 mosioribus, (quod in Democulo & Homero cæcis, Tyr-
 tæo claudis, gibboso atque infirmi Æsopo, lippiente
 Horatio, epileptico Plotino, grauecolente Euripide vidi-
 mus;) singulares nihilo secius honorum prærogatiuas tum
 populum, tum vero etiam Principes detulisse accipia-
 mus. Et quis est tam ab omni humanitate alienus, qui
 non eos qualibet fauoris dignatione demerendos arbi-
 tretur, quos amore scientiarum patria extorres, iis commo-
 ditatibus quibus intra domesticum larem perfruerentur,
 vltro sibi interdixisse, eoque consilio ad exterarum oras pro-
 fectos videt, vt comparatis demum literarum præsidiiis
 reduces non tam sibi olim, quam reipubl. commodarent?
 si enim maiores nostri (quod in Germanis nostris doctis-
 simus Cæsar laudi duxit) tantam hospitum, & quauis
Cæsar. lib.
6. comm.

*lib. 5. de Le-
gib.*

etiam ex causſa peregrinorum curam habendam puta-
runt, vt Platonis decreto hoc ſolo, quod hoſpites ſint, ma-
iorem apud Deos iuxta & homines miſerationem pro-
mercantur; Ac Pythagora aſſerente, ſi boni præſertim pro-
bique ſint, cognatis etiam & ciuibus anteponendi; vt id-
circo etiam vulgo Iouem hoſpitalem ceu vindicem tu-
toremque eorum conſtituerint; qua non beneuolentia
eos deuincimus, qui ſtudioſorum gratia longe ab cognatis
amicisq; ſegregati voluntarium ſibi quadantenus cariſ-
ſimæ patriæ exilium indixerunt? vbi inter ignotos, ſæpe-
numero etiam incultos & barbaros cōmorantes, ſi mor-
bo vexentur, ſi fortunarum viriumque iacturam perfe-
rant, eadem ferè, quæ grauiffimis caſibus alienigenas
perpeti ſolemne eſt, incommoda experiuntur. quid labo-
res dicam incredibiles in diſciplinæ perceptione ex-
antlandos, intempeſtiuas vigilias, parcum victum, non in-
terruptas animi contentiones, quibus, vt graphicè in ſe-
metipſo Baſilius Magnus expingit, & corporis robur atte-
ritur, & ante annos conſeſcunt, cum eorum aſiduitate
pituita, defluxiones, ophthalmia, cæteraque id genus mo-
leſtiſſima corporū mala generentur: vt è veteribus opti-
marum A. A. Deam Mineruam idcirco dictam multi ve-
lint, quod animi meditationes lucubrationesque conti-
nuatæ neruos imminuant, & corporis vires incendant.
Mitto, quod optimarum legum conditores hæc Academia
prærogatiuas ita ſcholæſticorum proprias eſſe vo-
luerint, vt, Horatio Lutio referente, ſiquis vagus ſit, ſi ho-
neſtè non viuatur, ſi non frequentet Gymnaſium, ſi riſu, io-
cis, maleuolentia comilitones turbet, ſi alcas, luſus veti-
tos, ſympoſia, cæteraque de genere eodem ſeria ſua du-
cat, ſi Rectori Academico, ſi Decano, ſi Moderatoribus
obſequi tergiuerſetur, continuo velut de gener omni præ-
rogatiua excidat, quæ res eoſdem officio non deſſe & mi-
litum inſtar in vigili ſemper ſtatione perſiſtere compellit.

Sed

*In ſine tra-
ctat. de pri-
uileg. Scho-
laſticor.*

Sed iam etiam nonnihil honores Academicos exacto disciplinarum curriculo rude donatis impartiri solitos attingamus. Atque ut rem aliquanto altius repetam; est hoc, fuitque semper in omni bene sapienterque constituta rep. naturæ ductu receptum, ut quemadmodum improbis poena, fœcordibus obscuritas & infamia, sic probis præmia, diligentibus splendor, gloria, ceteraque virtutum insignia constituerentur. Quare, ut rectè sapientum Græciæ Princeps Solon illam aiebat verè florentē ac beatam fore tempus. in qua viri boni præmio & honore dignarentur; ita calculo Antisthenis, deterrima earum ciuitatum ratio est, in qua nullum bonorum & malorum est discrimen. Etenim cum præclara omnia, ut est in vetere prouerbio; difficilia sint, & iuxta notissimos Hesiodi versus, altissimarum rerum cognitio in excelsis quodam prærupti montis fastigio collocetur; quid est quod hominum animos ad omnes scholastici pulueris difficultates toleranter excipendas, ad labores literarios magna animi æquitate exsorbendos inflammare tantopere possit, quantopere gloria non illa quidem inanis & fucata; sed vera & grauissimorum hominum testificatione confirmata? Enimvero hæc secundum Xenophontem Cambisem labores quam leuissimos efficit, secundum Iulium Celsum IC^{um}. ad virtutem exsuscitat, secundum Aristotelem Philosophum rectè agendi duplicat voluntatem, secundum M. Tullium Oratorem bonas artes alit, secundum Poëtam denique immensum subdit calcar ad benè rectèque agendum. Quando igitur cunque virtutis alicuius copiam in rep. excitare visum fuit, nulla vel opportunior inueniri, vel ad moueri efficacior ratio potuit, quam si palmæ, lauri, coronæ, decoraque publica expertæ probatæque industriæ argumenta proponerentur. Itaque dum non vnius hominis, sed totius orbis ea de re testimonium exquiro, dum antiq̃uitatis tabulas & summorum Principum calculos excu-

*Nicol. Tri-
gaut. in ex-
ped. Chi-
nensi.*

tio, sapientissimos quosque rerumpubl. Gubernatores partim vsu experiētiāque, partim insitā diuinitus ratione bonarum Artium procreatrices Scientias hoc velut aperto honestatis pabulo fouisse, palamque omnibus commendasse animaduerto; vt certis quibusdam insignibus, quasi Sapientiæ paludamentis, tum solemnibus honorum titulis eos condecorarent, qui bonam temporis partem sub præstantissimis Academiarum Doctoribus eiusdem studio fructuosè posuissent. atque vt ab iis, qui alio à nobis orbe dissident, incipiam; an non hodie apud Sinas, gentem Christiana quidem philosophia necdum de integro collustratam; sed cultissimam tamen, & vel natura indice literarum studiis addictissimam, Nicolao Trigautio teste oculato, terni Literatorum Ordines, (quos Mandarinos dicunt, è quibus si non Reges, certè Regum Moderatores seliguntur) destinati sunt? quorum primo imoque Siecai, (is nostro respondet Bacca' aureatui) triplici examine magno sane rigore præmisso, ab regni, vt nostro more loquar, Cancellario in amplissimo totius prouinciæ procerum confessu, talaris toga, pileus item atque ocreæ peculiaria dignitatis istius ornamenta conferuntur. Alter vero Kingin cum nostrorum Licentiatorum cætu comparatus, tertio quolibet anno in totius regni metropoli, augustiore etiam pompa renunciatur, Tertius demum Cinsu nostratem Doctoratum repræsentans, cui explorando, Colai, (is est summus post Regem Magistratus) accuratissimè præest, solemnem item trabeam, ocreis, præter eminentiores honorum titulos & prerogatiuas cohonestatur. estq; vniuersim ea in regno Chinesi cæteroquin amplissimo literatorum & Gymnasiorum numerositas, vt non tam Academia in regno, quam regnum ipsum vna quædam Academia esse videatur.

Quid

Quid apud Hebræos? non olim duntaxat in duabus celeberrimis Sapientiæ Academicis, vna Babilone super Euphraten, in Nehardeha; altera Hierosolymis, Palæstinæ metropoli, ab exitu Babilonico ad excisam vsque per Titum Solymorum urbem, constitutis; sed etiamnum hodie, perpetuæ licet seruituti propria culpa, vt Hieronymi verba loquar, submissos illa eadem titulorum qualisqualis amplitudo non doctissimos illos quidem, (vti, quibus offusa pertinacium errorum caligo veram Scripturarum, in quibus consenscunt, scientiam intercipit) gnaros tamen, & si placet, in illo cognitionis genere admirabiles effecit. Vbi enim tantum apud eos in literis quispiam processerit, vt ex eorum numero quos **גמלי** dicunt, excedere possit videatur, publico ritu **סעודת** quasi Adiutor nuncupatur; quod is videlicet iam ut, qui priorum instar Rabbinum opera non egeat, sed suo semet marte in Rabbinorum euolutione adiuuare possit. Hic vero deinceps ad eorum cætus gradum facit, qui honorificentiore vocabulo **גמלי** nominantur; donec auctis iam ingenij doctrinæque opibus, Sabbato quopiam, quo die frequentiores in Synagogam conuentus esse solent, ad eos qui **גמלי** licentur, & nostris Licentiatibus conferri possunt, adiegetur; quod si ab æcepto studio necdum conquiescat, tum vero in confertissima, quoad eius fieri potest, Rabbinorum circumsecus accitorum Corona, post manuariæ impositionis carinoniam, post aditam cathedræ possessionem, publica omnium gratulatione solemni inaugurationis formula conceptis verbis **גמלי** id est, Magister noster consalutatur. Idem prorsus, cum Iustiniani Iurisperitissimi Imperatoris æuo faciendum visum fuisset, isque acerrimo vir ingenio, legum ac iustitiæ cognitionem quam accuratissimè tractatam vellet, non publica tantum.

Iuris

*lib. de pro-
gressu Scho-
last.*

Iuris Gymnasia tribus celeberrimis orbis terrarum vrbibus, Beryti, Remæ, Byzantij excitauit; sed quædam etiam appellationum & titulorum ornamenta instituit, quibus tametsi præter honorem res alia nulla subesset, ad leges tamen ardentius condiscendas quamplurimi stimularentur. Eos itaque, qui ad earum studium annum iam vnum contulissent, Epone Boëtho teste, à nomine suo Iustinianæ appellauit, quod eo nimirum tempore eiusdem Institutiones, eosq; Pandectarum libros, quibus *ἡ περὶ τοῦ* seu futuri iudicii præparamenta continentur, perdidicissent, qui alterum iam annum adiunxissent, & in Saluij Iuliani digestis seu edicto perpetuo fuissent versati, Edictales; **quod si** tertium annum in Papiniani legum catissimi responsis posuissent, Papinianistæ; qui eas tandem progressionis fecissent, vt anno quarto difficiliore legum nodos *ἀνέω*, siue soluere nossent; *ἀνέω* quasi solutores, siue enodatores dicti. quod si irrequieto scientiæ istius desiderio amplius progredierentur, tum vero *περὶ τῆς*, quasi qui doctrina, peritia legum, consiliis, responsisque dandis Lytis longè antestarent, nuncupabantur. Caterum, vbi consequentibus sæculis Caroli Magni ætate, vt supra disseruimus, excitatis multiplicium disciplinarum domiciliis, quæ Vniuersitates hodièque vocantur, studia incredibili animorū contentione atq; ardore tractari Maiores nostri discuperent, viderentq; honorum quibusdam velut illecebris id se facillimè cōsecuturos, tres honorū quasi Laureas earundem scientiarū victoribus proposuerunt, quarū prima **BACCALAVREATUS** diceretur, quod baccis olim Laureis istius honoris Candidati insigniretur; altera **LICENTIA**, quod eam consecutis quædam à Doctoribus in illo Artium genere audiendis remissio seu licentia impertiretur. tertia **MAGISTERII** siue **DOCTORATUS**, quod quæ in abditissimis harum disciplinarum adytis reclusa occuluntur, ea hi aliis monstrare, patefacere, &

re, & docēdo explicare possint. Ad hasce Laureas sapientissimo maiorum nostrorum iudicio, adeoq; grauissimis florentissimarum Academiarum legibus, vbiuis gentium receptis, post longam aliquot annorum in nobilissimis hisce doctrinarum studiis exercitationem, post editum non in erudito Adolescentum tantummodo, sed in acutissimorum etiam hominum consensu ingenij atque eruditionis specimen, post eorum, quos audierunt, de ipsorum assiduitate testatam asseuerationem, post solemnem denique Rectorum Academicorum, Cancellariorum, Decanorum approbationem, in publico ingeniorū theatro, clarissimā Doctorum hominum, saepe etiam Principum Corona, frequentissimo adolescentum cātu, apparatu splēdidissimo, collatis augusta cærimonia insignibus, Pontificia Cæsareaque autoritate, conceptis verbis, ab Mythagogo quopiam **BACCIS LAVREATI, LICENTIATI, DOCTORES** pronunciantur. Potestne dignitate ista ad famam & celebritatem consequendam efficacius quidpiam in florida ætate adhiberi? Quis in studiorum palæstris adeo obtorpescat vt hoc admoto stimulo identidem non excitetur? Quis adeo vācors sit & tardus, vt in pulcherrimo isto scientiarum stadio ad incitatioenē cursum non prouehatur? Nimirum hæ sunt tres Coronæ, quas qui Athletarum consecutus erat, Imp. Alexandri lege (vt est in decimo Codicis libro) ciuiliū munerum vacationem vnā consequebatur. Hi tres trium arborum fortunatarum, Myrti, Palmæ, & Olæ, rami, quibus Olympici victores coronantur, hæ tres laurea, quibus crudita Pancratiastarum capita, ab tribus ingenuarum Artium Præsidibus Apolline, Minerua, & Pythone redimiuntur, hi tres gradus quibus ad celsissimam dignitatum Ecclesiasticarum tum politicarum sedem pertingitur. Si enim Theologus requiritur, si Iureconsultus, si Medicus, si Philosophus; quis non eum expetat, quem

E

post

post tot in scholastico puluere exercitationes egregiè illustratum, post exquisitissima de Artibus illis & *trivialis* celeberrimæ Academiæ calculo suo probatum amplissimis honorū titulis condecorarunt? Quod si Ecclesiæ, quæ columnen est & firmamentū veritatis, ea de re sensum exquirimus, vt luculenta, quæ Sacrosanctis Synodis, Viennensi, Basileensi, Lateranēsi, iam olim sancita sunt de his gradibus testimonia sileam, vna Tridentina superiore sæculo habita, quam beneuolē, imo vero quam honorificē de iis decernit? etenim ex grauissimis eius SC^{is}, quinam in Ecclesiis Cathedralib. Episcoporum Pænitentiarij esse, eoq; nomine commodissimas, vt loquitur, præbēdas indipisci debent? quinam Archidiaconorū, quos Antistitem oculos nominat, munus obire? quinam officia & dignitates Scholasticorum obtinere? quinam Canonicatus in Amplissimis Collegiis consequi, nonne Magistri, Licentiati, & vel Canonici Iuris, vel Theologiæ Doctores? Scio tam honorifica Synodi decreta necdum vbiq; certas ob causas in mores abiisse; in nobilissimis tamen aliquam multis Europæ nationibus quotidie magis magisque efflorescunt. Itaq; cum nouos in Belgio Episcopat⁹ Catholicus Hispaniarum Rex Philippus excitaret, nouem primos Ecclesiæ cuiuslibet insignioris Canonicatus ita tribui mādauit, vt ternos terni Theologi, cæteros Sacrarū Legum Consulti, virique Nobiles ex æquo adipiscerentur; cumque haud multo post dubitatio interuenisset, an viros Nobiles etiā graduum Academicorū titulis insignitos esse oporteret, decreuit Pontif. Max. oportere. Quod itaq; olim Sanctissimi Pōtiffes publicis diplomatis, laudatissimi quique omnis memoriæ Principes iudicio & autoritate sua, florētissime resp. vsu & consuetudine cōprobarunt; illud Tui quoq; propositi, SERENISSIME PRINCEPS, in hac Molsheimensi Academia condenda stabiliendaq; fuisse, nemo est omnium Academicorum quin & oculis vsurpet, & simul animo

*Conc. Trid.
de Reform.
cap. 1.*

animo recolat, haud vulgarē cunctis necessitatē impositam esse, vt non eruditionē tantum, quam in hac Molsheimensi Academia non ab Platone aliquo, Aristotele, aut Socrate infideli; sed ab Catholicis, Religiosis, Societati IESV ex voto addictis Professorib. cum virtute coniunctā edocti imbibierint; sed ipsos etiam quos cōsecuturi sunt Academicos honores ad Dei cum primis gloriam immortalem, ad vitæ deinceps suæ, morumq; munimentum, ad salutem aliorum prouehendam, ad patriam suam, imò communē omnium nostrum, remp. Christianam instaurandam cōferre velint. Neq; verebor dicere, nulla perinde re omnium malorum satorem sartoremq; cacodæmonia efferari, quam si autoritate impendioq; Principum Orthodoxorum Catholicam vbiubi Academiam aut nasci videat, aut reflorescere; vt quam intelligit esse propugnaculum quasi præsidarium, e quo homines literati confectis militiæ literarię stipendiis & amplissimis disciplinarum insignibus ornati, ob Sapientiam cum religionis virtutisque studio sociatam ad præfecturas Vrbiū, ad Regum & Principum cōsilia, ad Ecclesiæ dignitates, & in his omnibus ad mille animarum prædam sibi de faucibus eripiendam opportunis temporibus aduocantur.

*ACADEMIAS, SICVT TYRANNIS EX OSÆ FVERVNT; ITA
Optimis rerumpubl. Gubernatoribus cura
semper cordiq; fuisse.*

ERGO Satanicus ille furor ex ipsis Orci lacunis emer-
sus, ostio sibi ad nocendum mortalium generi semel
patefacto inter multiplices fraudum vias, quas strue-
re perrexit, vt insitum hominibus scientiarum studium

suapte natura honestissimum, nouis quotidie inuentis
tamquam toxico peruerteret; duo quasi extrema propo-
suit; alterum vt sapere nitantur plusquam oportet; id
quod ab initio fategit, ex quo humani generis Parentem
in amœnissimo illo deliciarum horto aggressus, huc om-
nem belli apparatus admouit, vt cum cæca quadam sci-
endi cupiditate fastuque ingenij tumidum notissimisque
illis tragædijs circumactum inuolueret; alterum vero
postea laborauit, vt otio & voluptatibus dediti preciosis-
simam scientiæ possessionem vilipenderent; quod tum-
potissimum cœpit machinari, quando per Gymnasia lite-
rarum amplissimos solidissimosque in orbem Christia-
num fructus redundare animaduertit. Itaque cum pa-
trum memoria cerneret frequentissimis auditorum clas-

*Euseb. li. 5.
hist. Eccles.
cap. 10. Ni-
cephor. lib.
10. cap. 26.*

*Orat. pri-
ma in Iu-
lianum.*

Cyri. li. 8.

sibus, celeberrimas passim Academias cum ingenti Sa-
cro sanctæ Religionis incremento frequentari, & tum ali-
bi, tum præsertim in Alexandrina Schola complures di-
uinarum humanarumque rerum cognitione excellentes
viros Christianam temp. mirifice illustrasse; acerrimos
orthodoxæ Religionis hostes suscitauit, qui cum in diui-
ni cultus labem atque interitum coniurassent, Acade-
miarum lucem Christianis vel extinguendam vel subdu-
cendam esse duxerunt. In his funesta illa humani gene-
ris fax furiarum tædis accensa, homo, vt cum Gregorio
Nazianzeno dicam, omnium leuissimus, orbis Romani
non tam Imperator quam euerfor Iulianus, Catholicos
Græcorum sapientiam attingere edicto vetabat, atque vt
fraudentum consilium callidissima vulpes pietatis co-
lore purpuraret; ne rebus, inqueiebat, inutilibus & super-
stitiosis, quas, vt fabulas traducerent, occuparentur. Sed
deraxit laruam Basilius, & luculento libro, quem de uti-
litate capiendæ à libris Gentilium inscripsit, cuiusque se-
cutus exemplum Gregorius cognomento Theologus, &
Cyrillus manifestissimis argumētis illud hominem frau-
dibus

dibus atque amentia virulentum agitare docuerunt, ut e-
 repris ingenuarum Artium disciplinis, infertia & rudirare
 de rauati Christianorum animi, deterrimis sese flagitio-
 rum vncis constringendos raptandosque dederent. Et
 merito literarum omnium memoria indignissimus ha-
 bitus est C. Licinius Tyrannus, qui tyrannico plane inge-
 nio literas pestem reip. dicere, illudque suo elogio sym-
 bolicopraeferre non erubuit. Aspiciamus vno non cor-
 poris, sed, quod possumus, mentis obtutu Palestinam, A-
 gyptum, Armeniam, Asiam, Africam, adeoque vniuer-
 sum Orientē, vbi nobilissima quondam scientiarum em-
 poria vna cum Ecclesijs per viros Apostolicos guberna-
 ta steterunt; importunissima nunc durissimaque tyran-
 nide, Ottomannico furore haud mitius in literas quam
 in religionem debacchante, videbimus proculcata. Pro-
 pinquam Germaniæ Pannoniam obeamus, & omnem il-
 lam lustremus regionem, quam vel impia Mahometis se-
 cta, vel nefarius Sultanorum ensis fœdissimè deturpauit,
 videbimus certo documento, Palladem & tyrannidem,
 amorem Artis & Martis furorem, studium virtutis & o-
 dium literarum vnius imperij domicilium non posse con-
 tineri: quod si in propinquiores quasdam Europæ regio-
 nes & florentissimos olim principatus animorum aciem
 intendimus; an non Academicorum studiorum velut
 neruis elisis ac recisis, non tam pace & dignitate adurgere,
 vti antea resip, quam ciuitatum atque impiorum ruinas
 & proiecta quædam cadauera, quod sine gemitu dici non
 potest, contabuisse intuebimur? Et quis ignorat, quod lu-
 reconsultorum Princeps expressit, proprium esse tyran-
 norum, eripere præsidia libertatis, mutuam animorum
 conciliationem tollere, inspirare feritatem, mansuetudi-
 nem labefactare? At vero Principes, qui se ideo populis
 datos meminerunt, ut velut Patres sint ac protectores,
 quique in consilio habent Ecclesiæ fideique periclitant-

tis creditam sibi tutelam rite atque ordine gerere, illud ad exemplum maiorum sibi vnice curandum duxerunt, vt literas & eruditionem, quasi munitissima incolumitati suorum stabiliendæ propugnacula, fauore quanto possunt maximo prosequerentur. Exinde videlicet publico ære, maximis impendiis, augusta munificentia, multiplici scientiarum genere instructos viros, &que diuersis orbis terrarum plagis sollicitè anquisitos id vnum agere voluerunt, vt disciplinarum fontes aperirent, & literatissimorum hominum panegyres conuocarent; vt qui tum egregiè constitutam se renip. habere crederent, si hac indissolubili religionis & eruditionis compage per Academias firmaretur. Quod illum non bellicis modo, sed literatis etiam Laureis fortunatissimum Iulium Cæsarem factitasse meminimus, illud enixè animo voluentem, vti quam plurimos eruditionis causâ literarum Doctores Romam accerferet; quos vt largissimis annonarum fundorumque vectigalibus; ita Auditores ciuitate donabat. Atque vt præteream Augustum omnium prouinciarum iuuentuti optimos moderatores haud minore cura, quam ipsis prouinciis Præsides destinantem, Claudium item Augustale in vrbe Roma imperatoriis impendiis Athenarum excitantem, Traianum Neruam adeo in Gynasiorum amplitudinē effusum, vt ad bonas literas Imperio asserendas de cælo missus crederetur, Antoninum cognomento Pium ad erudiendam liberalibus disciplinis adulescentiam noua per omnes prouincias Philosophis & Rhetoribus salaria, nouosque honorum titulos deferentem; Gordianum postea & Seuerum Academiam Romę constitutam sæpenumero inuidentes, vt augusta sua præsentia quasdam velut faces tam Auditoribus, quam literarum Doctorebus subiicerent; Caium item Imperatorem decantatissimæ Lugdunensis Academiæ Conditorē, vbi quotannis maximo totius Galliæ Italiæque concursu,

memo

memorable poëſeos atque eloquentiæ certamen ab exercitatiſſimis quibuſque earum Artium palæſtritis edebatur; Conſtantinum rebus geſtis & nomine Magnum, quem Aurelius Viſtor nutritorem bonarum Artium vocat, laudatiſſimi exempli Catholicis Principibus Imperatorem producam; qui cum omnia bonarum Artium ſtudia tum ad Chriſti Religionem longè lateque propagandam, tum ad tuendum imperium effloreſcere deſideraret, Licinio tyranno, immaniſſimo tam fidei, quā ſapientiæ hoſte ſubactō, grauiffimam illam Conſtitutionem edixiſſe fertur, qua de annonis in Profeſſores liberaliter erogandiſ cauiri, & in Iuſtinianæum deinde Codicem relata eſt. Apud Iuſtinianum vero ipſum, Agathia, qui eo imperante vixit, referente, non literæ modo, conſtitutis diſciplinæ domiciliis amænā & gratā ſtationem inueniunt; ſed earum quoque Doctōribus, quos mirificis ſtipendiis ad ſe inuitabat, id honoris habitum eſt, vt triclinia, theſauros, opes, fauoreſque iis patere vellet, vt ne Mæcenas quidem ille Romanus Horatio ſuo fauentior, nec Maroni Pollio, nec Meſſalla Catullo, nec Philippus Ariſtoteli, nec Dionyſius Heliconi Ciziceno, quam optimis quibuſque Profeſſorū Iuſtinianus crederetur. Quis vero neſcit Gratianum quietis à bello rebus, ſtudia literarum coluiſſe, vt in iis ornandis egregiam publice priuatimque munificentiam collocarit? etenim Auſonio Præceptor ſuo, viro eruditione multiuga clariſſimo, quem à quæſtura ad prætorium munus in Gallia gerendum extulerat, imperatorio reſcripto in mandatis dedit; vt per omnem diœceſin ſibi commiſſam frequentiffimis ciuitatibus, quæ pollent & eminent claritudine Præceptorum, optimi quique iuuentuti erudiendæ præſiderent, & ſingulis vrbibus, quæ Metropoles vocantur, nobilium Profeſſorum electio celebretur.

Quibus

*L. Medico s.
C. de Pro-
feſſorib. &
L. i. & 3.
Cod. Theod. de Me-
dicis & Pro-
feſſoribus.*

*Gabr. Pa-
leor. in Ar-
chiep. Bo-
noniens.*

Quibus rebus id consequeretur Imperator, ut hoc ~~quo~~
Galliarum facies pene esset eadem quæ Italiae, quæ liberali-
bus Artibus ac studiis, quæ claritudine magistratuum &
nobilium familiarum copias cum ubique ciuitates illu-
stribus habitaret profapiis Coss. Procons. Præfectos, Co-
mites, Vicarios, aliosque id genus honorum potentes e-
ducerent, & Scholæ elegantissimorum ingeniorum lau-
dibus paterent; è quibus modò Romam, modò Constan-
tinopolim tum ad cathedras totius Orbis eminentes, Pro-
fessores, tum ad tribunalia, æqui bonique vindices suffi-
cerentur. Neque hic Petronium Byzantinum præteribo,
ut etiam intelligant heterodoxi nostri, non minus opum
& potentia, quam sanctitatis & sapientia antiqui etiam
seculi Episcopis fuisse. Is sub Annum cccc. xxx Bo-
noniensium Antistes, Urbem Bononiam Canobiis com-
pluribus, Ecclesiisque insigni magnificentia, Ecclesias
vero non amplissima tantum annuorum censuum do-
te, sed Sanctorum etiam ipsarum exornauit. quem deinde
præ aliis Sanctissimis eiusdem Ciuitatis Præfulibus idcirco
potissimum Bononienses in Diuum Tutelarem adici-
nerunt; quod ad cumulum aliorum benefactorum ab
Theodosio Magno Imperatore illud impetrarit, ut hæc
patria Generali scientiarum omnium, ut vocant, Studio,
siue Academia condecoraretur, quam ab se institutam,
magnis etiam priuilegiis mirifice donatâ, Cælestini I. Pon-
tificis Maximi autoritate stabiliendam curauit. Extatque
in diplomate Augustali luculentum testimonium, mo-
res, sanctitatem, militiam, cæteraq; id genus reip.
commoda optimis doctrinis gubernari. Ipse vero
Theodosius quam arctè sit Academicos Professores com-
plexus, si alia omnia abessent, vel illud nobis argumento
sit, quod & impia Iuliani edicta de Scholis euertendis an-
tiquarit, & quo pristinum iis vigorem redderet, lege insu-
per

per fanciuerit: si quis Professores vexauerit, centum millia numûm ab Magistratibus siue Quinquennialibus (quos Ciuitatum Defensores statuit) exigi & ærario inferri oportere. Hic iam denuo in Caroli verè Magni laudes & encomia patentissimus mihi campus aperitur. quem non puduit aut tot Martis manubias cum literarum spoliis triumphisq; coniungere, aut loricatum armorumque pondere pressum & sudore manantem in Academiarum subselliis acquiescere, aut lituorum tympanorumque clangoribus sonisq; assuefactum, aures perquam placidè tenuibus Gymnasiliorum susurris dedere; quique in peramplos Musarum lares ab se constitutos ingressus, (quod in Pompeio laudauit antiquitas) neq; consilio suo alienum, nec sordidum Principi, nec Cæsari turpe duxit, disciplinarum Magistros, quos indulgentissimè fovebat, curiosè de omni ratione literas docendi, ac pæne minutim percõtari; adeoq; Imperatoriam maiestatem vltro ad literariû puluerem abiicere nõ dubitauit. nec degeneres ab hoc Parentis in literas amore Ludouicos alterum Diuum, alterû Pium comperimus, qui florentissimas tot sæculis Academias, quas amantissimus Parës publico fidei bono in mediis regni Francorum viscerib. collocatas capitalibus fidei pudorisq; hostibus, quasi inexpugnabile val- lum obiecit, muneribus regiis locupletarunt, honorariis prærogatiuis ampliarunt, illaq; velut inexhausta decorum amplitudine vniuerso terrarum Orbi notissimas celeberrimasq; effecerunt. Eandem planè mentem Deus Ioanni id nominis IV. Brabantiae Duci iniecit, qui cum esset omnibus religiosissimi Principis ornamentis excultus, bonarum etiam Artium patrocinium suscepit. Itaque Academiam Louaniensem ex Parisiensi tanquam traducem, accersitis vndique viris doctissimis, sub annum reparatæ salutis c l o, c c c c. x x v i. dato à Professoribus pridie

102. Curo-
palat. in
vita Const.

Natalis Desparç docendi initio constituit, quam se Pontificis Maximî Martini V. autoritate, patriæ bono, religionis munimēto in Pragensis Academiæ locum (quam Hussitarum secta sub idem tempus dissipauerat) condidisse publicis literis contestatus est. Vides igitur, SERENISSIME ARCHIDVX, optimos quosq; omnium ætatû Principes, qui res præclaras memoriaq; dignas gesserunt, eosdē & sapientiæ laude insignes, & domiciliorû, quibus sapientia comparatur, Parentes fuisse; nec minus, (quod in Cōstantino Duca doctissimo Imperatore suspexit Curopalata,) voluisse ab eruditione, quam ab Imperio cōmendari. neq; enim fieri posse animaduertunt, vti magnus excelsusque animus, qui rebus caducis neglectis memoriam æternitatis ante oculos habeat, nō etiam disciplinarum Liberalium Academias æternitatis procreatrices summo studio complectatur. Neq; alios fere Principes literas vel odisse vel contempsisse, maiores nostri prudentissimè viderunt, quam qui vita per ignauiam & flagitia turpiter acta, posteritatis cōscientiam reformidarunt. vti non minus verè, quam eleganter Claudian⁹ nobis cecinisse videatur; *Gaudet enim virtus testes sibi iungere Musas.* Nec virtus tantum; sed fides etiā Orthodoxa tum demum illibatam sibi integritatem despondet, vbi Principes Catholicos hoc literarum per Academias cōmercium, sicuti iacuerit, videt quibuscunque possunt modis, refarcire.

CAPVT VI.

ACADEMIAS CATHOLICAS

*TVM FIDEI ORTHODOXAE PROP-
gnanda, tum Hæresibus propulsandis Acropo-
les esse munitissimas.*

SI QUIDEM Ecclesiam Orthodoxam integerrimam,
Dei Domini Sponsam, Magistram fidei, beatoris vitæ
Ducem,

Ducem, columnen veritatis ita Deus vel ab ipsis cunabulis primum quidem per tyrānos barbara feritate grassantes; deinceps vero per hæreticos canina dicacitate oblatrantes exerceri voluit, vt istis, ceu mitissima cælestis Agni Sponsa, & tota niuea sine cornibus atque armis agnella, infractum patientiæ clypeum; illis inuiolabilem Sapientiæ parmam, quasi Palladis ægida obtendens, pari generositate & gloria, de vtrisque semper victrix atque inuicta triumpharet. Ergo cum veteratorio Apostatæ Iuliani Academiæ Gymnasia omnemq; Libb. Scientiarum eruditionem proscribere parantis astu, nihil proficeret, aliam fraudis technam Princeps tenebrarum inuenit; vt videlicet vana solidis, conficta veris, & orthodoxis heterodoxa furtiuè supponeret. Sicq; veteres & receptas disciplinas fraudulenter interuertens, adumbratis nouarum opinionum commentis in ipsa Dei arcana & tremenda mysteria virus suum transfundere tortuosus ille coluber parauit. Quid enim aliud per Maximum tyrannū clandestinis consiliis agitasse putemus, qui cum mille tormentorum generibus, barbara immanitate, casso tamen, semper triumpho Christi Ecclesiam diuexasset, astu & calliditate consequi cogitabat, quæ violētia & crudelitate nequidquam tentauisset. Edixit namque conscribi librum, cui acta Pilati titulus esset, horrenda in Christum mendacia, sexcentas calumnias, blasphemiasque complectentem, quem librum omnes iuuentutis Moderatores pro scholis legere adigebantur, vt impietatem à teneris Auditores cōbiberent, & Christi odio deprauati, eos in omnem vitam detestaretur, quos exitiabiles & pestiferos esse in carea illa ætatis teneritudine accepissent. Hoc nefariū impietatis consilium nostra quoq; tempestate Lutherani in Germania, in Galliis Hugonoti sub ipsa sæuientiū hæresum primordia complexi sunt, qui multa quā soluta oratione, quā mordacibus Satyris, theoninis verbis, non tam Phæbi, quam Saranæ instinctu effusis, aduersus Christi in terris Vicariū, Ecclesiasti-

*In Tomis
Cōciliorū.
In Decret.
soto tic. de
Magistris.
& Clemen-
tina 1. de
Magistr.*

clericaliſticos viros, recepta Eccleſiæ dogmata eleganter quidem & facete; ſed falſo tamen & impie lucubrata in vulgus emiſerunt; quæ deinde pro ſcholis adoleſcentes condiſcerent, vt veneno dulciter in viſcera deſtillante, per omnem vitam mordicus tenerent, quæ in flore ætatis tamquam credenda ſibi ſeruandaque pernicioſe arripuiſſent. At vero omni dolo præpollens Dei Sapientia nõ ſuſtinuit fecundum illud & fertile ſcientiarum triticum tam peſtiferis zizaniis in agro Dominico ſuffocari; quin potius Summorum Pontificum autoritate & vigilantia, celeberrimis item grauiffimorum ex omni ferè Chriſtiani orbis plaga Doctorum congreſſibus, nouis etiam per ſingulas prope hominum ætates SC^{us} de Gymnaſiorum inſtauratione promulgatis factum eſt, vt ſanctum hoc & ſalutare germen ſemper reuiſceret, & floridius indies ſolidiusque confirmaretur. His enim velut lituis excitati rerumpub. Vindices ſibi glorioſum, ſuis opportunum imò neceſſarium fore ſapientiſſimè iudicarunt, vt in ſua pro ſe quiſque ditione certa ac deſtinata tum manuſcioribus Muſis, tum ſeuerioribus diſciplinis, domicilia, quaſi publica quadam ad Sacri belli aduerſus omnem impietatem uſum arma-mentaria conderent; quibus velut in quadam ſciamachia bonarum Artium ſtudioſi ad ſolidam germanamque maiorum fidem ac pietatem vna cum literis combibendam, ad debellandos, ſicubi opus foret, ſincere religionis hoſtes, exercerentur. Hæc ſiquidem integritatis ſacra, liberalium doctrinarum phrontiſteria, palaſtra virtutum, quibus vniuerſæ diſciplinæ copię vel ad vitiorum & ſcelerum expugnanda monſtra, vel ad turbulentos hæreſeon impetus ab Eccleſia propulſandos cōparantur. Scio multis hodieque librorum argumentis, & vario lucubrationum apparatu inquiri, ſitne aduerſum hæreſes armis & vi propugnanda Religio: qua in lite multi omnis eruditionis & priſcarum legum morumque callentiſſimi, ſuadent vbi mem-

membra quædam fide, tamquam sanguine & spiritu carere cæperint, medicorum exemplo vitioni & sectioni aliquando indulgendum; quin &

----- *immedicabile vulnus*

Ense recidendum, ne pars sincera trahatur;

Et illi quidem se maiorum exemplis tuentur, qui optimi religionis orthodoxæ Magistri, licet vt agni quidam nouelli, & ouium instar mites essent ac placidi; non ignari tamen esse se Ecclesiarum Principes, iustosque sæcli Iudices, seucriorem hanc potestatis vim facto ipso aduersus Simones, Elymas, Alexandros, Hymenæos, aliaque vixdum adolescentis disciplinæ Christianæ carcinomata, capite, morte, cæcitate, dirissima Satanæ vexatione ad vsque carnis interitum multifariam sancierunt. Alij religionis violatæ iniuriam meliorib. ipsorummet Principum exemplis reparari; atq; pertinaciam corû qui dissentiant, legib. atq; edictorû seueritate cohiberi existimarunt. Sunt qui Sacrosanctû fidei tribunal hostib. fidei, ceu antidotû veneno prouidentissimè opponi censuerunt; cuius instituti viuadam imaginem & aliquot abhinc sæculis Raymūdus Tolosæ Comes in Albigenensium reliquiis tollendis orbi Catholico exhibuit; & quo ipso anno Germaniæ nostræ pestis & lues, Islebicus Hæresiarcha in lucem prodiiit, sicut iam antea in regnis Castellæ & Legionis, ita in Aragonia, Valētia, Catalaunia, Catholici Hispaniarum Reges instituisse laudantur. Et sunt quidem hæc remedia nec priscis ignorata rerumpubl. Parentibus, nec inefficacia curationi, quibus laboranti populo succurri, & pestiferarum hæreseon veternus excuti opportunè posset; si quis tamen intermissa omni seueritate, metuque ac terrore longè positis, spacia ad resipiscendum idonea permittere velit; si phrenesin animiq; furorem, vti hodie videmus,

*Papir. Ma-
son. lib. 3. in
D. Ludouici
co.*

mus, cum obstinatione & peste quadam odij medullis insiti, eoque processisse aduerterit, vt neque Pastoris, neque Doctorum ducatum oues agnoscant; sed deuio tramite illorum errorem errent, qui, qua volunt, præeunt; nulla sane medendi curandique ratio accommodatior poterit admoueri; quam si Doctores Catholicos & optimos rerum diuinarum interpretes identidem Christiani Principes emittant, qui simul eruditionis lucē cum animi virtute morumq; disciplina inferant, oratione suadeant, monitis saluberrimis excitent, illudq; omnib. pacis Artibus pugnent, vt posita tandem cōtumacia mansuescant,

----- quibus ingenium est immanis, et uiciumq; ferumq;
Armenia tygres, et acundig, leones.

Huius autem exercitationis campum & palestram in literarum Gymnasiis atq; Academiis sitam esse oportebit: quod inde fiat, vt adminicula veritatis & doctrinæ sincerioris præsto sint, quibus hostium artes & ludibria perspicui, frangi impetus, & ab rudium capitibus vis omnis arceri possit. Enimuero, sicut ea in Principibus remissio ac lætitudine detestabilis est, qua omnes priscae seueritatis nerui in tuenda Catholica religionis gemmā inciduntur; ita videmus, quod Te nō fugit, SERENISSIME PRINCEPS, per Academiarum vel institutionem, vel reparationem stetitisse respublicas, refluuisse ciuitates, ingenuos mores atque honestatem enituisse, reuixisse fidem, & cum fide pleno cornu beatam quandam omnium rerum copiam, atque vbertatem rediisse. nunquam enim, vti quondam Africam nobilissimam orbis terræ portionem, Persarum, Arabum, ac denique Saracenorum barbarie subiugatam; ita hodie nō obscuros Septemtrionis & Occidentis quosdam artus, tamquam oculos reip. Christianæ effossos lugeremus, si sua optimarum Artium Academiis statio indiuisa perdurasset. Nec longa quidem oratione certandum est, vt euincatur quod & præteriti temporis ætas, & perpe-

perpetua sæculi huius experientia, & obuia passim hac memoria tot ad auitam religionem respicientium populorum exempla clarissimè docuerunt. Videlicet vt è sentibus dumisq; Agricolarum industriâ sæpes atq; maceriæ ad fures ferasq; arcendas struuntur; ita Catholicorû Professorum solertia in eo quam maximè exercetur, vt è vitiosis hereticorû spinetis animam ipsam grauissimè fauciantibus, Dominici agri sæpes ita purgetur, vt iisdem etiam Orthodoxa fides, errorib. procul abolitis, integrior eluceat. Sanè in Academiis vident Auditores, ciues, tribules, vicinosq; crebris transfugiis atq; apostasia damnabiles, dum recentibus & heri natis dogmatis adhærescūt, ea sacra complecti quæ nunquam eorum maiores didicerunt, ea deserere quæ iurati Deo promiserunt: vident Catholicos Christianæ religionis puritatem ab temporibus Apostolicis inuolatā, tamquam suam sibi rem à maioribus iuste partam possessamq; vindicare: vident iis sibi sectis nec fauendum esse, nec nomen dandum, quas nulla diuina humanaq; vel probabilis autoritas aut ecommendauit vnquam, aut persuasit; imo quas omnium temporum laudatissimi quique exemplo suo refutarunt, ipseque totius Christiani orbis consensus, grauissimis edictis explosit. Quod vti suo experimento didicit, ita velut sorrex, indicio Lutherus prodidit, quando sub annum partæ salutis M. D. xix. Augustæ Vindelicorum primum ab Doctoribus Academicis coram Cardinale Caietano, deinde vero sub annum M. D. xix. cum Lipsiæ coram Ioanne Eckio Treuirensis Antistitis Cancellario in arcnam descendisset, postquam omnium Academiarû calculis scripto consignatis, transmissisque, Basileensis nominatim, Friburgensis, Louaniensis, postea etiam Erphordiensis, actandem Parisiensis Anno M. D. xxi. publico decreto xv Aprilis, præuio Doctorum iureiurando, dato, ipse manifestæ hæreseos reus solemnī censuræ: libri vero pestiferi, vlttricibus flammis addicebantur.

*Cochlam
in vita Lu-
ther.*

Nimirū hinc venenati illi dira frementes aculei, hinc illæ non lingua tantum & patulo gutture, sed calamo etiam, & libris palam effusæ aduersus Academias vociferationes, quæ vel è spissâ quadâ rutilate, vel ex arrogantia inuidiaque, vel demum ex virulento exulceratæ mentis odio profluxerunt. Vt insania, qua Wicleffus antea, Vniuersitates studia collegiaque studiorum, gradus item & magisteria vana duntaxat garrulitate introducta, & tantum prodesse quantum prodesset diabolus, insolentissima debacchatione effutiuit, Cōstantiensi Synodo & rationibus repressâ, & decretis condemnata; Lutherum inuenerit assertorem; qui cum articulos Wicleffi vt verissimos, Christianissimos, & Evangelicos collaudarit; impie, vt loquitur, à Christi Vicario, impie à Concilio damnatos; facile colligere est, Lutheri de Academiis iudicium nihil dum à Wicleffo discrepasse. Et quid expressit aliud, quando Academias Antichristi lupanaria, stabula asinorum, diabolorum Scholas, & sigillatim, Parisiensem Sodomam, Louanicensem Gomorram appellauit? Nec mitiorem sese in membra & Facultates, e quibus Academiae coalescunt, exhibuit; quicam, quæ ratione ac via in Scholis traditur, Theologiam profanam, Iuridicam facultatem omnium spurcissimam, Aristotelis Physicam omni ætati inutilem, adeoque dignam cui Ouidij metamorphosis substituatur; Ethicam pessimam gratiæ inimicam, nec nisi ad verborum contentiones excogitatam; Philosophiam denique vniuersam adolescenti haud secus ac mortem animæ detestabilem

*Vid. Coch.
laū in Act.
Luther. an.
18. 19. 21.
& 29.
VVicleff.
art. 28
Sessio 8.
& 15.
In assert.
art. 10m. 2
VVittenb.
Præfat. lib.
de abrogat.
de Missa
priuata. 10.
2. lat. VVittenb.
lib. contra
Henr. Regē
Angl.
Lib. contra
Latomum.
Lib. contra
Catarinū.
tom. 1 ep. 18.
lat. VVitt.
ep. 54 &
ep. 78 91.
100 & e.
pist. contra
E. k. um.*

stabilem scripsit, Doctorum & Magistrorum titulos laruas, Canonistas dæmones, asinos, porcos, Sophistas; Satanæ spiritu adflatos Decretales; Aristotelem ipsum vaferrimum ingeniorum illusorem, tricipitem Cerberum, tricorporeum Geryona, vastatorem Ecclesiæ, logodædalum, bestiam nuncupauit. quid quod Academicarum Conditores Væ illud quod in D. Ioannis apocalypsi expressum est, terris superinduxisse asseuerat? Noui frequentes infrunitoris tum aliubi, tum præsentire, de qua nunc agimus enantilogias, sua ipsius crebrò vineta cædentis, & bilinguem, imò bisulcum eodem ore nunc calidum nunc frigidum efflare. At hæc omnia nihil Academicas obruerunt, iuuerunt potius, vt vel iam antea constitutæ solidius firmarentur, vel nouæ ab ipsis fundamentis educerentur; quas prudentissimi quique Principum pietatis & sapientiæ arces, quodque de Colonienſi, atq; eius filia Louanienſi Pius II. Pontifex Maximus quondam dixit, agri Dominici piissimas religiosissimasque cultrices appellarunt. in quarum numerum hanc Tuam quoq; Molshemensem, SERENISSIME ARCHIDVX, venturam esse certissimis ominibus exinde auguramur, quod eam tum denum in tuto collocatam arbitratus es, posteaquam illam solidissimo primæ Sedis tamquam petræ fundamine, ringentibus licet & liuentibus, non tam amussis & asophis, quam impiis & atheis nostri æui Zoilis, stabiliuisti.

*Apoc. c. 9.
to. 2. VVist.
tenb. lat.
edit.*

ACADEMIAS CATHOLICAS

NON MINVS SUMMORVM PON-

tificum, quam Principum & Impp. auctoritate firmandas esse.

SED benè habet, quod vim eam inuidiæ veteres explicarunt, vt licet inter malorum pessima hoc vitium censerent, id tamen in ea boni dicerent inesse, quod non oculos tantum, sed corda exederet consumeretque inuidorum. Prorsus gemellum quiddam iis euenire perspicimus, qui vel honoris æmulatione, vel tantæ maiestatis odio, quantam Deus in Supremos Ecclesiæ suæ Gubernatores atque Pontifices liberali manu profudit, non furore solum & irarum facibus inardescunt; sed maledicendi cæstro longius prouecti, Deum hominumq; fidem aduersus summum Christiani populi caput implorant, adcoque omnia moliuntur, vt pulcerrimo Hierarchici ordinis discrimine penitus sublato, Sacratissimos Viros ad infimæ plebis quisquilias relegare non vereantur. Et quia lusciosis ac hircis oculis sublime hoc Ecclesiastici honoris fastigium intuentur, ex eo fit, vt vel splendore dignitatis perstricta, vel maleuolentiæ glaucomate suffusa illorum acies, quid pulcritudo conuenientiaq; capitis & partium, quid ordo, quid hierarchiæ dignitas postulet, nec prudenter satis nec acutè peruideant. At vero prudentissimus quisq; sicut tam læuas hominum mentes deplorat, quos ira pariter inuidiaque præcipitarunt; ita Dei Opt. Max. sapientiam & gubernandi rationem ab æterno consilio profectam suspicit & veneratur, qui cum primigenium in orbe fidelium cætum, per maiores natu filios, eosdemque Principes & rerum Sacrarum interpretes, per Patriarchas deinde, qui iidem Reges & Sacerdotes, per Pontifi-

Pontifices, qui iidem Iudices Ducesque populorum, gubernari voluisset, is Ecclesiam suam à Filio suo Rege ac Pontifice sapientissimè constitutam, post multiplicem in Religione tuenda exercitationem, vbi persecutionum ventilabro tam excussit & repurgauit, eo tandem ornatu atque amplitudine splendoris circumdedit, vt Reges & Imperatores semetipsos quasi sceptris ac regnis exspoliantes, Summum Ecclesiæ Pastorem non colerent modò, & in dubiis consularent; sed amplissimis etiam imperiis donarent, illique nobilitatem, honores, opes accumulantes, oraculum illud Prophetæ in Capitibus Ecclesiæ pulcrè explerent; pro eo quod fuisti abiecta (quid enim olim apud Gentes vilius abiectiusue Christiano?) ponam te in superbiam populorum. Et vero pro explorato habent periti rerum diuinarum, quæ in veteris reipubl. statu gesta sunt, quæque à Deo sapientissimè in cultu & disciplina Religionis constituta; eadem in noua & ab Christo fundata republ. cumulatiùs longè atq; perfectius exhibita fuisse, siue dignitatem Sacrorum, siue Ministrorum potestatem, siue præstantiam functionum, siue denique hierarchici Capituli amplitudinem animo contempleris. At quorsum ista, SERENISSIME PRINCEPS? videlicet, vt perspiciat Orbis Christianus, legitimè atque ordine tum ab Orthodoxis Proceribus hæcenus, tum abs Te, REVERENDISSIME PRÆSVL, laudatissimo illorū exemplo factū, quod Cathedræ Petri cōmunionē sociati, super illam Petram vestras quoq; Academiās collocaſtis, cui Deus ipse suam Ecclesiam solidissima compage munitam inædificauit. Quid enim? si apud veterem populum Deus Sacerdotali culmini auctoritatē conciliauit, vt per cæleste illud ac diuinum triplici gemmarum ordine contextum (cuius vim Doctrinæ & Veritatis nominibus Latinis, in Vrim & Thummim Hebræis vocibus

Esa. 60.

Vid. Nicolauū Serar. in Iosue.

ACADEMIAS CATHOLICAS

NON MINVS SUMMORVM PON-

tificum, quam Principum & Imp. autoritate firmandas esse.

SEd benè habet, quod vim eam inuidiæ veteres explicarunt, vt licet inter malorum pessima hoc vitium, censerent, id tamen in ea boni dicerent inesse, quod non oculos tantum, sed corda exederet consumeretque inuidorum. Prorsus gemellum quiddam iis euenire perspiciamus, qui vel honoris æmulatione, vel tantæ maiestatis odio, quantam Deus in Supremos Ecclesiæ suæ Gubernatores atque Pontifices liberali manu profudit, non furore solum & irarum facibus inardescunt; sed maledicendi cæstro longius prouecti, Deum hominumq; fidem aduersus summum Christiani populi caput implorant, adeoque omnia moliuntur, vt pulcerrimo Hierarchici ordinis discrimine penitus sublato, Sacratissimos Viros ad infimæ plebis quisquilias relegare non vereantur. Et quia lusciosis ac hirquis oculis sublime hoc Ecclesiastici honoris fastigium intuentur, ex eo fit, vt vel splendore dignitatis perstricta, vel maleuolentiæ glaucomate suffusa illorum acies, quid pulcritudo conuenientiaq; capitis & partium, quid ordo, quid hierarchiæ dignitas postulet, nec prudenter satis nec acurè peruideant. At vero prudentissimus quisq; sicut tam læuas hominum mentes deplorat, quos ira pariter inuidiaque præcipitarunt; ita Dei Opt. Max. sapientiam & gubernandi rationem ab æterno consilio profectam suspicit & veneratur, qui cum primigenium in orbe fidelium catum, per maiores natu filios, eosdemque Principes & rerum Sacrarum interpretes, per Patriarchas deinde, qui iidem Reges & Sacerdotes, per Pontifi-

Pontifices, qui iidem Iudices Ducesque populorum, gubernari voluisset; is Ecclesiam suam à Filio suo Rege ac Pontifice sapientissimè constitutam, post multiplicem in Religione tuenda exercitationem, vbi persecutionum ventilabro eam excussit & repurgauit, eo tandem ornatu atque amplitudine splendoris circumdedit, vt Reges & Imperatores semetipsos quasi sceptris ac regnis exspoliantes, Summum Ecclesiæ Pastorem non colerent modò, & in dubiis consulerent; sed amplissimis etiam imperiis donarent, illique nobilitatem, honores, opes accumulantes, oraculum illud Prophetæ in Capitibus Ecclesiæ pulcrè explerent; pro eo quod fuisti abiecta (quidenim olim apud Gentes vilius abiectiusue Christiano?) ponam te in superbiam populorum. Et vero pro explorato habent periti rerum diuinarum, quæ in veteris reipubl. statu gesta sunt, quæque à Deo sapientissimè in cultu & disciplina Religionis constituta; eadem in noua & ab Christo fundata republ. cumulatiùs longè atq; perfectius exhibita fuisse, siue dignitatem Sacrorum, siue Ministrorum potestatem, siue præstantiam functionum, siue denique hierarchici Capituli amplitudinem animo contempleris. At quorsum ista, SERENISSIME PRINCEPS? videlicet, vt perspiciat Orbis Christianus, legitimè atque ordine tum ab Orthodoxis Proceribus hætenus, tum abs Te, REVERENDISSIME PRÆSVL, laudatissimo illorū exemplo factū, quod Cathedræ Petri cōmunione sociati, super illam Petram vestras quoq; Academijs collocaſti, cui Deus ipse suam Ecclesiam solidissima compage munitam inædificauit. Quid enim? si apud veterem populum Deus Sacerdotali culmini auctoritatem conciliauit, vt per cæleste illud ac diuinum *Λόγος* triplicigenumarum ordine contextum (cuius vim Doctrinæ & Veritatis nominibus Latinis, in Vrim & Thummim Hebræis vocibus

*Esa. 60.**Vid. Nicolai Serar. in Iosue.*

*C. Iustin.
de Summa
Trinit. &
fide Cathol.
L. nos red-
dentes.
Clemē. V.
de Inue-
nando ca. 1.
lib. 2.
Clem. cap.
Rom. Prin-
cipes.*

expressam, hodieque Theologi inquirunt) consultus rogatusque, tamquam gemmarum lucentium oraculo, & res inuolutas ambigentibus ostenderet, & responsa consulentibus daret, & facti infectiq; rationes per Summum Sacerdotem aperiret: quis tam humiliter, tamque abiectè de perfectissima, quam Christus ipse lege sanciuir, Hierarchia, & absoluta Christianæ reipubl. forma sentiat, vt Pastorem illi & Principem dedisse suspiceretur, aut conditione muneris, aut magnitudine potestatis, aut splendore functionis Aaronico Sacerdote inferiorem? Quo magis potentissimi Cæsares & fortunatissimi nationum Victores (id quod Serenissimæ Domui Austriacæ domesticum fuit ac familiare) ex hacvna re vel maximam petiuisse laudem visi sunt; non tantum si prouincias, si terras, insulas, oppida in Pontificis Maximi iure ditioneque retinerent; nec, si regna duntaxat & diademata tributaria facerent; verum etiam, si nihil quod maioris ducerent momenti, auspicarentur; quod non prius ab Sede Apostolica, tamquam viuo & indubitato diuinæ voluntatis oraculo adprobaretur; idque eo amplius, eoque demissius, quod talibus religionis erga Christi Vicarium obsequiis præclarè cultis, felicitatem sibi velut sub manu acceuiisse certis experimentis condidicissent. Neq; vero vnquam maiorem Christiana Respubl. tempestatem adiit, nec sæuioribus Ecclesia procellis iactata est, quam cum membra letalibus disidiis ab suo Capite diuulsa, dolore, quos ad eam diem senserat acerbissimo, ad vnius capitis coagmentationem nequirit reuocare. Atque vt execrabilis tyrannidis est, Deo & cælitibus legem dare, inuersus etiam monstroque simillimus ordo, quo caput pedibus, Religio polittix substernitur; ita & Christianæ prudentiæ est & iustæ pietatis, illum, quem omnes tot retro sæculis Christiani Principes, omnesque Orthodoxi Academicarum Parentes, ipsæque adeo Academia summum semper Præceptorem, Ducem,

Ducem, Urbis & Orbis Episcopum coluerunt, agnoscere, & ad illum vti non animarum tantum, sed etiam ad Academicarum Pastorem, ne quid forte vacillent, conuerti: cuius Sedem, sicut solam inuiolabilem atque Apostolicam, esse credimus, ita soli eius Pontifici vniuersæ Ecclesiæ clauum immortali Dei munere commissum, esse profite-mur. Enimvero cum Academia, quod supra diximus, Religioni firmandæ constitutæ sint; Religionis autem potissimum munus sit membra capiti, Pastori oues cōcordare; tum demum Academia magno Christianæ reipubl. commodo vbi que terrarum stabunt, florebut, si capiti suo Academici magno consensu adhærescant; adhærescent autem, si quibus initio fundamentis positæ sunt, firmiter in-nituntur, si, vt cum Augustino loquar, in grauiſſimis quibusque controuersiarum litibus ibi semper memine-rint quærendam esse veritatem, in qua semper Apostolicæ Cathedræ viguit principatus: quam ve-ritatem, vt Petrus cognomento Chrysologus adfirmatè docuit, is præstat, qui in propria Sede viuit & præsidet Antistes Romanus; Estque illud beatissimi Martyris ac Præfulis Cypriani elogium, non aliunde schif-matum hæresumq; ortas immanitates, nisi è Summi Pon-tificis contemptu, cum ei nec obtemperatur, nec is sum-mus in Ecclesia Iudex ad tempus cogitatur, cuius est in componendis disceptationibus modum facere, vt idcirco grauiſſimam illi & ab omni erroris peri-culo semotam diuina oracula sanciuerint auctoritatem. Quæ vero vel ab ipsis inferorum sedibus excitæ hostium copię Academiæ illas conuellere valebunt, quas ille fir-mauit solidauitque Pater Romanus, qui non iam Capi-toll, sed Ecclesiæ immobile saxum accolet, & dum ho-minum genus erit, sanctissimis mundum imperiis guber-nabit?

Aug. ep. 182

nabit? Quid, quod Academiis Orthodoxis, quæ ubique terrarum receptæ sunt, nemo omnium cuiuscunque honoris Academici titulum capessit, quin solemnî iureiurando Romano Pontifici, IESU Christi Vicario, ac D. Petri successori veram ebedientiam spondeat? quibus verbis ita sese nouis honoribus initiandi Summo Ecclesiæ Capiti obstringunt, vt nihilo se minus antea in eiusdem iure ac ditione fuisse fateantur. Nimirum periculosa, imo perniciosa est omnis eruditio, quam ab hac Supremi Magistratus consensione separaueris. per hanc enim secessionem omnis ordo iacet, omniaque retroeunt, atque, vt Latomus quondam ad Bucerum scripsit;

Bartol. Latomus ep.
ad Bucerum.

Fertur equis auriga, neq. audit currus habenas.

Quæ vt abessent, hoc tamen sæculo, quod per hæresin aduersus Christi in terris Vicarium plusquam Vatiniano incensum odio videmus, vel maximè nobis collaborandum est, vt, quo maiore conatu turbulentorum hominum & acephalorum consilia eo referri cernimus, vt extincto statu ordineque spiritali remp. Christianam hoc tam illustri decore exutam tandem in ruinam præcipitent; hoc acrius vigilantiusque Orthodoxi obnitamur, vt sacratissimum illum Apostolici principatus verticem religiosè colamus, à quo, vt à corde sanguis in venas, è mari flumina, è fonte riuuli, è sole radii deriuantur; ita in omnes quoquouersum Christiani gregis plagas cælestis ille diuinorum charismatum influxus singulari supremi Numinis dispensatione promanat. Quamobrem sicut Reges & Imperatores principatus suos pietatis officio & maiorum omnium exemplo sancita submissione atque obseruantia erga sanctiorem & eminentiorem Pontificis Opt. Max. thronum sepire & confirmare consueuerunt; ad eundem modum Catholici Academiae Conditores cælestibus institutis & optimis Orthodoxæ fidei legibus imbuti

imbuti iure, lege, ordine, & ritu auorum, primordia eandem ad illam sedem deferunt, quam vti agnoscunt Christi vice in vniuerso terrarum orbe primatum obtinere, ita vbi consensum illius & adprobationem nacti fuerint, tum demum suas illas Academias verè Catholicas; id est, Vniuersales, & omnibus alijs terrarum oris recipiendas, Patre illo, qui omnibus ex æquo ius dicit, ita sciscitante, iisdemque planè iuribus atque immunitatum, prærogatiuis, quibus cæteræ quondam dotatæ sunt, fruturas confidunt. Estque hinc magnum quoddam & illustre auspicatissimi ominis præsagium, de quo noua hæc Molshemensis Academia sibi gratuletur, e Domo Austriaca habuisse Fundatorem; quæ sicut inter cæteras Familias aut schismate quopiam distractas, aut hæresi contaminatas veris semper ac legitimis Pontificibus, fideique institutis adhæsit; ita nullam earum Academicarum quas, vti videbimus, complures in orbe terrarum condidit erexitque, inter tot pestiferarum hæresum corruptelas, quas vel temporum iniuria, vel hominum improbitas intulit, videmus ab vera & Orthodoxa Religione, in qua primum conditæ fuerunt, degenerasse.

CAPVT VIII.

GRATIAE SERENISSIMO

FVNDATORI, TOTIVS ALSATIAE

NOMINE.

LICEAT itaque, SERENISSIME PRINCEPS, communem quandam intimæ pietatis sensum, & publicam totius Alsatiæ, quam adeo impensè per Academicam hanc exornasti, gratiarum actionem in hodiernæ lætitiæ cumulum depromere. Quamquam enim non iniuria omnem illi prudentiam, vt veteri verbo vtar, expectorasse præsens dies videri possit, qui in tam conferta omnis ordinis hominum, ciuium, aduonarum, conuenarumque

rumque popularim ad hodiernum Academiæ natalem vna nobiscum agitandum concurrentium panegyri, eam sibi prouinciam imponi patiat, vt Principi disertissimo gratias agat, his præsertim Auditoribus, quibus pro suo in Te amore, de Te satisfacere difficillimum sit; recreat nos tamen ac reficit, quod dictioni nostræ horum omnium ora vultusque videamus suffragari, vt iam non magnoperè verendum sit, vt persuadeamus, gaudio vniuersos incredibili perusos, in quorum oculis, fronte, toto denique corporis habitu supereffluentis cuiusdam ac prodire gestientis lætitiæ indicia perleguntur. neque hic magnopere illa Momi fenestella opus sit, quam in hominum pectoribus ille cauillator ad intimos sensus animi perspiciendos requirebat. Videlicet intelligit iam nunc Alsatia Tua, eum se Principem singulari Dei beneficentia nactam esse, qui, quod apud Xenophontem Cyrus dixit, æstimauit longè esse pulchrius & honorabilibus, beneficiorum post se multitudinem relinquere, quam trophæorum, quique ea caritate suos complectatur, vt eos sociorum, imò, quod est apud Homerum, filiorum numero indulgentissimè habeat. Videt eam sibi Religionem purè, castè, integrè tuendam atque conseruandam, quæ sicut publicis rebus indormiscere Principem non permittit, ita eidem dux fuit & autor Academiam hanc intra ipsa patriæ viscera, tamquam firmissimam fidei arcem, collocandi; vti ex qua Catholici Doctores Pastoresque prodeant, qui inter tot horribiles sectarum decerrantium curipos, eam fidem erudiant doceantque ignaros, quam ipsi à primæua Christianitatis origine suis fundamentis nunquam labefactatam, & in mediis sæuissimarum persecutionum tempestatibus victricem semper exultasse, atque ab omnibus semper & ubique Christianis vnâ animâ creditam, vnâ oris confessione expressam, vno consensu, & vel sanguinis oppositu defensam, in Academiis edocti sunt.

sunt. Iam vero patriæ caritas, cui propinquos, cui liberos, cui parentes, cui vitam deniq; ipsam postponendam maiores nostri duxerunt; quos non stimulos Alsatis admo-uebit, vt eum Principem in oculis ferant, qui, quod optimos quosq; Patriæ Patres tamquam eximium singularis munificentia argumentum florentissimis quibusq; nationibus & ciuitatibus impertiuisse cernimus; illud sibi publico totius patriæ bono, suæ ditioni præstandum esse duxit; vt post eniensa doctrinarum Academicarum spacia alij rerum sacrarum Antistites, multi locorum & prouinciarum Rectores, plures aliis dignitatum atq; honorum, tum Ecclesiasticorum tum ciuiliū ordinibus eximij, longè plurimi tam in Clero, quam in communi vitæ genere deligerentur, qui probitate, doctrinâ, meritis florentes, & tamquam veri Atlantes rep. Alsaticam vel ornarent mirificè; vel prudentissimè gubernarent. Vt Te ipsum quoq; SERENISSIME ARCHIDVX, hoc nomine fortunatum prædicare nō pigeat, cui Deus hanc mentem & facultatem dedit, vt tantū in Alsatis Tuos beneficium conferres. nec enim sola Alsatia, quamquam nobilis, ampla, & opulenta; sed ne totius quidem terrarum orbis imperium cum isto, quo erga Deum DEIq; Ecclesiam officio perfunctus es, venit comparāda. nam regnorum quidem possessio & principatū, perinde atq; ipsa hominum vita breuis est ac fluxa, multarumq; parens molestiarū: at verò fructus istius benefacti æternus, sempiternam tibi olim cælestis beatitudinis accessionem cumulabit. Etenim si amplissimam illis remunerationem diuina oracula promiserunt, qui vel vnum hominem ad Religionem Deiq; cultum ab errore traduxerint, quid tandem præmii Tibi, SERENISSIME PRINCEPS, in cœlo paratum censēs, qui innumerabili tot animorum multitudine, ad auitam fidem per Academiae institutionem reuocandę, in eaque formandæ opem auxiliumq; saluberrimo consilio attulisti?

H

attulisti?

attulisti? & certè habet hoc sinceri & Austrio Principe dignissimi animi erga se testimonium Deus, hoc pietatis curæque Pastoralis signum Ecclesia, hoc zeli feruorisque Episcopalis ad fidem Orthodoxam propagandam, Romanus Antistes, hoc specimen sapientiæ atque virtutis Europa, hoc exemplum posteritas, hoc beneficentiæ munus Alsatia, hoc beneuolentiæ amorisque Societas, quorum omnium vno illo Academici domicilio constituto animos vel aduertisti, vel obligasti; maximè tamen Alsatarum Tuorum, qui cum pro eximio isthoc beneficio gratias Tibi deberi, at referri ab se non posse videant: ad vota couertuntur; vt sicut olim Constantino, qui teste Lactantio, primus Romanorum Principum repudiatis erroribus Dei maiestatem & cognouit ipse, & à suis honorari sanciuir; pro hoc facto dedit illi Deus virtutem & diuinam quandam felicitatem, vt eadem iustitiâ & magnitudine animi, quâ iuuenis exorsus fuerat reip. gubernaculû, idem etiâ senex teneret: ita seros Tibi annos proroget, quibus hanc abs Te positam Religionis & Scientiarum Arcem aduersus omnes hostium conatus, aduersus temporum iniurias & humanarum rerum vicissitudinem, sub Serenissimi Tui Nominis sipario conuiescētem tueberis, & (qua soles in Tuorum incolumitatem insita beneficæ mentis propensione ferri) fructum etiam aliquem tot tantorumque in Patriam meritorum, desideratissimos eius progressus spectando, fortunandoque decerpas.

FINIS LIBRI PRIM.

AR:

ARCHIDVCALIS ACADE-
MIÆ NOVÆ MOLSEHEMENSIS,

A

REVERENDISSIMO ET SERENISSIMO
PRINCIPI AC DOMINO D.

LEOPOLDO

ARCHIDVCE AVSTRIAE, &c.
ARGENTINENSI ET PASSAVIEN-
SI EPISCOPO, &c.

FVNDATAE, ET PANEGRY-
rico Explicata

LIBER SECVNDVS.

DE DOMO AVSTRIACA,
DE QVE SERENISSIMO LEOPOLDO,
Munificentissimo Academia FVN-
DATORE.

Proœmium.



EXTRACTATIS nonnihil ACADEMIA-
RVM commodis, AVGVSTAM SERENIS-
SIMAE FAMILIAE TVAE DOMVM,
qua vt vetustate & gloriâ, ita imperiis & ma-
iestate omnes omnium atq; familiâ supergres-
sa est, subiturus; SERENISSIME ARCHIDVX, quod
veteri Persarum instituto receptum fuit, idem nunc mihi vi-

deo usurpandum. Etenim illi dum ad Regiam siue urbem siue arcem propinquarent, effigiatâ Regis statuam in primo aditâ expositam supplice cultu adorantes, Regiâ, benè precati, tum quâ causâ venirent, quid adferrent merctum, quam artem profisterentur, velut in conspectu Regis exponebant. adidem planè exemplum, pleno gratitudinis atq; obseruantia animo, (quem magnus ille naturæ Mystes, pulcherrimum ut Deorum, ita Principum cultum esse pronuncianit,) in ipso SERENISSIMAE TVAE DOMVS AVSTRIACAE propylæo, Tibi, SERENISSIME ARCHIDVX, quo PRINCIPE & FVNDATORE hac MOLSHEMENSIS ACADEMIA in cæterarum illustrium, & vero etiam Archiducalium Academiarum iura dignitatemq; immissa est, hodiernâ panegyri propositi mei rationem redditurus, palam constare volo, me solius debiti, iustiq; obsequij religionē inductum, Augustos Tuae gentis Proceres, quorum singuli pro rerum dicendarum pondere, orationem Plinianâ aut Isocraticâ prolixiorē deposcerent, in hoc Academica gloria theatrum quadantenus producere; non ut eos à silentio vindicem, à quo ipsi suâ se virtute rerumq; gestarum amplitudine iam pridem vindicarunt; sed ut Alsate Tui, quos egregiè nouo isthoc Academiae beneficio exornasti, una mecum recolant, Te germanam tot Cæsarum, Regum, Archiducum propaginem, viuas nobis maiorum Tuorum imagines suscitare; tum vero etiam intelligant, quam sibi meritò gratulentur, virtuti sese ac felicitati inuictissimæ Domus Austriacæ subiacere, quæ cum Germania decus, Imperij Romani splendor, deniq; vniuersæ Reip. Christianæ non modo aduersus Ottomanicam barbariem, sed hæreticorum etiam prauitatem hoc senescente saculo atq; ad ruinam præcipiti, propugnaculum, diuinitus constituta sit; pro amore, quo doctrinarum studia, fideiq; auitæ puritatem prosequeretur, desertum panè in ECCLESIA literarum patrocinium suscepit. Etenim posteaquam nescio quo suo maiò fato aliquam multi, tamquam pe-

silenti

*silenti contagio eam labem contraxerunt, ut lucem omnem
 perosi, tenebras ultro erroresq; consecrantes, ab verâ Religio-
 ne, tamquam ab Aquilâ spurâ, excussi abiectiq; essent; dum
 illum, quem humi pulverem rapuere, huc perspicacibus etiam
 & sanis ingeniis ob oculos spargere contenderent; magnamq;
 laudem in verâ Sapientia virtutisq; obrectatione positam
 existimarent; quæ nō istius sæculi eliminanda barbaries, quæ
 non silua cedenda, qui non irrumpendi limites, quæ ut a cæsa
 non colligenda, quæ non ipsis tumulis eruderanda saxa fue-
 runt, ut pristinus ille literarum cultus in Orbe Christiano re-
 nasceretur? iam vero, cum in res novas latius profeminan-
 das proni, dogmata falsa procuderent, sentiebant unâ se di-
 uinâ humanâq; Philosophiâ, quæ in Academiis florere, posse re-
 iuinci: quare ut canes præclare se ulcisci putant, si lapidem
 quo infesti petuntur, dentib. aut morsu prehenderint, ita isti
 tunc tandem se omnes Orthodoxæ religionis copias prostigasse
 arbitrabantur, si studia literarum, quibus tamquam telis ar-
 cendierant, maledictis ac dente maligno lacerassent. Sed non
 tulit Serenissima maiorum Tuorum Familia, quam præpo-
 tens ille Deus, inter tot alias (ut sunt res mortalium caduca
 atq; inconstantes) aut vi hostium extinctas, aut collapsas ve-
 rustate, seu quâ aliâ causâ fatiscētes, immortali rupis instar,
 & fluctibus nequidquam circumsonantibus innictam conser-
 uauit; hac etiam in re opem suam, curamq; desiderari. Enim-
 vero cum publica felicitas, ad quam cæcis mortalium omnes
 instituti sunt, de singulorum felicitate coalescat; singulorum
 autem felicitas sine religione ac legibus; hac sine consilio &
 sapientiâ neq; coli possint, neque retineri; illud prudentissimè
 aduerterunt, nisi doctrinarum studia, Clerum, Senatam, tri-
 bunalia, ciuesq; ipsos occuparent, fore, ut firmissimis huic re-
 è sentiendi, honesteq; viuendi præsidis sublati, subditi præ-
 uarum opinionum fluctibus astuantes, ubiq; Prothei & am-
 phidoxi, sanctissimi fœderis iure, quod Catholica huic Fami-
 lia cum Religione arctissimè semper intercedebat, abrupto, er-
 rorem pro luce, pro ratione amentiam, arrogantiam pro vir-
 tute*

tute pro veritate falsitatem amplecterentur. Quare ad caeteros honorum & Augustalium decorum titulos, quos olim aut labor indefessus inuenit, aut virtus assidua peperit, aut pars domi militiaq; gloria comparauit, aut vigilantissima Christiana reip. feliciter administrata gubernatio attulit; illū etiam honorificentissimum positarum ab se ACADEMIARVM, coniunxerunt; quas qui à gubernaculis urbium suarum remouent, meritò vitam de corpore, de mūdo solem sustulisse videri possunt. Ergo quod vetus quondam Panegyrista in Constantio Augusto Gymnasium in Celtis redintegrante collaudauit, ut quantum ad votum pietatemq; indulgentissimum liberorum parētem appellare non dubitaret, qui nobilissimam istam indolem respicere dignatus, suo potissimum iudicio Præceptorem iis Moderatoremq; Eumenium tribuit, & inter imperatorias dispensationes, literarū quoq; dilectum habuit; neq; aliter, quam si equestri turmæ, vel cohorti consulendum foret, quem potissimum præficeret, sui arbitrii esse duxit; ne ii, quos ad spem suorum tribunalium, aut stipendia sacrarum cognitionum, aut ad ipsa palatii magisteria prouehi contingeret, incerta discendi signa sequerentur; hoc ipsum TVI de TE ALSATAE, SERENISSIME ANTISTES, predicabunt, ipsaq; Diæcesis vniuersa hoc amplissimo doctrinarum domicilio abs Te constituto, futuris saculis debere se Tibi profitebitur, quod non modo fidei & doctrina integritate restabit incolumis; sed etiam, quod heterodoxis opinionibus tamquam flammis feralibus conuata, Phanicis instar, reddita quasi innenture, reflorescet.

Paneg. Cō.
stanti. d.



CAPVT I.

SERENISSIMAM DO-
MVM AVSTRIACAM

PER AVGVSTOS S. R. I. CAESARES, 2VOS

Orbi Christiano dedit, Religionem Catholicam,

*Remq; publicam armis & sapientia
asseruisse.*



NTER æquos illustrium meritorum æ-
stimatores, quæ ab Gente Austriaca in
Romanum Imperium adeoque Orbem
vniuersum profluxerunt, haud iniuria
principatum obtinere debet Fridericus
Imperat. Henrici F. Friderici Barbarossæ

N. qui luculento diplomate, quo præter alias prærogati-
uas Ducali honore Austriacos extulit, dignissimo tot fa-
cinoribus bello ac pace patratis elogio, Domum Austriæ
cor & clypeum S. R. I. appellauit. Quæ quidem
Augusta Cæsaris verba, si fas est coram Te, SERENISSI-
ME PRINCEPS; ita interpretabor, vt per Cor sapientiã,
per Clypeum, arma, quibus in hanc diem Sacrosancta Re-
ligio per Archiducalem Familiam propugnata fuit, æsti-
mem designari: vt quod Iulio Cæsari per sinistram libro
ornatam, per dextram vero ense munitam appingebatur,
idem Austriacis Imp. & appingi possit, & adscribi, vt Ex
VTROQVE CÆSARES merito pronuncientur. vti qui
Enniano verbo, non

Bellipotentis sunt magis, quam sapientipotentis.

Sanè Augustinus præclarum Africanæ Ecclesiæ columen, *Aug. cōtr. Patm. c. 8.*
imperitam hominum multitudinem partim corde care-

re,

*Santes Pa-
gimus in
Thefauro
ling S.V.
GANAN.*

re partim cornu non in corde, sed in oculis habere pronun-
ciavit; quod magna pars vulgi, cæca quadam optimarum
rerum ignoracione teneatur, longè maxima vero bruto
sensus impetu affecta, si sanguis fluat de mortali corpo-
re, exhorrescat; sin vero anima hæresis aut schismatis
sacrilegio ab Christi corpore præcisa intreat, illam mor-
tem, tametsi longè nocentissimam luctuosissimamque
nemo ferè omnium deploret. Et quemadmodum latini
sermonis consuetudo illis, à quib. abest sapientia, ne cor
quidem inesse satis ostendit, dum eiusmodi homines væ-
cordes, socordes, excordesque nominamus; ita Hebræo-
rum idiomate, prout è diuinis literis manifestum est,
Principes & Rectores prouinciarum פנאי ארצ, id est, scu-
ta terræ & munimenta (quod eorum sit populos tueri)
merito appellantur; sed nec istud silentio inuoluendum,
quod quanta cordis & scuti, quoad figuram, affinitas est;
tantam in Principe omnibus suis virtutibus absoluto Sa-
pientiæ & Militaris disciplinæ confociationem, hisce præ-
sertim tot infaustarum seditionum nouationumq; tem-
poribus, esse oporteret: quod tum denique diuinorum
dogmatum puritas, Christianæ disciplinæ obseruantia,
probatissimarum legum vigor, custodia Canonum, sa-
crorum rituum nitor, optimarum Artium peritia, & sua
cuique ditioni iura ac Sacra, facta testæ conseruentur, si
Principes in subditorum gubernacione aduersus male-
uolorum fraudes & dolos sapientiam adhibent: & quan-
do vis atque iniuria prohiberi aliter ab Christiano popu-
lo nequit, muneris atque officij sui esse ducunt, vel totis
castris & omnibus copiis prosequi rebelles, victosq; me-
ritis panis insectari. Et vero bella Religionis causa iuste
suscipi, tam omnibus diuinarum Scripturarum monu-
mentis clarè testatum est, vt hoc vindicationis genus po-
pulo Iudaico cælitus plerumque imperatum reperia-
mus: ipsaque, vt ita loquar, bellorum gerendorum auspi-
cia

cia penes ipsum Deum fuerint, qui idcirco & DOMINVS SABAOTH, & summus copiarum populi sui Ductor est prædicatus. quid enim? si intra Reip. viscera cædes fieri, si popularium suorum fortunas & opes direptionibus, peculatu ærarium, sana sacrilegio compilari Princeps viderit; ad ciuitatis tutelam armatus accurret, vim improborum arcebit, & tam nefaria tamque manifesta scelera exquisitis suppliciis protinus vindicabit; hic vero in tam aperto animarum discrimine se suorumque salutem negligat, Ecclesiæ fletus gemitusque despiciat, dilectæ afflictæque Matri Christi Sponsæ manus supplices tendenti, præsidium ac tutelam per Sponsum, per Vicarium, per Sacrorum Antistites poscenti non quâ possit ratione, consilio, manu, quam promptissimè opituletur? aio, vbi hoc tempus, hic articulus est, non expedire tantum, & decere; sed, si cunctetur, si socors desideat, aut, quod longè deterri- mum, si connineat, & vel dissimulatione, vel improbo fædere colludat; aio, inquam, supinum esse & ignauum, officii ac muneris immemorem, abuti potestate, gladium sine causâ portare, prodere ac negligere remp. vti qui regnis fulcrum ipsaque rerump. quibus insistent firmamenta subduci patiatur. Tantò itaq; maior, tantò Augustior SERENISSIMÆ TVÆ FAMILIÆ Splendor elucescit, cum nulla alia sit, (dicam vel liuore iudice) cuius præclare gestis pugnisque, & de inimicis Christi victoriis magis illustrentur Annales, quam Austriacorum. quorum si bella memorem, vel ab solis Imp. pro asserenda Religione & suscepta fortiter, & feliciter confecta, tot inueniam, quot triumphos; vt nullus occurrat hostis, qui non simul laudibus Austriacorum adderetur. Sine me igitur, SERENISSIMÆ ARCHIDVX, Augustalem illam Domum aliquan. isper non adulationis studio, quam illa semper velut tristem palatiorum scopulum fugit, imò velut pestem aulis suis profligauit; sed iusti obsequij deferendi a-

nimo, subire. vt quod iam pridem omnes nationes probè agnouerunt, hoc etiam in Alfatia Tua prædicetur, omnes populos & ditiones, quarum illa fasces suscepit, tum singulari præpotentis Dei beneficentiâ, tum Austriadum in religionem remque publicam tuendam vigilantissimo studio ita effloruisse, vt non modò semet ipsæ tuerentur; sed hostibus etiam Christiani nominis sub iugum missis, longè latèque propagarent: vt toties Imperio Romano signum velut quoddam felicitatis sustolli videretur, quoties vnus aliquis Principum Austriacorum Augustale solium conscenderet, quem quisquis in acie conspexit, vt plurimum superatus est; qui in pace non timuit, sed amauit. Porro inter CÆSARES, quos vndecim ex hac Tua familia, Septemuiro maximo semper dilectu ad reip. clauum admouerunt, primum se offert tum admirandæ in Deum pietatis religionisque laude æternus, tum belli

RVDOL

PHVS I.

Cl. ro. Alb.

Argent.

Chro. Col.

ni. r. Tri-

tem.

S. f. i. i. epit.

lib. 2.

Chro. Hir-

f. r. g. Gus-

li. in Habs-

burg lib. 6.

cap. 4.

Gira. d. de

Ioc. F. C.

Th. d. P. i.

f. ord. in

temm.

Austr.

pacisque siue artibus siue gloria cuius vni superiorum Impp. facile par, RVDOLPHVS hoc nomine PRIMVS, Alberti Sapientis Filius, qui ex Comite Prouinciali Alfatia, posteaquam fidem suam & robur militare Ottocaro Bohemorum Regi egregiè probasset, ab eoque palatio Præfectus primus, deinde summus aduersus Belam IV. Hungaria Tyrannum, Dux equitum pro Styria principatu vindicando constitutus, memorabilem victoriam reportasset; religione cumprimis, tum sapientia & rerum domi militiæque gerendarum dexteritate (id quod ei longè antea sub venationem Diuinum Sacramentum pientissimè veneranti Sacerdos prædixerat) Augusti decoris fastigium omni felicius inuidiâ, in hanc Domū inuexit. Siquidem Gregorius X. videns Germaniam inter regno, quod è morte Friderici II. supra laudati Cæsaris annos duodetriginta tenuerat, quasi gubernatore destitutam, elisis iudiciorum ac legum neruis in barbariem relabi; cum sub Annum M. CC. LXIII. missis nunciis Septem-

Septemuiros Imperatori creando monuisset, vt, nisi aliter ab se consultum vellent, in tantâ legum & temporum corruptelâ Moderatorem Imperio darent; Wernero Moguntino de Falckensteiniorum Comitum profapiâ toto suffragiorum conatu RVDOLPHVM, tamquam strenuum & sapientem Principem collaudante, III. Kal. Octob. ipsâ D. Michaëlis electus, decretoque electionis ab Eitelio Frederico Comite Zollerano accepto, cum anni subsequen- tis mense Ianuario ab Sigefrido Colonienſi trabeâ & imperiali diademate ornatus, Principes nonnullos auita terrarum atq; dignitatum iura recognituros, ſegnius in ſpondendâ fide agere videret; RVDOLPHVS, velut alter Conſtantineſis, arrepto Crucis ſigno, quod in ara ſteterat, id ſibi ſceptri loco ſere, in omnes ſibi atque Imperio infidos, renunciauit: honoribus deinde Regiis in Synodo Lugduni habitâ per Gregorium confirmatis, Odoacrum rebellem Bohemiæ Regem cæleſti numine adſpirante ſubegit, & in Sequanos arma proferens, malè pacatum Burgundiæ Comitem imperium accipere coëgit, ac ſummo Alſatiæ ocio parto, vrbibusque, Hagena, Colmaria, Tiguro, & Berna compositis, Æde item Sacra viuificæ Cruci Tulnæ ex voto poſita, tandem ſenio & militari labore fractus, Anno M. CC. XCI. XIX. Kalend. Auguſti, vt monumenti titulus indicat, oppido Nemetum Geimersheimio ex hac luce ereptus, incomparabilis, & quatuordecim conſictibus victorioſi Principis elogio decoratus eſt. Rudolpho vita functo, ALBERTVS id nominis I. paterni ſanguinis & virtutis hæres ſubrogatus eſt, qui Triumphatoris cognomen tulit, quod Adolphum Naſſouium difficillimo prælio, cuius dies ſignatur VI. Non. Iul. SS. Proceſſo & Martiniano ſacer; poſtea etiam Belam Hungariæ, Wenceslaum Bohemiæ Reges, Auſtriam, cæ-
I 2
terasque

ALBER-
TVS I.

teraque circumsecus ditiones infestantes, regni titulo & honore, quo per factionum studia potiebantur, exuisset. Eius aduersus Deum pietatis & animi prudentis ad æquilibrium, compositi luculentum vestigium, apparuit; cum prælio, quo de summa Imperii in Vangionum agro decernebatur, plurimis vtrunque partim æstui caloris æstu immodico, partim vulnere inflicto cadentibus, Adolphus in media pugnantium agmina prolapsus, vbi extrema vi per armatorum cuneos ad ipsum vsque Albertum penetrans, Albertumque magna voce inclamans, non euades, inquit, sed vitam cum Imperio relinques; tum ALBERTVS; id sanè in potestate Dei summi arbitri est; simul mucronem stringens, vulnere secundum oculum, qua galea patebat, inflicto, Competitorem in terram ex equo deiecit, qui dein à Siluestribus Comitibus, aliisque Albertum cingentibus obtruncatus est. qua victoria potitus, Aquisgrani deinde D. Bartolomæi festo à Wichboldo Agrippinensium Præsule solemni ritu inunctus, coronatusque fuit; sublimiores vtique gloriæ gradus conscensurus, nisi nefaria Nepotis manu, detestabili parricidio, haud longè post sublatu fuisset. Qui vt bilingues summo semper odio detestatus est, ita deuotum Clerum, & strenuos milites arctissimè complectebatur. Pro Symbolo vero manum ferratam sceptro decoram, & altrinsecus oliuæ ramam habebat, cum hac epigrapha; vtrum lubet. Vt se belli & pacis Artibus, velut alterum Fabium, æquè gloriosum significaret. nec diu ab huius morte Imperium sine Austriaco moderamine floruit; siquidem Henrico IIX. grauissimis reipubl. malis indormiente, dum nefariis hominibus ad vniuersorum perniciem confederatis crescit animus, tota passim Germania, triplici factione Leonum Sæuientium ex Rhenana Francicæq; nobilitate, Falconum in Westphalia, & Cornutorum in Logana tractu, in cædes & prædas effusâ, eorundem latrociniis exinanita

nita est; donec tandem iterum ad Austriacum, tamquam ad sidus tutelare, tametsi non sine nubilo, Christiana resp. respexit. Enimvero studii Septemuirum in diuersa distra-
ctis, **FRIDERICO** cognomēto **Specioso** (quem complures Chronographorū huius nominis in Augusta serie III. indigitant) Bonnæ in Regem coronato, & à primoribus accepto, per Ludouicum aliorum æmulatione oppositum, diuturni belli occasio exorta est. ad cuius frangendas opes, **LEOPOLDVS** Friderici Frater, magno cum exercitu armis impunè circumlatis, in Nemetum fines descendit; posteris deinde annis ad Bruscam Alsatix nostræ amnem, adscito Ioanne Argentinenſium Antistite, & Vdalrico Ferretarum Comite, magnam ei cladem dedit; donec tandem sub annum M. CCC. XXII. inter Oetingam Boiorum, & Molindorffium OEno fluuio propinquum, dum alternante diu victoria, nescias vtri vincant, Austriis loco motis, signum militare captum est; ipseque Fridericus, traiecto per medium corpus equo, fortiter dimicans viuus, Bohemo manus iniiciente, in Ludouici potestatem venit. tantoque **LEOPOLDVS** amore Fridericum complexus est, vt à die, quo captus fuit, nullum lætitiæ signum ediderit. bellisque in annos consequentes continuatis, notabili Germani amoris exemplo, Fratrem ex vinculis eripere laborauit. Fridericum igitur forma Orbi, virtus Deo commendabat; & quod imperium illi Principum discordia impediuit, hoc dum per **LEOPOLDVM** militaris virtus asserit; constantiæ, fidei, & fortitudinis posteris ostendendæ præclaram nactus est occasionem. Nec modico deinde temporis interuallo, hoc est, An. M. CCCC. XXXIII. eâdem stirpe **ALBERTVS II.** cognomento **HONORIFICVS**, Sigismundo Augusto Pragæ in Bohemia vita functo, Kal. Ianuarii pro eo Francofurti Romanorum Rex consalutatus est; cum aliquanto ante Hungariæ Bohemiæque regna indeptus, agrè ab ea gente honorem hunc capeſſere

**FRIDE-
RICVS
III.**

**ALBER-
TVS II.**

FRIDE-
RICVS
IV. *al. III.*

permissus fuisset. qui mox à coronatione aduersus Amurathem maximis copiis profectus, Turca sub eius aduentum retrofugiente, dissolutis militaribus turmis, ab expeditione redux sub Caniculæ feruentis æstus solito maiorem, morbo sibi ex melonum & peponum esu conflato VI. Kal. Nouembr. in Hungaria, pari totius orbis luctu & damno diem clausit extremum. Sed iacturam resarsit eadem Domino FRIDERICVS IV. (alii III. statuunt) cui deinde PACIFICI sui nominis cognomentum fuit, quem VII. viri Francosortum denuò profecti, Ioanne Gersio Sigismundi quondam Imp. Protonotario nequidquam comitia distrahente, Anno M. CCCC. XLII. die Virgini purificatæ sacra Romanorū Regem dictum, summis deinde studiis Aquisgrani, Theodorico Agrippinate diadema, sceptrum, & regalem purpuram deferente, ornarunt. Hunc sapientiæ singulari quodam amore inflammatū Æneas Syluius, (quem doctrinā eminentem regia Friderici Cancellarium, deinde vero Ecclesia Summum Pontif. PII. nomine habuit) testatus est. Sed nec armis, nec pietate inferior fuit. nam Flandros rebelles, Innocentio anathema iisdem interminante, domuit; duos Carolos, alterum VII. Francorum Regem, alterum Burgundum, cum iam ingentibus adductis copiis pæne attriuisset, Alexandro Foroliuiensi Pontif. Max. in Germania Legato, eam Sedi Apostolicæ reuerentiam habuit, ut ad eius arbitrium totam eam litteram reiecerit. ea quoque pietatis laude floruit, ut Colonia vna cum Principibus & Illustri Comitum hac ætate armis consilioque præstantium Coronam, in Rosarii, ut vocant, fraternitatem referri voluerit, eorumque censu reponi, qui certo corollarum & precum numero Sanctissimam DEI Matrem, religiosè consalutarent. quibus Religionis operibus eam etiam temporariæ felicitatis, ut vulgò haberi solet, vicem recepit, ut omnium maximè diuturno imperio LIII. annorum, & quod excedit, potiretur: quo

quo supergressum cunctos patet, qui iam inde ab Augusti ætate orbis principatum tenuere. Sub hoc Author & Parens Societatis nostræ B. IGNATIVS LOIOLA feliciter in lucē editus est. Cuius obitu ad XIII. Kal. Septemb. vulgato, MAXIMILIANVS I. Friderico iam antea procurante Rex Romanorum renunciatus, consensu Viliurum Anno M. CCCC. XCVI. Cæsar dicitur, Princeps & rei bellicæ studio, & disciplinarum ac Summæ in Deum pietatis, plurimisque tum naturæ tum fortunæ dotibus illustis, de quo Parenti Friderico luculenta oratione Herimolaus Barbarus, merito gratulatus est, quod Filium generosissimum, qui nobilissimas gentes, ferocissimos populos, bellicosissimas nationes non minus armis quam sapientia vicisset, se viuo Regem Romanorum dici permisisset. Is & controuersis imperii minuēdis commune quoddam Germaniæ Dicafterium, quod iam Camera Imperialis apud Nemetes fuerat, erexit, & sanctionem pacis, qua nullum adhuc remedium efficacius Germania tot subsessorum latrociniis iniuriisq; lacerata senserat, promulgauit, & prima Velleris aurei à Philippo Burgundionum ac Brabantia Duce, cognomento Bono, instituti, Brugis contitia, tamquam Augustissimi illius Ordinis caput ac Princeps celebrauit. quando autem in scientias affectu esset, vt alia non memorem, vel hinc eluceat, quod in Comitibus An. M. CCCC. XCV. celebratis, graui & sapienti oratione Imperii Proceres, maximè omnium Septemuitos exhortatus est, vt quando Doctorum hominum copia rarefceret; darent operam, vt suis in ditionibus Academia passim erigerentur. nec vacat certo diuinæ prouidentia argumento, quod humeris Lutheri, necdum id temporis apostata, sed virus tamen animo iam percoquentis, cacodæmonem forma visibili (vti olim in Berengario Fulbertus Carnotensis) insiden-

MAXI-
MILIA-
NVS I.

CAROLVS V.

insidentem conspexerit. Maximiliano tandem Lintzii apud Welsium in Austria naturæ concedenti, in eius locum CAROLVS V. Philippi Formosi F. Maximiliani N. frequenti Procerum purpuratorum conuentu Wefaliæ dictus Imperator, qui in castris Hannibalem, in conficiendis itineribus Iulium, in præliis Alexandrum, amore literarum Augustum, Religionis tutela Constantinum Orbi Christiano exhibuit. Hic Italiam discordem composuit, Solimanum Sexcētorum millium, vt fertur, exercitu, Pannoniæ imminentem, turpiter fugere plurimis contrucidatis coëgit, ac decennio post in Mauritaniam Cæsariensem profectus, de iisdem victoriam omnium gentium literis celebratissimam reportauit. Gallorum Regem, & Saxonum Ducem captos vicit, Afros domuit; & quod maxime à me commemorandum, acerrima illi cum Luthero hæresiarcha Wormatiam primum euocato, & deinceps, pugna fuit. ibi enim fortiter sapienterque summam de rep. sententiam dixit CAROLVS vere AVSTRIVS, sc, quod Auo, Patre, maioribus, & sigillatim Domino Austriacâ dignissimum iudicaret, auitam maiorum fidem defensurum, Ecclesiamque Catholicam omnium suorum regnorum opibus, vectigalibus, etiam sanguine, ipsoque capite suo tutaturum; nolle Principibus in posterum quidquam cum illo homine negotii esse, quem falsæ Religionis manifestum, velut hostem Ecclesiæ, proscriptum videret. qui memor se dici & esse Catholicum, seuerissimè cauit, vt libri ab Luthero scripti, ab Leone X. damnati, in amplissimo Brabantiae conuentu Vulcano traderentur: vt iure ab Paulo III. Imperator armis & religione Maximus nominaretur, quanti vero laudabili

bilium doctrinarum Moderatores IMPERATOR hic vere AVGVSTVS fecerit, argumento est, quod cum Louanii esset, Rectori Academico loco celsisse, & tantum talem Cæsarem latus texisse, singulari & nouo exemplo perhibeant. Tandem inaudito gloriæ, (quâ ipsas etiam Gades & Herculeas columnas transgressus est) & spretæ monarchiæ exemplo, Philippo Filio hæreditaria regna, Ferdinando Fratri Imperium consignans, omnia Imperatoriæ maiestatis ornamenta, vnius Religionis & tranquillioris vitæ desiderio, deposuit, & felicibus ventis in Hispaniam delatus, Eremum Iusti in agro Placentino, inter Hieronymianum Sodalitium, locum orationi & pietati exercendæ delegit. Cuius mirabilem tum in illâ vitæ mutatione, tum in Imperii, vitæque clausula diuinæ prouidentiae harmoniam Zenocarus notauit, quod quâ in parte Galliæ, quâ in prouinciâ, quâ in Vrbe, quo in palatio, quo in atrii loco, quo tempore Belgicæ, cæterorumque regnorum, anno ætatis quintodecimo dominatum inchoarat, eâdem in parte Galliæ, iisdemque locis, ac temporibus, post XL annos idem Carolus Philippo Filio Belgicam cæteraque regna, coram omnium Prouinciarum ordinibus, maiorumque gentium nobilitate, tradidit; quin, & vbi natus est, ibi mûdo mortuus, & qua die xxiv. Febr. natus, eâdem Rex & Imperator consecratus est. Eademque die Septemuii Electores Francofurti rursus solemni ritu translatum in Ferdinandi caput diadema venerati sunt, qui Comitibus Augustæ habitis, multisque salubriter constitutis, Turcam grauissima obsidione Viennam tentantem, Vrbe, & Austria, totaque Hungaria pulsum, Constantinopolim redire coëgit. Eundem tum aliàs, tum Ioannem de Zapolia, eiusque Filium Ioannem Sigismundum Transyluanix Vaiodam, Sultani opibus nixum Pannoniæ inhiantem strauit fugauitque. Lutherum, cuius antea Nouum Testamentum hæretico fermento inquinatum tota Austria proscripserat,

*I. Lips. in
LOHAN. c. 3.*

**FERDI-
NAN-
DVS I.**

rat, tum per alios, tum vero per Societatem, quam amantissimè complexum infra dicendi locus erit, ditione sua profligari fanciuit. Quibus dignissimis Catholico Cæsare facinoribus, Salutaris toti Orbi Germanico Imperatoris elogium promeruit adipisci. Nec is qui Parenti successit, MAXIMILIANVS II. ab hac Sapientiæ & rerum magnarum gloriâ degenerauit; qui raro felicitatis exemplo, quale post Albertum Austriam II. nemini obtigisse accepimus, intra vnus anni orbitam tres ordine coronas Augustales, Hungaricam IIX. Septembr. Posonii, Bohemicam xx. eiusdem, & tandem xxi. Nouemb. Romanam suscepit. Idemque se aduersum ingruentes humanorum casuum fluctus hoc digno Catholici Cæsaris elogio, Dominus prouidebit; velut clypeo præmunire solitus erat. Sapientiæ vero laudem retulit, quod ab adolescentia optimis disciplinis imbutus, ita iis inuigilauit, vt octo linguarum haud mediocriter peritus esset. Eum dies D. Maximiliano, Sacer, id est xii. Octobr. sub A. M. D. LXXVI. ab mortali ad immortalem vitam transtulit.

Et Filio suo RVDOLPHO II. Imperiale decus reliquit, qui Kal. Nouembr. Maximiliano necdum viuis crepto, Ratisbonæ Rex Romanorum electus & consecratus erat. Eius autoritate Aquenses ad noua promptiores in aliquod tempus, vt postea patuit, repressi. hic vero in magna tumultuum & bellorum iactatione comitiis Ratisbonæ, & aliubi sæpenumero indictis, quam multa salutariter Imperio, rei; Christianæ fanciuit? quam crebro auxiliis communibus tum aduersus æternū Christiani sanguinis hostem, tum Belgicæ alijsque prouinciis pacandis curas aduertit? qui semper iis præliis fortunatissimus notatus est, quæ contra Ottomanicum furorem, Ernesto, Maximiliano, & quem Deus hodie S. R. Imperio diu felicem gubernare velit iubeat, MATTHIA Serenissimi Tui sanguis.

sanguinis Gubernatoribus confecit, magnâ felicitate ac virtute comite gesta, trophæis monumentisque suis consignata reliquit, dum omnes laudatissimi, vereque Austrii & Orthodoxi Cæsaris numeros, aduersum tot difficiliorum temporum acerbitates, ipsos duodequadraginta, quibus imperium tenuit, annos, magnâ semper moderatione vsus, explicuit: donec tandē sub annum M.DC.XII. die x. Ianuarii morseius exulceratione vitalium properata, veterem curam consulendi Imperij orbitati Vlluiris reuocauit; estq; Francofurti mense Maio locus CÆSARIS MATTHIÆ creando apertus, qui xxii. ciuidē, cum ANNA lectissima suæ stirpis REGINA, magno Principum & ciuitatis studio acceptus, ad xxi v. Maij Cæsar dictus, Moguntino primas ferente, augustâ coronationis cæremoniâ de more inauguratus est. Mox sequente anno Comitibus Ratisbonam indictis, præsidia rebus Imperij grauissimè iactatis vigilanter inquisiuit; Aquenses, qui antea Rudolphi Cæsaris autoritate & sententiâ, Catholicis iuri suo restitutus, compressi, non ad solidam quietem redierant, Alberti Archiducis Belgarum Principis armis compescuit, nec multo post, Francofurtenses resectis capitibus rebellionum, in officio continuit. Sed iam sisto, memor Solonis, ne quem ante obitum beatum videar prædicasse. Claudat igitur Augustam Impp. Austriacorum seriem inclytum par Regum eiusdem sanguinis verè Catholicorum; alter Philippus II. Hispaniarum Indiarumque Monarcha potentissimus, qui belli & togæ Artibus æquè admirandus, vti, quo vix vllus hac memoria Princeps aut tempestiuus arma induit, aut serius exiit, aut ad extremum vsque vitæ spiritum fortius fideliusue pro Dei Ecclesia tractauit; qui vti non voce tantum per Oratorem suum in publico Christiani orbis theatro; sed manu etiam, vbi necessum fuit, pro Religione tuen-

MAT-
THIAS
I.

PHILIP-
PVS REX
HISP.

*Ex orat.**Ioan. Al-
phonfi de
Sofa Roma
ad Clem.
VIII. ha-
bita. A.
1592.*

dà constanti animo florentissimum Monarchiæ
sue sceptrum, Regiæ Maiestatis coronam, affluē-
tes regnorum opes, ipsum Austriacæ familiæ san-
guinem obtulit; ita moriens plenus dierum, plenus
insignium in Ecclesiam Catholicam meritorū, gaudere se
merito aiebat; quod in Catholica fide religioneque
maiorum, & obedientia sanctæ Romanæ Ecclesiæ
eiusq; Capitis Romani conquiesceret. Quare hanc
ei Deus felicitatem addidit, ut eundem & Regem Re-
gumque maximum, fortem barbarorum ac Tyranno-
rum domitorem hostes timerent, & pium acerrimumq;
Ecclesiæ defensorem tanquam humani generis de-
licium innumerabiles tam latè patentium Regnorum
nationes amarent. neque iniuria,

*Adrian.**Barland. in
Chro. Du-
cum Brab.*

*Ors Vs, & OCCas Vs, Boreas, & Coer VLVs AVster
PLanXerVnt Clneres, Magne Philippe, TVos.*

Sunt tamen haud exigua ingentis solatia luctus, ab D.
Ambrosio luculenta oratione, quam de Magni Theodo-
sij excessu habuit, expressa; quod tantus Imperator
recessit à nobis, sed non totus recessit. reliquit e-
nim nobis LIBEROS SVOS, in quibus eum
debemus agnoscere, ET IN QVIBVS EVM
CERNIMVS & VIDEMVS. Alter vero est
Serenissimus Tuus Frater, FERDINANDVS, anno pro-
ximè superiore communi omnium bonorum gaudio in
Bohemiæ Regem euectus, cuius ardens in Catholicâ Re-
ligione studium, uti semper antea & post, ita tum maximè
enituit, cum in panagio iureiurando à suis sub paternæ
ditionis primordia exigendo, & ipse vicissim ad sempter-
nam

**FERDI-
NAN-
DVS
REX.**

nam, & nunquam de libro Dei, nunquam de bonorum omnium predicatione delendam sui Nominis memoriam iureiurando se obstrinxit, constantissimè denunciando, prius vitam positurum, quam in iis, quæ ad Religionem pertinent, quidquam sectariis concedat. neque ambigimus, quin cui dignum Archiducali culmine, dignū Austriaco Rege symbolum est, SOLI DEO CONFIDERE; illum Deus volens propitius ad immortalem sui Numinis gloriam, Orthodoxæ Ecclesiæ incrementum, salutem plurimorum, & Augustæ Domus felicitatem dignitatemque propagandam, vberiore cælestium gratiarum irrotatione, regnorumque accessione cumulabit. Vide nunc, SERENISSIME PRINCEPS, in quora diuinæ, vt ita loquar, felicitatis parte reponi debeat, Austriacos Tui sanguinis Principes, dum Christianam rempublicam sustinerent, quod Innocentium Pontificem quondam ex vrbe in Germaniā rescripsisse meminimus; quantò sublimius ascenderunt, tantò robustiorem murum pro domo DEI extitisse, vt nemo omnium tanta difficillimorum temporum vicissitudine; tot hærescon & diuersarum opinionum emergentibus monstris, in heterodoxorum partes abierit, nemo vlli vnquam schismati adhæserit; sed fidos se Romanæ atque Apostolicæ fidei ac Sedi defensores exhibuerint; nemo omnium sanguine aut vi quapiam atrociore ditionem ampliarit, sed vel connubiis, & pace, vel ob res præclarissimè gestas munerariâ donatione, in tot amplissimorum regnorum possessiones sint intromissi. Videlicet pertinebat ad absolutissimam Augustæ familiæ gloriam, non tantum acquirere regna, debellare Reges, hostes à finibus propulsare; sed etiam pacem & pacis officia cum dignitate colere, æquum omnibus ius dicere, fouere artes, Religionem, tueri, præcidere litium.

causas; nec minora virtutum exempla, quam ornamenta additamentaque; regnorum posteris relinquere; illorumque bonorum copiam suis conciliare, sine quibus nullis etiam armis laceffita imperia interire necesse est. Præclare igitur Cæsarei Sanguinis, Principis Catholici, Defensoris fidei, patriæ Parentis officio functus es, præclare gloriæ & famæ Domus Austriados, præclare & pietati Tuæ, & eorum, à quibus ortus es, laudibus respondisti; dum hac constituta pietatis & Artium officina in Alsatia, cui aui Tui jam abhinc annos mille Landgrauia-tus titulo præfuerunt, cui tot retro sæculis ex eadem stirpe alii in summo Imperii fastigio collocati, curam operumque vigilanter impenderunt, Religionem ac fidem omnibus iis præfidiis communire adlaboras, quibus aduersus improborum Artes, quorum furore superioribus annis tantopere iactata fuerat, satis in posterum tuta fore videatur.

CAPVT II.

DOMVM AVSTRIACAM
PER SERENISSIMOS ARCHIDVCEs COM-
plarium in Orbe Christiano ACADEMIA-
RVM Parentem, atq. Altri-
cem esse.

EQVIDEM veterum Annalium monumentis con-
signatum reperio, pace Orbi Romano restituta, ne-
minem Principum æquè ac Ælium Hadrianum, qui
Traiano susceffit, prouinciarum, littorum, ac marium pera-
gratione, tanta tam breui tempore spacia emensum esse;
& cum summo Urbium ac coloniarum siue instruenda-
rum siue instaurandarum desiderio inardesceret, integras
fabrum,

fabrum, lapicidarum, & omnis generis opificum cohortes veteribus ædificiis ab interitu vindicandis, nouisque erigendis, centuriarim etiam sub signis ad specimen legionum militarium circumduxisse. vnde illum **Restauratorem Orbis terrarum, & locupletatorem**, non viux tantum vocis præconiis, sed numis etiam, in eius honorem cufis, percussisq; nominarunt. quod si tam honorifica compellatione, tamque pleno dignitatis elogio eum subditi cohonestandum rati sunt, apud quos theatris omnium turpitudinum arcibus construendis, excitandisq; delubris, & idolorum simulacris indelebilem potius dedecoris famā, quam honoris memoriam promerebatur; quæ non laudum encomia, quasue Panegyres non ii Principes, & in Principibus augusta Domus Archiducum Austriorum assequetur; quorum impensis, opibusque, tot adornatis Academiarum domiciliis, quibus respublicæ florent, & ad virtutem atque humanitatem adolescentum ingenia imbuuntur, celeberrimæ quæque ciuitates instructæ sunt; vt dubium Orbi Christiano reliquerint, submissusne Imperatores bello sagatos, an Parenres pacē togatos reuereatur? Et fuit per ea tempora, quibus in Domum Austriam Imperialis fastigii **Augustum decus translatum** est, partim pacis beneficio, quæ perinde bonas Artes, atq; vernum tempus flores in arboribus indulgentiore quodam auræ Fauonio adflante, solet euocare, partim Dei Opt. Max. barbariem atque ignorationem ab Europa sub Optimis Imperatoribus profligare parantis consilio, in multis diuinus quidam ardor ad publica disciplinarum emporia per Academias excitanda. quos dum apud me tacitus recenseo, facillè video, **SERENISSIME PRINCËPS**, me non citra ingrati animi piaculum. **SERENISSIMÆ Tuæ Gentis ARCHIDUCES** silentio posse transire; qui sicut præ cæteris aliarum familiarum tum Cæsaribus, tum Dyna-

Dynastis, per tot egregia pace belloq; parta trophæa, eximiam quandam altissimarum virtutum exaggerationem in imperii sui theatro palam omnibus representarunt; ita dederunt operam, vt respublica etiam Academiarum ornamentis, sine quibus Laureę triumphales exarescunt, florentior ad posteros transmitteretur. In his iure Princeps erit RVDOLPHVS IV. cui postea ex reb. præclarè gestis Magnanimi, ex tot Deo dicatorū in Austria hominum Asceteriis constitutis, Fundatoris nomen datum: qui vna cum ALBERTO III. & LEOPOLDO cognomento Probo Archiducibus Germanis, quibuscum semper coniunctissimè vixit; Viennæ (quam priscis Flavianam dictam ab aris Flauianis, Ptolemæus commemorat) fouendis bonarum Artium studiis, & pietati vnice deditus, Viennensem Academiam, priuilegiis ex Romana & Parisiensi Vniuersitate deriuatis, erexit. quam deinde ab Urbano Summo in terris Pastore id nominis VI. firmatam ita ciuili etiam iure stabiliiuit, vt edicto cauerit, quoties S. P. Q. Viennensis nouum Cos. crearet, conceptis verbis admoneretur, daret operam, ne quid Academia Viennensis detrimenti caperet. Pietati vero dandum est, quod Ædem D. Stephano Protomartyri Sacram., cuius Parens fundamenta iecerat, RVDOLPHVS ad fastigium deduxit, cumq; antea Parœcia esset, Cathedralem esse iussit; & quo Academix consultum solidius iret, fanciuit, vt in Canonicorum Collegium emeriti Professores adlegerentur. Eandem vero postea corporis sui exuiis honestauit. Quare nec ingrati, nec immemores Academici, diem xxiv. Iul. quo Mediolani vita functum fasti annales commemorant, gratæ recordationis ergo, frequenti catu & anniuersaria piarum cærimoniarum religione agitare consueuerunt. cæterum.

ACADE-
MIA
VIEN-
NENSIS
IN AV-
STRIA.

cum iniuria temporum eouſque & Catholicæ diſciplinæ vigor, & flos adoleſcentum contabuiffet, vt è tam celebri Academia ad annos facile xx neminem vnum Academicorum Sacerdotio inſignitum earum rerum curioſi notarint; FERDINANDVS I. Romanorum Rex Vrbanò Labacenſi Anſtite, qui ei à confeſſionibus & concionibus erat, Societatem noſtram commēdante, eam ſibi ſub annum M. D. LI. aduocandam ratus, à Claudio Iaio, vno è decent primis (qui S. Pauli epiſtolas interpretabatur) accepto experimento; datis continuò ad Pontif. Max. & Ignatium Loiolam Societatis Parentem litteris, florentiſſimum inibi Collegium eſſe iuſſit; quod tum Auguſti Succeſſores, perinde atque ipſam Academiam ſingulari beneuolentia proſecuti ſunt, tum Tu ipſe, SERENISSIME PRINCEPS, cum SERENISSIMO REGE, Germano Tuo, non mente tantum beneuola, ſed manu etſam benefica, & alias, & ab nupero illo ſatali incendio magna dignatione adiuuiſti. Altera ſeſe nobis Academia offert in Alſatiæ Superioris finibus Archiducali veſtræ Familiæ iam à multis retrò ſæculis hæreditaria, FRIBVR-
BRISGOIA, quam urbem BERCHTOLDVS IV. Zeringiæ Dux, is, cuius deinde ſtirps in Veſtrū ſanguinem coaluit, caſtro cum primis poſito, ſub annum reparatæ ſalutis MCLXXIX. ædificauit, cumque eam natura & loci genio ita communitam cerneret, vt manibus alijs aut propugnaculis fruſtra vallari videretur, ab hac libera conſtitutione nomen ei inditum eſt; eandemque Fridericus II. id nominis Caſar, ſub annum MCCXIX. magnis priuilegiorum ornamentis extulit; ſed longè nobilius ALBERTVS VI. Auſtriaci ſanguinis ARCHIDUX, cognomento MITIS, Erneſti Ferrei Filius, Friderici IV. Frater, Academia ſub annum M. CCC. LX. egregiè fundata, & PII. II. Pont. Max. autoritate ſtabilita, euocatis Viennâ Auſtriæ Theologiæ, Iuris Canonici, & Legum Doctori-

L bus,

FRIBVR-
GENSIS
in Briſgoia.

ESCV-
RIALIS
in Hispania

bus, decorauit: quæ sicut Albertum Archiducem Fundatorem, ita Fridericum IV. ex Archiduce Augustum restauratorem memoriâ prædicat sempiternâ. Laudemne hic iterum PHILIPPVM II. CAROLI FILIVM verè AVSTRIVM, amplissimi omnium ætatum imperij Monarcham, Pium, Felicem, Triumphatorem, & Pacificum, acerrimum Catholicæ fidei religionisque maiorum DEFENSOREM, qui ad eam potentia ac maiestatis amplitudinem Dei Opt. Max. benignitate penetrauit, vt iam gloriæ domicilium non Atlantici Chinesisue Oceani, sed iisdem quibus ipse Solis cursus terminis definiret. quare illum meritò Germani Carolo Magno, Gallia Herculi, Italia Daudi, Siculi Africano, Hispani Alexandro Magno, Turcæ Iulio Cæsari, Afri Hannibali composuerunt; cuius inter cætera bellicæ fortitudinis & pietatis facinora illud etiam magna cum laude reponunt historiæ, quod cum sub annum Christi Vniçnæ M. D. LVII. S. Quintini fanum Picardiæ oppidum collecto ingenti Hispanorum & Belgarum exercitu obsedisset, Sextili mēse, festo Laurentij Diui tutelaris rite vouit, si partâ victoriâ, eiusdem deprecatione belli finis foret, se B. Leuitæ augustissimum in Hispaniæ regno templum excitaturû. ergo cæsis ad internecionem hostibus, belloque captis cæteris, gloriosissima ad eam diem victoria potitus, iam voti damna proxime locum illum, quem Carolum V. regnis sponte abdicatis triennium ipsum in celestium rerum meditatione occupasse meminimus, IN ESCVRIALI Septimô à Madrito lapide, ad radicem montis, Templum, simul amplissimo Sodalibus Hieronymianis cœnobio constituto, exædificauit, eique præter admiranda naturæ atque ingenii opera, illustrem sub eiusdem D. Laurentij tutelâ Academiam vetustissimorum librorum bibliotheca, quæ vni Vaticanæ Pontificiæ secunda esse dicitur, mirificè decoratam, adiunxit. Nec Hispaniam dun-

duntaxat pace & religione florentissimam; sed Belgicam etiam Bellonæ furiis & tartareis pestiferarum hæreseon monstris, è vicino lacu Batauico circumfremmentibus, olim tantum non euersam, Academiâ idem PHILIPPVS recreauit. Nam Duaci Aduaticorum ad Scarpum amnem, vrbe inter Flandriæ ciuitates mercimonio clarissima; iactis sub annū M. D. LXII. Academiæ fundamentis, Francisco Richardoto Atrebatensium Præsule, viro omni disciplinarū genere excultissimo, & tum Regi, tum omnibus Ordinibus vnice caro, quique eloquentia Tridentinam Synodum exornauit, perorante; capturnque Regis Catholici institutum persequente, amplissimis priuilegiis, & honorariis propositis, munitissimam sapientiæ & pietatis arcem aduersus increbrescentes per Germaniam Galliamque hæreses constituit. Quibus ne iuuentus Belgica corripere, insequentibus annis Rex verè Catholicus edito grauiissimè cauit, ne quisquam è prouinciis Belgicis, ad aliam Academiam studiorum gratia (excepta sola Romana, vclut communi omnium patria, & bonarum Artium Matre) sese reciperet. Porro, quia frequentissimus ibidem Gallici idiomatis vsus est, eius ad eruditas linguas professionem sibi adiiciendam putauit; tum ne linguæ aliubi addiscendæ occasione, peregrinam vnâ fidem combiberent; tum vt minore impendio Gallicanæ linguæ studiosi Galliam ipsam solo natali, magno patriæ ornamento reperirent. Eandem postea Vniuersitatem egregia Cænobiarchæ Aquæcinctensis in literas munificētia, & in Societatem volūtas, Collegio illi attributo, insignitè nobilitauit. Quid vero de illa, quam CAROLVS Parēs Tuus, æternæ memoriæ Princeps, qui vt erat eodem anno in hanc lucem editus, bono totius Austriæ, imo Ecclesiæ Orthodoxæ, quo Societas nostra primum ab Paulo III. Pontif. Max. confirmata fuit; ita eodem anno, quo Tu, SERE-

DVACE-
NA in Bel-
gio.

GRÆ-
CIENSIS
in Styria.

NISSIME PRINCEPS, vitam primum aspexisti, nouam Græcii, Styriæ Metropoli, Academiam inter tot hæreticorū, Societatem adlatrantium, odia, Gregorii XIII. & Sixti V. Summorū Pontificum consensu, postea etiam Cæsareis decretis firmatam, constituit? vt populis, qui sibi parerent, variis hæreseon erroribus implicatis subueniret. qui ad diem Academiae publicandæ condictum, in amplissimo templo, magnifica pompa; posteaquam Secconienſis Antistes idem ille, qui Te Sacro Baptismi fonte iustrauit, Sacrosanctam insigni cæremonia liturgiam de S. Spiritu peregisset, per Cancellariū, diplomatis primum, tum Rectoris insignibus, sceptro, & Academiae sigillo, Præposito Prouinciali & Societati contraditis; eiusdem fidei & gubernationi non sine publica amoris testificatione, & præfatione honoris plenissima, quod ad Dei gloriam felix salutareque esse iussit, ipse coram, cum Serenissima Coniuge, Matre Tua Felicis Memoriae amantissima, Ferdinando Fratre, magnoque Præfulum Sacrorum, ac Prouincialium Regulorum confessu, & præcipita totius Styriæ nobilitate, commendauit. neq; hic sese indulgentissimorum nostri Ordinis Parentum effusa beneuolentia constringi passa est, quin Disputationibus Academicis, quæ triduum ipsum consequens tenuerunt, de Pronunciatis tum ex Theologia, tum etiam Philosophia depromptis, tandem etiam in literariæ letitiæ auctarium, Tragediæ honori Principum datæ, gratissima plausus adnurmuratione, magno fremitu inuidentiæque Nouatorum, interesse non sunt aspernati. Nec dispar fuit aduersus minimam nostram Societatem beneuolentiæ, amorisque sensus Inuictissimi Cæsaris MATTHIAE, qui hodieq; Imperium Romanum moderatur; id quod ei diuturnum esse omnes vouemus, quiq; Tuus, SERENIS-

SIME

FRAN-
GENSIS
in Ebe-
nia.

SIME PRINCEPS, olim in Sacro regenerationis lauacro apud Deum & Ecclesiam Sponsor fuit & obses; nunc vero huiusce Tuæ Academiae collaudator, ac publico suæ Maiestatis diplomate fautor, tutorque. Ille igitur anno superiore nouam ab se fundatam dotatamq; Academiam in magnæ Bohemiæ Clarissima Metropoli, Augustaue Cæsarum Vrbe regia, Collegio Societatis nostræ iam pridem antea per Ferdinandum I. Imper. sub annum M. D. LV. datis ad B. Ignatium Loiolam literis, constituto, suæ in Religionem tuendam constantiæ, in Bohemicam Gentem tutelæ, in Socios amoris contestando, attribuit. Et sanè quondam Carolum IV. id nominis Imperatorem, eundemque Bohemiæ Regem, Academiae ibidem collocatæ autorem fuisse accepimus, tantisque eam fauoribus complexum, vt ad scholas Magistrorum ingressus, vbi quatuor ipsas horas disceptationi literariæ interfuisset, atque à Proceribus Cœnæ tempus adesse moneretur; hanc verò cœnam suam esse dictitaret. quam eandem posteris annis propudiosa Hussitarum hæresi, & bellis seditionibusque attritam, FERDINANDVS I. & MAXIMILIANVS II. AVGG. (quò Bohemorum saluti enixius consultum irent) vigilantissima cura restituere conati sunt: sed vt feras quasdam constat nunquam mitescere; sic inuenias inimites atque implacabiles mortaliū animos pertinacibus errorum opinionibus deprauatos, fructuū semel conceptam mordicus fouere. Quare omnibus aliis fidei sancientiæ remediis, nequidquam admotis, alteram ab hac Academiam velut inexpugnabilem pietatis & sapientiæ orthodoxæ Acropolim heretico furori opponendam Inuictissimus CÆSAR pro sua in rem Christianam cura existimauit. Istis itaque Septimam

*Cromer. in
Polen.*

*MOLS-
HEMIA-
NA in Al-
satia.*

Tuam Molshemensem, SERENISSIME PRINCEPS,

L 3

nis

nis argumentum est) velut insignem laudum Austriacarum coronidem adiungendam esse putauisti. Videlicet vt quemadmodum Caroli Magni primi per Germaniam Academiarum Parentis auctore, septem Metropoles per Italiam, Genua, Rauenna, Mediolanum, Forum Iulium, Gradus, Tarentasia, Ebrodunum; totidem in Imperio Germanico, Colonia, Maguntia, Treuiros, Salisburgum, Vefuntio, Arelatum, Vienna, tamquam fortissima tutandæ fidei, & ad dignitatem munificentissima propugnacula, constitutæ sunt; sic ab Serenissima Vestra Domo hæc Artium laudatarum ac religionis Metropoles pari Religionis & sapientiæ commodo atque ornamento à fundamentis excitatas Europa possideret. Quod si iam illas etiam, quas vel collapsas erexistis, vel florentes stabiluisti, percensere adniterer, patentissimus sese mihi de integro encomiorum campus aperiret. Vt enim boni Architecti & nouas domos parant, & veteres reparant, vtrumque pari laude ac commendatione; ita indulgentissimi populorum & patriæ Parentes, qui non tam sibi remp. quam se reip. datos meminerunt, pari cura industriaque & nouas, sicubi necessum esse vident, disciplinarum palæstras educere, & collapsas restaurare adnituntur. Quam laudem Tuis quoque, SERENISSIME PRINCEPS, florenti huius Diocæseos administratione præclare gestis deberi, promptum foret euincere; nisi me partim hic Archiducalium Academiarum septenarius, tamquam in sabbatissimo conualescere moneret, partim augustior, certè extra omnem assentationis suspensionem posita, Generosissimorum Tui sanguinis & Nominis Principum series ad sui si non commendationem; at commemorationem raperet, quos Tute Tibi in omnem vitam ad Austriacarum virtutum æmulationem Duces atque antesignanos statuisti.

**SERENISSIMVM LEOPOLD-
DVM, GENEROSISSIMORVM SVI NOMI-
nis à Domo Austriaca Maiorum indoli hac ACADE-
MIAE FVNDATIONE quam maxi-
mè respondisse.**

SANE Plutarchus grauis inter eruditos autor, multis
Sargumētis ostendit, à parentibus semina quædam la-
tentiaq; virtutis principia, perinde atq; corporis ha-
bitum & lineamenta in ipsa generatione liberis commu-
nicari. quin & idcirco illustrium familiarum bono nata
stemma suspiciunt posterì & commendant, vt hac auo-
rum recordatione, qui ab luxu inertiaq; semoti, egregiis
heroicarum virtutum facinoribus editis, semet cum pri-
mis, tum genus, & sceros nepotes in excelso illo gradu po-
suerunt; ad sanguinem quoque suum bonis & fortibus
immiscendum inarDESCANT. huc enim, ceu digito quo-
dam Mercuriali intendebant imagines illæ Athenien-
sium, quasi documenta nobilitatis ad rerum gerenda-
rum industriam in posteritate promouendam, publico
loco (quem *μνημα* dicebant) collocatæ; hoc in càm-
po Martio clypei honorum titulis insignes ab Appio
Claudio dicati, hoc ceræ fumosq; Romanorum statuar-
prius etiam locis, in atriis, tablinisq; positæ; quod eas in-
intueri, atque ad earum recordationem facta insectaque
sua explorare non minus iucundum, quam vtile & fru-
ctuosum arbitrantur. Quare sicut olim Q. Fabium
Maximum & P. Scipionem de se affirmare solitos fatetur
Salustius, quoties maiorum imagines spectarent, vehe-
mentissimè sibi animos ad virtutem inflammari; ita
Tuum, SERENISSIME PRINCEPS, Auum Maximilianum,
Valentiniani laudatissimi inter Christianos Cæ-
saris

faris exemplo, illud inter cætera curæ habuisse, doctorum monumenta non siluerunt, vt doctissimis, qui in eam æratem inciderant, Chronographis, Stabio, Sunthemio, Cuspiniano, Lazio, hoc negocii daret, quo priscas & illustres Germanicæ familias situ pçnè ac puluere obsitas, ad insigne totius nationis ornamentum in lucem producerent. Vt enim maiorum facta in clypeis referre decorum est; ita heroicarum virtutum indolem cum sanguine propagari, longè gloriosissimum. Quod si ad sanguinis communionem eiusdem etiam nomenclationis consortium addatur, quis non videt, hoc velut quotidiano ad exempla maiorum ardentius confectanda classico generosas animas consurgere; vt suis, quibuscum viuunt, non auita solum nomina, sed digna etiam nominibus illis facinora (vtimilitem quòdam Alexandri nemine dictum Alexander Macedo inhortabatur) repræsentent: vt non perperam hinc in Ecclesia Dei morem inoluisse tradant, quo parentes liberis suis die iustro Cælitum nomen quodpiam ad Sacrum Baptismi fontem imponere, vel æmulationi, vel dignitati olim futurum consueuerunt. Liccat ergo mihi, SERENISSIME PRINCEPS, qui bona Tua voluntate per Augustam Domum longius expaciatus sum, etiam ad stirpis & Nominis Tui PRINCIPES non nihil diuertere. nec enim ignoro decorum esse apud Dynastas etiam eos, qui in virtutis fastigio iam positi, cuncta, quæ vel sapienter monentur, vel facunde prædicantur, vita moribusque superauerint, id agere, vt sub blando laudis titulo, & boni quæ faciunt recognoscant, & alii, quæ facere deberent, intueantur. Utinam vero egregii oris lineamenta suis coloribus exprimere, aut viuos arte politissima vultus ducere nostræ esset facultatis: sed quando istud optare mihi quam sperare procliuius est, faciam quod Sextum Ruffum quondam apud Valentinianum Imperat. secisse comperi; & ita res ab LEOPOLDINIS Austriaci Sanguinis

guinis Heroibus præclare gestas signabo potius, quam elo-
 quar; vt præteriti facta tēporis non tam cognoscere, quam
 numerare videaris. Ergo inter eos, quos à limitum præsi-
 datu ex Germanicæ linguæ fontibus Marchiones dici-
 mus, fuit id nominis primus **LEOPOLDVS** cogno-
 mento **Illustis**, quod ei nomen **LVDOVICVS IV.** Au-
 gustus, cui bello Hūgarico præclaram operam nauauerat,
 imposuit, ex quo cum, **Illustrem Comitem & dile-**
ctum suum propinquum compellauit. hic deinde ab
 Arnulpho Cæsare, Austriaco limiti præfectus, Cussalem
 Hungarorum Regem, cum numerosa Procerum manu,
 ad Phiscam amnem contrucidauit. Excepitq; illum alter
 eius nominis, cognomine **FORTIS**, Henrico Sancto Cæsa-
 sari ob corporis maximè & animi fortitudinē ita in pau-
 cis carus acceptusque, vt suam ei Sororem Richardam,
 (Richezam alii nominant) illustri virtute foeminam, felici
 connubio iungendam traderet; quique Auaris siue Hun-
 garis paludem Męotidem transgressis, nouasque per Ger-
 maniam sedes quærentibus retroactis, Gysone ferreum,
 quod vocabat, castrum Austriæ limitibus hostiliter occu-
 pante in potestatem redacto, robur militare; Templo ve-
 ro augustissimo id temporis in Hungaria Matris Virginis
 honori exædificato, quod hodieque Albæ Virginis nuncu-
 patur, religionem orbi Christiano comprobauit. arceque
 occupata, bisseños ibidem Canonicos diuinis obsequiis
 addictos annuo prouentu locupletauit; illudque insuper
 curæ esse voluit, vt Hungaricam iuuentutem bonis Arti-
 bus erudirent. Porro ex Richarda, militaris virtutis hæ-
 redem, robusti corporis Henricum, ideoque Ferreum di-
 ctum; pietatis vero cum primis Popponem protulit, con-
 sequentibus annis è Bambergensi Præposito recens per
 Henricum Aug. constituto, Metropolitanæ Treuirorum

*Ioan. Bro-
 dau lib. 2.
 cap. 23.*

**LEO-
 POL-
 DVS I.
 MAR-
 CHIO
 AVSTRI-
 AE cogno.
 ILLV-
 STRIS.**
*Henr. Pan-
 talcon in
 Viris Illu-
 str. Germ.
 LEOPOL-
 DVS II.
 FORTIS.
 Reusner. in
 Genealog.
 Oper. Basil.
 Ger. de Roo*

*Otto Fris.
 lib. 6. c. 28.
 Dietm. l. 7.
 Chron.*

Ecclesiæ Antistitem, qui trium Caesarum Augustorum, Henrici Claudii, Conradi, & huius filii Henrici III. beneficentia gratiaque ad res Ecclesiæ constituendas usus, publica ædificia complura non minore Metropolitanæ suæ Ciuitatis emolumento, quam religionis decore constituit; e quibus vel præcipua S. S. meonis Sinaitæ (quem è Sacræ terræ peregrinatione vnâ secum Poppo adduxerat) Basilica hodieque supereminet, ipsius etiâ in Popponis tumulo illustrata. quem non pietatis modò, sed sanctitatis etiam opinione floruisse argumento sit, tum quod constet olim à Danis sepulcrum eius religionis ergò ex voto frequentatum; tum quod sæculo proximè lapsò, sub annum M. D. XVI. cum Maximilianus I. illius vidèdi desiderio captus, Richardi Archiepiscopi voluntatè, aperto eius tumulo, vt quis mortui situs, quæ membrorum cõformatio, aliaque omnia, pro explorato perdisceret; apparuit eodem p' anè situ iacere Pontificem, quo ante annos quingētos, & quod excedit, in exciso è lapidea templi mole sepulcro conditus fuerat, omni tabis & verustatis iniuria superiorem, vestimentis tam integris illæsisque, vt non modò Dalmaticæ, puræ togæ, casulæque, & sandaliorum ornatus interno-sci expressè posset, sed & manus ambæ commissuris & artubus, vt in lipsanis beatorum compluribus factum est, velut ad vsum motumq; i exiles cererentur. Nec quidquam degenerauit LEOPOLDVS inter Marchiones id nominis III. Alberti victoriosi inclyta proles, qui ob egregia virtutis & fortitudinis exhibita domi militiæque exempla cognomentum Fulminis Terrorisque Hungaricæ & Bohemicæ Gentis obtinuit. Vbanem (quem alii Ouonem dicunt) Tyrannum, Ietro Hungarorum Rege, S. Stephani successore, in exilium pulso, Austriæ limitem, cæteraque Danubio tenus infestantem, Alberti Parentis, tum Popponis Trequirorum Antistitis ope, ingentibus Hungarorum copiis, spectata virtute atque incredibili-

LEOPOL-
DVS III.
FULMEN
& TER-
ROR BEL-
LI.

Orto Fris
lib. 6. c. 32.

lifo,

si felicitate funditus deletis, profligauit; nec antea con-
 quieuit, quam Henricus Cæsar, venia Ouoni facta, Conci-
 lio Constantiam accito, regni partem cum illo paciscere-
 tur. At vero postea, vt incerta sunt omnia rerum huma-
 narum, dum nuptiis, quibus Agnes Pictauorum Principis
 Guilielmi Filia Cæsari despondebatur, Ingelhemium euo-
 catus interesset, ipso iuuentæ flore, prematuro exitu ra-
 ptus, destinatum lætitiæ diem luctu sui funeris ad ipsos e-
 tiam Augustos penetrante, funestauit. estque à Poppone
 corpus Treuiros delatum, ac honorificè consepultum, cu-
 ius obitum veteres fastorum libri V. Idum Decemb. con-
 signarunt. Sed hanc iacturā egregiè resarsit LEOPOL-
 DVS IV. Ernesti Strenui, quem præclarissimum, no-
 bilissimum, & fidelissimum S. R. I. Principem
 ac Dominum Imperator compellauit, ex Mechti de Fi-
 lius, is, cui ob corporis proceritatem morumque elegan-
 tiam Pulcri cognomen inditum fuit, quique paterna-
 rum ditionum ex affe hæres, bello aduersus Bratislaum
 Bohemiæ Regem, & Germanum eius Conradum Mora-
 uiæ Marchionem in Austriæ limitem sese effundentes for-
 titer gesto, Salomone Hungarorum Rege exfule in re-
 gnum reducto, & protectione longinqua vna cum Go-
 defrido Bullionio in Palæstinam suscepta commendabi-
 lis; templum, quod ex voto nuncupauerat, gratiis Deo
 soluendis, in honorem DD. Philippi & Iacobi Aposto-
 lorum, eo loco, quem hodie ab Azone cognato, (qui
 ei missu Popponis Treuirensis adfuerat,) Asmansmun-
 ster, quasi Azonis pratum dicunt, construxit: idem-
 que deinceps per S. Altmannum Patauiæ Antistitem ad-
 miranda vitæ sanctitate illustrem, solemnem cæremoni-
 am Deo voluit consecrari. Sed hic sublimius quoddam
 dictionis genus, si nostra id exilitas pateretur, vsurpandum
 foret, dū LEOPOLDVM id nominis V. LEOPOL-

LEOPOL-
 DVS IV.
 PV L.
 CHER.

Reusn. in
 stirpe Ca-
 rolin Heu-
 ter. in reb.
 Belg.

S. LEO:
 POLDVS
 V. PIVS.

*Ioan. Cusp.
VVolfg.
Lazius A-
menti. Chr.
Carionis.
Pantaleon.
in Profopo.
Heroum.
Surius to. 6
xv. Novē.
in vita S.
Leopol. Ba-
ren. Matt.*

DI Pulcri ex Itha Henrici III. Imp. filia sobolem, felici illo atque immortalī virtutum Christianarum, à quibus P I I cognomen accepit, choro vallarum producimus. Qui religiosissimus Princeps, ducta in matrimonium Agnete Henrici IV. Imperatoris pari sanctitate & moribus fœmina, fœcunda viginti duum liberorum Matre futura, multorum conditor atque ampliator Cœnobiorum, fidei & iustitiæ Zelo alterum Orbi Christiano Iosaphatum repræsentavit. Hic Princeps à teneritudine ætatis, quod Cuspinianus non siluit, spem indolis præbuit futuri incrementi, in egenos liberalis, in oppressos clemens, in ferreos iustus, ut vulgo Pius, Felix, & pauperum Pater diceretur. siquidem ubi post Stephanum Pannoniæ Regem Austriam armis & populationibus diu exantem, repressum, pacemque suis redditam, Templum Virgini Deiparæ condere vna cum Agnete destinasset, & de loco Ædis construendæ alia atq; alia, ut sit, cogitaret, prodigio datum est, quod ventus derepente coortus flammecolum Agnetis capite leuiter sublatū, procul ab oculis in remota deportavit. idemq; nono post anno, per LEOPOLDVM animi causâ foras egressum, inter vepres super Sambuci frutice ita, uti antea illæsum repertum, ibidem, id est, octauo ab Vienna lapide, templo Deiparæ nomine condendo fundum designavit; cui etiam Cœnobium addidit, quod Claustriburgum nominant, amplissima dote largisque vitæ subsidiis in Dei cultores profusa, Ottone Filio magna pietate & doctrina (quam in Parisiensi Academia comparauerat) primocius loci Præposito instituto, postea vero ad Frisingensis Ecclesiæ Pontificatum euocato. Idem deinde templum Apostolicæ Sedis Antistes Innocentius II. qui D. LEOPOLDVM ob insignia merita B. PETRI FILIVM reuerenter appellavit, Eugenius item III. & Urbanus III. amplissimis immunitatibus, & cælestium condonationū propositis præmiis exornarunt. Nec multo post

ro post alterum duodecimo ab Vienna lapide, Sanctæ Crucis in valle vmbrosa, condidit, & liberalibus impensis instructum, vna cum domicilio, S. Bernardi Alumnis, qui ad Claræuallem recens coaluerant, consignauit. Hic ille subinde nocturno silentio Diuorum obire memorias, seque cælestibus aris feruenti precatione supplicem aduoluere, Deique seruorum precibus obnixius commendare assueuerat. Post mortē vero, quam anno M.C.XXXVI. inter Fratrum Cisterciensium preces & lacrymas obiisse scribitur, admirandis Dei ope prodigiis claruit. nam quid ego tristitia morborum agmina ad huius Beati memoriam sedibus suis pulsa fugataq; memorem, tabidos artus suo vigori restitutos, fluentes paralyti neruos sola prece substructos, auribus, pedibus, lingua, cæterorumque membrorum officio captos muneribus suis ad vota D. L. E. O. P. O. L. D. O. nuncupata redditos, quid propulsatas corporibus febres, pestem crebris funeribus gliscentem huius Diui meritis exstinctam, naufragos portui, vinculis mancipatos libertati, mortuos vitæ redonatos percenseam? quæ omnia Friderico IV. Imp. sub annum Virginei partus M. CCCC. LXXXV. postulante, Francisco autem Patrauo Iureconsulto grauiiter & copiosè differente, Innocentium VIII. Pontificem Maximum permouerunt, vt LEOPOLDVM cælo iam ante vindicatum, publicis tabulis anniuersarium eius memoriæ diem quintum decimum Nouembris tribuens, in Sanctorum numero esse pronunciatet. qui ad hanc diem inter senos AVSTRIÆ Patronos tutelares religioso Austriacorū cultu celebratur: sui; nominis alterū LEOPOLDVM LARGVM paternarum virtutum æmulum, terris reliquit, qui Prouincię gubernaculum à morte D. LEOPOLDI capessens, bellis in Bauaria ipsum quadriennium præclare gestis, Bauariciq; Principatus administratione, & Cæno-

LEOPOL-
DVS VI.
LARGVS.

bio Sanctę Crucis à Parente fundato, vestigalibus ac prætis egregiè locupletato memorabilis extitit. Qui OTTONEM Frisingensium præstanti doctrina, Et Conradum Salisburgensem, atque Passauensem, Antistites, fratres Germanos habuit. Quo sine liberis ex hac vitâ crepto, Henricus ex D. LEOPOLDO, Frater, summæ integritatis laude insignis, quiq; è Marchione primus per Fridericum Barbarossam Austriæ Dux creatus est, alterum ex Theodorâ LEOPOLDVM eius appellationis VII. cognomine VIRTVO SVM magno familiæ bono dedit. Enimvero is vicesimum ætatis annū ingressus, eâ dexterritate prouinciam gubernauit, vt omnium vocē PATER PATRIÆ appellaretur; eâ religione, vt propter singularem, quâ Deo dicatos homines complectebatur, beneuolentiam, CÆRI PATER à multis audiret; eâ felicitate, vt adamplissimum Austriados Ducatum per Kungundam Filiam, Styriam adiecerit, eâ bellicosi animi magnitudine, vt cum esset Sacris bellis exercitissimus, in castris ad Tyrum Ptolemaidem ob rem strenue gestam ab Friderico Friderici I. Filio totius in Oriente belli Dux crearetur, totiusque exercitus suffragio insignia noua rubro & albo colore interstincta in Austriacam Domum transtulerit. Sic enim accepimus: Ex iis Legionibus, quæ in Gallia Transalpina per Cæsarem Dictatorem conscriptæ fuerunt, vnam Alaudarum, siue Gallico vocabulo, Galleritam, Alaudarum symbolo insignē appellatam; quam disciplina cultuque Romano, & fide in primis bellica probe instructam C. Iul. Cæsar postea vniuersam, teste Suetonio, ciuitate donauit. eandem vero Legionem ordine X cum Rhemi & Danubij ripæ ab Romanis quarterdenis legionib; custodiuntur, eo, quo nunc Viennâ est, loco, stationem habuisse. quæ Legio posteaquam Decelabo

LEOPOL-
DVS VII:
VIRTVO-
SVS. aliàs
VICTO-
RIOSVS.

Sueton. in
Iul. Cæsare.
Tranquil-
lus. in Vi-
tell. Plin.
li 16. c. ult.
VVoßß La-
tus in rep.
Rom.
Pörs Heu-
ter. in Belg.
Olyß. Al-
drouand.
in Alauds.
Iaco. Men-
lius in lib.
de Austr.
V C. Theo.
Piesford.
in Siemm.
Habiburg

cebato Dacorum Regi armata manu transitum sibi aperire volenti, ab Cæsare M. Aurelio, propter expertæ iam virtutis specimen alias sæpenumero editum opponeretur; illaque singulari fortitudinis exemplo, & Regem ipsum, & magna vi superincumbentes Herulorum, Quadorum, Marcomanorum copias arceret ad immortalæ sui nominis, editæque virtutis memoriam, ea regione in solidū donata est. Quare noui eius ditionis Reguli, A V S T R I A C I legionis decimæ Principes, A L A V D A S clypeis appingere pulcrum duxerunt. & manserunt hæc A l a u d a r u m insignia ad vsq; hunc nostrū L E O P O L D V M, qui vna cum Richardo Anglorum Rege, Alberto id nominis I I I cognomento diuite, & Bertholdo Zeringiæ Duce, in Palestinę oram aduersus barbarum Christiani sanguinis hostem profectus, cum muro ciuitatis Acconis primū occupato, ante omnes cum hostibus conficiens, candidam vestem, qua nitebat, toram sanguine hostili cruentam, solo spacio, quo baltheus medium hominem tegebat, immuni relicto, ad suos redux victor adiret, concordibus militum suffragiis, æternæ tanti facinoris memoriæ, rubrum clypeum cum lineâ candicante intersectum, prout hodie in gentilicio Austriacę Familię symbolo perdurat, Alaudarum loco impetrauit. Tandem magno Viennensium, quos vnicę complectebatur, luctu, acerbitem doloris altero sui sanguinis L E O P O L D O, quē H O N E S T V M agnominarūt, insigni prudentia & alta mente Principe, mitigauit. Is deinde cum Andrea Hungarię Rege (id quod Habsburgi-Austriacę domui ad Maximiliani I. tempora fere domesticum & familiare fuit) expeditione in Palestinam suscepta, & crepta ē faucibus Saracénorum Vrbe Damiatra, patriam compluribus arcium propugnaculis munivit, Cœnobium,

L E O P O L -
D V S I I X,
H O N E -
S T V S.

nobium, quod Campum liliorum dicunt, D. Bernardo; Cartusiam Styrię, Geyrach nuncupatam, S. Brunoni, Xenodochium S. Spiritus de Saxia, Clinicis, partim eduxit à fundamentis, partim à ruina vindicauit. tandem animis inter Gregorium IX. & Fridericum II. concordandis illaborans vitaque functus in Apulia, suo in Campo liliorum tumulum affecutus est. hoc vno cæteris suppar,

LEOPOL- vt videri potest, quod LEOPOLDVLVM insigni
DVS IN- forma per segnitiam Pædagogi ex arbore deciduum, im-
FANS. portunissimè sublatum indoluit. Sed iam tempus ad-
monet, SERENISSIME PRINCEPS, vt ad illos etiam
se conuertat oratio, qui maximis & vere regiis virtuti-
bus; inprimis autem belli pacisque artibus, tum pietatis
studio, quippe Gentiliciis & peculiaribus Familiæ Tuę
dotibus, id affecuti sunt, vt Archiducali gloria emi-
nerent. Qua in serie merito principatum deferimus

LEOPOL- LEOPOLDO I. eius nominis Archiduci, Alberti I.
DVS I. Filii, Rudolphi I. Nepoti, Friderici III. Fratri; quem à
ARCHI- suis virtutibus Equitum Auratorum gloriam, alii
DVX AV- Gloriosum, nominarunt, vt qui præclarissimis militiæ
STRIÆ, facinoribus magnum Romano Imperio emolumentum
GLORI- peperit. Nam & Henricum Imp. Mediolani ad Longo-
OSVS, bardici regni statum componendum agentem, à Guido-
& AVRA- nis Turriani, & Guelphorum factionibus insidiisque in
TORVM- apertam vim erumpentibus, insigni fide ac virtute libe-
MILI- rauit, & Friderico III. aduersus Ludouicum Bauarum,
TV M- insigni gloria, & memorabili fraterni amoris affectu dux
GLORIA. & comes bellorum adfuit: & paternam eadem egregiè
vlus est; & Albigenſium hæresin in Gallia Narbonensi
ac prouincia Tolosana inualescentem, Innocentio III.
Pontif. Max. multis remedijs nequidquam tentatis, so-
lemne Sacræ militiæ signum extollente, LEOPOL-
DVS religione impletus, vna cum Adolpho Monten-
sium

sum Comite, & Wilhelmo Iuliacensi, strenuaque militum manu, acerrimè oppugnauit. Quibus magna felicitate gestis obtinuit per Henricum Imp. vt præter sertum pinnitum, circum pileum Archiducalem Ernesto Strenuo singulari prærogatiua concessum, regalis coronæ diadema supra Principatus sui pileum gestaret. quem tandem maligna febris Argentorati in ædibus Ochsensteinianis ferunt extinctum. Sed nec longævus fuit LEOPOLDVS Archiducum II. Ottonis ex Anna Bohemorum Regis Filia soboles, Friderici Frater, quem Austriacarum virtutum indolem florentissima iam tum ætate præferentem magno bonorum dolore ac desiderio, immatura falce mors demersit. Ergo damnum reparauit III. id nominis & dignitatis LEOPOLDVS, Alberti Sapientis Filius, quem Probum & militiæ decus nominarunt. Is cum Rodulpho Magnanimo, & Alberto cum Trica, Academiæ Viennensis Fundatoribus coniunctissimè vixit, & maximis præliorum exantlatis laboribus, illo, quod cum Venetis propter Taruissianæ Marchiæ limites iniuria occupatos suscipere coactus fuit, auitam ditionem opulentis ciuitatum accessionibus iure bellico locupletauit. tandemq; aduersum Heluetios contra fidem datam rebelles, incautius in præliū irruens ad Sempacum, non sine ingenti suorum strage fusus occubuit VII. Idus Quint. in Campi Regii Cœnobio tumulatus. Neq; indidum abire patiar huius Filiū Guilielmi Ciuilis Fratrem, quem alii à succipleno corpore Pinguem, alii, quam rectè ignoro, idè Ambitosum nūcuparunt, quod celeberrimo Francofurti totius Imperii Procerū conuentu, qui publicæ pacis & tranquillitatis causâ se adunarent, (& vt est in veteri chronico, quinquaginta supra centum Principes ac Comites, equitum autem & Nobilium quinquies mille conuenerant;) per continens ostiduum,

LEOPOLDVS II.
ARCHIDVX.

LEOPOLDVS III.
ARCHID.
PROBVS,
& MILITIAE
DECVS.

Gerard. de
Roo. in
G. ital.
Aust.
LEOPOLDVS IV.
ARCHID.
PINGUIS

duum, quo deliberatio tenuit, LEOPOLDVS Austriæ Archidux ea magnificentia hospitalitatem exercuerit, ut esse, & bibere, & pabulum a terre cuius liberum esset, cunctisq; penum & aulam apertam haberet. Nec laude caret, quam cum ceteris cōmunem habet, quod castrum Neostad. anum octauo Vienna lapide dissitum instaurauit; tum vero, quod Catarinę p. entissimę Coniugis Philippi Audacis Burgūdionum Ducis Filię hortatu, Schœnenstambacensē Monasterium prope dirutum non restituit modo; sed etiam luculenta prædiorum & annonæ largitione, adgregatis ibidem ē D. Bernardi disciplina Christi pauperibus, eximię locupletauit. Vides igitur, SERENISSIME PRINCEPS, solam esse virtutem, quæ Heroas illos non aurato curru, sed veris laudib. sublimes in illustissimo totius Orbis Christiani theatro optimorum Principum coronâ decorauit. iam illa laudatissimorum operum quadriga, in Religionem pietas, domi forisque Sapientia, in bellis fortitudo, in principatu modestia, quos non bonorum omnium plausus, quas non gentium ac populorum laudes, quę non publica honorum ornamenta, quam non apud Deum hominesque gratiam familię Vestrę conciliauit? Vidisti etiam, non modo ex Generis & Sanguinis, sed ex eiusdem etiam Nominis cōiunctione magnam Tibi Austriacarum virtutum Orbi Christiano exhibendarum incumbere necessitatem. Ut enim insignia nomina Alexandro apud Lampridium onerosa sunt, & nomen sine actu officioque nihil est Saluiano; ut non vanē Hesiodum inter ceteras ferrei sæculi calamitates illam accensuisse opiner, quod nulla in eo liberorum cum parentibus, præterquam nominis sit futura similitudo; ita ex aduerso nomina, si iis facta decoraque aurorum ex æquo respondeant, honorifica sunt, & vel sola sui memoria venerationem, atq; compellatione obseruantiam exposcunt. Admirentur ergo alij vel maximas res ab

LEO.

LEOPOLDIS gloriosissimè gestas, qui maximam partem grauissimis olim itineribus in Asiam profecti Sacrosanctum Assertoris nostri sepulcrum receperunt : Tuum illud hodiernū factum gloriosius est. illi enim Christiano populo, si quis eodem voti reus peregrinari vellet, aditum ad terram Christi vestigiis consecratam aperuerunt ; Tu huic toti Nationi ad Christum ipsum, id est, cælestem patriam iter tutius securiusque patefecisti ; illi loca ista, quæ fuerunt quasi Religionis Orthodoxæ incunabula, Ecclesiæ reddiderunt ; Tu per hanc Academiam Ecclesiæ magnam inprimis & nobilissimam sobolem restitues, & tot filios Religionis suscipies, quot per Academicarum Artium disciplinas sese aliosq; Deo & Ecclesiæ reconciliabunt ; illi res quidem gloriosissimas in finibus barbarorum, sed tamen cum multa suorum cæde coniunctas gesserunt ; Tu multitudinem circumiacentē, quæ per suam ab Ecclesiâ secessionem iam perierat, citra vllius cædem, ad vitam reuocabis ; illis solum illud, quod Christus Sanguine suo purpurauit, frequentare, atque armis asserere solemne fuit ; Tu animas nō ære, auro, gemmis ; sed cruore Christi, quouis obryzo preciosiore, resperfas, redemptasq; in hisce literatæ Sapientiæ latifundiis non decoolorandas modo, sed vt, quæ bis Tyrio murice lana rubet, penitus (vti eam Tu ipse in ætatis flore combibisti) Scientiarum doctrina intingendas accurasti. Quid hic cessō insatiabile Laudatissimarum Artium & virtutis pectus, vires ingenii, industriæq; prædicare ? quibus à prima æui teneritudine, aperto sinu quęcunq; disciplinarum genera recipiens, GRÆCII primum ; deinde vero cum Serenissimo Fratre Tuo CAROLO Vratislauienti & Brixien-
si hodie Antistite, Iudenburgi, in superiore Styria, solemnina Philosophorum spacia, exactissimę doctrinæ lineamentis implesti, omniaq; docili animo Philosophiæ,

& vero etiam Theologiæ arcana sic comprehendisti, ut non niaturè magis, quam celeriter multiplicis Scientiæ palmam arripere. quid, quod scriptis atque editis maximarum Artium & abstrusissimarum disciplinarum theorematibus Rudolpho Augusto Patrueli Tuo æternæ Memorix Cæsari dedicatis oblatisque, propalam fructus ingenii, solidum ipsum diem, in Amplissimo tum Serenissimorum Archiducum, tum Sacratissimorum Præsulum, & Nobilissimi sanguinis Dynastiarum confessu, toti Styriæ, effusa ad istius spectaculi raritatem pompa, renidentibus & admurmurantibus, imo etiam, quod obseruatum est, magnis viris præ gaudio stupori permixto, lacrymantibus, adprobasti; tum morum elegantia, & pietatis religionisque studio, in Societatis Gymnasiis ita profecisti, ut quo tempore alij vix incunabula, Tu stabilimenta virtutis prudentiæque possideres; & cum ceteri ferè Scholastici ex Gymnasio literario querere ornamenta soleant, Tu ipsis Gymnasiis eximium decus & honestamentum intulisti. Interea loci hisce studiis consiliisq; ad altiora indices magno virtutis impetu nitentem, maturitate iam quadam doctrinæ & sapientiæ tempestiuum, ad Passlouiensis Ecclesiæ moderanda gubernacula Pastore destituta Deus admouit; atq; decimo abhinc anno Argentinensis huiusce Episcopatus accessione, difficillimis temporibus auctus, posteaquam cum onere Zelum & animarum lucrifaciundarum spiritum Tibi intendendum duxisti, nos in eam cogitationem facile inducis, ut sicut Te natura Principem & Austriæ Archiducem, genuit; ita Deum & Virtutem te Præsulem & verum Ecclesiæ suæ Episcopum, id est, vigilantissimum Pastorem in arcano illo diuinæ dispensationis concilio, iam ab omni æternitate prouidentissimè destinasse credamus.

CA.

CAPVT IV.

OPTIMORVM EPISCOPO-
RVM, ETIAM EORVM, QVI DE AVSTRI-
acâ Prosapia olim hanc Diœcesin administrarunt, in
SERENISSIMO nostro ACADEMIAE
FVNDATORE impressa
vestigia.

ET si enim Episcopi denominatio vsu ipso, qui optimus dicendi magister habetur, hodie singularis cuiusdam Dignitatis Ecclesiasticæ propria sit, veteri tamen sensu, quod tam Gentiliū, quam Sacrarum literarum monumentis proditum est, munus quodcumque in speculando obseruandoque positum hac voce significabatur. hinc enim Plutarchus, vt nihil Deos latere indicaret, illos *χρηστὴν καὶ ποιητὴν ἔργων ἐπισκόπους*, Sophocles inspectores humanis defunctis ab Ephoris constitutos, τοῦ νεκροῦ ἐπισκόπους dixit, eodemque nomine Magistratus Atticæ gentium in Atticam ad ius rusticano populo dicendum missos: apud Indos vero, qui Regi, quid quaque in regione ageretur, ex officio renunciarent, quos Persæ βασιλεὺς ὀφθαλμοὶ, quasi Regis oculos vocabant, aliis ἐπισκόπους compellatos accepimus. Nec dissimulandi apud Romanos rei pecuariæ & familiaris Episcopi, & quæ Cæsar ac Lilius, optimi latinitatis autores, nauigia speculatoria, ea M. Tullius phafelos ἐπισκοπίους appellauit. Quare Christianæ fidei propagatores subime illud in Dei Ecclesia manus, quod suapte natura perennem quandam & irrequietam sollicitudinem adferret, Episcopatus nomine indigitarunt, vt ei, cui tot animarum gubernatio credita esset, vel nomen ipsum aurem vellet, (quod neque Pastorum Princeps, neque Doctor Gentium suis in epistolis siluerunt) studium Præfulis in-

1. Petr. 5.
Hebr. 12.

*Ofor. de in-
stitut. Reg.*

dustriamque in perpetua quadam Dominici gregis vigilia collocatam esse oportere; quem Pastor quasi ex edita specula contemplatus, salutariter, & vt Apostolus loquitur, in sollicitudine, ad omnem honestatem erudiat. Quo Aegyptios collimasse crediderim, qui, sicut ad designandam Principis potestatem, & intentam in subiectos curam, oculum sceptrum incumbentem; ita ad Sacerdotum vigilantiam exprimendam leones, vigilantiae symbola, in sacrarum aedium vestibulis exculpi curabant. Quod si, vt recte serius ille Christiani Principis institutor Oforius aduertit, in diligentia omnium officiorum ac disciplinarum vita & gloria consistit; quam si remoueris, iacebunt vniuersa, & quasi tenebris consopita delitescent; quid non curarum ab ea functione, cui ab inspectione vigilantiaque nomen inditum est, exigi opinabimur? Eos itaque veros Ecclesiarum Episcopos agnoscamus necesse est, qui ad Hierarchici culminis clauum à Deo euocati, illud agunt, vt commissos sibi populos cura vigilantiaque pastoralis complectantur, eos caelestibus institutis & optimis disciplinis erudiunt, à fide & moribus deuos reuocant, nihilq; laboris intermittunt, quo Ecclesiam pace & religione florentem tueantur. Quales cum a uorum memoria hæc Argentinensis Cathedra quamplurimos Orbi Christiano dedit;

*Iac. VVim-
pheling &
Fracisc.
Guil m. de
Episc. Arg.*

quos vel tenuiter commemorare longinqui foret operis, iterum mihi orationis compendio vtendum erit; & quando ternos meminimus ordine consequentes huius Ecclesiae Antistites Collegio huius Societatis fundando dorandoque certatim ad reip. bonum inuigilasse; ternos mihi è Dinorum numero, eosdemque primos Praefules, totidem media ætate de Tua Domo, SERENISSIME PRINCEPS, producendos existimaui; vt quam extrema
mediis

mediis ac primis appositè respōdeant, æstiment vniuersi: primaq; illa velut aurea sæcula hoc ferrugineo æuo sibi resloruisse Alsatæ Tui gratulentur. & viuos quidem ac superstites etiam in rectè factis inuidia premere ac liuor potest; at mortuos, & virtutis splendor irradiat, & laudandorum operum exempla non sine fructu ad memoriam posterorum repetuntur. Porro amplissimam illam dignitatis Sedem auspicatus est pari virtutis & nominis sui merito AMANDVS gente Aquitanus, stirpe nobili, Sernano & Amantia genitus, quem DAGOBERTVS Austrasiorum & Alsatarum Rex, ob notam viri sanctimoniam cum insigni doctrina coniunctam, ad se Traiecto euocatum inter alios morum integritate conspicuos (quos plurimos propagandæ ac tuendæ Christianæ fidei in regno suo aluit) in primis magna dignatione complexus est, eiusque consiliis regni onus & religionis curas sustentabat. Siquidem reperio per obsoletas partim scriptorum penuria, partim temporum clade huius patriæ res, intervallum illud sæculorum, quod ab vsq; Constantino Magno ad Dagoberti ætatem defluxit, in pristinas idolomaniæ tenebras relapsum magna literarum luce caruisse; fuisseque tempus, cum turbata Ecclesiarum pace, perditoque veteri statu, vix ægrè licuit impressa per Religionis constituendæ TRIVMVIROS EVCHARIVM, VALERIVM, & MATERNVM, vestigia reperire. At sub Dagoberto inter alias Alsatia respirare, & pressum persecutionibus caput attollere cœpit. Ibi enim Amandus euersis idolorum statuis superstitionis memoriam omnem aboleuit. ibi Sigebertum Dagoberti Filium xl. dierum infantem purgatricibus baptismi lymphis expiauit, & miraculo datum est, pusionem finita formula tolemni, cunctis tacentibus AMEN respondiſſe. ibi ex intervallo ab Aduaricis redux Argentinensi Mitræ Traiectensem adcumulauit. ibi Dagoberto volente, qui cum magis magisque

S. AMAN-
DVS I.
EPI SC.
ARGENT.

gisque colere, & tamquam Angelum cœlo missum venerari solebat, duorum Cœnobiorum Conditor fuit, alterius margine Rhœni sinistro, quod Nouæ Villæ, alterius, quod ab Anglicano Rege, Offonis Villæ, postea vero à præterfluente amne Schuteræ appellatione deriuauit. Illius ergo ditioni Dagobertus Alsatiæ inferiorem subiecit, & obiectam vltra Rhenum Mortuam, quantum ab Eckenbach fluuiio, qui Basileensem, ad Lutram, qui Nemetum fines adluit, interiectum est; in latitudinem vero ab Herciniis iugis ad Vogesi summmitatem, quæ hinc Constantiensem, inde Mediomatricum limites terminant, Amando & Successoribus parere fanciuit. Qui tandem, denuò ad suum in Belgicam Cœnobium reuersus, D. ARBOGASTO, sæculo depulsæ per natalem Christi seruitutis DCXLVI. administrandam reliquit. Quem virum doctrina pariter & vitæ sanctimonia spectatissimum Rex haud minus reuerenter, quam ipsum Amandum habuit. vti qui miraculorum crebra coruscatione, rerum omnium carni blandientium abdicatione, castimoniam, sobrietatis, cælestis conuersationis, animi denique omnibus virtutum numeris exculti laudatissimo præconio celeberrimus antiquis Alsatiæ panchartis adnotatur. Neque hic Diocesi fidei tantum & pietatis Christianæ disciplinis; sed fundorum etiam ac vestigalium accessione insigniter nobilitauit. maximè vero, posteaquàm inter multa & admirationis plenà opera Sigebertum Dagoberti Regis F. in venatione delapsus equo (quod nonnulli apud Ebersheimium factum commemorant) atque exanimatum, vitæ ac iacentibus redonauit; cui tanto merito & miraculo, vt qua posset, vicem rependeret Dagobertus, Isenburgum arcem suam, & oppidum RYBBAQVAS, hodieque Tui Sere-

nissimi

S. ARBO-
GASTVS
II, EPISC.
ARGEN.

nissimi Nominis ad perennem memoriam Magnificentiae Austriacae, segetem, cum omni iurisdictione illi cumprimis, tum Præsulibus qui ei succederent, donauit; & regionum onerum exemptione liberrimum ab ea immunitate Mandatum posterius appellarunt. Idem vero Schutteranum Cœnobium, mira Cœnobitarum innocentia captus, impetrata per Dagobertum villa Herlesheim, locupletauit, & alterius Surburgi constituendi Sigeberto autor fuit. Cumque illum præcellentis famæ simul & virtutum gloria in tanta apud Regem gratia posuisset; ea tamen animi moderatio submissioque fuit, ut regressus in memoriam supremæ diei, metæque mortalibus omnibus præscriptæ, ac simul propriæ vilitatis; loco, quo facinorosi capite luunt, corpus abdiuoluerit. Quem tamen deinde, post xxvii annos, quibus Episcopali munere perfunctus est, sub annum Virginei sine labe partus D.C. LXXIX. cœlo receptum, admirandis prodigiis Deus patriæ & Ecclesiæ fecit illustriorem. Porro Episcopatum deinceps adiit Florentius Britannia oriundus; quæ cum esset præfisco æuo doctissimorum sanctissimorumque hominum officina, non vicinis modo regnis; sed Germaniæ Galliæque fulgentissimam tum doctrinarum, tum pietatis faciem prætulit. Hic ergo relicto natali solo, nullis vel pelagi intermeantis, vel terrarum interiacentium difficultatibus absterritus, in Alsatiæ, quatuor sociis, Arbogasto, Fideli, Thierboldo, & Childolfo comitatus, deuenit; cumque omne studium ad assiduam cælestium ac diuinarum rerum meditationem contulisset, comitibus Argenteratum progressis, ipse solitudinis ac vitæ purioris studio, locum Eremitæ secreto idoneum haud procul hac vrbe dissitum, ubi Hasela fluuiolus Bruscæ illabatur, multa tum silua vmbrosam delegit.

al. Mundatum, q. Munus datum, vel q. immunitate donatum.

*S. FLO-
RENTIVS
III. EPIS.
ARGENT.*

hic sacco & cineri incumbere, pastum & potum purè nosse, non ventris, sed animæ causa; ieiuniis preces addere, ingemiscere, sacrosanctis aris noctes noctes diesq; aduolui, fratribus omnibus legationes deprecationis suæ iniungere, solens illi ac quotidianū fuit. Donec tandem inculpati mores & frequentia miraculorum hisce latebris extractū in excelsō Argentinensis Præsulatus fastigio posuerunt. nam & puellam Regiam dæmonio liberauit, & visum ei ac loquelam restituit. atque idcirco Regiam Kirchheimij tum temporis arcē ab Francorum Rege dotis largitione possidendam accepit. Sed & Scotis Argentinæ Xenodochium, & D. Thomæ in ibi Templum, quod postea in Canonicorum Collegium conuersum, aliquam multos Diocæsi Antistites suppeditauit; prædiis & luculentis fundorum possessionibus assignatis constituit. Tandem sub annum DCLXXV. XVI. Decemb. meritorum plenus, cæloq; maturus in D. Thomæ tumulum accepit; donec per Rheconem Antistitem diuino admonitu ad primam habitationis pristinae sedē. **Hasela** dictam transferretur, vbi ingenti conuenarum multitudine, & religionis ergō concursu celeberrimus, multa agris hodieque beneficia diuinitus impertit. Explicui, vel potius delibauī Sacratissimum primorum huius Diocæseos **Præsulum**, quos virtus cælo asseruit, **Triumuiratum**, restat nunc, ut ad alterum eorum, qui de Tuo, **SERENISSIME PRINCEPS**, sanguine eandem exornarunt, conuertamur. Neque enim minus Tibi inuindum esse opinamur, eiusdem Tecum muneris & sanguinis Antistitem memoriam recolere, quam cum Generosissimos supra, Tui nominis Principes recensere-mus; quando in vtrisque & quod admireris inuenies, & quod gaudeas Te esse imitatum. Primum ergo è Vindoburgæ & Altenburgi Comitibus, qui postea in Habsburgiacam

giacam stirpem tranſierunt, OTTONEM, quem alij Etonem, ſiue Hettonē dixerunt, eo reuerentius accedo, quod à Carolo Magno Academiæ Fundatore ad Episcopatus Argentinenſis clauum admotus ſit. & vero ad capiendâ Eccleſiæ gubernacula præter claritudinem generis erant OTTONI alia omnia; vitæ morumque integritas, gloriæ ac moderationis publica fama, inſignia doctrinarum ornamenta, non obſcura eximiæ ſanctitatis indicia, quique in repub. pace ac bello pari induſtria fideque ita verſatus eſt, vt, quod de Conſtantino quidam dixit, illo vir nemo melior videretur. Sed in his omnibus principatû ſibi Religio vindicabat, vt cuius amore ante præſulatum in Cœnobio Augienſi voto ſe diuinis obſequiis addixerat; itaque profecit, vt S. Pirminio, qui ſub idem tempus vitæ ſanctitate Alſatiam impleuerat, in eiſdem moderatione ſucceſſerit; quem deinde Theobaldus Alſatiæ Dux, dum Chriſti Sacerdotes ludibrio habet, & iniuriam facere id demum cenſet imperio dignum, inculpatis moribus Præſulem in Vranæ fauces velut ergaſtulum relegauit; ſed Carolus Martellus priſtinæ ſedi Ottonem reſtituere ſui muneris duxit. Nec multo poſt Ertenheim ſui nominis Monafterium cum æde Deiparæ Virgini Sacra, Religioſis Chriſti Aſcetis, quibus deinde S. Hildulphus ex Treuironum Antiftite præfuit, conditum, egregiis fundis annuiſque redditibus dotauit; extititque inibi Doctorem hominum plantarium, vnde variorum Cœnobitarû domicilia per Rhetiam, Bauariam, & ſuperioris Alſatiæ Murbacenſe Cœnobium diſciplinæ fontes deriuarunt. tandem mortalitatis iter emenſus, tumultum non ſine opinione ſanctitatis apud poſteros ipſo illo, quod conſtituerat Aſceterio meruit. Alterum deinde poſt annorum interualla eiſdem ſtirpis

OTTO ſi.
ue ETTO
EPISC.
ARGENT.

VVERNE-
RVS I.
EPISC.
ARGENT.

hæredem Argentoratum magno suo bono vidit WERNERVM id nominis I. Gútramo diuite Auo, Patre Vecchino; qui Habsburgicæ Arcis haud procul Altenburgo dissitæ, & Canobij Muri in Argouia conditor fuit. Is ad Ecclesiastici Præfulatus fastigium euectus in primis curæ habuit, Vrbe[m] & Ecclesiam Argentinen[s]em (cuius ab incendiis barbarorum, limiti Argentinen[s]i atrocius inter ciuilia mala insultantium, facies lōgè erat tristissima) erigere, ac recreare. & iuuabat familiæ splendor, auctoritas, absolutæ virtutis ornatus, amicitia Principum, bello quod inter Henricum II. Augustum, & Hermannum Alsatia Ducem exarserat feliciter composito, apud partes comparata. Quare annuente Henrico & inhortante, amplissimam, vti hodie cernitur, **Ædem Deiparæ Dominae Nostræ** Argentorati sub annum M. xv. ponere orditur, in cuius fundamentis ab centenis, vel vt alij, ducentenis operarum capitibus decem anni consumpti; vt vel hinc pateat, non minus opum & potentia, quam virtutum & sanctitatis horum temporum Episcopis fuisse. Henrico deinde in Diuorum domicilium, quod sanctitas vitæ merebatur, trās lato, eius in Imperio successori Conrado Salico Wernerus cum paucis gratus acceptusque fuit; à quo Cōstantinopolim vt honorifica legatione perfunderetur, ad Imper. missus, cum iam omnia occupasset vera atque solida bona, quæ sunt in virtutis ac pietatis Arce posita, & sat multos vitæ annos ad patriæ Ecclesiæque fructum impleisset, legationis sibi commissæ officio immoriens, felici exitu ab hominibus demigravit. Cui inter cætera Principe Viro digna elogia, hoc tribuitur, quod doctos atq; eruditos arcte complexus sit, quodq; gloriosum & in diuinis ac sæcularibus officiis studiosum sese Præfulem exhibuerit. Quem altero sæculo

culo post, BERTHOLDVS I. ex Ducibus Teccensibus, qui ab Zeringiæ Ducū prosapia originē repetunt, consecutus, dum in Argentinensiū administratione eam laudis viam insistit, quā maiores illi tritam reliquerant, egregiis stirpem suam ornamentis, ob summam dignitatis virtutisque existimationem decorauit. Etenim perenni sanctitatis Apostolicæ & inuictę caritatis memoria venerandus, purissimas diuinæ Maiestati hostias Sacerdos solemniter faciebat, sermo ei cū Deo multus & familiaris, vt, (quod de Carolo V. postea domestici perhibebant) diutius cum Deo, quam cum hominibus loqueretur. ab hisce negotiis & curis sacratoribus quidquid domi supererat ocij, id corporibus pauperum subleuandis dabat, liberalitatem omnibus Ordinibus magna benignitate impendebat: foris vero grauissimo, quod bis gessit cum Henrico Friderici II. Filio, & Ferretarum Comite, bello implicitus, Victor in urbem, & opimis spoliis onustus reuertit. Henrico tandem postremo inferioris Alsatiæ Landgrauio, ex humanis sine hærede abeunte, Landgrauiatū in suam & Successorum ditionem reuocauit. Nec minus difficile ac gloriosum cum vitijs & rerum vanitate, quam cum hostibus certamen iniit. Schvartzacensis Cœnobij, quod ferale incendium, absumperat, redintegrādi autor fuit; D. Francisci Assisiani Alumnos sanctitatis opinione apud omnes florentissimos Argentinam induxit. Tandem post multa egregii Principis documenta posteris relicta, salutare Alsationum sidus in terris occidit, vt clarius cælo irradiaret. Sic OTTONEM Religionis ac pietatis studio, disciplinarum & Sapientię cultu WERNERVM, vtroque autem gloriosorem BERTHOLDVM victoriis insuper & fundis Alsatiam reperio cumulasse. Quæ in exili narratione indica-

BER-
THOL-
DVS I.
EPISC.
ARGEN.

re mihi promptius fuit, quam exponere; siquidem ita lubricus istius ætatis cursus fuit, ut vix nominum in compluribus, nedum temporum vestigiis insistamus; nisi quod totam Episcoporum seriem pronuper insigni ac curatione Franciscus Guilimannus è situ & tenebris vindicatam Tibi, SERENISSIME PRINCEPS, velut eorundem laudandorum operum ex asse hæredi consecrauit. Ex quibus credo iam liquere, publicam hanc præsentis dici lætitiæ non vnius Alsatiæ finibus terminari; sed ad ipsam etiam beatissimorum spirituum arcem merito sese exporrigere; uti è quâ non modò LEOPOLDI Illustris, Fortes, Pii, Probi, Virtuosi, Cleri & Patriæ Parentes, domi militiæque decora, rebus præclarè & feliciter gestis GLORIOSI, sanguinis sui in terris Nepotem, Deo cum primis Cælitibusque religionem, tutelam patriæ, Sacerdotibus honorem, amorem subditis, Collegijs, Cænobijs, pauperibusque misericordiam impendere; sed etiam Sacratissimi ANTISTITES, eiusdem muneris post tot annorum spacia consortem, fundare Ecclesias, dedicandas curare basilicas, perfidiam, vitæque hæreticam & odisse medullitus, & constanter extirpare, viros integritate morum præstantes complecti, tantaque cura & sollicitudine constitutis literarum & pietatis domiciliis omnes denique implere numeros Christiani & peruvigilis Pastoris recognoscunt. Hic ego, si, quam fructuosè Diocesiñ tutatus sis, quam validè arcibus, propugnaculis, ædificiis, educendis DAGSTEINII, BENFELDII, RVBEAQVIS, TABERNIS, quæ celebratæ olim magnam tum ob naturæ locique genium, tum ob Fundatorum gloriam obtinuerunt, confirmaueris; ad quam fortunam amplitudinemque commissam Tibi prouinciam adducere labores, commemorem: & sanè inter multa magna, quæ Te restauratorem agnoscent

scunt opera, omnium iudicio eximia illa præstanti mole,
amplitudine, ac soliditate ARX RVBEAQVENSIS (quæ
nomen semper. magnum inter Argentinensis Ecclesię
possessiones habuit) ad insigne Serenissimi Tui Nominis
apud seram posteritatem monumentum, patrięque fir-
mamen abs Te à fundamentis educta, cui ampliandę
munientięque etiamnum insistis, æternum perpetuabit:
si decreta, labefactatis vel iniuria temporum, vel licentiã
morum Cleri partibus fanciendis, proposita, si quam op-
portunis subsidij militem superiore anno non semel pa-
trię incumbentem, prudenter & sine vllius cædę auerte-
ris, si quam crebra iterataque inspectione Cęnobitas ad
vitę sanctimoniam puritatemque, Curiones ad commissi
sibi gregis curam vigilantiamque inhorteris, si fundorum
ad alienos dominos quauis pactione delapsorum in aui-
ta iura postliminio recuperationem, &, ne foras tantum
egrediamur, si hanc ipsam Ciuitatē, cuius cum Acade-
miã Natalem hodie coli Tuã pietate meritò dixerim, me-
nibus atque edificiis resurgentem; si zelum illum ardo-
remque, quo non opes duntaxat & fortunas, sed ipsum
etiam Austriacum sanguinem exponere paratus es, quo
suus Deo cultus, patrię pax, Ecclesiis nitor, fidei splendor,
& decus restituatur; Hęc inquam, si vel compendio re-
censeam, verendum est, ne dum parcius à me vel languid-
ius, quam res postulat, exponantur, nec meritam apud
posteror obrineant beneficentię famam, nec optatum ab
his, quibus tam benignè fecisti, gratię fructum reportem.
Perge interim, perge, SERENISSIME PRINCEPS, Dei
honori & glorię, vs facis, seruire, perge de ALSATIA
TVA, deque Rep. Christiana benè mereri, præclarę factis
familię Tuę splendorem, patrię ornamentum, fidei Ca-
tholicę tutelam, Reip. tranquillitatem, salutem omnibus
impertiri; id quod & illi maiores antecessoresque
Tui

Tui in cælo, & omnes boni in terris perpetuis votis pro Te Deum Opt. Max. comprecantur. ut sicut nihil Maioribus Tuis dignum facere intermittis, ita nihil pietati Optimorum Præfulû cedas, nec minus gloriæ, quam ab iis acceperis, Te reddidisse merito credi possit; nisi forte minus de Ecclesia bene mereri censendus sit, qui amissas Prouincias restituit, quam qui adiungit nouas, aut minus Fidei inter sit, hæreses, quæ animis sempiternum pariunt exitium, exstingui, quam hostibus, qui corpora tantum infestare possunt, resisti, aut Christianis minus oprabile sit, è Satana faucibus eripi, quam ab aduersariorû qui cum in oculos intendant, solum id quod in homine caducum est, corpus possunt pessumdare, iniuriis vindicari. Cum videamus optimos quosque Principes, florentissimis reipub. & Christianæ fidei temporibus, Patriæ Parentes, Ecclesiarum & Religiosorum Cœtuum Fundatores audire maluisse, quam si cupidine imperij proferendi vicinos laceffiuisent, nedum si malis consultis, sæuitiaque deuij Ecclesiarum opes & Cœnobiorum, imò Christi patrimonium immodicis, more Harpyiarum, exactionibus exhausissent.

CAPUT V.

DE CONSILIO SERENISSIMI
LEOPOLDI IN CONDENDA
Molshemensi ACADEMIA.

ETENIM cum in Societate humanâ non aliâ Principum aut Regum deligendorum originem inueniamus, quam, quæ publici boni & iustitiæ seruandæ, tum iuris æquabilis in omnes constituendi gratia reperta

reperta est; vt qui propter inopiam vel imbecillitatem à potentioribus opprimerentur, ad vnum aliquem confugerent, qui cæteris virtute & æquitate præcellens & iniurias prohiberet, & contra vim insidiasque maleuolorum subditos tueretur; eos profecto Principes præclare suo munere fungi necesse est, qui Orthodoxam religionem & cætera reipub. seu adiumenta siue ornamenta, fauore, studio, legibus, autoritate, vi, metuque ita consecantur, vt certis probatissimi exempli documentis se non **Filios & nutritios Ecclesiæ** duntaxat; sed **Tutores, etiam, Aduocatos, & vindices** in omni vita exhibeant. Atq; hinc Deum Opt. Max. eam Christianis Principibus mentem iniecisse arbitror, vt cum Religionis quam maximè, tum æqualitatis in omnes officiis præclare cultis, omnia sibi ad votum accidere cernerent, addi populos, & noua imperia, subiectosque pace & incolumitate florere; non dubitarent Religioni, tamquam parenti, Ecclesiis, Cœnobiis, eorumque Sacerdotibus magnas opum & vectigalium accessiones impendendo, fructum hunc & quasi fœtum religionis refundere. Non premam hoc argumentum, cuius laude omnem Sacram historiam video redundare, vt clarissimè ex vetustatis memoria eluceat, hanc apud Reges, Antistites, Principes, famæ & opulentiæ dignationem, quæ munificorum operum ædificiis, hospitalitati, lytro captiuorum soluendo, struendis Basilicis, Cœnobiis, Collegiis, Seminariisq; fundandis, dotandisque Nosocomiis, assiduè impensa fuit, non sine publica beneficę potestatis & augustę religionis commendatione apud omnium ordinum homines eualuisse. Enimuero semper id bonis & Christianis Principibus in animo fuisse mihi persuadeo, ceteros quidem Optimates, quos aut meritis conspicuos, aut experta obsequij sibi præstiti fide probatos compererunt, sellis curulibus, prouinciarum Imper-

riis, amplis honoribus, præmiisque cumulare: at vero homines Deo dicatos, qui pro disciplina Religionis colendæ, censura morum, salutis ac diuinarum rerum procuratione, immensa bona afferre laborarent, quæ, ut ille de Eloquentia dixit, cœlitus impertita munera non in codicillis dantur, nec cum Principis gratia veniunt, cum tamen iis & Regum vita, & regnorum incolumitas nitatur, iustissimis rationibus, eos extollere, beneuolentia prosequi, ornare beneficiis, fundorū etiam & annōnarum donatione cumulare. Quod si in Romana republ. apud Cæsares factu & arrogantia elatissimos tantum potuerunt homines nec moribus egregiis, habitu etiam corporis contempti, sed sola vel eloquentiæ vel assentationis commendatione grati acceptique, ut quos antea nascentes paupertas & notabilis rerum angustia circumsteterat, mox potentissimi suæ Ciuitatis euaderent, & donec libuit, Principes fori, mox Principes in Cæsaris amicitia omnia agerēt, ferrentque; quodq; de Marcello & Crispo accepimus, ab ipso etiam Cæsare cum quadam reuerentia diligerentur: quid non iis æquissimè heri putamus, qui cum augustissimi muneris cōmendatione omnes religionis partes sanctissime pro suo instituto explere nituntur, pro Principis salute & incolumitate Sacra faciunt, precesq; assidue fundunt, supplicationes adhibent, oras expiant, cibo potuque cœlesti languentes sanant, fidem, religionem, sapientiam, fulera & omnium regnorum stabimenta tuentur atq; defendunt, si eorum labores ut perpetui sint, fundis, patrimoniiis, hereditatibus accumulentur; ut exinde fructus ex hac virtutum officina in vniuersam deinde remp. Christianam cum fœnore redundet. At grè id quidem assentiantur, qui aut nesciunt, aut intelligere nolunt, humana diuinis temperari; maiorum tamen exemplis atq; autoritate defendi constat: cū videamus fortunatissimos quosque Imperatorum ac Dynastiarum, dum in Sancto-
rum

*Sueton. in
Vespasiano.*

*Greg. Tur.
hist. Franc.
lib. 2. c. 27.
& alibi.*

rum Basilicas & mansiones Deo consecratas amplissima donaria intulerunt, conciliatis sibi hac munificentia Dei Diuorumque patrociniis, præclaras de hostibus victorias, & Imperiorum accessiones impetrasse. Quam laudem in Tuam, SERENISSIME PRINCEPS, Augustam Domum Austriacam vel maximè conuenire, tum ea quæ supra commemorandis Tui muneris & nominis Principibus ostendi, tum omnis generis & fortunæ homines loquuntur; & si hæc oblitterata essent; hodiernū Tuum, qua Ecclesiam, qua Patriam, ditionemque Tuam Basilica Deo à fundamentis educta, constituta Sapientiæ Academia, Collegio Societatis ampliato exornasti; dignissimū Austrio Principe beneficium, illud nobis in memoriam reuocaret, quod à Principe exigit Cassiodorus, munificentiam Austriacam quotidie tanquam Solem renasceri; & sicut sidera splendorem habent, sed ut mortaliū vñibus deseruiant; ita Te illam Tibi cœlitus Dignitatem ideo communicaram iudicasse, ut Deum Tibi atque Ecclesiam hoc ipso munere arctius deuincires. Fecisti ergo rem Christiano Principe dignam; sed non minus grauissimo Pastoralis officij debito egregiè respondisti. Nam quod Gregorius Nazianzenus, Episcopo dixit vtendum aliquoties pedito, vt plurimum autem fistula; id Elias Cretensis exponit; sæpe doctrina, raro cbiurgationib. quoad eius fieri potest, vt edum esse: quod & Gregorius, cui excellens cum sanctitate doctrina Magni cognomentum dedit, confirmat, vbi aureo illo de officio Pastoralis volumine, animarū Pastori pro habituū deprauatorum varietate diuersam item curationem ad-mouendam docuit, cum alios reprehensione, nonnullos leni in doctrina instructione iuuari experimento constet. Et vero quisquis apud semetipsum animo versat, hono-

Greg. Nazianzen. in Apologet.

Gregor. Magn. in Pastor admonit. 20.

rificentissimam se Dignitatem & animarum procurandarum functionem, pro qua cœlo Christus descendit, suscepisse; ideoque Pastorem esse, ut oues verbo, exemplis, sanguine etiam proprio, si necessum foret, profuso pascat, saltem terræ, ut aliorum mores sanctissimis condiciat institutis, lucernam candelabro superpositam, ut subditis doctrinæ ac virtutum radiis præluceat, Ducem, ut populo ad omnem honestatem rectum iter sternat, Medicum, ut in tempore nôrit oleum vino attemperare, Custodem denique, ut gregi ab Principe Pastorum, sibi commissio vigilanter intendat; hæc inquam qui serio expendat, potestne aut perfunctorie rem suam agere, aut ociosus desiderare, quando speciosissimis illis nominibus, quot pœne sunt hominum necessitates, tot sibi ad opitulandum officia incumbere animaduertit? Hoc videlicet expendisse identidem crediderim Annonem Beatissimum Agrippinensium Præsulem, quem pedum Episcopale ferunt vssurpassse versibus inscriptum, quorum primus erat; Tityre coge pecus; cœcum ne ducito cœcus; hoc Popponem supra laudatum Tuæ Familiæ ingens decus, qui suo insculpi curârat; Poppo Treuericum Pastor Gregem Tuere; hoc ipsum animo Tuo, SERENISSIME PRINCEPS, infixum facile possumus æstimare, qui nec muneri Tuo te ante satisfacturum es ratus, nec amoris, quo Alsatas complecteris, modum ponere voluisti, quam in Diœcesi Tua Argentinenſi absolutum virtutum & doctrinarum domicilium collocares. & cum noua ferme indices monstra opinionum nasci, nouos Christianæ fidei hostes è vicinis serperastris emergere conspiceres, noua quoque Religio-

ligionis auitæ auxilia tibi aduocanda censuisti, quæ ad hanc Dominicam vineam ab pestiferis ferarum incurſibus vindicandam, atque ab ſentibus hæreſcon omnino repurgandam collaborarent. Sic enim S. D. N. publico ſuo Tuæ huius Archiducalis Vniuerſitatis ab ſe confirmatæ Diplomate loquitur; Te, vt Religionem Catholicam, quæ in quibusdam locis Tibi ſubiectis, & vicinis Episcopatibus viget, conſeruare, & vbi collapſa eſt, hac potiffimum ratione reſtitueres, ac Tuos ſubditos & vicinos quam plurimos ad literarum ſtudia & nauandam literis operam excitares; hanc Vniuerſitatem excitaffe. Itaque ſicut Alſatiam Superiorem Friburgenſi Academiâ Habsburgi-Auſtriacæ Familiæ Parentes per Albertū mirificè illuſtrarunt; ita Dignitatis Tuæ eſſe peruidiſti, hanc inferiorem Alſatiæ portionem, cui Te Deus Antiſtitem dedit, ſimili optimarum diſciplinarum arce munire, ne minus honoris antoriſque inferæ Alſatiæ ora LEOPOLDO deberet, quam ſupera ALBERTO in perpetuam memoriſ animi teſtificationem, etiam cum deſert, adhuc tamen ſe debere profiteretur. nimirum quod olim ad Inuiſtiſſimum Fel. record. RVDOLPHVM II. ampliſſimis notis ſcripto expreſſiſti; æquiſſimum eſſe, vt ſicut pietas & religio Catholica ſub Auſtriacō Diademate & purpura quieſcit & floret; ita pariter literæ in eandem Clientelam admittantur, cum ſine his vix quidquam ſolidæ pietatiſ defendiæ propugnari poſſit; illud iam factō ipſo ſibi abſ Te præſtari, Alſatæ Tui mirificè lætantur. Huic acce-

debat singularis ille Austriaci pectoris Tui erga Societatem affectus in omnem nobis memoriam commendabilis, qui Tibi facilè suggerebat, eam ab Austriacâ Domo tot à primo suo natali beneficiis cumulata, tot auctam domiciliis, tot per omnes, tam in Europâ, quam vtrâque Indiâ terrarum plagas sedibus ampliata, toties contra sacrilegas hæreticorum manus, & factiones constantissimè defensam, vt idcirco merito Canisius noster (qui vti inter primos nostræ Societatis homines eiusdem Domus fauorem expertus est, ita in eâ colendâ nemini omnium concedebat) illam nobis præ aliis, omnibus obsequiis religiosis demerendam commendarit; vti per quam Summo Deo visum, exiguam Societatem nostram in Austriam & Bohemiam, addo ego, in Germaniam, Belgicam, Lusitaniam, Hispaniam, Indias, elementer inducere, & in ea humaniter sustentare.

*Lib. 1. vita
Canis. c. 7.*

*Veget. de re
milit.*

*Ioann. Bo-
serius de O-
rig. Vrbis
lib. 2.*

Vidisti etiam, SERENISSIME PRINCEPS, sicut Imperatori solerter prouidendum rei militaris periti prodiderunt, vt castra loco salubri & ad hostium petitiones opportuno collocet; ita Ciuitatis huiusce genium Academicis disciplinis accommodatissimum fuisse; vt quemadmodum Musas Poëta in Parnasso & Helicone, amantissimis tutissimisque montibus habitare finxerunt ita eam Dioceseos oram & olim Illustrissimus Ioannes optimus Collegii Iarēs ac Fundator Societatis, & Tu iam, SERENISSIME PRINCEPS, Academiae domicilio dignatus es; quæ (vt Polyhistor quondam de Hispania dixit) optimis terris comparanda, nulli frugum copia cedat, in quam Ops & magna Deorum marer Tellus propter perpetuas in ea herbas ac segetes, quibus campi vndique vestiuntur, omnium bonorum copiarum effudisse, imo in qua, vt ille de Campania dixit, perenne

ne quoddam Liberi & Cereris certamen, ob pa-
rem vini frugumque redundantiam esse videatur. Quid
enim vel appetentissimus eorum, quæ non dico ad neces-
sitatem, sed ad amœnitatem etiã & delicias faciunt, de-
sideret? hic enim alimentorum copia natiui soli vberta-
te suppetit, & ab omni strepitu vulgi atque commercio-
rum turbis immunitas est, vt quam honestissimè pacatis-
simèque studia sua iuuentus possit pertractare. quid cir-
cumposita Vrbi noualia, totq; Viridaria, quid amœnitatẽ
rusticationum, arces montibus & collibus impositas, op-
pida muris cincta, amnes limpidissimos, pontibus lapide-
seu trabe stratis permeabiles, siluarum opacitatem, quæ
desideratissimam sub æstiuos calores studiis ac meditati-
onibus temperiem præbere possint; quid fontes morbis
etiã dispellendis efficaces, quid sedes nemoribus fre-
quentes, prata suburbana vel pomariis, vel felicitum ar-
borum plantariis iucundè consita, vel gratissimo pabulo
amœnè virentia, vel arua segetibus læta, & pecorum vsui
gramine sanoque peropportuna recenscam? hæc vide-
licet illa est

Conrad.
Celsus lib.
de situ &
morib.
Germ.

*Terra hominum pecudumq; ferax, quæq; ubere gleba
Spiciferam Cererem multo cum fenore reddit,
Pinguis floriferis extendens piscua pratis;
Et fluuios varios, sapido qui pisce redundant.
Collibus apricis vallata, & montibus altis,
Plurima vitiferi qui fundunt munera Bacchi.*

At ne corporis duntaxat cupedias & fugacem sensuum
voluptatem consecrari videamur; sunt etiã sua hic a-
nimi & maxime Christianâ religione imbuti non vulga-
ria oblectamenta. Simul namque Molshemio excelleris,
primo ad Orientalem plagam flexu prospectuque,
obutum habes non diuidio ab vrbe lapide, Altorffia-
num

Altorff.

num Cœnobium honore & patrocinio S. Cyriaci, qui Christi Ecclesiam sanguine fuso, purpurauit, tum vero adgregatis eodem è Sacra & Nobili D. Benedicti familiâ religiosis Ascetis celebratissimum. Ad Occasum vero, secundo ab Vrbe lapide D. Florentius tertius

Hafela.

Argentoratensium Præsul in Hafelacensi valle, per ueteri Canoniorum Collegio vallatus, effulget; & non modò Sacris suis exuuiis, sed etiam quotidianis prope beneficiis erga nephriticos, calculosos, encerotelis, aliisque deploratissimis corporum Symptomatis in mortem affectos Alsatas suos, exterosque votorum reos, identidem ad se inuitat. nec multis ab Vrbe passibus ad Septentrionem amœnissimo prato in conspectum se dabit rudi quidem opere, sed quod ipsa vetustate, tum vero maximè D. Materni memoria, qui nascentis Alsatarum Ecclesiæ primordiis Apostolicam operam primus nauauit, quiq; D. PETRO Sacrum ibidem templū posuit, solemne febrientibus Asylum, à quo villa ipsa, religionis

Dompeter.

ergò, Dompeter, quasi DOMVS PETRI dicta, nomenclationem accepit. estque in colle ad eandem cœli plagam, haud minus gratâ statione Altbrunnianum

Alibrun.

DEIPARÆ VIRGINIS Sacellum, quo Parthenici Cœtus supplicabundo agmine, recepto iam more annuatim procedere solent; quam in rem augendæ pietati, lapideis cippis varia Christi patientis argumenta representantibus, via, quæ Molshemio interiacet, per interualla dispositis, egregium accessit incitamentum. At

*Altirona**Mons S.**Otilia.*

vbi ad Meridiem deflexeris, ecce tibi Altironam, siue Hochenburgum D. Otiliæ Sacrum, & vel ex ipsa Vrbe conspicuum, quod vt situ, ita olim dignitate eminentif-

nentissimum, Regumque ac Impp. priuilegiis, & amplissimarum possessionum donationibus, tum quod caput est, Virginum Deo dicatarum Sanctimonia, & aduenarum conuenarumq; multitudine religiosè illud frequentantium, cetera quidem omnia longe post se relinquebat. Suntque in arduo per umbrosa siluarum, ascensu, erectis etiam hic per interualla lapideis columnis, sanguineos Christi sudores exhibentibus, suæ quoque pietati non inuicundæ stationes. quo ante quam pertingas, licebit inter herbescentes agros Bisschoffshemii Virginem Matrem votiuis indigenarum supplicationibus opportunam consalutare; nec multo deinde post, Templum D. LEONARDI titulo & tutela signatum adire; cuius olim & religionem & vero opem ingens numerus anathematum ad Ædem Sacram appensorum præstabat, quæ nupera Nouatorum rabies more suo nefarie interuertit. Porro vt domum repetamus; quem non ipsa Vrbs tum profanarum, tum maxime nouis Sacrarum Ædium piis substructionibus magis indies exsurgentis memoria conspectusque alliciat, quam vitiferis succinctæ collibus, tam præclaræ ad conspectum, tam aptæ ad elegantiam; quamq; Brusca fluuius ex asperis saxetis ad vicum Salmensem eluctatus, indeq; aduenis aquis locupletior, dum Alsatensem agrum rapido cursu illabitur, Vbi Morzingam oppidum pererrauit, duplici flexu diuiduus altero cornu proximè adit; altero patentem ac feracem planiciem in conspectu Urbis intermeat; donec Dagsteinium progressus, eiusq; muros adlambens, tandem impigro meatu salutatis aliquot oppidulis, ad Illum pergit, trahitque secum amissa iam nominis fama, Argentinam, nec procul inde in Rhenum celeberrimum Europæ amnem se exonerat. Ipsum vero Molsheniense oppidum Deiparæ Virginis

Bisschoffshemium.
S. LEONARDVS

MOLSHENIUM

Tutelæ dicatum, donatumque fuisse, vt vetus traditio meminit, quanti merito est æstimandum? eamque donationem tam gratam illi ferunt accidisse, vt alias grauissimis periculosissimisque temporibus, circuitis visibili specie moenibus, filo quasi limitem, quæ hosti nefas foret irrumpere, manu circumduxisse perhibeatur. Itaque ad Ortum Noua illi Ædes, Tuis, SERENISSIME PRINCEPS, auspiciis inpendiisque Societati à fundamentis, dignissimum AVSTRIACÆ PIETATIS monumentum, ad ipsa Urbis mœnia ceu firmissimum propugnaculum, posita. ad Septemtrionem vero altera Cartusianorum, mœnibus item vicina Satio, quos Autore S. BRVNONE Agrippinensi, cibi tenuitas, & arida vita, compressio carnis, peruigiliorum, & id genus piæ mentis exercitationes, ad hodiernum diem à corruptela, & vitis intaminatos florentesque transmissere. nec procul inde Parœcia quæ D. GEORGIVM Cappadocum fortissimum Martyrem patriæ & Oppidi Tutelarem agnoscit; cui Cathedralis Canonorum Chorus insigni opere adstructus eximium adfert cum dignitate ornamentum; eorum inquam, quos Tute quidem huius Tui clarissimi operis, approbatione sua fautores; patria vero Patronos & adiutores fuisse libenter, & vero etiam obseruaret prædicabit.



CAPVT VI.

ADMODVM REVEREN-
DORVM ET ILLVSTRIVM ECCLESIAE CA-
thedralis Argentoratensis CANONICORVM lau-
dabilis in ACADEMIAM Molshemianam
ab SERENISSIMO fundatam, & So-
cietatis IESV cura traditam,
consensus.

ERGO sicut supremum illud cœlum inferiores Or-
bes ita secum ducit, vt tamen proprium corū mo-
tum non abruptat, aut sistat; sic in hoc reipub. cur-
su Tibi, SERENISSIME PRINCEPS, faciundum pu-
tasti, vt Illustrium Amplissimi Collegij Procerum vo-
luntates ita Tibi deuincires, vt dum illi in huiusce Aca-
demix constitutione lubentes volentes assentiuntur, &
in tanti erga patriam beneficij communionē venirent, &
se Hierarchici illius, qui est in Orthodoxa Christi Ecclesia,
consensus quam obseruantissimos demonstrarent. Sci-
tum enim est illud, haud minus ordinem ad ratio-
nem boni, quam modum & speciem pertinere.
neque quisquam eorum, qui differentem cœlestium atq;
inferiorum harmoniam, tum singularū inter se partium
nitorem ac pulcritudinem aduertit, diffiteri poterit, quin
excellens & diuinum quoddam bonum ex concinna re-
rum multitudine, & apta parium dispariumque distribu-
tione oriatur. atque ex hoc capite Ecclesiasticam ē diuer-
sis rite constitutis ordinibus hierarchiam à Christo insti-
tutam, ab Apostolis vero egregie expressam, vindicamus,
cum vniuersus Clericorum coetus in Episcopos, Presby-
teros, & eos qui catechizant tribuitur; quorum omnium
omnis in fideli populo purgando, illustrando, perficien-
doque labor desudaret. Quam maiorum disciplinam ita

Clemens
Rom. lib. 8.
Constit. A-
post. cap. 13.

*Cœc. Trid.
Sessio. 23.
can. 6. & 7.*

*To. 1. epist.
Pont. ep. 1.
ad Episc.*

*Aug. lib. de
morib. Ec-
cleſ. cap. 30.
Proſp. Ser-
mon. de cõ-
muni vita
Cleric. 6. 3.
& 9.*

Orthodoxa fides ab ipsis cunabulis condocēfacta est, vt ei Sacrosancta Synodus Tridentina anathema denunciet, quisque eam, quæ ex Episcopis, Presbyteris, cæterisque Ecclesiæ Ministris conflatur, Hierarchicam rempub. in Ecclesia Catholica diuina ordinatione institutam pernegarit. Sapienter itaque Anacletus Pontifex, vbi has ipsas Ordinum functiones Clementis decessoris sui verbis illustrauit, Ecclesiæ statum magnæ nauis similem dixit, quæ varios vectores è diuersis regionibus per vndosum pelagus deucheret; Cuius quidem vt Gubernatorem Christum asserbat, ita prorege officio fungi Episcopum, Presbyteros nautarum, ticharchorum per foros nauis ad subita discurrentiũ Diaconos, Catechistas idem agere, quod qui naulum exigunt, epibatas deniq; siue vectores reliquam esse vulgi multitudinem. Ex quo procliuē est intelligere, Clericorum institutum sicut ab Apostolis & successoribus vniuersè traditum est, vt velut in sortem hæreditatemque Deo Domino sepositi vitam ducerent humana consuetudine puriorem; ita fuisse, quod Augustinus & Prosper disertè monuerunt, legibus & omni disciplinæ genere deuinctum, vt quemadmodum à capite membrorum valetudo & concinnitas, sic eorumdem salus & amplitudo ab pulcerrima illa cum Antistite suo consensione dependerēt. Cæterum nec illud hic diffitebor, perfectius quiddam & augustius Canonicum, quam Clericum profiteri; vt videlicet ampliatis iam Ecclesiarum possessionibus in partem quandam laboris ad Antistitis arbitrium, in regendo dirigendoq; sui Ordinis cœtu veniret. in quo vitæ instituto annonaria res & fabrica curationis esset Præpositi, morum autem disciplinæ Decanus inuigilaret, sub quo Camerarius, Cantor, Cellarius, Scholarcha, Thesaurarius, & siquæ alia cum functionibus nomina in Cathedralibus Ecclesiis vsurpantur, militabant. Et vero, quod hanc Argentoratensem Cathedralē, vel ma-

ximè

ximè cōmendat, est, non solum quod Antistitis sui apice, & Landgrauatus Alsatici honore nulli aliarum cedat; sed etiam, quod DEIPARÆ VIRGINIS patrocinio felix, aliisque insignium dignitatum gradibus multis etiam antecellere conuinci possit. Hęc enim ab primis Conditorum exordiis Stemmata retro auorum memoria Illustria & Generosa Ducum, Comitum, Baronum numeravit, coque fuit fastigio, tum imaginum tum virtutum radiis sublimis, vt vicinæ quoque Diœceses ac Metropoles splendorem, & non rarò Pontifices hinc adoptarint. Quid memorem, quam numerosa propagine è Bauariæ, Lotharingæ, Palatinorum, Lutzemburgiū, Limburgensium, Badensiumque Ducum & Marchionum illustri fatu, è Comitum Spanheimensium, Hannouiensium, Gemini pontis, Veldentia, Saræpontis, Siluestrium, Rhenensium vetusta prosapia, tamquam sidera olim exorta sint? Quin ex Eifflia, scatebra quadam prisce nobilitatis Wirneburgiorum, Salmensium, Riefferscheidtiorum, Manderscheidtiorum, & Blanckenheimiorum stirpe, quam præclara columnina huius reipub. bono prodierunt? quot ex sparfis vtrò citroq; Nobilitatis ramis, Holsteiniarum, Hohenzolleranorum, Furstenbergicorū, Sultz, Chrichingiorum, Hohenfelsiorum, aliorumque, quos enumerare sit infinitum, Cathedrale hoc Collegium, Generosæ prosapiæ, tum maximè auitæ religionis tuendæ studio & splendore illustrarunt, hodieque illustrant? vt sicut merito hæc Argentinensis Ecclesia ab vetustissima hominum memoria NOBILISSIMÆ titulum reportauit; ita iure merito inter cæteras ab Sede Apostolica communicatas sibi prærogatiuas cū paucissimis aliis, vel Metropolitanis, vel Cathedralibus, hanc etiam assēcuta sit, vt eius Canonici habitu purpureo cōspiciū, Amplissimi Senatus purpuratorum Patrum, (quo quidem post Christi Vicarium nil

Cass. Brun-
sibus de
Episc.

habet orbis terrarum in illo Ordine augustius) dignitatem nobis, maiestatemque repræsentent. Quam quidem Dignitatem vti maiores morū integritate & disciplinæ, innocentia vitæ, optimarum legum conformatione, denique virtutis ac sapientiæ decore clarius è Generosis pectorib. promicante pepererunt, ita vobis Generosissimi Proceres, tum iisdem, quibus parta fuit, rebus retinendam instaurandamque, tum vero animorum consiliorumque salutarium cum SERENISSIMO PRINCIPE Nostro consociatione, in hac Academiæ constitutione quam maximè cordi esse curæque declarastis. Etenim cum omnis mortalium vita ad diuinæ maiestatis obsequium, vti nauium cursus ad Helicen, flecti debeat, haud difficili negotio perspexistis, vobis cum primis pro eo munere, quo reip. procuratio vestris quoque consiliis præsidiiisque nititur, omnia vestra studia & conatus, sed & lacertos huc scilicet conferendos esse, vt salutaris & Orthodoxa religio, qua vna diuinæ gloriæ propagatio firmatur, tum vero Christiana iuuentus, in cuius honesta educatione totius reip. salus posita est, optimis qua Sapientiæ qua Fidei sanæ institutis crescat & roboretur. Accipite igitur

--- Vos, ô Clarissima CLERI

Sidera, & Austriaci Capitis vos proxima membra,

Vos qui estis pectus, qui brachia verticis huius;

accipite inquam testem hanc qualem qualem simul beneuolentiæ vestræ aduersus reip. Ecclesiæq; Alsaticæ incolumitatem, simul lætitiæ ex beneuolentia vestra emergentis cum grata Illustri Vestri nominis memoriâ commemorationem, quam variam & prolixam Vobis deberi seria tum bonorum omnium, tum addictissimorum Vestris obsequiis Patrum sententia contestatur. Principio enim, quod Gratosissimi Principis Nostri decretum sicut olim piissimæ Memoriæ Antecessoris de Collegio fundādo

do Vestri decessores, ita nunc Vos de Academia condenda & Societati credendâ, sacrosancto vestro Senatus Consulto non solum ratum, sed & perpetuum esse voluistis, id sempiternam tum nostrum omnium cumprimis, qui præsentes vestri huius iudicii primitias decerpimus; tum posterorum, vt alia nobis desint, quibus paupertas in voto est, merebitur gratæ mentis apud Deum hominesque recordationem. Cæteræ enim res tametsi sumptus atque impendia deposcunt, tamen temporibus collabuntur, nec perinde prædicatione solent efferri; beneficentia vero & largitas in Ordines religiosos, Collegiorum, Academicarum, Seminariorum foundationes nec obsolescunt tempore, nec obscurantur ignoratione, nec sine laude commemorantur. Vos itaque hoc gratiosissimo vestro assensu illud vnum cum SERENISSIMO PRINCIPE probatis, vt per hanc adolescentiæ institutionem Christiana Religio suo statu per Alsatiâ firma consistat, & sicutubi collapsa sit, in tempore reflorescat: ostendistis etiam vos publicæ salutis natos, studia vestra, ceu primaria Clerici Capita & columnina, Dei cumprimis honori & gloriæ, tû patriæ & ciuium salutis deferre, dum liberos eorum optimis vitæ morumque institutis, & solidarum Artium perceptione imbuendos decernitis, quorum deinde operâ industriaque omnes flagitiorum labe à republ. longissimè repellantur, eaq; sanciantur maiorum disciplina, quam ipsa cælo delapsa Veritas sanctissimis legum diuinarum institutis compaginauit. Ac licet huius Vestræ beneficentiæ lætitia quâ ab omnibus percepta æqualiter, tam à Vobis vnanimi consensu parta sit, ideoque omnibus nos merito debere profiteamur, non potest tamen nobis non esse iucunda memoria Illustris Amplissimique Herois ac Domini HERMANNI ADOLPHI Illustri Salmen-sium Comitum & Rifferlscheidtiorû fatu oriundi, qui

qui tum hac Cathedrali Argentoratensi, tum Agrippinensi Metropolitana inter Generosissimos Proceres dignitatis eminentia DECANVS, velut inter ignes Luna minores emicat, illamque ita sustinet; vt qualem tum alia, tum nominatim Concilium Lateranense requirit, sit virtute & moribus commendandus. agnoscimus etiam auitæ paternæque virtutis æmulum, maiorum suorum vestigia premere, qui cùm religione tuenda strenuam & fortem domi militiæque operam aliàs quidem crebro, maximè vero sub Inuictissimis Imp. Ferdinando, Maximiliano, Rudolpho, nauarunt; tum vero illa Catholicorū Heroum nunquā de memori posterorum mente subducenda elogia promeriti sunt, quibus sinceræ Religionis obseruantissimi, Musarum Patroni incomparabiles laudantur. Quam laudem aliis quoque Illustris huius Collegij, Ecclesiæq; columinibus communem esse, amplissima illa in Academiam fundatam voluntate aduertimus, quos dum singillatim non appellamus, omnium nos ex æquo cultores profitemur. Omnino enim quid vos præstiteritis, quid nos debeamus, præclare agnoscimus; quid vicissim optemus, quidue pro illa tum in Clerum & Diocesim vniuersam sollicitudine, tum Generosa in Societatem beneficentiæ dignatione præstituri simus, facile coniectura assequemini; si cogiteris, tantum nos optare, quantum debeamus, tantum in iuuentute optimis moribus expolienda præstituros, quantum possimus.



CAPVT VII.

SEMINARIVM LEOPOLD-
 IANVM, EXIMIVM QVA PIETATIS
 & Munificentia AVSTRIACAE, quain-
 uentutis ACADEMICAE au-
 ctarium esse.

A T quis non videt inter grauissimas huius æui tot
 modis deprauati calamitates, quibus Germania
 tantum non succubuit, eam faciliè principem ha-
 bendam, quod noui Magistri, dominis ad eorū arbitrium
 nimium quam promptis persuaserunt, vt abolita honoris
 Ecclesiastici dignitate, signis maiorum, amplissimisque
 Cœnobiorum donariis expilatis, Asylis & Religione tem-
 plorum violata, deletaque funditus Ecclesiarum discipli-
 na, tum demum veram se pietatem, & perfectum longo
 interuallo diuinæ maiestatis cultum renouasse arbitra-
 rentur. Sed quonam operæ precio, & legitimæ sortis in-
 cremento? Vide sis, SERENISSIME PRINCEPS, quam
 id Henrici II X. Anglorum Regis fatalis egestas, & nota-
 bilis vectigalium imminutio euidentissime declarauit. Is
 enim posteaquam pro ea, quam sibi in omnia Sacra nefariè
 arrogabat potestate, tantam Sacrarum opum vim, cuius
 vel decima pars auarissimi cuiusque Regis mentem
 explere valeret, sacrilegè compilasset, cum omnia pœne
 mille monasteriorum ornamenta, cum fructus, fundos,
 prædiaque vniuersa, tum Ecclesiarum, tum piorum do-
 miciliorum, cum auro argentoque factas cruces, vasa Sa-
 cra, variamque suppellectilem in suam potestatem rede-
 gisset, cum decimæ omnes, censusque anniuersarij Sacer-
 dotiorum in Anglia, vnius Regis libidini ancillarentur;
 cælesti numine, cuius religio violabatur, omnia retro a-
 gente, magnas hasce opum copias inopia, & auri pondus

Nicolaus
 Sander. l. i.
 Schism.
 Anglic.

R

imma-

immanesq; thesauros paupertas oppressit. Quippe Sanderò Anglo contestante, cum iam expleta ingenti regni lacuna, tot congestis opibus, tributorum remissio ab subditis expectaretur; intra paucos annos egentior Henricus, plus annuarum exactionum & vectigalium ciuibus suis imposuit, quam omnes simul Reges ab annis retro quingentis exegissent; maiores inde conflatae seditiones, quam ab hominum memoria vnquam antea; denique monetaria res sic partim attrita, partim fraudibus interuersa fuit, vt probus vix vllus numus id temporis cusus percussus in regno illo teneretur. Habemus specimen Principis, qui vti sub Veneris regno infandis amoribus omnia humana diuinaque iura posthabuit; ita posteaquam fidem maiorum penitus obtruiuit, & pudoris septa semel transiit, vt ex Monasteriis, Episcopatibus, Xenodochiis prædas suas ageret; miserrimè à penuria vapulauit. Neque est, quod huius tantum Regis vitii & moribus eam licentiam adscribamus. quis nescit hinc ferè Germaniam cladis suæ atque ruinæ originem traxisse, quod Principes vel cupiditatis æstu, vel deprauatione cōsuetudinis, vel maleuolorum hominum impulsu abrepti, de Cleri honore, deque inunitatibus commodisq; Religiosorum detractum irent, & opimos Catholicorum Episcopatus, Abbatias, & nobiles Ecclesias vi iniuriæq; occuparent? quibus tamen, cum omnia diripiant & rapta retineant, vt si nihil rapuissent, nihil retinerent, ceu Codro pauperioribus omnia videmus deesse; vt vel sero rem sibi familiarem perire, & à quibus nescio Polypis atque Harpyis discerpi ac fœdissime dilaniari conquerantur. At vero iis Principibus, qui Ecclesiis, rebusque ad Ecclesiam vel ornandam, vel propagandam pertinentibus, non fauorem solum & tutelam; sed opes etiam fortunasque liberalissimè impenderunt; etiam temporariæ felicitatis remunerationem, ditionum, prouinciarumque accessu, ve-

lut

lut certamine quodam liberalitatis initio, Deum affatim redhibuisse peruidemus. Id quod Tui Sanguinis & stirpis Otto Frisingensis Antistes suo illo, quem posteritati consecrauit volumine, & aduertit ipse, & allis considerandum præclare exposuit; cum Dei ciuitatem & Sacris Magistratibus, & in Romano Pontif. tot opibus tantaque potentia locupletatam vindicaret. An non enim hodieque Sedi Apostolicæ, quam vnā depauperandam, imo vero intermorituram Islebius vates, nescio, qua Pythone obsessus, vaticinabatur, cum neque pallij, neque indulgentiarum, neque cuiuspiam alterius respectu tituloue quidquam ab iis Romam transmitti videamus; cum tam multa exteris populis tribuat, cum inter alia per totam passim Germaniam munificentia suæ in tot erigendis & sustinendis iuuentuti Christianæ Seminariis, tot præbendis aduersus æternum hostem subsidiis, impressa vestigia relinquat, cum tot casibus & periculis reipub. intercedat; nihil deesse, imò superesse plurimum experimur? Quid recenti memoria repetam GREGORIUM PONT. MAX. hoc nomine XIII. de cuius laudibus & summis in Germaniam Ecclesiamque vniuersam meritis nulla vnquam ætas conticescet, qui felicia sui muneris Episcopalis exordia præclare de natione Germanica merendo capeßiit? Quippe Iulij III. decessoris sui beneficam in hanc Gentem voluntatem, quam B. Ignatius Societatis IESV Fundator, & Ioannes Moronus S. R. E. Cardinalis excitant, & aluerant, complexus; Collegium Germanicum, quod Iuuentuti ad pietatem & disciplinarum scientiam educandæ, tum ad comparanda supplementa hæresibus extinguendis opportuna excitat; nouis ornamentis circumdedit, & iam tum prope collapsum erexit, insignique æ prolixa munificentia sustentauit; de qua quidem Collegij instauratione amplissimū diploma proposuit, quod sub annum M. D. LXXIII. in Germania lectum, & ma-

Otto Fris.
in proleg.
lib. 4.

Thom. Bo-
xius de No-
tis Eccles.
lib. 5. ca. 3.
Steph. Nic.
in ora. Fu-
nebri.

gna, uti par erat, bonorum omnium lætitia gratulatione-
que acceptum fuit. Neque hoc sese vno Religionis prop-
ugnaculo in illa terrarum Arce fuscitando, Gregorij li-
beralitas contineri passa est; sed præter alia in Vrbe con-
dita dotataque domicilia, ad quæ omnes prope gentes ex
Oceano, ex Alpibus, ex Peloponneso, ex Synagogis, ex Pa-
læstina confugerent; per Germaniam, Galliam, Sarmat-
iam, Pannoniamque suum singulis pœne nationibus Se-
minarium exstruxit, Prutenis & Suecis Bransbergense,
Vilnense Lituanis, Bohemis Pragenſe, Austriacis Vien-
nense, Græciense Styriacis, Morauis Olumucense, Dilin-
ganum Germanis, Saxonibus Fuldenſe, Muſſipontanum
Scotis & Hibernis, Heluctiis Mediolanense, Remense Bri-
tannis, Transylvanis Claudiopolitanum; ubi nouam cum
hæreticis depugnandi rationem edocti, non fossas ducere,
non circumuallare castra, non sudes figere, non excitare
pontes, non machinas protrudere, non vigilare in excu-
biis consueſcerent; ubi non telis aut machinis, sed libris
& calamis armati, non sagis, sed togis amicti; non in ca-
stris, sed scholis, non in sole aut arena gladiatoria, sed in
vmbra & ocio literario exercebantur: & procul à paren-
tum transfugarum Lare complexuque optimis credendi
viuendiq; legibus instituti, cum suis postea ciuibus, gen-
tilibus, ac necessariis pedem non vulnerando, sed dispu-
tando, beneque viuendo conferrent, ut quos neque Cen-
turio, neque turma subigere valeret, cos Sapiens ac pius
Sacerdos debellaret, & quo gladius non posset, illuc ora-
tio quouis acinace penetrabilior peruaderet. Ex quo non
iniuria factum est, ut sicut Romam Gentium patriam,
Apostolicam sedem populorum; ita Gregorium
uerissimum omnium Parentem dissimilimis quidem vo-
cibus: sententiis vero sinuillimis omnium orarum
nationes prædicarent. Hæc ergo eadem cura Tuo animo,
SERENISSIME PRINCEPS, antiquissima insedit, quæ-
do

do Alumnorum Seminario cōstituendo peramplam Domum situ & Collegij vicinitate atque aperto vndiq; prospectu opportunam, sex millium ære comparasti; quo iuuentus Sacerdotio Clerique ministeriis dicata, optimis Artium & vitæ institutis à primo ætatis ingressu ex Tridentinæ Synodi præscripto imbuatur: vtque per eos sui iam officij bene peritos, posteris annis disciplinam Ecclesiasticam nō censura magis, quam exemplo sancires. Adiunxisti etiam alterum illud, quo florentissimi è Germanica nobilitate adolescentuli Tuo beneficio nobilissimas scientias ad generis claritatem adiungerent; quibus iam vndique variorum Ordinum Religiosi adfluunt, & Cœnobiarchis volentibus lubentibusque ea pietatis & eruditionis adiumenta comparant, sine quibus omnem funditus religionem interciderere necessum est. Quid iam de tertio illo studiosorum pauperum contubernio, quod de Tuo SERENISSIMO nomine, LEOPOLDIANVM vocarunt, dicam? quod in Corona virtutis & munificentia Tux, tanquam lemniscus sæclis innumerabilibus frondescet; quibus nunc à primordiis suis anno M. D. C. XII. captis, & numero, & domicilio, quod nunc paras ampliore, cum omni cubiculorum, reique librariæ supellectile, Tuo prouisu & maximam partem sumptu, victus; nulla alia cōditione aut onere, nisi sperato melioris atque eruditioris mentis profectu suppeditatur; quot iam putas, ex his ipsis ad publicas in vtraque tam politica quam Ecclesiastica functione maturioribus annis ingenia emergent, quæ cæteroqui neglecta penitus in sordibus iacuisissent? quot incitia rerumq; necessariarū ignorance detracta, mētem scientiarum cultu, bonisq; artibus exornabunt? quot tenellæ animæ per literarum doctrinam ad virtutis & pietatis absolutę decus pertrahentur? quot ex iisdem iam infirmâ ætate domi & in scholis optimis vitæ

morumque disciplinis assuefacti, suos vicissim ea, quæ so-
 lenter didicerunt, piè prudenterque docebunt? videlicet
 Seminaria coniungere Academiis, hoc demum est, non
 modo veterem illam gloriam Academiis, verum etiam
 Ecclesiæ Dei, iisdem, quibus olim à primâ sui origine par-
 ta fuit, artibus reparare. Sicut enim qui in magnis Chri-
 stianæ reip. conuersionibus, certis quibusdam signis &
 coniecturis obseruatis, exinde pereuntis & quasi incli-
 nantis Ecclesiæ status præensionem elicuerunt; ij reli-
 gionis & fidei iam intereuntis indubitatum prognosti-
 cum accipere soliti sunt, corruptam iuuentutis aut negle-
 ctam disciplinam; ita sapientes vix pro ambiguo habent,
 tum euidentem pristini atque optimi status reip. signifi-
 cationem impendere, vbi adolescentum flos optimarum
 Artium & morum culturâ renouato nouali, excolitur.
 Sic enim accepimus; CAROLVM illum, qui, quod reli-
 gione Constantinum, amore literarum Cn. Pompeium,
 bellicâ fortitudine Alexandrû Macedonem Orbi Chri-
 stiano rediuiuos exhibuisset, omnium sententiâ MAGNE
 nomen promeruit, cum fidem Orthodoxam alibi plan-
 tare, alibi iam sentescentem, & prauis vel moribus vel er-
 roribus pæne obsitam restaurare discuperet, Academiis
 institutis, certo item numero adolescentes, quos infimo,
 mediocri, summo loco natos, magnoque dilectu in plura
 domicilia distributos regiis impensis educabat, Clemen-
 ti, quem vna cum Alcuino Sapientiæ mercatum profi-
 tente ad se accersuerat, in disciplinam simul probatissi-
 mis morum institutis, simul Libb. Artium disciplinis sub
 primum ætatis ingressum expoliendos commendasse.
 Annon igitur illi Te iure ac merito PARENTEM suum
 & nunc appellabunt, & in omnem deinceps vitam agno-
 scent, quando sicut hac necessitudine, nulla in terris ma-
 ior inter homines neque sanctior est ira se plus etiam Ti-
 bi, quam ipsis Parentibus debere profitetur? cum ab illis,
 quæ

Sangall.
lib. 3. de
gestis Caro-
li M.
S. Antonin.
cap. 4. tit.
14.
Vinc. spe-
cul. Hister.
Annal. Pi-
thai.
Richeom.
in Apolog.
Sotier.

quæ caduca & fragilia, quæque in eorum qui dominantur libidine sita sunt, vt auferri faciliè possint, acceperunt; at per Te in hoc firmo diuinæ humanæque Sapientiae propugnaculo, animam immortalitûs duraturam aduersus omnem hæresum & barbariei vim, verissimis opibus tutissimisque præfidiis ornabunt solidabuntque.

CAPVT VIII.

GRATIAE SERENISSIMO

FVNDA TORI, NOMINE ALSATICI

Cleri, & Religiosorum.

ET SI vero pro ardentissimo Tuo erga omnes homines, eos maximè, qui in ius ditionemque Tuam Dei prouisu venerunt, ad sempiternam beatitatem prouehendos desiderio, simul vigilantissimi ANTI STITIS, simul ARCHIDVCIS verè AVSTRII, id est, de Religione, deq; Rep. Christianâ benemerentissimi numeros egregiè explesti; tamen nescio, quomodo ECCLESIASTICVS ORDO, cuius dignitas in Orthodoxa Dei Hierarchiâ supra ipsa etiam sceptrâ Regumque purpuram, obtinuit principatum; huius Tuæ beneficentiæ fructum, si non in solidum; at potissimam certè partem, ad se pertinere arbitratur. sic enim ratiocinati sunt; cum ipse Princeps sis Ecclesiasticus, iis Te quam maxime opem auxiliumque debere iudicasse, qui & ipsi sunt Ecclesiastici, & huic sese instituto siue exornando, siue ampliando totos dediderunt. Quamuis igitur hæc augusta laudatissimarum Artium officina, quam Tu, SERENISSIME PRINCEPS, in totius Alsatiæ adeoque Europæ luce omnibus in commune fruendam constituisti, maiorem ex nostra prædicatione accessionem expectare non possit; illud tamen vereor, ne si debitam gratiarum actionem

Sacri

Sacri Cleri, ac Religiosorum Ordinum nomine, intermifero, & ipse ingrati silentij probum hodierna Panegyri non effugiam, & ineluctabilem apud illos offensam promerear, qui hoc se munificentiae Tuae trophæo, mirificè decoratos haud iniuria gloriantur. Quos enim de hac Tua Academia sermones vbique non haberi putas, qua prædicatione, quibus laudibus hoc Tuae liberalitatis munus non efferri, quas non gratias Deo ab omnibus piis dici arbitraris? ipsa profecto templa, quæ in hac Dioccesi sunt, lætari, ipsa, si fieri posset, Cœnobia suis sese effundere sedibus conari videntur, & Tibi velle coram gratias dicere, quod iam demum sua ipsis sanctitas, suæ imagines, suæ aræ, sua sacrificia, quæ per tristes & multiplici euentu formidabiles hæreticorum incurfus vel iacuerunt, vel interrupta sunt, in pristinam dignitatem restituta & stabilita esse videantur. Et quia vident Sacrosancti Deoque dicati homines, non aliam largitatis Tuae metam fuisse, quam ut, tamquam nouus huius æui Zorobabel, Templum Dei, si qua parte violatum fuit, in uitam Religionis decorisque sedem reponeres; idque cuiuslibet studio consilioque vnjce agere, ut in hac Tua Nobilissima Diocesi Sacerdotum ac Cœnobitarum Sapientia, fide, autoritate grauium, & cum cætero doctrinarum apparatu, tum in primis Theologicis studiis excultorum copia suppetat; quorum sit, ut Soles alios illuminare, ut bases grauissima, quæ in animorum cura insunt onera, sustinere; dabunt hoc amplissimo Tuo beneficio excitati operam, ut quod Tibi gratissimum esse sciunt, multo etiam maiore, quam hæctenus animorum contentione in salutem tum omnium, tum singulorum incumbant; atque his tantis præsidij communiti, sese quodam modo de omnibus benè merendo superare conabuntur. Et potestne Tibi, SERENISSIME PRÆSVL, quidquam hoc gratiarum genere iucundius accidere, quam si videas
per

per Sacrosanctos Cleri ac Religioſorum non tantum vitæ
 morumq; integritate, ſed originena etiam diſciplinarum
 cognitione illuſtrium ordines, omni errorum labe abſter-
 ſa, variam lucem qua Tuæ prouinciæ, qua finitimis regio-
 nibus affundi; ex quo pernicioſis de Religione diſſenſio-
 nibus cōſopitis efferatæ tot diſſidiorum aſſiduitate men-
 tes, hiſce pacis Artibus mitigatæ ad ſtudioſum inquirendæ
 veritatis inardeſcāt? Videas etiam & ſentias feliciffimum
 illum Chriſtianæ rei ortum, illamque primigeniam glo-
 riam, quam trium Sanctiſſimi nominis fama ſempiterno-
 rum Antiftitum Eucharii, Valerii, Materni, indefeſ-
 ſus labor inuexit, per omnia Religionis & priſcæ pietatis
 exempla reſſoreſcere; tandemque grauiffimis illis, tam
 variis, tam latè fluentibus malis, quibus per inſolentiſſi-
 mam variarum hæreſeon impudentiam Aſſatica Tua di-
 tio iactata fuit, deſungi. Nimirum hæc Tibi ſola ex innu-
 meris immortalibusq; pace ac bello partis monumentis
 ad ſempiternam Maiorum Tuorum gloriam, ad iicienda
 victoria ſupereſt, hic agendus triumphus, hoc figendum
 ad perpetuam Argentoratensis Tui Præſulatus
 laudatiſſimæ adminiſtrati memoriam,
 trophæum reſtabit.

FINIS LIBRI SECVNDI.



ARCHIDVCALIS ACADE-
MIÆ NOVÆ MOLSHEMENSIS,

A

REVERENDISSIMO ET SERENISSIMO
PRINCIPĒ AC DOMINO D.

LEOPOLDO

ARCHIDVCE AVSTRIÆ, &c.
*EPISCOPO ARGENTINENSI
ET PASSAVIENSI, &c.

FVNDATAE, ET PANEGY-
rico Explicatae

LIBER TERTIVS.

DE ALSATIA, IN QVA
FVNDATA EST ACADEMIA
MOLSHEMENSIS,

Proœmium.



VEMADMODVM Optimi quig, Agri-
cultura Præceptores non minorem curam
in soli quam cæli electione, plantarius rite
constituendis, inpendendam esse arbitrati
sunt; atque idcirco nos ad bonitatem fundi
peruestigandam, quamplurima signa do-
cuerunt; ita Sapientissimi rerum publ. Gubernatores, qui pa-
ri pre-

Vi precio calamus & hastam, pari cura imperij, quod politica, & animi regimen habent, quod doctrina comparatur; in Academicis honestissimarum Artium palaestris fundandis, uti quibus splendor Principum, urbium honos, amor virtutis, & bonorum omnium decus continetur, haud solum ingeniorum rationem sibi habendam duxerunt; sed eo etiam adnisi sunt, ut temperato ac salubri aëris celiq. aspectu, opportuno situ, silvarum, camporum, fontium, aliisq. id genus amanitatibus vigor ille & feruor studiorum quam vegetissimus redderetur. Sic enim Academia locum Athenis in suburbio procul à fori & curiae strepitu, per Cimonem fortissimum Ducem riguis & umbrosis ambulacris exornatū, Lacedaemone Scholam in hortis ab Attalo Rege incandissimositu aedificatam, ab Theophrasto Gymnasium in viridario iuxta ades positum accepimus, quod etiam moriens testamento philosophantibus reliquit. Idem prorsus Tibi, SERENISIME PRINCEPS, in commodissimo ACADEMIAE TVAE Alsatica fundo docernendo propositum fuisse videmus; ut non solum florentissima indolis, quae in Alsatis Tuis ad omnem ingenuitatem factis elucescit; sed loci etiam soli-que dilectum haberes: quo tener ille flos adolescentum, tanquam in amanum quoddam rosetum collectus, optimis tum disciplinarum, tum etiam virtutum rudimentis innutritus, in illo atatis lubrico perpetua quadam vita morumque integritate adolesceret: unde postea auro robustiore, diuina humanaeque Sapientia probe persusus, & unà cum Sapientia optimis morum institutis maturescens, superatis animi magnitudinis vitis, odorem vitae in vitam quaquaversum exhalaret. Et sane non immerito ACADEMIAM hortum dixerim, non illum Mide, Tantaline, non Alcinoi, non Hesperidum, quos fabulosis carminibus figmentisq. poeta plantarunt: nec pensilem illum Semiramium, quem audax hominum genus de terra in aërem; quasi coloniam nouo penitus

exemplo transvexit: amœna quidem cuncta & sumptuosa: obsoleta tamen nunc, & ipso sui usu pereuntia: sed hortum illum ad instar Damasceni solidis doctrinarum præceptorumque amanitativis viridantem, profluum, amenum, gratiosum, & versicolorum herbarum florumque suaveolentium specie variegatum: in quem adolescentes, certis Scholarum Classibus, tamquam apicula suis alvearibus distincta, plenisexaminibus quotidie florigeris disciplinarum morumque gemmis aduolantes mellilegium faciant, & confertas dulci nectare cellas animorum distendant. Erit itaque operæ precium, SERENISSIME ARCHIDVX, paucis demonstrare, ALSATAS TVOS non indignos hoc ACADEMIÆ abs Te positæ beneficio videri: & vero tam opportuno illos cælo soloque Tua munificentia et aeternam in doctrinarum perceptione posthac posituros: ut nihil vel ad studium opis, vel ad laborem subsidij, vel ad commoditatem additamenti desiderare possint. Neque vero Tibi ipsi, SERENISSIME PRINCEPS, hodierna Panegyri molestum aut iniucundum accidet, de ALSATIS TVIS differentem audire: qui cum singulari Dei providentia Tui effecti sint, ad Te vnum potissimum eorum cura pertinere videtur: ut in hoc amanissimo ACADEMIÆ viridario, cœu novellæ plantula, quod eas ad salutarem Ingenuarum Artium succum combibendum aptiores compereris, hoc sereniore benignitatis Tuae radio, & crebriore gratiæ irroratione recrenta alijs radices agant, feliciusque prouecta diffundant ramos, expandant folia, in florem erumpant, tandemque adultioribus annis in poma fructusque ad commune Christianæ reipubl. bonum grandescant. Neque tamen diu hic mihi esse immorandum video; ne instam Plutarchi reprehensionem incurram, qui stultè Bionem egisse aiebat, quod agrum laudando potius, quam fodiendo

sc fer-

se fertilem atque frugiferum redditurum existimasset. *Agnoscent certe, vti confido, ALSATÆ omnes, quam eximio per Te beneficio hac ACADEMIÆ plantatione maectati sint: ut citra iniuriam inuidiamque aliorum illud Poëta iis occinere audeamus:*

Felicem nimis ALSATIAM, bona si sua nōrit.



CAPVT I.

ALSATARVM ABORIGINES, PRISCI RITVS, SACRA,
Magistratus.



NTIQUITATIS ea est apud omnes gratia & existimatio, vt complures Gentes, quæ laudare aliàs se non possent, vnâ se vetustate prædicarint. Et Ægyptii, Diodoro Siculo, Herodoto, ac Mela auctoribus, primos se mundi incolæ iactare soliti,

Diodor. Sicul. histor. Rom. Herod. in Euterpe. Metaph. lib. 1. c. 10.

quo præstarent dignitate ceteros, vanissima multorum millium annorum enumeratione contendebant. principio itaque in Alsatarum primæua origine peruestiganda, vt incomperta & irreperta, imo vero conficta superioris æui commenta, quæ nullo reclamante ipsa temporis longinquitate in spongiam & fabulas iure suo abiērunt, in medio relinquamus; quibus, vt in Tuisconum prosapia, Herculis Alemanni, in Francorum historia Iliacus sanguis, in aliis nescio quæ Semideorum & Semonum propagines nobis obtruduntur; prout figulos istos vel gratia & fauor, vel ambitio, aliæque historiarum pestes quibusdam velut errorum pedicis illaquearunt; vnumque

exemplo transvexit: amœna quidem cuncta & sumptuosa: obsoleta tamen nunc, & ipso sui usu pereuntia: sed hortum illum ad instar Damasceni solidis doctrinarum præceptorumque amenitatibus viridantem, profluum, amanum, gratiosum, & versicolorum herbarum florumque suaevolentium specie variegatum: in quem adolescentes, certis Scholarum Classibus, tamquam apicula suis alvearibus distinctæ, plenius examinibus quotidie florigeris disciplinarum morumque gemmis aduolantes mellilegium faciant, & confertas dulci nectare cellas animorum distendant. Erit itaque operæ præcium, SERENISSIME ARCHIDVX, paucis demonstrare, ALSATAS TVOS non indignos hoc ACADEMIAE abs Te positæ beneficio videri: & vero tam opportuno illos cælo soloque Tuamunificentia et aeternam in doctrinarum perceptione posthac posituros: ut nihil vel ad studium opis, vel ad laborem subsidij, vel ad commoditatem additamenti desiderare possint. Neque vero Tibi ipsi, SERENISSIME PRINCEPS, hodierna Panegyri molestum aut iniucundum accidet, de ALSATIS TVIS differentem audire: qui cum singulari Dei prouidentia Tui effecti sint, ad Te unum potissimum eorum cura pertinere videtur: ut in hoc amantissimo ACADEMIAE viridario, ceu novellæ plantulæ, quod eas ad salutarem Ingenuarum Artium succum combibendum aptiores compereris, hoc serenioris benignitatis Tuae radio, & crebriore gratiæ irroratione recreatæ altius radices agant, feliciusque prouectæ diffundant ramos, expandant folia, in florem erumpant, tandemque adultioribus annis in poma fructusque ad commune Christianæ reipubl. bonum grandescant. Neque tamen diu hic mihi esse immorandum video; ne instam Plutarchi reprehensionem incurram, qui stultè Bionem egisse aiebat, quod agrum laudando potius, quam fodiendo

se fer-

se fertilem atque frugiferum redditurum existimasset. *Agnoscent ceritè, uti confido, ALSATÆ omnes, quam eximio per Te beneficio hac ACADEMIÆ plantatione matriti sint: ut citra iniuriam inuidiamque aliorum illud Poëta iis occinere audeamus:*

Felicem nimis ALSATIAM, bona si sua nôrit.



CAPVT I.

ALSATARVM ABORIGINES, PRISCI RITVS, SACRA,
Magistratus.



ANTIQUITATIS ea est apud omnes gratia & existimatio, ut complures Gentes, quæ laudare aliàs se non possent, vnâ se vetustate prædicarint. Et Ægyptii, Diodoro Siculo, Herodoto, ac Mela auctoribus, primos se mundi incolas iactare soliti, quo præstarent dignitate ceteros, vanissima multorum millium annorum enumeratione contendebant. principio itaque in Alsatarum primæua origine peruestiganda, ut incomperta & irreperta, imo vero conficta superioris æui commenta, quæ nullo reclamante ipsa temporis longinquitate in spongiam & fabulas iure suo abiierunt, in medio relinquamus; quibus, ut in Tuisconum profapia, Hercules Alemanni, in Francorum historia Iliacus sanguis, in aliis nescio quæ Semideorum & Semonum propagines nobis obtruduntur; prout figulos istos vel gratia & fauor, vel ambitio, aliæque historiarum pestes quibusdam velut errorum pedicis illaquearunt; vnumque

Diodor. Sicul. histor. Rom. Herod. in Euterpe. Metab. lib. 1. & 10.

illud agere voluisse visi sunt, ut nō tam gentium primordia, quam vanum quodpiam & inane suorum ingeniorum in cerebro exsculptum simulacrum apud posteros propagarent; mihi sanē ut magnorum fluminum, sic validissimarum etiam nationum ortus lapsusq; propemodum incompti videntur. id quod in Germanis nostris, (ē quorum natione ALSATAS nostros in omni antiquitatis ævo fuisse, & vero præstitisse patebit) manifestum esse video. Liceat igitur mihi, SERENISSIME PRINCEPS, non quidem exactē, atque ad decempedam omnia exigenti, (aliud enim & amplius stadium hic sudor desideraret) sed quasi per transfennā, factā duntaxat inspiciendī copīā, ut in ferculorū pompis fieri solet, ALSATARVM, quorū in hac Academię luce maximam partem adesse video, primigenios Patres, Sacra, & Magistratus producere. Sanē vero Gentes eas omnes, quæ Pyrenæis Graiisque iugis, quæ Peninis, Cottiisque Alpibus inclusæ, quæque cinctæ mari Mediterraneo, Aquitanico, Britannico, & non modicam partem Germanico, Bohemiam versus atque extremos magnæ Germaniæ limites, Danubium & Rhenum incoluerunt; vetustissimo vocabulo CELTAS, (quod pleriq; à claritate deduxerūt) agnominatos, tum in veteri historia obuium est, tum ex Hipparcho apud Strabonem explicatē cognoscitur. Porro Celtarum nomen, quibus multo maximam in Europæ diuisione partem optimi Scriptores tribuerunt, licet quadam temporis progressionē in Galliarum colonias venisse, in iisque solis hæsisse, non ausim contra tot iam præiudicatas opinionēs inficiari; vno tamen verbo Germaniam Galliamque complectebatur; imo Germaniæ quondam populis Celtarum vocem tam fuisse peculiarem non ab vltimis modo Græciæ Scriptoribus, sed ab longissima etiam vetustatis memoria repeti potest: ut velur palmaria & princeps huic nationi tribueretur. atq; ut Dionem Cassium

non

Plin. lib. 4.
ca. 17. Cornel Tacit.
Ammian.
Marcell.
Petrarcha.
Silv. Isaac.
Cajaub. ad
Strab.
M. Velfer.
rerū Boic.
lib. 1.
Surd. hist.
lib. 1.
Appian.
V Volff. Lat.
zin de mi-
grat. gent.
lib. 5.
Stephan.
Forcatul.
IC. de Gall.
Imp &
Philos.
Dio. Cass.
lib. 39.

non appellem, Suidas clarissimè Celtas Germanos Rheni accolas est interpretatus; & Strabo ex Ephoro totum Occidentem (quo nomine quidquid à Danubio nobis ad Septentrionem respiciente; Græcis vero ad Occidentalem plagam collocato, ad citeriores partes portenditur, intelligunt) vna vocabuli appellatione à Celtis meminit habitatum. Aristoteles ipsum Danubium in Celtica originem suam habere prodidit; vt minus audiendi sint, qui Celticum nomen vel maximè Germanis, vel iis poene solis proprium in illas Sequanæ & Garunne angustias contra veterum Geographorum tabularia violenter compulerunt. Nec dissentit Cicero, qui res, quas alij in Celtica, ab Iulio Cæsare præclare gestas memorant, ipse strictim percensens, cum acerrimis, ait, nationibus & maximis Germanorum & Heluetiorum populis felicissime decertasse. Nequétamen ignarus sum, ante Cæsaris in Germaniam aduentum, sub Ariouisto Germanorum Rege (à quo nonnulli Ernesti nomen, deducunt: alij Nobiles hodieque compellatione honorifica Ehrenvesti nominari suspicantur.) Gallos in Germaniam transgressos; modo & illud mihi dent, quod est apud Corn. Tacitum, Tribocos, Nemetes, Vangiones, qui Cæsare belligerante citeriorem Rheni ripam incolebant, haud dubie Germanorum populos fuisse. & diserte Ammianus Marcellinus explicat, & cum eo Ptolemæus in Geographicis, sicut Agrippina cum Tugris ad inferiorē; quam & Secundam nominant; ita cum Magontiacis, Vangionibus, Nemetibus, Tribocos, id est, Alfatas nostros ad superiorem, siue primam Germaniam, quæ & magna, & hodie vernaculo idiomate alia dicitur, pertinuisse. Et vero Nobilissimam Germaniæ Sedem

*Aristot. 1.
Meteor.*

*Cic. orat.
de pro. iung.
Coss.
Cesar. li. 1.
bell.*

*Geogr. Belg.
Hadr. lun.
in Batan.
& alij.
Tacit. li. 4.*

*Am. Marc.
lib. 35.*

*Cæsar li. 1.
comm. de
bello Gall.*

*Strabo l. 4.
& lib. 7.
Geogr.*

*Corn. Tac.
de morib.
German.
Althamer.
in Tac.
Ant. Sabel.
Flor. lib. 3.
ep. 1. cap. 3.
Tacit. lib. 1.
hiflor. Cic.
luto sit.*

Sedem in Alfatia nostra fuisse facile assentiat, quis-
quis apud Cæsarem meminerit, Ariouistum Germano-
rum Regem & eundem Hellsaticum (eò quod Alfatia si-
ue Halsatia cum regali potestate præfesset) occupata exer-
citu centum & viginti millium Germanorum, tertia Se-
quani agri parte, diu in Sequanorum finibus regnasse;
vnaque cum Duce suo Tribocos, vt Strabo loquitur,
natione Germanos, relictis penatibus Rhenoque
transito, tum in Sequanis, tum in Mediomatri-
cis sedes aliquando posuisse; neque dissentiant eru-
diti, quorum alii cum Cæsare scribunt, Ariouistum in Se-
quanis longâ quadam commerciorum assuetudine Gal-
licam linguam didicisse, eademque subinde vsum; alij
Heluetios, Rauracos, Brisgoenses, & Tribocos anti-
quam Galliæ tum libertatem, tum maiestatem, tum deni-
que linguam obtinuisse asseuerant. Licet enim Germa-
ni *dux dicitur*, Cornelio Tacito referente, fuerint, qui a-
liarum Gentium sub id tempus aduentibus hospi-
tisque permisti non vixerint, quia tamen bellis diu-
turnis assueuerant, vt apud Florum, bellicosissima
gens, apud Tacitum armis, viris, & memoria no-
minis clara, apud M. Tullium acerrima maximaque
natio audierint, irrequieta quadam imperij prorogandi
vna cum Duce suo cupidine æstuabant. Valuitque tan-
tum ex bellica felicitate nomen Ariouisti Alsataram
Ducis apud Romanos, vt illius placandi & demerendi
gratiâ magnis identidem submissis muneribus, fictam an-
veram amicitiam testificati, amplissimo honoris titulo
Regem atque Amicum suum salutarent. donec illum
tandem

tandem C. Iulius Cæsar validissimâ manu victum compressumque perdomuit. quo funditus profligato, deletoque fortius quam maturius exercitu, vbi in Eburones, Neruios, Codrusos mouisset; tandem Germanos denuo rebelles cum Ambiorige Treuironum, & Induciomaro, Regibus, in potestatem redactos, Præsidibus & Præfectis ab Vrbe Roma destinatis, traductisque coloniis, subiecit. Et fuit tantus Coloniæ in Germaniam Galliamque transeuntium splendor, vt Tacitus luculentus rerum Germanicarum Scriptor affirmet, republica necdum satis pacata, cxiii. Senatores ex vrbe Roma Rhenum traiecisse. Atque vt ALSATARVM gloria certius liqueat, illud minimè reiiciendū, quod ab Alsatis insignem Ducatus Burgundici regionem (quam Alsetum, alias Halsetum, docti fere Alexiam hodie nominant) post eas partes iure belli subditas denominationem accepisse, vero sit propius; quando vetustis monumentis compertum est; complures Ciuitates coloniarum, vnâ cum familiis nomina velut vsucapione participasse. Et fuit tempus, quando Austrasiæ quoque regnum commune Alemanniæ nomen tulit; quod tum factum arbitror, posteaquam Iustino auctore, Galli abundante multitudine, cum eos terræ quæ genuerant, non caperēt, trecenta hominū millia ad nouas sedes quærendas velut peregrinatum emisserunt. Vt non ALSATÆ soli, sed quidquid ab Alsatis ad vsque Oceanum populorum esset, etiam inferæ Germaniæ nationibus comprehensis, Germani vocitarentur; in quibus tamen ita eminebat autoritas ALSATARVM, vt Antoninum, Aurelium, Alexandrum Cæsares, ex Concordiis Germaniæ oppidis, quæ in ALSATIA Romana libertate maximè pollebant, præsidia deducere, fidem eorum opemq; implorare, & eos in ami-

Corn. Tac.
lib. 1. com:

Tac. lib. 5.

Cōtract. in
Chr. C. Bro
vverus in
Not. Ven-
nant. Fort.
Picar. Cel-
topad.

T • citiam

*AEn. Silu.
in Europ.
Irenic. li. 1.
cap. 46.
Gorop. an-
tiq. Ant-
uerp. lun.
in Batau.
VVolf. La-
zin de mi-
gr. Iacob.
VVimphel.
epit. Germ.
cap. 24.
Suffrid. de
orig. Fris.
lib. 1. c. 4.
Beat. Rbe.
verũ Ger-
mã. l. 3. in
ELCIBO.*

*AEn. Silu.
de moribus
Germ. &
cap. 30.
Europa.
B. Rhenan.
loc. cit. Lal.
Bij. vol. 10. 1
lib. 20. c. 13.
Martin. de
Rea. sing.*

citiam recipere consueſſe, publicis monumentis cõteſta-
tum ſit. Verumenimvero ſicut nomen Germanorum,
tot ſerè notationes explicationeſque ſenſit, quot homini-
bus vel ocio, vel ingenio abutentibus excogitare lubi-
tum fuit; ſic ALSATARVM primam denominationem
non nihil eruditorum ingenia diſtraxiſſe reperio. Etenim
alij ab ELCIBO; quod Ptolemæo Tribocorum oppidum
ſupra Argentoratum fuit, quodque recentiores vel Sele-
ſtadium, vel certè haud longè inde ſteriſſe contendunt,
quaſi ELCEſATIVM, alij ab ELLO flumine, ELISA-
TIVM, quod nonnulli ALSAM dicunt, alij ab etymo
vernaculo, quaſi Edelſaß, id eſt, NOBILEM SEDEM,
ſiue ob cõfertam Nobilitatiſ hæc oras occupantiſ mul-
titudinem, ſiue ob nobiliſſimum ſoli feraciſ genium de-
riuant; TRIBOCO ſero ab tribuſ fagiſ, quaſ impenſe
ante importatam Euangelicę veritatiſ lucem veneraban-
tur, eoſdem appellatoſ, nõ proletariæ doctri-næ viri aſſe-
ruerũt. Sed iam in veterem poſſeſſionem priſcoſ ALSA-
TAS vindicatoſ, in ſua etiam, quæ antiquituſ Sacra colue-
runt, aſſeramuſ. nam humano generi inter ipſa naſcendi
cunabula imiſ ab penetralibuſ inſitum fuit, Deum ali-
quem venerari; neque vlla vnquam natio aut genus ho-
minum tam extitit immane aut horridum, quod non ali-
cuiuſ ſiue veri ſiue ficti Numinis Religione teneretur.
Quo in genere priſcorum ALSATARVM Numina, quæ
ex veteri memoria ſuppetunt, cum vniuerſiſ Germaniſ
communia fuiſſe opinamur. Hinc illi cum Romanorum
more, nihil inauſpicato gererent, præter Iouem, Iſidem,
Ditem, etiam Herculem proiccta gentium veneratione
tum aliaſ, tum vero maximè cum bella cierent, & coluiſ-
ſe, & nomen eiſ in ipſa dimicatione inclamare ſolitoſ
hitoriariuſ autoſ tradiderunt. Martem vero Gradi-
uum, (quem Theutatem alij, nonnulli vero Irmenſuell di-
xere) cum bellicoſi eſſent, in Germania cultum alia pluri-
ma,

ma, tum illud argumento est, quod complures per Germaniam Vrbes ab eodem nomenclationem, vt Marburgum Hassiæ Metropolis, Marsburgū in Sueuia, in Misnia Martiopoli siue Merceburg, apud Europæarum rerum chorographos desumpsisse pateat. & pugio ille, quo se Otto confecerat, teste Siluio, Coloniam transmissus fuit, vt Marti anathema appenderetur. Dianam vero & Mercurium doctrinæ & eloquentiæ Præsides ALSATIS in non vulgari honore fuisse, partim simulacra Selestadiani templi muris inserta ostendunt; tum illud inprimis, quod fama est, haud procul EBERSHEIMIO stetisse templum MERCVRIO sacrum, in quod Iulius Cæsar aliquando subierit idolo litaturus, quodq; deinde B. MATERNVS, cum aliis delubris in nemorum collibus, quos à paganis hodieque indigenæ appellant, cum ALSATAS superstitionem omnem dedocuisset, iis lubentibus in vicinam voraginem præcipitauit. Quorum Flamines Sufflaminesque Druidas plerique, vel Bardes, Vates Strabo, Eubaces Ammianus, Saronidas Diodorus, alij aliter dixerunt. Iam vestem cultumque corporis quod attinet; is, qui olim fuit, hodieque in ALSATIA apud solas fæminas, quæ sui iuris tenaciores vt plurimum sunt, perdurat. PELLIBVS enim quodam, (quas *ant. r. p. r.* Rhénones dictas, potius, quam à renibus autumo) Germanos vti solitos non tam frigoris arcendis, vt Sarmatæ, quam ornatus gratia, illud conuincit; quod peregrinarum ferarum vel ab ipso mari Balthico adlatas in Germaniæ citerioris limites, Althamerus in Tacitum, & Cæsar fateantur: & hodie exoticarum pellium vocabula, quarum alias Zobelinas, licpatas alias, nonnullas Lusatias, quasdam Hermelinas nominarunt, etiamnum perseuerant: illud vero quam non Germanæ constantiæ laudem, promeretur, quod inter tot aliarū Orbis partium vicissitudines, apud solos ferè ALSATAS prisca Germanorum lingua, qua

*Inscript.
Sacrofan-
ta. Altha-
mer. in Tac.*

*Picardi
Celtopad.*

*Taco. Vvil-
lich. in Tac.
Althamer.
sup. cit.*

facile annis abhinc sesquimille vsos fuisse ex vetustissimis quibusque membranis elicitur, sola pronuntiationis asperitate non nihil emollita, in hodiernam lucem perseverat. ut sicut ipsi suis in sedibus; ita lingua in ipsis indigena, & ἀντοχὴν αἰτεῖται. Cæterum Germaniæ provincias primum quidem cum potestate Reges obtinuerunt; quo titulo Ariovistum Cæsar & Eutropius, Teutobochū L. Florus, Vannium Tacitus, Suetonius Maroboduum, Seniguntum Strabo, Bannascum, Veritum, Malorigen Siluius, alij alios insigniuerūt. & de vno Maroboduo Cæsar Romæ in Senatu quondam disseruit, non Philippum Atheniensibus, nō Pyrrhum aut Antiochum Populo Romano perinde metuendos fuisse. Viguitq; sub idem tempus ea priscorum Germanorum apud Romanos fama, ut Imperatores iam tum florētissimis Imperij temporibus, quod in Drufo, Domitiano, Nerua, & Tiberio Nerue Faccepimus, ab Germania, non ob victoriam (nūquam enim tota deuicta fuit) sed ob fortitudinem animi & corporis robur, fidem item & constantiam GERMANORVM, ambitiosius sibi quam verius arrogandam, ceu magnifici honoris vocabulo GERMANICI appellarentur. Deinceps vero Germania Galliaque in ditionem Romani iuris succedente, Præsidum Roma transmissorum imperiis gubernabantur, qui cum auaritia sordidi exactionum publicarum nomina in quæstus proprii emolumenta verterent, occasionem sæpenumero rebellandi dederunt; ut non vanè Tiberio Cæsari defectionis causam in fidelissima Germanorum natione sciscitanti, Bato Dalmatarum Regulus respondisse feratur, eam vel vnicam vel principem sibi videri, quod ad gregis custodiam ex Vrbe non canes, sed lupi mitterentur. Præsidibus tandem Constantinus, eximiis Orbis restituti ornatique meritis verè Magnus, Præfectos Prætorio subrogauit. qui ab Urbanis, ut eruditi aduerterunt, in eo differebant, quod Prætoriani secundo loco

Tacit. li. 2.

Et 12. hist.

Eutr. lib. 9.

Luc Flor.

lib. 3. ca. 3.

Strab. li. 7.

Georg.

AEn. Silv.

in Germ.

cap. 63.

Henr. Bel.

lib. c. 9. pro

German.

VVillich.

in Tacit.

Beat. Rhe-

nan lib. 1.

rerū Germ.

do loco tituloue censerentur; quibus vero Roma caput mundi, Patres item & populi commendati erant, tantum non primo loco rexisse, id est, ipsis Augustis honore & titulo exæquatos, è Symmacho cætorisque probatissimis autoribus manifestum est. et si titulos secundos ad Præfecturam secundariam, & Vicarios quoq; referri haud ignorem. Sub Prætorianis autem eiusdem Constantini instituto, Magistri equitum peditumque, ad Præfecti Prætorio arbitrium, dilectus, armaturæ, stipendiorum, ac disciplinæ militaris curam gerebant. hos in Consularium Legatorum vicem suffectos Vegetius docuit, à quibus non binæ tantum legationes, vti olim, sed plures etiam gubernarentur. denique sub Magistri peditum Imperio Comes fuit Tractus Argentoratensis, libro, Codicillis, & Viri Spectabilis titulo insignis. ad cuius arbitrium siquid motuum aut ciuiliū aut exterorum, per Germanias ciceretur, in hisce Tribocorum finibus ad Voguei fauces Tabernis Alsatiorum militares copię omni occasione imminentes excubabant. Tandem vero Theodosio Imperium moderâte, ita honorum gradus inter capita Urbium tributi sunt, (quod ex rescripto eius claret,) vt in Urbibus primatū Antistes seu Episcopus, & Præfectus Prætorio; Honorati, qui publicis muneribus perfuncti; Possessores, qui fortunis opibusque antecellebant, rempub. gubernarent. tametsi haud negarim, etiam posteris sæculis, vt regnum Lothariense, sic Alsatiam per Comites iure beneficiario fuisse administratam. Sanè vero post institutam ab Dagoberto Diœcesin totius reipubl. summam penes Episcopos fuisse, tam in confesso est, vt si quis è posteritate inficiari velit, eum non modo fidem ac vadimonium deseruisse, sed meditato quodam Ecclesiastici nominis odio & iuris iniuriosi machinis auctoritatem omnem peruicaciter oppugnare, acta doceant

Euseb. Chr.

Veget. li. 2.
de re milit.
cap. 9.Pancirolo
de Com.Imp.
Notitia Imp.
perij lib. 2.
c. 20. & 75.Be at. Rhe.
loc. cit. A.
bra. Ortel.
L. Defen.
res. 8. Cod.

ultimæ vetustatis. Cum Præfatus huius firmamenta
 usque ab Ecclesiæ nascentis moribus & Christianitatis
 ipsius cunabulis accersantur, quæ quidem debita Sacro
 Ordini, subditorum obsequia à liberis quibusdam Ciui-
 tatibus tum excuti cœperunt, posteaquam vel Magistrat-
 us frigore quodam afflati dissimulatione usi sunt, vel
 subditorum dolis intercepti Antistites tempori ceden-
 dum æquius melius duxerunt, vel certè Deo ita per-
 mittente, hoc morum vitæque licentia promeruerunt,
 ut multorum capitum arbitrio exagitandi suauissimo
 vnus Pastoris iugo destituerentur. Sed nolim tam
 lætam iucundamq; diem dolore quantumuis iustissimo
 funestare. Illud nunc vide, SERENISSIME ARCHI-
 DUX, an non hic noua mihi gratulationis feges oblata
 sit, quod eam Tibi palmam Deus in hoc tempus reser-
 uasse videatur, ut Gentem ab hominum memoriâ, etiam
 cum cæca quondam gentilitatis caligine obtenebraretur,
 nobilissimam; nunc vero in fulgentissimâ Orthodoxæ
 fidei luce positam hac Regiâ disciplinarum constitutâ
 redderes nobiliorem? At iam, ut video, ex hoc ipso capite

Iustior, & maior laudem mihi nascitur ordo.

CAPVT II.

ALSATARVM AD FIDEM

ORTHODOXAM CONVERSIO; EOSQUE

primos à Germanica natione ad Christianam

Sacra respexisse.

QVEMADMODVM enim ij, qui aliquamdiu tene-
 bricoso loco, iucundissimo Solis aspectu destituti
 latuerunt, ubi in nouam sese lucem sensim immer-
 gi, & ex abditis retrusisque sedibus euadere sentiunt, vbe-
 riore se quadam lætitia perfundi, & quasi nouum vitæ ge-
 nus

aus ordiri arbitrantur; sic mihi illorum temporum spacia, quæ Alîatas nostros densissimis errorum tenebris inuoluerunt, cmenso, par interioris lætitiæ materia & volupratis sensus offunditur, dum in Catholicæ fidei sincerissimam facem vna cum illis oculos atque aciem mentis euibro. Et habet Argentoratensis Dioecesis tum alia complura cæteris communia, quæ in laudem & commendationem adduci possunt; tum vero hoc excellens, quod prima in Germaniâ intemeratæ Religions fidem accepit. Enimuero, ex quò increata Verbi Sapientia ad arctiorem humani generis complexum, in terris cum homine quasi delicias suas faciens, acerbissima deinde morte affecta fuit: debellatis animarum hostibus ad cœlestem patriam cū triumpho redux, Vicarium in terris quasi alterum se destinauit, qui per Apostolos ceterosque fidei nascentis propagatores orbem vniuersum à labe exitialium & pestiferarum superstitionum vindicaret. Itaque dum Romani Imperio suo longè lateque producendo fortius an ambitiosius incumbunt, nullumque sibi modum statuunt Regibus populisque liberis per Asiam, Africam, atque Europam quaqua uersum dominandi; Christus etiam humani generis Assertor, discipulis iam tum per diuersas gentes prouinciasque diuinam & admirabilem Euangelij sui lucem circumferentibus, bello palam dñs dæmonibusque indicto, suum item nomen atque imperium longè latèque per Orbem terrarum proferre satagebat. Itaque Claudio iam alterum annum imperante, Petrus Apostolorum Princeps (quem Ecclesia Antiochiæ constituta Urbem Romam deinde Euangelij causa intrasse, & Iesv crucifixi nomen cultumque saluari prædicatione annunciasse, præter Irenæum, Tertullianum, Eusebium, testes alij omnium ætatum gentiumque locupletissimi tradiderunt) cum vniuersi

*Iren. lib. 3.
adu. heres.
Tert. lib. 4.
contra
Marcion.
Bella. m. li.
2. controu.
3. de Rom.
Pont.
Baron. Anno Christi
44. C. seqq.
Marian.
Scotus in
Chron.
Fran. Guil.
in Ep. Arg.
cap. 6.*

uersi terrarum Orbis ad Christi notitiam traducendi desiderio flagraret, tum florentissimos Germaniæ Galliarq; populos ad vigiliarum & prouidentia suæ partem ratus est pertinere; quo videlicet nationes spectata virorum, armorumque potentia celebres, & Romanis institutis ad summam belli pacisque disciplinam indices efflorescentes, è crudeli Satanæ imperio ereptas Christianis demum Sacris adgregaret. Dimissis itaque in varias terrarum oras quoquoersum Sacrosanctis Euangelij Præconibus, tres præstanti virtute atq; innocentia viros, Eucharium, Valerium, & Maternum, quos vitæ sanctimonia doctrinaque probatissimos cognouerat, in Germaniam, & Galliam Belgicam iubet proficisci, eosdemque pari amplificatione Religionis ardore & Apostolico spiritu plenos, impositione manuum, Eucharium Episcopum, (quem in cõtubernio Christi iam olim cum cæteris Apostolis versatum, & septuaginta duum Christi discipulorum Ordini insertum, tum in suo Marianus Scorus, tum in aliis Chronicis vetera monumenta prodiderunt) Valerium Diaconum, Subdiaconum vero Maternum instituit, & consecrauit. His ergo ad destinatam prouinciã iter facientibus, cum non sine verbi Diuini præconio, & multorum parta salute superatis Alpibus, ad Tribocorum, hoc est, nostrorum Alsatarum fines peruenissent; Maternus febriũ æstu, prostratus morbi magnitudine, apud Elegiæ castellum, vt antiqui Scriptores appellant, siue Ellum, Hellumue, vt recentiores, vita functus occubuit. Peruetus autem Tribocorum in Elli seu Illæ fluminis ripa, & Romana antiquitate, & religione Christiana visendus monstratur; quem vereor, vt minus apè, ab elegis dictum, ob lamenta & fletus in S. Materni morte isthic profusos, non nemo posteris probare conetur. Hoc porro tam acerbo casu, Eucharis & Valerius Romanum

*Iaco VVim
phel in pro
logo Episc.
Argent.*

num iter relegentes, amissum laboris socium Principi Apostolorum mœsti dolentesq; renunciant. Simulque ammonent, cum maiore negotio præsidioque nunc quidem opus sit; aliud consilium, cælestemque de integro sese opem à Magistro expectare. Petrus qua in Deum erat fiducia, paucis mœstos consolatus, eorum animos egregiè sustentat, simulque non citra singularem Dei Opt. Max. prouidentiam Maternum rebus humanis ereptum ostendit; quin ad ipsos istud etiam negotii pertinere, quo videlicet inter rudes gentes miraculo quopiam insigni magis magisque Christi Liberatoris gloria elucescat. durarent igitur, tamque salutaribus cœptis fortiter insisterent, mortuum in vitam reuocatum iri, vt qui non extinctus, sed velut somno quodam iustorum ad tempus consopitus teneatur. Ad hæc baculum, quo tamquam Summi Pastoris insigni utebatur, tradit, monetque fuis ad Deum precibus in nomine Christi surgere præcipiant, procul dubio quem reuiuiscere cupiant, Christi virtute continuo resurrecturum. Quadraginta omnino dies consentit vetus historia præterfluxisse, cum defuncti corpus humatum fuerat, vti tabidum existere tunc, ac pæne corruptum nulla dubitatio teneret. veruntamen illis fide in Deum firma constanter nitentibus, vbi repetito itineris labore ad locum, quem diximus perueniunt, quod futurum prædixerat Apostolus, illud felici euentu præclare respondit nam vi quadam genitali diuinitus per baculum affusa, Maternus ad Imperium Magistri velut in vitam renascens, multis cernentibus consurrexit; qui miraculi nouitate attoniti, & lustrati sacro Baptismatis fonte, ad Christum conuersi sunt. Estque incredibile, quantum ea res nascentium primum apud Alsatas, & circumiacentes populos Ecclesiæ contulerit. nam eius fama per finitimos longe lateque increbrescente, magni ad Sanctos omnis sexus ætatisque hominum vndique concursus extiterunt;

*Harig. Ab.
Lobienf.
cap. 5. 6. &
seqq.*

terunt; qui hinc grauare se in Christi Sacra reciperent. Basilicam quoq; narrat Harigerus Lobienfis Abbas, qui sub Ottone III. aetatem degit, Resurrectionis nomine, loco illo, quo Maternus ad vitam reuocatus fuerat, à Christianis exstructam atque dedicatam; cuius ad præsentem memoriam in Alsatiis Tuis, SERENISSIME PRINCEPS, certa vestigia, conuenarum Religione, & votiuâ peregrinatione quondam contrita supersunt. Ergo non immerito Alsatæ Tribocorum posterì Christianæ Religionis incunabula Beato Materno adscribunt, quem magna gratia gloriaque tanti beneficii, Apostolum suum & Principem fidei salutisque suæ solent venerari. Et vero qui huiusce Ecclesiæ res gestas prosequuntur, maiorû literis ac voce tradunt S. Maternum nō modo inani Deorum superstitione hanc gentē liberasse, sed magnis etiam & illustribus claruisse miraculis, crexisse complures multa veneratione, Apostoli Petri titulo & nomine insignes Ecclesias, ex quibus ad hanc aetatem veterrimæ memoriæ perdurasse creditum est Argenterati B. PETRI, quem vocant, Senioris, ad alterius multis annis post ab Guilielmo Antistite conditi discrimen; ab eodem sua quoq; primordia Sacrum Ascetarum D. Benedicti Ebersheim Monasterium repetit, estq; in conspectu Molshemensis Oppidi vetustissimi operis quæ Latine Domus Petri, vulgo Dompeter appellata est; quæq; D. D. Petrum ac Maternum tutelares agnoscit: hodieque frequenti concursu, ac spe non irrita remediorum, quæ febricitantibus quæri & obtineri solent, rara pietate coli ac frequentari videmus. Sarcophagus ibi Romani operis expositus visitur ad sinistrum ingredientis latus, in quo conditas olim S. Petronillæ reliquias populo persuasum est. cuius etiam Sacra Lipsana cum Zonâ loculo eleuatiore ad dextram eiusdem templi in choro asseruata narrant pagani; quæ esse.

*Fr. Guilim.
in Episc.
Argent.*

effertus pronuper hæreticorum furor Sacra omnia nil
 pensi habens, sacrilegè dissipauit. Cæterum ex contactu
 reliquiarum vim saxo credunt adhæsisse, estque expertæ
 virtutis, eum qui impositus post febres dulci somno de-
 uictus iacuiisset, expergefactum febrem excutere. Certe
 siquid coniectura hic loci habeat, crediderim pios Alfata-
 rum maiores, quod D. Petro suæ fidei ac salutis primor-
 dia deberent, olim ex Vrbe Roma Sacras illas D. Petronil-
 læ Socrus exuias, in hæc oras adportasse. interim haud
 leue antiquitatis argumentum habet nō modo Baptiste-
 rium medio templo collocatum; sed etiam Sarcophagi
 inscriptio, quæ est eiusmodi; MEMORIÆ TARENTIÆ
 AVGVSTINÆ CONIVGI SANCTISSIMÆ IVSTVS
 IVSTINVS MARITVS EIVS TITVS OCEANVS
 ET FLORIDA MATRI PIENTISSIMÆ. His ita ge-
 stis læti auctiq; socio iam rediuiuo Sancti, magnis animis
 ausisque pergunt cis Rheni limitem Euangelii lumen po-
 pulis inferre. multisque rebus admirandis supra mortali-
 tatem editis, vineam Domini in omnem partem propa-
 garunt; & tandem magnis Christi gloriæ inter homines
 augendæ, laboribus susceptis, Treuirim demum, cuius id
 temporis ob insignem bellicæ domesticæque laudis glo-
 riam summa apud omnes erat existimatio, anno Pontifi-
 catus Apostolorum Principis Petri octauo, Claudii Aug.
 nono, nascentis Christi quinquagesimo delati sunt. Sane
 vero, nisi Methodio, cæterisque vetustissimis vicinarum
 Ecclesiarum membranis fidem abrogamus, ipsos qua-
 draginta annos Maternum deinde Treuirorū Ecclesiam
 administrasse, totque annos Sacerdotali munere perfun-
 ctum, constans assertio est, quot diebus supra memini-
 mus in sepulcro iacuisse. quare non Treuirorum sese fi-
 nibus duntaxat Materni cura industriaque cohiberi passa
 est; sed ad Nemetes, Vangiones, & Triboccos nostros, quos
 per interualla inuisit, inde ad Agrippinensem Coloniam,

*Ægid. in
Gestis Leod.
& Tung.
Episc.*

Germaniam quoque Ripensem ultra Tungros & Ebu-
rones nomen Christianum protulit, tandemque Arduenna
silua peragrata, irremisso, qualem Episcopum decebat,
sudore implexa falsissimarum opinionum dumeta exci-
dit. Et cum trium Ecclesiarum, Treuirensis, Agrippina-
tis, & Tungrensis difficilem sanè provinciam sustineret,
accidisse memorant, (id quod non minus conditionem
corporum, quam naturæ facultatem excedit) vt ipsa Na-
talis Domini Sacratissima nocte, ipsaque Paschali die, du-
ctore Angelo, tribus hisce inter se quam longissimè dissi-
tis locis, Treuiris scilicet, Coloniae Agrippinae, & Tungris
immaculati Agni cælestem hostiam præpotenti Deo ad
aram Sacerdotali ritu sacrificarit. Verum vt nihil huma-
nis in rebus æquabili statu sic vndiq; munitur, vt non vel
temporum iniuria, vel malitia hominū in deteriora pro-
labente, quod rite constitutum est, quandoque vacillet;
sic & Alsatæ nostri partim tyrannorum rabie sædissimis
persecutionibus Ecclesiarum capita demerentium, par-
tim etiam contagio vicinorum, in pristinam veri Numi-
nis ignorationem prolapsi sunt. donec Childebertus Si-
gberti Regis Francorum Filius & hæres vnicus, Regiam
Argentorati anno regni quartodecimo incoletet, qui au-
tore, Gregorio Turonico, sicut magnæ Lampadis
splendor in tetra obscuritate, ita fidei claritate in-
ter obscuram aliarum gentium perfidiam emicans,
multarum virtutum ornamentis; sed inprimis Religio-
ne Alsaticum nouale repararet; quod tamen morte im-
matura, ita vt reliquerat, haud omnino excultum Theo-
deberto & Theodorico Filiis cecidit, donec inexpiabili o-
dio atq; simultate distrahente fraternos animos, non an-
tea ciuilibus bellis desitum est, quam Theodebertus re-
gno paterno, quod septemdecim annos vario ingenio &
ad vitia quam virtutem procliuiore gubernarat, vitaq; si-
mul

*Grego. Tur.
lib. 9 c. 3.*

*Greg. l. c. c.
87. & 88.*

muti hostiliter exueretur. atque ita Sobole Childeberti Regia dignitate spoliata, Clotharius trium regnorum ex asse factus hæres, totum sese motibus Austrasiæ, in cuius partem Alsatia nostra id temporis concesserat, componendis tradidit; cuius tandē præclarissimis studiis ad pacē denuò & gloriam efflorescere cœpit. Porro Clothario Regi Bertrudis iuncta excellenti virtute sœmina DAGOBERTVM peperit, qui quemadmodum Religionis cultu & maximarum virtutum fama, primum quidem Amando, postea vero Arbogasto præstanti sanctitate Præsulibus Alsationum rempubl. opibus cumularit, partim iam supra commemorauimus, partim haud multo post cum debita virtutum commendatione percensendum erit. Vna nobis Argentina in exemplo sit, quæ dum veræ & Orthodoxæ fidei bono frueretur, præter Cathedralē primariā, quaternā Canonicorum Collegia, totidemque Parœcias, septena virum Cœnobia, vndecim Parthenonas numerabat. At heu! quibus in locis vberes quondam olcas, plenam messē, graues pomis arbores, quin & lilia, & suaueolentes rosas cælestis Agricultor spectabat, hic legibus & iure reclamantibus, veteri sublata disciplina iam vitiosas lappas, tribulōsque, & steriles auenas, precio culturæ poenitendo, videas prouenire. Sed hic denuo modus querelarum esto, præsertim quia maiorem Tuæ Diœceseos partem à furiosis Islebit monstri dogmatis Deus singulari beneficio immunem indemnemque Episcopali curæ Tuæ industriæque reseruaui; quod cum aliàs, cum anno proximè superiore perspeximus, quando Iubilæi sæcularis fructum, quem tum PAVLVS V. Orbi Christiano amplissimum obtulerat, in Tuam quoque Ditionem eiusdem Pontificis assensu atque approbatione deriuasti. quæ cœlestis muneris largitas, quo è diuinis Christi thesauris

*Fræc. Guili-
lim. I. c.*

*IVBI-
LÆVM
Catholicū
Diœc. Arg.
in Augusto.*

largiùs afflueret, edito in lucem diplomate parænetico, Curionibus, & Cleri primoribus hanc rem inprimis commendatam esse voluisti, & Augustioribus Ecclesiæ Tuæ Diocesanae oppidis, per mensem Augustum stationes, ieiunia, precesque more maiorum indixisti; ipse vero, die Virgini ad cœlos Assumptæ consecrato, in primaria huius Urbis Ecclesia cærimoniâ rituque solempni vnâ cum lectissimâ Generosorum Amplissimi Collegij Procerum, Satraparum item, ac Nobilitatis Coronâ, magnâ ciuium, oppidanorum, & omnis ordinis hominum affluentium frequentiâ, cæteris exemplo præluxisti. Sit igitur sua Indis gloriatio, maturius se ab Sole illustratos, quem etiam sibi propinquiorem asserbant; ideoque cæteris nationibus se meritò antestare; Alsatarû gloria & verior est, & augustior, in Germanicâ natione primos omnium ad veram fidei lucem respexisse; efferant etiam se Arcades, quod Lunam sibi cognatam esse vanâ opinione crederent, cuius & figuram calceis ipsi præferabant: maius quiddam Alsatijs debetur, qui præter Solis, id est, fidei Veræ purissimum lumē, nunc etiam Tuo beneficio hanc Lunam, hoc est, Sapientiæ faciem intra viscera sua receperunt, neque ipsam calceis, sed animis penitissimè impressam, non ostentationis, at diuinæ gloriæ causâ, quaqua uersum proferre conabuntur. Tibi vero sempiternam illius facti memoriâ debebunt, quod geminis istis luminaribus conseruandis fouendisque hac Academiâ conditâ orbem Alsaticum reddideris illustriorem. Et sunt hæc quidem ita solida internæ felicitatis bona, ut si cum externis, quæ vulgo in bonis haberi solēt, coniungantur, ne in comparisonem quidem venire debeant. quamquam dum ad veteres fastos animi modicè aduerto, nihil equidem cōperior extera claritudinis, quam potentissimi quique Regum aut Imperatorum

rum siue hospitio, siue beneficentiâ suâ adferre solent, in nostrâ hac Alsatiâ potuisse desiderari.

CAPVT IIL

**ALSATIAM QVONDAM AB
IMPP. ET REGIBVS FREQVENTA-
tam, variisq; beneficiis cumulata
fuisse.**

QUID enim Soli omnium siderum Principi ac moderatori par magis vel secundum, quam Principes illi, quorum curâ quando,

----- *sicut caelestia semper
Inconcussa suo gyrauntur sidera motu;*

ita populi florent, fas viget; magna vbique aduentu eorum lætitiæ seges redundat; dum sese custodes patriæ, non tyrannos, domus hospites non expilatores, neque tam dominos quam Parentes ditione sua rectoque recipere gratulantur: quibus hæc antiquissima sedeat cura, subditorum libertatem, patriam, fortunas, adeoque salutem armis, & si necessum foret, etiam vitæ oppositu protegere, eorum commodis atque vtilitati publicè consultum velle; res iniuria temporum prolapsas erigere, cunctas denique prouinciæ regniue partes ea iustitiæ atque integritatis fama retinere, qua retinendæ ab iis fuerant, quibus imperium olim ita dabatur, vt quandoque se reddituros esse cogitarent. Hinc illa tot publicæ lætitiæ monumenta, tamquæ festiui supplicum populorum acclamationes, quibus serum & florens imperium, domum sospitem, exercitus fortes, fidelem Senatam, probum populum, remp. incolumem, orbem quietum non in Capitoliis modò, verum & in vicis & castris comprecabantur. Nec defuit hæc laus Alsatiæ Tuæ, SERENISSIME PRINCEPS,

*Vopisc. in
Probo. an.
Christi
277.*

*Amm. l. 17.
Eutr. li. 10.
Sext. Aur.
in Const.
Aulon. in
Mosella.*

*lib. 1. Instit.
ad Const. l.
CON-
STAN-
TINVS
M. IMP.*

CEPS, vti quam velut centrum quoddam & totius Germaniæ Metropolim, tot Imp. Regumque non tam præsentia, quam munifica liberalitate benevolentiaq; constat esse decoratam. Itaque ne in tragica vltro me præcipitem; nolo commemorare regnatam Ariouisto veterem Alsatiam, nolo ab Iulio Cæsare depressam armis & in seruitutem redactam, nolo eandem cum vniuersa demum Germania ita bellis attritam referre, vt Valerius Probus apud Flau. Vopiscum gloriari non erubuerit, diuersarum gentium Reges ad pedes suos supplicabundos iacuisse, quadraginta hostium millia cæsa, sedecim armatorum millia in deditiōem accepta, septuaginta deniq; Vrbes Nobilissimas nexui mancipioq; addictas, militum prædæ cessisse, nolo Caracallas, Iulianos, cæteraq; id genus hominum vel crudelitatis vel apostasię probra commemorare, qui non honori sed horrore fuerunt, quique metum & vastitatem potius, quam lætitiā aut dignitatem, quoquo diuerterent, circumferebant, prout Alsatia experimento suo tum vidit & ingemuit; quando ad sexaginta hominū millia proximè Argentoratum fusa sunt, toridemque in proximum Rheni amnem præcipitata, vt fluctibus haurirentur; vt hominum acerui montium similes, teste Aurelio, fluminum more fluerent, & Alsatius limes totus pœne sanguine inundans Romanæ possessioni dederetur. eos duntaxat velut per Synopsis adducere animus est, qui Christianis Sacris imbuti ita peragrarunt Alsatiam, vt in iis cognosceret Saturnia quædam, id est, aurca sæcula reuixisse, quibus, vt perhibent, Dii ipsi ad hominum familiaritatem quandam vltro sese demiserunt. Merito autem ab Fl. Aur. CONSTANTINO MAGNO Christiani Imperii, vt Augustinus loquitur, Christianissimo Principe, & vt Ambrosius, Augustæ memoriæ maximique exempli Cæsare ordiar; qui vna cum Filio Fl. Crispo Cæsare, Roma per Alsatiam Treuiros iter capess-

capeſſit. vbi & Lactantium Firmianum D. Hieronymo atteſtante, extrema ſenectute Magiſtrum habuit; vt is vna cum eloquentiæ lacte, qua vel maximè claruit, Chriſtianæ Religionis & omnium virtutum ornamenta in nobile Cæſaris pectus inſtillaret. Anno deinde ccc. lv. Arbelione & Lolliano Coſs. triſtiſſima erat Germaniæ vtriuſque facies, non modo quod Eccleſiæ vigilantiffima Paſtorū cura, quos Præſidum vis tyrannica ſedibus ſuis eiecerat, viduatæ iacerent; ſed etiam quod barbaris ſubita incurſione quadraginta velut momento vrbes depopulantibus, miſerum in modo vexaretur; iiſſetque peſſum, ni Conſtantius Cōſtantini Filius in tempore ſubueniſſet. Sæculo deinde ſequentē CLODOVÆVS Francorū Rex (quem & Luduinum & Hloduicum vetuſtior ætas appellauit) notiſſimo illo Eccleſiaſticis annalibus prælio, quod pacem Franciæ, quietem Auſtraſiæ Alſatiæque, ipſi demum Regi ſalutem fidemque attulit, quo memorabilem Victoriā Tolbiacam Coloniā inter & Marcodurum diuinitus reportauit, rerū geſtarū magnitudine & gloria plenus, triumphantis pompa in Alſatiam, & Argentoratum reuertit. Quid CLOTHARIVM Regem eloquār, qui poſt Theodericum, Childeberti multarum virtutum ornamentis, ſed religione vel inprimis exulta ſpectati Principis Filium, nullaq; alia ſobole reſiſtente, cum trium ampliſſimorum regnorum hæres eſſet, Alſatiæ tamen capitali fratrum odio ſuperioribus annis diſtractæ, redintegrandæ ornandæq; ſe quam maximè deditit. Quam laudem Clotharii Filius DAGOBERTVS, quem Episcopatus Argentinenſis Conditorum plerique faciunt, egregie cumulauit, vt qui, Sigeberto teſte, ſub annū d. c. xxxiii. à Clothario Patre in Auſtraſiæ regnum Alſatiæque ditio-nem inmiſſus, eam cum florentiſſima gubernatione, maximam partem in Alſatia & Rubeaquis degens; tum vero Arce Dagſteiniana, ſuo illi nomine impertito exorna-

*Hieron. in
catol. Scri-
ptor. Eccleſ.
cap. 80.*

*Euſeb. Ver-
cellenſ. &
Baro. to. 3.*

**CLODO-
VÆVS
REX FR.**

**LOTHA-
RIVS.**

*Greg. Tur.
append. ca.
37. & 18.*

*Aimon. li. 3
cap. 91. &
ſeqq.*

*Sigeb. Chr.
vinc. li. 24
ſpec. hiſt.*

**DAGO-
BERTVS.**

*Paul. AE-
mil. lib. 1.
F. æ. Gui-
lim. in Epif.
Argent.*

uit; vt non repetam donaria illa primis huius Dioeceseos Præfulibus liberalissimè impensâ, quæ hodieq; apud Alfatas in amplissimis Dagoberti Regis laudib; reponuntur.

CAROLVS VERO MARTELLVS quam non Alfatiæ ornata commemoratiōem promeruit? ex què post victoriam contra Saracenos ad Garumnâ flumen insigni Dei beneficio reportatâ, vbi in vnius prælii congressu trecenta hostium & septuaginta quinq; millia occubuisse Anastasius & Paulus Diaconus asserunt; anno demum octauo-decimo sui Principatus, Westrasia Austriasque gubernandæ curam omnem cogitationemque intendit. quare & iniuriam optimo Antistiti Pirminio per Theobaldum tyrannum illatam aboleuit, & Ottonem supra memoratum Tui Stemmatidis Præfulem eximiis meritis cumulauit.

CAROLVS MARTELLVS.
*Anast. in Greg. c. 11.
Paul. diac. lib. 6. c. 46.*

CAROLOMANNVS.

Quid Caroli Martelli Filius CAROLOMANNVS? qui tum alias, tum vero ab Parentis obitu, cum hanc patriam, velut hæreditatis suæ partem cerneret, ad finitimos Vogensi saltus Nobilissimis Sanctissimisque eremiticæ vitæ ascetis crebro se immiscuit; vt exinde iuste libeat suspicari, eum pulcritudine Religiosæ vitæ captum, eam mentem induisse, qua postea purpuram atq; diadema regium vili ac religioso indumento commutare statuerit. id quod iam diu meditatum animo consilium posteaquam Fratri Pipino aperuisset, anno demum DCC. XLVI. posito regno, regniq; curis in Pipinum reiectis, Romam iter intendens Cœnobiticæ vitæ instituto ad Aedem Lateranensem à Pontif. initiatus, primum Soracte, deinde salutationum officiosarum impatiens, Cassinum adiit, inibique arctam D. Benedicti disciplinam pari Orbis admiratione applausuq; complexus est. Quod autem eloquentiæ flumen CAROLVM illum tam non absimilem Constantino, quam omnium Scriptorum fama & prædicatione parem, pro meritis efferet, qui sub annū partæ salutis DCC. LXXVI. obsidibus Saxonum acceptis, posteaquam eos ingenti strage edi-

CAROLVS MAR-
GNVS.

ge edi-

ge edita, iustisque expeditionibus xxxiii annorum attritos Christiana Sacra suscipere iusserat, victor, & opima præda lætus in Alsatiam reuertit, atque vti anno superiore Maguntiaci, sic hoc, SELESTADII lætitiā infantie Christi exegit; quem locum alias etiam per interualla reuississe tum Regino adnotauit, tum vetera per eundem data diplomata loquuntur. Quid OTTO id nominis I. Imp. Magnum atque Augustum Germanici regni decus, qui Ludouicum Franciæ Regem Caroli Simplicis Filium cognomento Transmarinum, spe regni Lothariensis occupandi tumidum, conflato ipse ingenti exercitu, Deo secundante, Alsatiam, quos misere infestauerat, finibus eiecit. indeque in Superiorem Alsatiam mouens, Brisia- cum castrum Ottonis oppugnatione hodieque Nobile, pari felicitate expugnauit. iterumq; sub annum dccc. liii. natali Christi Francofurti celebrato, Alsatiam iniiit, vt Conradum Lothariensem coniurationis cum Lutolfo Filio aduersus Patrem inter manifestum, Hungarosque in auxilium aduocantem compesceret. Neque inditus abi- bit HENRICVS II. cognomento Sanctus, qui Bamber- gensem Diocesim in Francia Orientali (cui hodie ILLV- STRISSIMVS PRINCEPS IOANNES GODEFRIDVS ASCHAUSIANÆ STIRPIS ornamentum, Franconiæ- que totius columnen, Collegii Societatis IESV, cum Am- plissimo Imperialis Cleri Senatu, ibidem magno bono CONDITOR, hodieque summa bonorum gratulatione WIRCEBURGENSI Sede auctus, feliciter moderatur) à templis prædiisque opulenter instructam, Episcopali honore sustulit; vt erat ardenti Religionis propagandæ studio inflammatus; WERNERO I. id nominis, & Tui item Sanguinis Episcopo Argentinenſi autor fuit, vel cer- te fautor, vt augustum illud, quod hodieque Argentorati eminet, Templum Deiparæ Virgini excitaret; cumque Argentorati sub id tempus ageret Cæsar, æterna sui no- minis

OTTO
M. IMP.

S. HEN-
RICVS
IMP.

minis & diuini cultus commendatione, Sacerdotium insigniter donatum eidem *Ædi Cathedrali* assignauit, cuius hodieque memoria extat, & *REGIVM* ab eo nominatur. Nec multo post *HENRICVS*, id nominis *IV.* prius *Argentorati* Natalem Domini agitauit, quam *Moguntia-*
HENRI- cum contenderet, ubi *Demetrium Rufforum Regem* ob-
CVS IV. uiam habuit. Annon etiam seculo insequente *FRIDE-*
FRIDE- *RICVS ÆNOBARBUS* ex *Sueuiæ Duce* Rex & Impe-
RICVS rator, natalem Christi in *Alsatia* exegit: inde *Noribergam*
BARBA- ad conuentum, quem frequentissimum indixerat, schif-
ROSSA. mati inter *Alexandrum III.* & *Victorem* abolendo per-
 rexit: cuius Mater *Hildegardis Sueuiæ Regina*, cum *Se-*
lectadii vna cum amplissimi quondam iuris *Præpositura*,
 (ut vocant) *Templum in Sepulcri Dominici* formam e-
 ductum, Deo sub *S.FIDET* titulo per *Ottonem Antisti-*
tem Argentinatæ Filium, *solemni ritu* dicasset, ipse opi-
 bus etiam insigniter locupletauit. Cuius vetustis pan-
 chartis prærogatiuæ & iura, *Hagenoæ* per Imperatorem
 consignata, & *Paschalis Pont. Maximi*, tum *Ottonis Fra-*
tris Germani, Argentinensis Præfulis autoritate firmata,
 ac *VII. Cœnobii archorum* signis munita hodieque legun-
 tur. quæ deinde consequentibus sæculis inter *Pontif. Ma-*
ximos Gregorius IX. Laterani, Sixtus IV. apud S. Petrum,
Pius III. apud S. Sixtum, Apostolicis, at vero inter *Augg.*
Cæsares Guilielmus Wormatiæ, Carolus IV. Basileæ, Si-
gismundus Argentinæ, Cæsareis regisque diplomatis lu-
 culenter roborarunt. & protulisse suo tempore inibi in-
 vitrearum fenestrarum margine eiusmodi veteris benefi-
 cii mncmosynon programma, *Beatus Rhenanus* conte-
 statur;

TEMPORE QVO REDIIT SVPERATIS MEDIO-
 LANIS,

NOS REX ROMANVS FIERI IVSSIT FRIDE-
 RICVS.

Anno

OTTO
IV. IMP.FRIDE-
RICVS II.RODOL-
PHVS I.

ANNO M. CXCII. OTTO IV. Henrici Leonis F. po-
 tiore suffragiorum Vilitatium numero Augustali fa-
 stigio adnotus, Philippū Sueviæ Ducem Henrici V. Fra-
 trem Imperium amantem, superamque Germaniam
 armis occupantem oppressurus in Alsatiā venit. & ho-
 stes tandem interempto Hagenoæ Beatricem Philippi Re-
 gis Filiam sibi desponsam excipiens, LEOPOLDI TUA
 SERENISSIMÆ Domus, studio, in Comitibus Augustali-
 bus Wirceburgi indictis, Hugone Ostiensis & Leone Car-
 dinalibus in rem præsentem venientibus, Sacro coniugii
 vinculo sibi deuinxit. Eodemque Ottone ab Innocentio
 III. ob vastitates & incendia Italiæ allata diro anathe-
 mate multato, FRIDERICVS II. ex Sciciliæ Rege Cæ-
 sar dictus, & Sacro vnguento Romæ delibutus, obliquis
 itineribus è valle Tridentina in Rhætiam descensum at-
 tentans, & propensis Principum studiis acceptus, Alsa-
 tiam & ipse penetrauit, ibidemque firmo sibi exercitu com-
 parato, Henrico Argentinenſe Antistite strenuam illi ope-
 ram opemque nauante multa oppida variè communiuit.
 tantisque rerum iniitiis bene auspiciatis imperii fasces ca-
 pessiit. Quantum vero hoc beneficium fuit, quo Rv-
 DOLPHVS I. è Domo Habsburgi-Austriaca Imperator,
 post honores regis à Gregorio X. in Lugdunensi Conci-
 lio confirmatos, post rebellem Burgundionum Comitem
 subactum, post coniuratos partim exilio & relegatione
 multatos, partim capite imminutos, Alsatiæ demum v-
 trique pacem, & optatissimam ab diuturnis bellorum flu-
 ctibus malaciam peperit? Cuius etiam inter alia benefa-
 cta, diploma Hagenoæ Anno MDCC. LXXXI. datum
 in manibus habetur, vbi Selestadianos Augusti iuris esse
 fanciuit; nec illius prærogatiuæ immemor S. P. Q. Sele-
 stadianus eum posteris vna cum Friderico I. Aug. ſince-
 rioris ac veræ libertatis vindicem, inclutum Patro-
 num, & verum Patriæ Parentem publico monimēto

HENRI-
CVS VII.CARO-
LVS IV.FRIDE-
RICVS
IV.MAXI-
MILIA-
NVS I.FERDI-
NANDVS
I.

cōmendauit. Rudolphū ex Augustis in Alsatia peragran-
da subsecutus est HENRICVS id nominis VII. Cæsar, qui
festo die exaltatæ Crucis Augustę Treuironum transacto,
rectâ inde in ALSATIÆ TABERNA S, Tuum hodie fre-
quens domicilium, tetendit, indeque Hagenoam defle-
ctens, magnificentissimo Septemuirū occurſu acce-
ptus, vna cum Elizabetha Bohemiæ Regina ad Sacram
inaugurationis pompam die S. Mattheo Euangelistæ di-
eato perendam, in Bohemiam perrexit. Nec ab Alſa-
tis augustam suam præſentiam diu paſſus est deſiderari
CAROLVS IV. Rom. Imp. qui è Cressiacenſi pugna in
finibus Ambianorum, vbi Ioannes Bohemorum Rex
Caroli parens occubuerat, magna procerum & nobilita-
tis corona redux, Alſatiam tranſiit, indeque per Sueuos
in Bohemiam magno gentis illius studio & gratulatione
diadema ſumpſit. Nec abſuit FRIDERICVS IV. id no-
minis, dum celeberrimum ſeu laboranti reip. adiutandæ,
ſiue aliis negociis agitandis conuentum Treuiros indixit,
qui Principum tota Europa florentiſſimorum congregiū
habitus, variis etiam literis & exterarum gentium prædi-
catione auguſtiſſimus extitit. Ergo Friburgo Briſgoiæ
per Alſatas noſtros, & inde Rheno ſecundo Maguntia-
cum deſcendens, primum quidem in Mediomatrices, at-
que exinde, his relictis, Treuiros petiit. Anno item
M. D. V. MAXIMILIANVS I. Hagenoæ Ludouicum
Galliarum Regem Inſubrum nomine in clientelam ac-
ceperat. Poſtea etiam, cum Sacræ inaugurationi, quam
Guilhelmo ex illuſtri Honſleiniorum proſapia Erneſtus
Saxoniz Dux & Magdeburgenſium Antiſtes Germaniæ-
que Primas impenderat, coram adſuiſſet, eidem Hage-
noæ ſeria tertia poſt Dominicam, quam Latere vocant,
regalia conceſſit. Denique anno quadregeſimo ſæculi
ſuperioris, FERDINANDVS Rex Hiſpaniarum, qui per
Luxemburgios ad Carolum V. fratrem ex Hiſpania re-
ducen-

ducendum excurrerat, & adulto vere, cum Treuiris Hagenoam deuenisset, post tot ancipites seditionū in Germania casus, mutuas agrorum depopulationes, & malè sæpius nexa sæpiusque recisa concordia vincula, tandem ad diem xxv. Iunij iactis consilij fundamentis, cum aliis IVuiris tamquam dissidiorum & controuersiarum minuendarum arbitris, simulq; ad Lutheri heterodoxiam opprimendam, Guilhelmus Argentinesium Præsul destinatus est. qua re nequidquam Hagenoæ tractata, Wormatiæ denique ad duodetrigesimum Octobris sollemnibus Procerum conuentus indictus est. Efferant itaque sese cætera Germaniarum vel plagæ, vel vrbes, Romanorum Cæsarū siue rebus sua in ditione gestis, siue tumulis, quibus vita functorum corpora susceperunt, vt C. Caligula Cæsaris natali solo & Valentiniani sepulcro Antennacum, Drusi Germanici monumento Maguntiacum, M. Agrippæ atque Agrippinæ fauore & beneuolentia Vbij, Iulij Cæsaris domicilio Iuliacum apud Menapios; habet Alsatia Tua, SERENISSIME PRINCEPS, toties per Cæsares ac Reges obita, tot patrociniis defensa, munita prærogatiuis, donis beneficiisque cumulata, tot exornata insignibus, in quo præ aliis gloriatur. Quod si Nauarchum illum in mediis tempestatum fluctibus deprehensum, & iam timidiusculè remigio insistentem Iulius Cæsar, (quem vna cum militibus qui Brundisij subisterant, vehebat) suo alloquio confidere iussit, quod fortunam Cæsaris veheret; atque ita egregiè animauit, vt iam spei plenus non inimica ventorum flabra exhorresceret, non aquarum montes, nō mare tempestuosum, reformidaret; quin aduersus hæc omnia fortius remigio insisteret; quid non fiducia bonique ominis concipiamus de illâ regione, quam tot Cæsares & Imperij principes Augustâ suâ præsentia & claritudine, velut tutelaria quæ-

quædam sidera, dextrique Castores illustrarunt? maximè vero, quia Tuo, SERENISSIME PRINCEPS, auspicio hæc omnia geruntur, qui Augustis Cæsaribus ortus de illa gente es, ex qua consentientibus humani generis suffragiis, tot Orbi terrarum Imperatores Præfecti sunt, qui Solis more irrequieti, omnium somnos sua vigilia, omnium ocia suis occupationibus, omnium quietem ac felicitatem publicam sua cura industriaque refarciuerunt; quibus cum ad laborum precium conscientia sufficeret, nihilo tamen minus tot statuas triumphales, tot tamque augusta Doctorum hominum elogia, sumptuosissima mausolæa, clarissimos honorum titulos, celeberrimos gloriosissimosque triumphos promeruerunt; quorum benefacta hodieque omnium ore & calamis ad usque seram posteritatem perdurant. in quibus tamen illud semper principem locum obtinuisse adnotatum est, quod nihil illis antiquius fuerit, quam excitare literas, eo sanè successu, ut earundem disciplinæ, quæ sub Abauo Tuo MAXIMILIANO I. spiritum & vitalitatem, sub Auo FERDINANDO I. valetudinem, sub magno Patruo CAROLO V. colorem & sanguinem, sub Patruo MAXIMILIANO II. patriam; sub Patruo RUDOLPHO II. dignitatem consecutæ sunt; Tuis demum fortunatissimis auspiciis, sub MATTHIA CÆSARE in hanc Coloniam deductæ; tantum incrementi & allaturæ Alsatias, & ab iisdem accepturæ videantur, ut nihil earum felicitati accedere possit, nisi ut Deus illis addat perpetuitatem.

ALSATIAE, QVI MORVM

INNOCENTIA, VITAE QVE SANCTI-

*tate, & admirandis prodigijs patriam
illustrarunt.*

Q VANDO vero nobis hãc ipsam iure merito ex natia etiam ALSATIORVM indole ad omnem humanitatem pietatemq; aptissima despõdemus, age videamus, SERENISSIME PRINCEPS; an non ex hac Tua ditione complures sanctitate & doctrina eminentes prodierint, qui non patriam modò, sed vniuersam etiam Ecclesiam insigniter exornarunt. & erat quidem ius fasq; Alsatia decora ab iis auspicari, vti quondam Censores lustrum ab faustis ominibus, boni & felicitis auspicii gratia. Cæterum inter multiplices sponte influentes rerum humanarum casus, etiam illam cladem deploramus, quam publicis scriptorum monumentis, & virtutum omnium memoria tot tamque horribiles bellorum imperus Alfaricis rebus intulerunt; sine quibus esset, egregia sane mihi suppetere virtutum ornamenta, quæ viri sanctitate vitæ, & doctrinarum opibus instructissimi patriæ huic reliquerunt; quæ nunc quidem dolemus in summis veterum autorum angustiis & magnis historiarum tenebris non in ea, qua optandum esset, luce à nobis collocari. dabo tamen vel ex his ipsis literarum parietinis, viros Alsatia oriundos, qui morum integritate, vitæ factimonia, rerum ciuiliu vsu, contemptu humanarum, cælestium desiderio, laboribus pro Ecclesia exantlandis, librisque ad eam defendendam propagandamq; conscriptis insignes, ita floruerunt, vt cum maximis etiam sanctissimisque possint comparari. Atque vt illos orationis compendio intermittam, qui cum alibi vel nati sint, vel vixerint, suis tamen partim admirandis facinoribus, partim Lipsanis Sacrosanctis

Y

sanctis fulgentissimam Alsatia faciem alluxerunt, Mater-
 num Orthodoxæ fidei ad has oras impoſitata anteſigna-
 num, Amandum, Arbogaſtum, Florentium eiſdem re-
 paranda Triumuiros iam pridem cælo adſcriptos, Cæle-
 ſtem II. Mediomatricum Præſulem S. Mauri ditionis Al-
 ſaticæ D. Benediſti legibus hodieq; adſtriſti ſanctiſſimum
 Conditorem, SS. Carilaſtum & Ingobertum coniugio vir-
 tutum parique ſtudio Religionis Germanos, Aldouicum
 Haugienſem, Drogonem Caroli M. Filium, Arnulphum
 Mediomatricum Præſulem, Adolphum item Nouiulla-
 rienſem, Pirminios, Alberones, alios; qui maximam par-
 tem Alſatiæ noſtræ vicinam Vogefi montis eremum infe-
 derunt, vt fuerit præclarum olim de Alſatis noſtris, & va-
 ſtis Vogefi rupibus Eberwini Abbatis elogium, Sanctiſ-
 ſimos quoſque viros e variis locis (& quidem maxi-
 me S. Hildulpho duce ex Treuironum vrbe) vaſta eremi
 appetentes, ſecreram inibi & arduam vitâ duxiſſe.
 At dum eos dumtaxat referre molior, quibus narate ſo-
 lum Alſatia præbuit, ecce Tibi ampliffimos campos Di-
 uorum cælo aſſertorum, qui ATTICONES ſtirpe ſati
 ſunt, ingredior; cui multa vetuſtis membranis adſcribun-
 tur, quæ in Veſtram deinde familiam ditionemq; SERE-
 NISSIME PRINCEPS, iuſtis legib; tranſierunt. Ex hac
 enim ſtirpe par Fratrū ſanctitate Germaniſſimorum
 S. EKCHINOALDVM Maſſenſem Domus in Neuftria; &
 ADALBALDVM Duacenorū Exarchū Sanctiſſimum
 pro Chriſti gloria Martyrem. Ex hac S. MORANDVM
 D. Amati conſilio, vanitate ſæculi abdicata; Coenobiiq;
 Merulle ab ſe conditi Religioſiſſimū Aſceram, eiſdem-
 que Sorores ac neptēs ALESENDEM, CLOSENDEM,
 EVSEBIAM virginēo pudore & ſanctimonia inſignes.
 Ex hac LEODEGARIVM Heduortim Antifiſitem, eun-
 demq; oculorum euulſione, mutilatione corporis, & poſt
 longin-

dux AT-
 TICO, al.
 ETICO.

S. LEODE-
 GARIVS.

longinquas carceris diuexationes capitis supplicio per Ebroinum Tyrannum ob Christi fidem gloriosissimum testem producerem, nisi metu prolixitatis, in compendium mihi contrahenda esset oratio. Sed hic celebris cum primis puellarum ac Virginum in Alsatia flos decusq; OTILIA mihi offertur; quæ ab ortu luminibus destituta, se vna cum Ehrardo fratre Germano Ratisbonensium, Præsule, dignitatibus sponte abdicatis ad Vogesi montes, Eremitæ ac solitudinis amore transfugerat) ab Atticone Alsatia Duce & Berswinda parētibus adduceretur, submissæ postulantibus, ut oculis luci restituis, filia sanitatis munus impertirent. Qui ubi Gentilium inani superstitione puellam magis excæcatam cerneret, oculis mentis prius ornandam duxit, quam corporeis cæcitatem dispelleret. Ergo Christianis imbutam Sacris puellam, & mystico partu renatam, parentibus lumine non oculorum modo, sed animi quoque restituto, in integrum reddidit. Hæc deinde spectatissimi moris atque indolis virginibus sibi associatis, Patris munificentia in præcella montis Vogesi rupe, quæ in vrbe huius conspectu ad meridiem cernitur, cui HOHENBERGVM nomen inditum est, Collegium Virginū, quæ pudicitiam, genus, & opes, & formam Christo consecrarent, ibidem constituit; illudque mirificè diuinis editis prodigiis exornauit. Cuius sepulcrum hodieque crebra indigenarum aduenarumque coitione, præfenti oculorum imbecillium remedio assidue colitur & frequentatur; visendusq; fons è montis sinu, S. OTILIAE, ut creditur, virtute profluens, salubri item languentium oculorum amuleto. inferius autem Monasterium Nidermânster/ quod alterum erat Otilianæ pietatis monumentum, ruinis suis temporum iniuria hodie obrutum iacet. Qui vero eiusdem D. Otilia ex Hugone fratre Alsatia Comite & Ermentrude Coniuge Nepotem S. REMIGIVM Argen-

S. OTILIA.

S. REMIGIVS, al.
REME-
DIVS.

Argentoratenſem Episcopum in Alſatiis item oriundum auſim ſilentio præterire? qui ex Abbate vallis Gregoriana, Ottoni, quem ſupra de Tua ſtirpe laudauimus, in Episcopali functione obeunda ſubrogatus, indeque Romanam profectus, magnisque honoribus acceptus, preſoſo S. Sophiæ & trium eius Filiarum Fidei, Spei, & Caritatis theſauro donatus eſt, quem Parthenoni in Aſſchaw hæreditario fundo ad Illum fluuium ab ſe conſtructo dedicatoq; intulit. multa de eximiis huius vitæ actionibus tradidère, coluiſſe virtutes omnes dignas homine qui Chriſti militiæ & Sacro Sacerdotio eſſet deſponſus, dies nocteſq; precandi ardorem, promptam & omnibus obuiam benignè faciendi voluntatem, refuſiſſe quæ prima ducunt cæteri mortales, itaque ſanctè conſueuiſſe, vt omnium ſententia non tam crepta illi vita, quam donata melior eſſe videretur. nec minorem Alſatiæ lucem attulit is qui poſtea in Coelitum apotheoſin reſatus eſt, BRUNO Patre

S. BRUNO

ex Tull. An

iſtite Pœ.

Max. d.

LEO IX.

natus Vlrico, Hugone Auo, Dagsburgenſibus & Egiſhemii Comitibus, Conradi Salici Imp. & poſtea Ducum Zeringiæ proſapia, & Helwide Matre item Alſata. qui à pueris ſumma Parentum voluntate in Tullenſis Eccleſiæ gremio à Bertoldo Antiſtite educatus, Adelberonem Gozilonis Ducis Germanum, Friderici Moſellani Principis Filium pueritiæ ſuæ habuit inſtitutorem, quem autor vitæ ab ipſis Chriſtiani tyrociniũ rudimentis perfectorum perfectiſſimum habitum cõmeminit. Hic deinde Hermannõ Agrippinenſe vita mortali ſubducto, Clero populoque expetente, & laudante Conrado Rege, Tullenſium Antiſtes ſalutatus, anno deinde M. xxvi. Wormatiæ apud Vangiones Popponis Treuironum Archiepiſcopi è ſtirpe Auſtria manu conſecratus eſt, ac tandem ſub annum M. xlix. Pontif. Max. ab Henrico II. designatus, Romanque miſſus ſummis iſthic honoribus acceptus, & per verni ieiunii dies LEONIS IX. nomine adſumpto,

sumpto, ſolemni ritu inungitur. fuit beneficentia in egenos & cultu hoſpitalitatis tam commemorabilis, vt inter pauperum greges quotidie fores ſuas obſidentium, Chriſtum leproſi ſpecie recipere meruerit. Conciliis, vt quis alius Pontifex, Italiam, Germaniam, Galliamque illuſtrauit. Berengarii errores & Græcorum damnauit, diſciplinam Eccleſiæ, caſtigato Cleri luxu & expugnata Simoniaca hæreſi, egregiè ſanciuir, multa præclara pietatis & domeſticæ virtutis, quæ tum publicis animalium monumentis, tum à familiari eius vitæ Scriptore prodita ſunt, viuus & mortuus documēta reliquit. Humbertum Monachum Tullenſem propter excellentis doctrinæ famam, Sigeberto teſte, Romam traduxit, & Cardinalis atq; Episcopu Siluæ Candidę honoribus affectum, Conſtantinopolim ad abſtergendam à Græcis de Azymo pane fidei labem, ire iuſſit; vbi audiente Conſtantino Imperatore, tanto ingenii & ſpiritus inuiſti robore aduerſarium proſtrauit, vt errores ſuos ſponte deſertatus, noxios libros errorum ſeminaria ferali flammę ipſemet ſubiecerit. Sedit autem Leo noſter rerum geſtarum magnitudine & ſanctitatis opinione clarus, annos v. meſes 11. dies 11x. coliturque publica Religione Tullenſibus ad xix. Aprilis. nec minus ſcriptorum quam geſtorum monumentis excelluit, nam de extinguenſis hæreſibus ad Conſtantinum monachum Imp. ad Patriarcham Conſtantinopolitanum, & aduerſus Græcorum errores, ad Aſiæ Ægyptique Antiſtites variorum voluminum commentationes elucubrauit. An non igitur merito felix nobis hæc Aſiatica natio videri debet, SERENISSIME PRINCEPS, ex qua tam illuſtria Eccleſiæ totius lumina prodierunt? quam non ita nobis ſpem fiduciamq; præſtabunt, imo quos non ſtimulos ſubiicient? dum cogitamus fore, vt illis patrocinantibus, & vero etiam deprecantibus, poſthumam Sobolem diuina humanaq; Sapientia fruſtuofe

imbuamus; cuius maiores aliquamulti parentesque non patriam modo, sed vtramque tam quæ in terris militat, quam quæ cælo triumphat, Ecclesiam, vitæ sanctimonia, illustribusque factis exornarunt.

CAPVT V.

ALSATIAE HACTENVS ACADEMIAM, NON TAMEN ALSATAS ACADEMIIS defuisse.

ENIM VERO ea est cōstans omnium, qui in Christiana religione scientiarum ornamentis excultissimi fuerunt, opinio, tantam esse Sapientiae cum sanctitate affinitatem, vt vtraque pari fere iure participata quædam diuinitas esse videatur. Itaque qui, sicut virtutis, ita veræ germanæque Sapientiae ortum atque progeniem, vsque ab ipso cælo repetunt, nec aliunde statuunt, quam ex cælesti origine in hominum pectora scientiae lumen, affundi, hi sanè tum rationem optimam aperiunt, quæ non modo ad sapientiam, sed ad ipsum quoque sapientiae autorem, quasi gradu quodam facto conscendamus; tum vero in densa quadam humani ingenij, totque abstrusarum rerum caligine, ipsam mihi facem ad solidam sapientiam capeßendam præluxisse videntur. Cum enim fontem veritatis ac lucem ipse præpotens Deus in sese contineat, ipseque adeo lux quædam certissimaque regula sit, qua tota veritatem vestigandi explorandique ratio continetur ac nititur, ab hoc profecto fonte, quicunque etiam riuus dimanet, oportet, qui suo purus affectu, & nusquam interpolante vanitate in suum sese refundat autorem. ab eo siquidem non scintillæ tantum atque igniculi ad Sapientiam conquirēdam nobis per naturam ingenerati sunt; sed omnis etiam vis natiua ingenij iudicii que profluit, quibus velut instrumentis ad A. A. I. I. disci-

Plato in
Timaæ.

disciplinas capeffendas humana induftria fufientatur. Quocirca nemo mihi litem intendet, SERENISSIME PRINCEPS, fi hodierna die, poft eos, quos Orthodoxa Ecclefia Cælitum albo adfcriptos veneratur, aliquam etiam illorum memoriam excitare, qui doctrinæ laudibus præftantes in patria, vel certe in Ecclefia cū omnium plaufu effulferunt. neque enim poteft Tibi non iucundum eſſe, fi cognoscas eorundem commemoratione, apud iſtos iure merito hoc Academicę conditę beneficium poſitum, quorum maiores tantam eruditione ſua in aliis Academiis hauſta, ſacris profaniſque lucubrationibus lucem attulerunt, quanta ſi non iam dico Alſatia, ſed Eccleſia caruiſſet, magno certè tum præſidio, tum ornamẽto caruiſſemus. Quantam enim patriæ lucem conciliauit CONRADVS ALSATA cognomento, qui primis Dominicanorum initiis, cum Erneſtus ampliffimis D. Petri Collegii in vrbe Treuironum Canonicis rebus humanis valefaciens, ſpacioſas nouæ huic familiæ ædes ac veſtigalia Summi Pontificis & Cleri volũtate reliquiſſet, ſub initia conditi Canobii, ob excellentem doctrinæ & pietatis famam gregi ſeruando primus omnium Præfectus eſt, quem Ordinis inſtituto Priorem ſolent appellare? Quantam MATTHIAS illuſtri BURCHEGHIO-
RVM ſtirpe, quem è nobiliſſimo Morbachienſi, cui hodie cum poteſtate moderaris, Abbatia, haud vulgari pietate, quam eruditioni coniunxerat, Pontificis Maximii voluntate ad Magontiacenſem Archiepiſcopatum pro Balduino Treuirenſi, (quem primarii Collegii proceres expetiuerāt,) eſt euocatus? effectumque eſt propter eximiam eloquentiam, ciuiliũ rerum peritiã, & multiplicem doctrinã religioſæ vitæ ſtudio excultam, vt & Fridericus Aug & Canonici, quod tali re ac tempore imenſi prope operis eſſe ſolet, cum Archiepiſcopum volentes lubentes recipere, & pro tali receptum colerent.

Idem

*Ioann. A-**mentius.**Henr. Pan-**saleon in**Proſopogr.**Viror. Il-**luſtr. Ar-**noldi VVi-**on lignum**viſa.**Chronicon**Carion.**Biblior.**Gefneri.**Ioann Trif-**tem.**CONRA-**DVS AL-**SATA.**MAT-**THIAS**BURCHE-**GHIVS.*

Idem vero Balduinus vir magnorum in rempub. Christianam meritum, quo securius ipse in solitudinem, cuius miro desiderio tenebatur se reciperet, IOANNEM LIECHTENBERGIVM Argentoratenſi huic Eccleſiæ Præpoſitum ſpectata virtute, Sapientia, & rebus gerendis idoneum, adminiſtrandæ Dioceſeos ſocium ſibi adſciuit. Quantam item LAMBERTVS Alſata Nobilis, ex auita Bureniorum ſtirpe, Guilielmi Aurati Equitis Filius, qui è Cœnobio Neowilcenſi, primum quidem ad Mitram Gengenbacenſem; inde vero ad Cathedralem Nemetum; & poſt eiſdem Dioceſeos magna prudentiæ doctri-næque & moderationis fama quadriennem adminiſtrationem, ad Bambergensem CAROLO IV. laudante, nec renuente Pont. Max. translatus, egregiis illam laudatiſſimi Principis monumentis annos XXIII. exornauit? De IACOBO WIMPHELINGIO Seſtadii nato, ſi contriceſcam, ipſæ illius doctiſſimæ lucubrationes loquentur, qui iis literis, quibus ad humanitatem ætas tene-rrior imbui ſolet, à Ludouico Dringēbergero Weſtphalo eruditus, poſtea Friburgum Briſgoç, & ad alias deinde A-cadēmias ſeſe conferens, omnium ingenuarum A. A. abſolutam quandam perfectionem feliciter aſſecutus, Spi-ram Nemetum ad Eccleſiaſtæ munus aſſumptus, cum eſſet excellenti vir ingenio atque virtute, morum illi integritas, tum aſſidua eruditionis & literarum vrbaniorem diuinarumque tractatio; ac diuturna rerum vſu quæſita prudentia, animorumque Deo lucrificandorum ardor, haud vulgarem apud poſteros autoritatem conciliarūt. Cuius item è Fratre Nepos IOANNES munifici viri, vt quod trium Archiepiſcoporum Treuirenſium Conſilia-rius, duorum Cancellarius, ſpectata apud omnes Imperii ordines prudentia, erga Religionem Catholicam indefſo ſtudio & labore, benè demum de repub. meritis ſit, præclarum elogium in templo Collegii Conſluentini, cuius

IOANN.
LIECH-
TENBER-
GIVS.
LAMBER-
TVS BV-
RENIVS.

IACOBUS
VVIM-
PHELIN-
GIVS.

cuius excitandi ad iuuentutem inferioris diœceseos Treuericæ politioribus literis informandam, hortator ipse auctorque fuerat, accepit. alter vero è Sorore Nepos IACOBVS SPIEGELIVS IC^{us} Maximiliano Imperatori primum, mox Ferdinando Regi à consiliis fuit. vtriq; ob summum ingenium, eximiam doctrinam, raram eloquentiam apprimè carus; donec defectis planè viribus octogenario maior, honesta missione impetrata, suprema die patrio natalique solo Selestadii piè ac Religiose defungeretur. Eius interim lucubrationes, quibus doctissimis scholis insignes aliquot Iuris rerumq; forensium vsu claros autores illustrauit, hodieq; perennant. Quid IOANNEM HVGONEM & ipsum Selestadio oriundum commendem, D. Bonauenturæ Doctoris Seraphici Sectatorem, libris etiam editis, quibus Vicarii Christi auctoritatem, & disciplinam Ecclesiasticam egregiè sanciuir, illustrem? Quid THOMAM vtrumq; ARGENTINATEM alterum D. Augustini, alterum D. Dominici alumnum, Theologicarum difficultatum enodatione ambos clarissimos, itaque graues & sententiosos, vt nunquam ab eorū lectione nisi doctior æquè ac moratior discedas? Nihil hic de SEBASTIANO MYRRHONÉ Colmariensi, ingenuarum A. A. studiis expolitissimo, qui etiam Germaniam commentariis ornauit, nihil de Bernardo Wurmferrò à Schaffelsheim IC^{us}, qui dum in Bononiensi Academia Legibus operam daret, Decretorum doctrina & antiquitatum studiis ita excelluit, vt pro altero sui temporis Papiniano coleretur. nihil de IOANNE HOFFMEISTERO item Colmariensi, ex ea D. Augustini familia, qui solitariam & ab hominum cætù segregem vitam consecratur, eloquentiæ & eruditionis laude florentissimo, quem ob raram viri doctrinam Carolus V. ante bellū Schmalcaldicum Martino Bucero in Comitibus Ratisbonæ opposuit. Non Iacobum de Alta Villa, patria Rinouigiensem, comme-

IACOBVS
SPIEGELIVS.IOANN.
HVGGO.THOM.
ARGENT.SEBAST.
MYRRO.IOANN.
HOFFM.

- commemoro, qui exactissimos in libros sententiarum, **IODOC.** commentarios perscripsit. non **IODOCVM** cognomēto **GALLVS.** **GALLVM**, Rubeaquis natum, qui parentum consilio iadis in patria literarum fundamentis, ad varias deinde Academicas tamquam ad preciosissimarum opum mercatum se contulit, ibidemque Theologiæ cum primis ita se dedit, ut eiusdem Doctor summa omnium voluntate crearetur. integritate morum & eloquentia ita clarus, ut Spiram Nemetum ad maioris Ecclesiæ cathedram euocaretur; quod munus & singulari modestia suscepisse, & præclaro integerrimi Doctoris elogio administrasse scribitur. erantque verba illius, ut quondam de Hercule ferunt, rationum acutarum tela, atque sagittæ animum ad vitæ morumque emendationem grauitè fauciantes. Non **IOANN.** extollo **IOANNEM GEILERV**M patria Cæsarimontensem, qui maximam cum philosophicis tum vero potissimum Theologicis disciplinis gloriam indeptus, Herbipolensi, Basileensi, ac Friburgensi Academicis obitis, in patriam redux, Catholici Ecclesiæ munus ipsos xxx. annos, & quod excedit, insigni eloquentiæ, integritatis, & doctrinæ laude in æde Argentinensi primaria gessit. quem tum alii Germaniæ Proceres, tum vero ante alios D. Maximilianus Cæsar in paucis carum acceptumque magna dignatione habuit. Nō **VLRICVM ARGENTINATEM**, qui tempore Rudolphi I. ætatem degit. Non **PETRV**M **SCOTVM** indidem oriundū, & ad D. Petri Canonicum, Philosophū, Rhetorem, ac Poëtam eximiū. Non **IOANNEM TAMBACENSEM**, omnes libris in lucem editis **HIERON.** claros. Non **HIERON. GEBWEILERVM**, oppido eius **GEBVVEI** nominis haud longè abhinc dissito natum, qui positis domiliterarum rudimentis, quia ingenio & memoria præstanti erat, ad Academiam Basileensem sese recepit, ut seuerioribus ibi disciplinis animum erudiret. eosque fecit **LER.** progressus, ut illū Senatus Selestadianus magnis præmiis acci-

accitum Cratoni Vtenheimio vita functo, vt scholas Se-
lestadianas moderaretur, successorem destinaret; qui in-
ter ceteros **BEATVM RHENANVM Selestadianum**. **BEATVS**
discipulum habuit; is felicitate ingenii ita coeuvos excel- **RHENA-**
luit, vt Lutetiam Parisiorū tamquam ad augustius quod- **NVS.**
dam eruditionis theatrum mitteretur. vbi Iacobo Fabro
& Iodoco Clichtouzo Philosophiæ Professorib. assiduam
operam nauauit; alias deinde Academijs maximè Basi-
leensem frequentauit. cuius singularis doctrinæ non ob-
scura extant testimonia posteritati consecrata, nisi quod
Academiarum A catholicarum velut contagio quodam
corruptus, minus se fidei sinceræ constantem cultorem
præstiterit. Quam ipsam causam in reliquis Tibi, **SER-
ENISSIME PRINCEPS**, fuisse arbitror vel grauissimam,
vti hanc Catholicam & Orthodoxam Academiam Ca-
tholico solo, Princeps Catholicus, & Defensorum fidei
verus Nepos conderes, ne videlicet iuuentus in illo ætatis
lubrico, hisce maximè temporibus, quibus hæreses & vi-
tia sumptis longa quadam assuetudine incrementis inua-
luerunt, velut picis attactu inquinaretur: Sed potius in
paterno sinu, paternaque Tua cura, Catholicis institutis
rite imbuta, non tantum Artes libero homine dignas; sed
fidem etiam & religionem Orthodoxam persanctè atque
fideliter edocta, & ipsa ætatem illam sua spõte infirmam,
maximeque in vitia cæream ab omni prauarum opinio-
num cõtagio integram seruaret; & corruptas temporum
iniuria priscæ sanctæque disciplinæ fibras hisce doctrina-
rum præfidiis instructa in alijs euelleret; sintq; perpetua
quadam & nunquam interrupta serie in hisce Reipubl.
Christianæ **Seminariis** adolescentes, qui vbi de prætexta
ad virilem togam peruenerint, aduersus piorum dogma-
tum oppugnatores, firmissimis argumentis ex diuinarum
humanarumq; Scientiarum armamentario depromp-
tis communiti, Christianæ doctrinæ veritatem tueantur. &

quæ in tenerâ ætate, ceu dociles Ecclesiæ Filii didicerunt, ea in adulta, tanquam fidi dispensatores, in alios quoque diffundere laborent.

CAPVT VI

ALSATICAE IUVENTVTIS

INGENIA DISCIPLINIS ACADEMI-

CIS capiendis idonea esse.

QVO ampliorem mihi segetem Alsatis nostris gratificandi oblatam video, vti quibus inter tot gentes barbarie incultas, disciplinarum ignorantie horridas, rusticitate agrestes, Deus munifica quadam manu & ingenium & vires impertiuisse videatur, sine quibus esset, vix quidquam à brutis ferisq; discernere mur. Et vero Germanos, quorum præstantissimos fere Alsatis nostros fuisse probatissimus, quisque facile assentietur, non ad bellicam solum gloriam, sed ad literarum etiam tractationem natura factos fictosque esse, testes sunt, quotquot Germaniam tum antea, tum vero maxime ab Christianæ philosophiæ primordiis renascentem, florentissimorum ingeniorum fecundam Matrem, clarissimos circumquaque Viros, partim eruditarum linguarum perceptione, partim multiplici disciplinarum notitia eminentes, protulisse meminerunt. Etenim, illos etiam ante restitutam per Christum natum salutem, Græcica lingua expolitos fuisse clarum est, ni Cæsari oculato testi fidem abrogamus, qui fusis atque profligatis Heluëtiis in eorundem castris tabulas se reperisse confirmat literis Græcis confectas. Nec me fugit, quæ Glareani & quorundam inter eruditos optimatum hæc opinio, qui nescio, qua huius gloriæ inuidencia transversum acti, fidem testimonio tam luculento

*Caesar, li 1.
com. § 1.6
belli Gall.*

culento derogare conantur; dum argutè, literis Græcis, non vero lingua Græca tabulas hasce exaratas argutari antetricari non piguit. qui tamen iidem Druidas Galliarum Sacerdotes (quibus etiam Germania abundabat) in suis rebus publicis, priuatisq; rationibus Græca lingua vti solitos asseuerant. Siquidem, quod accuratissimi quiq; vetustarum Gentium indagatores solerter aduerterunt, longè ante Romanorum in has partes accessum Saronidæ (à Sarone suo III. Celticorum Rege, quem non nemo Academiæ in Europa omnium cultissima eruditissimum Fundatorem nominat, sic appellati) qui recentibus adhuc diluuii incommotis vexatam rempubl. erigere laborarunt, Celtarû Theosophi & Philologi magna omnium existimatione præpollebant; quibus solis ob insignem rerum admirandarum peritiam concessum erat curare sacrificia, interpretari Religiones, imbecillioribus præmonstrare cultum Deorum, & rudes adolescentum animos bonis Artibus erudire; vt non desint etiam, hac ætate Scriptores disertissimi illi quidem & pereruditi, qui Berofo Chaldaeo Sacerdote arbitro, (cui teste Plinio Athenienses iam olim propter eloquentiam statuam aurea lingua prædant in medio Academiæ propylæo erexerunt) non à Græcis Romanisue Celtas, sed à Celtis Romanos & Græcos omnia illa & linguarum & scientiarum ornamenta hausisse acriter pugnarint. Sed ne hic contentiosum funem trahere incipiam, illud pro explorato mihi quidem estiam pridem ante Latinorum in Germaniam Galliasque ingressum, Græcanicæ linguæ vsum viguisse. De Latina vero, tametsi serius in Germaniam nostram penetrasse non ausum diffiteri; istud tamen nemo abnuet, cum primum Romanum nomen apud Germanos Gallosque his vicinos innotuit, vna cum armis legibusque Latialem quoque linguam inuectam fuisse.

Strabo lib. 4. & li. 12. Geogr.

Berosus lib. 5. de Regib. Assyriæ. Pigeard. in Celticopæd. Stephan. Forcatul. I. C.

Plin. lib. 7. cap. 37.

Val. Max.
lib. 2. cap. 2 Cui enim ignarum esse potest, quod Valerius Max. tradit, Romanos linguam suam in vniuersis, quæ ditioni suæ parebant, prouinciis, ut eam quam longissime latissimeque propagarent, proposita etiam in contumaces poena, omnes nationes ut condiscerent adegisse. eamque ob rem, instituta multis locis Gymnasia, quibus Ludimoderatores publicis annonarum stipendiis conducti, latini sermonis notitiam singulis populis impertirent? quin eodē suffragante, data ab Romanis opera est, ut ne Græcis quidem, quos tamen doctiores faciliè intelligebant, vnquam nisi latinè responsa darent; quin Græcos, si Romanam linguam ignorarent, per interpretem loqui non Romæ solum, sed in ipsis etiam Græciæ Asiæque visceribus cgebant; quo scilicet Latinæ vocis honos, ut ille ait, per omnes Gentes venerabilior diffunderetur, & ut ciuitas imperiosa (quod Aug. aduertit) nō iugum solum, sed linguam etiam suam domitis gentibus hoc pacto firmitus sociandis imponeret. De Hebræa vero lingua, quæ tertia restabat, iam tum priscis auorum sæculis in Germaniam translata, tacebo ego, ut D. Hieronymum Stridonensem, qui id experimento condiscere potuit, dum Treuiris ageret, loquentem attentius audiamus. Is enim literis ad Suniam & Fretellam datis, ubi de Christiana disciplina suo iam tum æuo longe lateque in exteras nationes iuxta propheticum vaticinium propagata egisset, quis crederet, inquit, quod barbara Getarum lingua Hebraicam quæreret veritatem? & dormitantibus, imo contendentibus Græcis, ipsa GERMANIA Spiritus Sancti eloquia scrutaretur? dum callosa tenendo capulum manus, & digiti tractandis sagittis aptiores ad stilum calamumque molle-

*Aug. lib. 19
 ciuitat. ca.
 7.*

*S. Hieron.
 ep. ad Suniam &
 Fretellam.*

mollescunt, & bellicosa pectora ad Christianam mansuetudinem conuertuntur. Vides igitur, SERENISSIME PRINCEPS, non solum, quod in Gallis Strabo laudauit, Germanos nostros & Alsatas, *φιλάνθρωποι*; sed etiam, quod de Massiliensibus Varro prædicat, trilingues imo vero quadrilingues euasisse, dum latinè, Græcè, Hebraicè, Gallicèque præter vernaculam loquerentur. ideoq; nihil exaggeranter ab Hermolao Barbaro & Marfilio Ficino doctissimis Italis dictum; quando Germaniã ita omni genere ornamentorum optimisque studiis cum religione coniunctis abundare scripserunt, vt Tiberim in Rhenum dicerent influxisse. Iam vero non ad linguas solum reconditas; sed ad omnium L.L. disciplinarum cognitionem Alsatas nostros tum naturæ genio, tum vsu & exercitatione aptos fuisse, facile vnusquislibet dabit, modo signa illa physiognomica ingeniosorum, quæ tum ex Aristotele, tum ex Polæmone Atheniensii adferri solent, secum expenderit; vt, quod capillis præditi sint mediæ, vt loquuntur, qualitatibus moderatè flauescens, quod laudabilis mitiorisque & ingenuæ naturæ, quod manibus mollioribus, cæteraque eminentioris ingenii possideant, quæ sicut optimi temperamenti indicia sunt, ita palam faciunt, animam in appposito ad Sapientiam capeffendam domicilio habitare. quæ vniuersa nemo omnium, qui Alsatas nostros non iam dico mentis sed corporis oculis vsurpet, in iis desiderabit. Sanè D. Hieronymo contestante, Galli siue Galatæ à γαλα, quod Græcis lac est, ideoque ab niueo candore dicti sunt, quod ob frigoris temperiem lactis instar albescerent, qua de re non iam nuper Mantuanus tantum; Ignea mens Gal-
lis, & lactea corpora, nomen A candore datum; sed iam olim etiam Maro cecinit; Aurea cæsaries ollis
tum

Apud S. Hieron. com. in Epist. ad Gal.

Apud Iaco. Midden-dorp, de Academ.

Bapt. Mantuan.

tum candida colla auro innectuntur. itaque Strabone referente, quem ad Tiberii tempora vixisse constat, Romani Rhenum deuictis Gallis transgressi, cum viderunt Tribocos, Nemetes, Vangiones, aliasque finitimas nationes, & veritatis abundantia, & proceritate corporum, & colore flauo, moribus item ritibusque viuendi, Gallis quam simillimos, Germanos eos, hoc est, fratres Gallorum legitimos sua lingua pronunciarunt. vti, quos Diodorus Siculus, cœmis natura rufis, facie albos, Liuius rutilatis comis, Tacitus cœruleis oculis ruti-

*Strabo li. 8.
Diod. Sic.
culus. Liu.
lib. 30.
Tac. de ha-
bitu Germ.*

loque capillo esse obseruarunt. & quid nuda incertaq; naturæ atque onomatologiæ vestigia consectamur, cum rem ipsam dare possimus? obi vniuersos Primæ Secundæque cis & trans-Rhenanę Germaniæ limites, mentiar, nisi in omnium tam mansuetiorum, quam sublimium disciplinarum penetralia ea felicitate perruperint Germani, vt probatissimis quibusque testibus, eadem pæne facies Germaniarum esset, quæ ab veteri æuo vel florentissimæ Italiæ fuisset. non enim tantum familiarum claritudine & Magistratuum Nobiliumque copia redundabant, dum vbiq; ciuitates illustribus habitatæ profapiis, Cōs. Procos. Præfectos, Comites, aliosq; id genus dignitatum titulis præclaros educerent; sed Liberalibus etiam Artibus studiisque excelluisse constat, dum scholæ elegantissimorum ingeniorū laudibus insignes modo Romam, modo Cōstantinopolim ad cathedras totius etiam orbis eminentissimas Professores hinc euocatos transmitterent. & Philostratus in Phauorino autor est, è Germanis Gallisque quotannis in Græciam magnis impendiis missos vt philosopharentur. ex quo fiebat, vt sicut ad politiore literaturam prouehendam sub Caroli Magni tempora cuncta monumenta literis Latinis, ita ad Iulii Cæsaris ætatem publicæ priuæq; tabulæ Græcis consignarentur.

*Sidō. Apoll.
lib. 4. epist.
21. & lib. 8.
epist. 3.*

Philost. l. 4.

rentur. Quod si quis ambigat, qui Germanos simul circa literarum armorumq; disciplinam excelluisse vero sit simile, cum ne Romani quidem, uti suis temporibus Cicero quiritabatur, vtraque simul antestare potuerint, huic ne quid de meo attulisse videar, Cæsarem adduco, qui suis illis luculentissimis commentariis, in omni Gallia duo genera hominum memorat, qui in aliquo numero atq; honore fuissent: horum alterum Druidum erat, aut certe aliorum Philosophorum, Equitum alterum. & illi quidem optimarum Artium disciplinis tradendis, controuersis qua publicis qua priuatis dirimendis, Sacrificiis accurandis operam dabant, eratque ea apud Gentes illas Religionibus deditas Druidarum fama, ut, si Cæsari fidem habemus, nullum absque illis Sacrificium peragere fas esset; cum existimarent per diuinæ naturæ conscios Sacra fieri oportere. hi vero militari disciplinæ addictissimi omni occasione immincebant, qua vel ipsi aliis iniurias inferrent, vel illatas propulsarent. atque ut eorum quisque gratia copiisq; affluebat, ita plurimos circum se ambaçtos clientisque ductabat. vnde alterum Celtarum genus militari gloria sub Equitibus, alterum sub Druidibus, Saronidis, ac Sennotheis literarum atque eruditionis laude præstabat. Atqui obtenderet peruiacior quispiam, barbaros, ab Romanis & optimis Latinitatis autoribus Græcisque, Germanos Gallosque, editis palam libris, compellatos. non inficior hæc appellationem; qui enim possim? quando non sum inscius, tot me testibus obruendum, quot sunt pœne Latini sermonis autores; sed illud tamen efficiam, ut non minus eodem sensu Germano Romanus, quam Romano Germanus pro barbaro habeatur. Etenim veteri loquendi more barbarum illum censum dictumque accepimus, qui neq; illa regione in qua versabatur oriundus erat, nec eorum linguam quibuscum degebat, assequabatur, denique quidquid peregrinum esset, aut extra-

Apollod. l. 5

neum, barbari appellatione insigniebatur. Sic enim Apollodorus Grammaticus Græcis Cares, qui meridionalem Asiæ minoris plagam incolebant, barbaros ait appellatos, non ad contumeliam; sed quia lingua & moribus differrent. Sic, quam non capiebat linguam Sophocles *βάρβαροι γλῶτται*, bellum ab exteris quibuscumque illatum Thucydides *βάρβαροι πόλεμοι*, Medici cataplasmata ab ignotis manantia *βαρβαρὸς ἰμπλάσας*, Lucianus peregrè venientem mulierem *βάρβαροι γυναῖκα* dixit. Et quid ni igitur liceat æquo iure ab Germano, vel Gallum, vel Italū Hispanumve barbarum nominari? illudque vsurpari, quod ab Anacharfi natione Scythæ, cum Athenas venisset, atque ab Solone barbarus salutaretur, responsum fuit; est per Io-

*Diog. Laert.
in Ana-
charfi.*

uem & Solon Anacharfi, & Anacharfi Soloni barbarus, neque interim illud negare obstinaui, quod est apud Strabonem, Græcis factitio nomine à *βαρβαρ* absona voce barbaros initio dictos, qui blocsi aut crassilingues essent; quique vel duriter, vel asperè verba pronunciarent. Illud duntaxat me affecutum apud æquos arbitros reor, barbari appellationem, quæ nonnunquam ab autoribus huic nationi adstruitur, ab omni conuitio posse vindicari. eorumque vel refellendam contumeliam, vel supercilium retundendum, qui calumniam vniuersim Germanis intendunt, & vt ille canebat, in toto iactant verba canina foro, dum illos meribibulos, distentos ventres, male moratos, & barbaros appellare non verentur; quos manifestum est & prisco maiorum æuo, & vel hodie maximè honestissimis moribus expolitos, & literarum armorumque cultu præstabiles cum celeberrimis quibusque nationib. in certamen venire. Et erant quidem olim Germani continuis bellorum exercitationibus præferoces; verum, quod etiam in agrestibus laudauit Dio-

*Henri. Bib.
orat. pro
Germ. cõs.
Leonard.
Venetum.*

dorus, id multo amplius Germanis laudi fuit, vt ira cederet Sapientiæ, & Mars Musas reuereretur. an non enim in totam Germaniam illa gloria manauit, quod à Germanis & quidem ab Alsatis tamquam bellicosiss, æneorum tormentorum per Friburgensem inuentio; ab iisdem vero tamquam ingeniosis & in Musarum sophronisterio exercitissimis per Ioannem Gutenbergium Argentina Maguntiacum profectum, indeq; Neapolim & Romam delatum, in Tua SERENISSIME PRINCEPS, ditione callographiæ libris per literata præla & traduces librarias imprimendis aptissimum munus, nō tam in terris reperiunt, quam diuinitus concessum, Friderico IV. de Tua SERENISSIMA stirpe Germanorum Imperium. obtinente, è Germania in vniuersum terrarum Orbem tanto reipub. bono sit propagatum? Et quid de Alsatia vel prisca sæculi, vel hodierni temporis pacifica & palladia in commendationem adferri non potest? quam olim ante ceteros Deos Mercuriū & Dianam maxima semper veneratione coluisse manifestum est, nec id aliam ob causam, quam quod ille facundiæ Præses, hæc Sapientiæ & laudatarum Artium Diua tutelarior haberetur? quam Iulius Cæsar suis temporibus planetarum & Lunæ cumprimis ortum occasumq; nimium superstitiose obseruasse recolit; quæ res sicut Ariouisto quondam Alsatarum Regi exitio, ita Romanis ad victoriam adiumento fuit; nobis vero certissimo est argumento; iam tum olim Alsatas disciplinis Mathematicis haud mediocriter fuisse institutos, vt quorum mulieres etiam, vt est apud Tacitum, huic sese disciplinæ penitus dedidissent. Hodie vero quam non ingeniorum, eloquentiæ, & humanarum, diuinarumq; rerum experientissimæ cognitionis laudem ab exteris etiam nationibus reportant? vt quos Pomponius Lætus Florentinæ Academix clarissimum decus, hoc ipso præ ceteris admirandos scripsit, quod quam curiose mul-

*Guido P. in
cirola. lib.
de nouis in-
uentis.*

*Thom. Bo-
zium de si-
gnis lib. 22.*

*Inscripti.
Sacrofan-
cta.*

*Cæsar lib. 1
belli Gall.*

*Tacit. de
moribus
Germ.*

*Iaco. Mid-
dend. de A-
cadem.*

*Ioan. Bod.
in metho-
do hist.*

ti preciosos terræ lapillos intimis visceribus reconditos indagant, tam illi accuratè cælestem Sapientiæ splendorem persequantur. quid Ioannem Bodinum hominem Francogallum nomen, cuius extat in historica methodo præclarum de tota isthac natione testimonium, quod totidem verbis non pigebit adtexere; videlicet, olim armis bellisque assuefactos, tantum nunc in literis profecisse, vt humanitate Asiaticis, militari disciplina Romanis, Religione Hebræis, philosophia Græcis, Geometria Ægyptiis, Arithmetica Phænicibus; Astrologia Chaldæis, opificiorum varietate omnibus populis superiores esse videantur. neque vero sine admirabili quadam Diuini Numinis prouidentia factum video, vt ex qua Gente olim armatæ legiones gradiebantur, qui debellatis vndique hostibus Germaniæ nomen longè lateque proferrent, ex eadem nunc aliis armis insignes turnæ prodirent, quæ omnem penitus barbariem, doctrina & LL. AA. perceptione, profigarent. itaque hæc olim durissimos milites, expertissimos duces, fortissimos pugiles dedit; at nunc etiam clarissimos Vates, facundissimos Oratores, acutissimos Philosophos, grauissimos Iure Consultos, eximios Theologos producit. Sed potestne quemquam latere, SERENISSIME PRINCEPS, quanti Tu Alfasat Tuos facias, quamque de ingenio atque illorum tum ad Sapientiam hauriendam, tum ad Christianam pietatem combibendam indole opinionem conceperis, cum id clament saxa & siluæ, quæ imperio Tuo iussuque in Collegii & templi huiusce parietes coierunt? clamet in Apostolicæ sedis præcelsa petra & velut immota Capitolii rupe Academicum Athenæum iuuentuti Alsatice erudiendæ constitutum; clamet hoc totum tam amplum & ma-

& magnificū Sociis & Scholis domicilium ab Antecessoribus positum, à Te vero amplificatum, vnde velut ex arce ad populum cælestibus præsidii iuuandum decurramus; clamet Sacra Ædes à fundamentis in cælum educta, sublimis, augusta, & Austriæ munificentia digna, Deiparæ Sapientia-Præsidii nuncupata, illustre & sempiternū inclytæ Domus Austriacæ monimentum. Accedit etiam indulgentissima Tua, SERENISSIME PRINCEPS, tum erga Societate vniuersam, tum hoc Collegiū beneuolentia, omnibus ædificiorum molibus merito anteferenda; cui nos vt pro viribus ad votum tam benefici Principis respondeamus, vt imini nunc, A L S A T Æ optimi, nobis ad hoc natis, atque à Deo in hoc instituti ordine collocatis, vt qua licet, pro minima nostra opera, certè maxima voluntate, vrbes, populos, prouincias, regna, omnemque terrarum Orbem peragrandò, animas cælo propius admoceamus. Vtique siue teneriorem ætatulam in Gymnasiis erudiendo, seu plebi ad virtutem, Deique cultum promouendæ, siue luporum ferociæ ab ouilibus arcendæ, seu leuandis ægris, siue qua alia via, consilio, votis, auxilio ad rempub. Christianam subleuandam accurramus. quamuis enī illud vitæ genus amplexi simus, vt omnia studia conatusque nostros ad æternam hominum salutem, more atque instituto nostro, nobis conferenda esse intelligamus; incredibile tamen dictū est, quantum tam luculento Principis in Religionem promouendam, beneuolentiæ erga Societatem, pietatis erga patriam hanc adiuuandam documento, in conspectu totius Europæ posito, ad id ardentius faciendum inflammemur, & velut noua quadā anima nos animari sentiamus. Nam sicuti, quò Gubernator cursum flexerit, eodem & Remiges conniti fas est; sic cum noster docendi labor in isthæc Academię primordia inciderit, non tantum nobis toto, quod aiunt, pectore in id incumbendum putamus, vt au-

ditores honestis literis imbuantur; sed etiam, ut in com-
 mune id spectemus, quod Tibi, SERENISSIME PRIN-
 CEPS; in hoc absoluto Sapientiæ domicilio statuendo
 propositum fuisse animaduertimus; ut hanc à Deo Tibi
 commissam Diocesi superiorum temporum fluctibus
 iniuriisque quassatam, in optatissimum niueque pacis &
 pristinæ tranquillitatis statum reponas; illeque tandem
 dies illucescat Alsatiæ Tuæ, quem Bartolomæus Latomus
 grauiissimus ille Senator non tam hominis ciuilis, quam
 Sacerdotis Dei zelo flagrans, literis ad Bucerum, infame
 Alsatiæ monstrum datis in hæc verba peroptabat; illum
 diem Germaniæ felicem pronuncians exoptansque,
 & veram huius lucis celebritatem, quâ dissipatâ
 iam diu membra ac pœne perditæ totius Ecclesiæ,
 in vnius corporis compagem & pulcritudinem
 restituerentur.

*Latom. ep.
 ad Bucerr.*

CAPUT VII.

QVAM HONORIFICVM
 QVAMQVE OPPORTVNVM ALSATIAE,
in ca per SERENISSIMVM Domus Austriaca
 ARCHIDUCEM ACADEMIAM
fundari.

SICUT enim Petri nauis, quæ omni armorum genere
 in Europâ per nefarios antiquæ religionis hostes op-
 pugnata, scelerum fluctibus pœnè latus dabat, illa ca-
 dem, ceu per damna crescens, ab ipsa damnorum clade,
 Iapone, Indiis, Sinis, cæteraque obeuntis & Orientis Solis
 regione occupatâ, animum viresque resumpsit; ad eun-
 dem modum Germania, & huius nobilissima portio Al-
 satia,

fatia, vti non vlla retrò memoria facile sensit hostes religionis, vel nocendi libidine ferociore, vel duriores pertinaciâ, aut superbiâ inflatiores; ita ex aduerso in veteri fide propugnandâ, expertorum Ducum copias & robur vidit, quâdo velut expergefactis ad hostium præsentiam omnium Artium ac disciplinarum ingeniis, gladios & tela suorum iugulis impendentia fortiter adhuc defendit, hodieque Dei Diuorumque ope propulsat. quin & vniuersim, siquid prisce dignitati atq; Orthodoxæ fidei proprii alicubi est illarum, id, quæ est Dei præpotentis in Ecclesiam immensa bonitas, Præsulum doctrinâ atque eruditione præstantium integritas commodè refarcit; vt illustria prisce atque Apostolicæ religionis exempla cum luce quadam doctrinarum ab optimis Pastoribus in subiectas ditiones propagata, desperatis propemodum Ecclesiæ rebus aurea quadantenus sæcula repromittât. Atque vt superiorum ætatum deformatam Imperii faciem, quibus Wandalorum, Gothorum, Auarum siue Hunnorum acies, velut feræ caueis emissæ omnem ferè orâ Catholicam inauditâ crudelitate, torrentis instar omnia agentes miscenteque protritum ibant, non explicem; illam duntaxat bonorum iuxta malorumque vicissitudinem, quâ præpotens Dei prouidentia dies illos, quibus nos viuimus, magna rerum varietate mirificè temperauit, recolamus. intelligemus profecto, etiam hoc effato senescentis mundi æuo, quidquid aut infrunitâ hæreseon vesaniâ, aut cruentâ ciuiliū bellorum strage, aut licentiâ morum labefactatum fuit; id optimos cordatosque reip. Principes in tempore tamquam cælo datos restaurasse. enimvero (vt ad omnium malorum & turbarum, quas aut apostasia Truchsesiana, aut Brandeburgica factio, aut aliorum malè pacatorum hominum iniuriarum infestationes dederunt, fontem conuertamur,) cum Lutherus tam cum tota Ecclesia Catholica, quam secum ipse

ipse dissideret, & vt hæreticum decebat, scindere Ecclesiam, concordiam infringere, maledictis vexare Principes, diuina humanaque omnia sursum deorsum vertere, id demum noui Euangelii præconem agere putaret; sicut in Anglia cæde innocentum, in Scotia detestandis regii sanguinis parricidiis & proditionibus, in Gallia Belgioque spectabili perduellionis reatu, iam inde ab incunabulis nouæ doctrinæ omnia dire permiscebantur; ita in Germania erat res grauissimæ contentionis plena, Lutheri iam perfurentis atque omnia turbantis ausu conatusque infringere, & popularium denique, quos odio inuidiaque in Principes iam accenderat, turbulentos motus refrænare. & primum quidem Laudaui, quod in Alsatiæ nostræ finibus oppidum est, coeunt nobilitas coniurata, Francisco Sickingio factiosorum antesignano; inibi circa D. Laurentii festum, cum ingens seditiosorum numerus conscriptus esset, coeperunt clam de bello agitare; nec te in longum extracta, Duces ac Principes belli faciundi iudicesq; controuersiarum inter se priuato iure constituunt, tribunalibus aliorum Principum ciuratis; & facta de perniciæ publicæ salutis, deq; consiliis aduersus omnes Imperii Principes cōspiratione, prout rem hanc verè tragicam summa eloquentia doctrinaque Bartolomæus Latomus prosequitur, contactis Sacrosanctis Euangeliiis paciscuntur. nimirum, vt Cæcias nubem, ita seditionum omnium iniquarum procellas hæresis ad se trahere consuevit. Non hic Vulcania arma, non Palladis agida, non Lapitharum & semihominum, Centaurorum prælia in contentionem adducimus; vno verbo, panicorum tumultuum, qui in hanc vicinasque prouincias reciproco bellorum æstu inciderunt, crudelitatis in homines, impietatis in Deum, spurcæ libidinis in omne genus hominum profecta exempla, sepulcra fracta effosq; cadauera, cum gemitu recordamur. Et hoc vnum Germa-

Germaniæ malis deesse videri poterat, vt homines ad cultum agri & frangendas glebas nati, iure ac legibus commutatis, ceu renouato ciuili bello, dominatum ambirent, & magistratibus, quibus iure parere oportebat, iniungerent seruitutem. Prima igitur velut ad tumultum ipsis inauspicatis Kalendis Ianuariis vexilla in agro Campidunensi erecta; ad quæ mox armati pastores Algouici amplius quatuor millia accurrerunt; hinc affluente Vere quatuordecim millium exercitus conflatu est, vnde Rhetiam, totamq; Sueuiam peruagati, nec pagorum, arcium, oppidorum, nec templorum vastatione contenti, Nobilem Campidunensis Abbatie sedem, plurimasque id genus pietatis officinas, horribili strage beluarum ritu protriuuerunt; cuius deinde belli incendium, Rhenum, Hassiam, Buchoniam, Thuringiam comprehendens, cum Palatini quoque ditionem adlamberet Guilhelmus Argentiniensium Præsul Moguntinæ Diœceseos Vicarius, Richardi Treuironum Archiepiscopi Electoris ope impetrata, delectis equitum è prima Nobilitate lectissimis, aliis deinde Principum copiis auctus, Duce Georgio Trichessio ad Konigshouium in Franconia; sex agrariorum millia, Bisschoffsheimio deinde, Laudauo, Mergenthemio, aliisque vicinis vrbibus in ditionem acceptis, & grauiere redemptis, octo millia ad Wirceburgum ab solo equitatu turbinis instar disiecti, protritique sunt. tandemque Wirceburgum ingressi, damnatis supplicio fontium auctoribus Franconia pacem reddiderunt. in Vangionum, deinde fines, vnde tristiora nunciabantur, deportato ad Pfedersheimium exercitu, octo colonorum millia ad Pfreimum annem miserabili strage, aliis cæco Pfreimurgite haustis, aliis ab equitatu oppressis, deteruntur. Iure igitur iudicisq; sublati victrix exultabat impietas, premebantur innocentes, pupilli & viduæ diripiebantur, in monasteria vero & Ecclesias omnis sese impune malorum tent-

pestas effundebat. quippe quorum compilare fortunas, census & opes exhaurire, quotidianus quidam Sacrilegorū ludus & iocus habebatur. Quin vniuersa huius Dioeceseos loca sub idem tempus seditionibus & bellorum vbiq; incendiis conflagrasse obliuisci possumus? cum ad xxx millia tumultuantium Alsatiam obtinerent, è quibus ad xx. millia, vt alii ad xxvi. tum alibi, tum maximè Tambachum inter & Skowylorum, tum haud procul Selestadio miseris modis trucidata vno velut turbine perierunt, non alia peste faces iniiciente, quam quas hæresis paci & concordia ininica præferebat, quasque illius bonæ Deæ Sacerdotes, Lutherus, Zwinglius, Calvinus, ceu tartaræ quædam furia per seruitia in Dominos armata, per vrbes qua vi, qua dolo malo, iustis Dominatibus extortas, per occupatas arces, & præsidia, expilatos vicos, inflammatos agros, regiones inauditis latrociniis vexatas, omni faciali iure proscripto iactarunt. quot tum Sacras ædes, quot Deo dicatorum hominum septa sacrilegis manibus temerata solo æquarunt? quoties veterum Africæ persecutorum, Wandolorum, Gothorumque in Dei Sacerdotes exēpla vel renouare vel superare conati sunt? Et ne sine tuba vel classico ad fanaticum illum impetum homines profiliisse putes, Germanici Cyclopi primum audita vox est, & audissimè accepta; hunc esse diuini verbi quasi genium, vt nunquam quieto & dormiente Satana emergat, quare ad coniurationem rusticorum Muntzero Duce, simul belli signum dedit, gladium ceruicibus Principum imminere denunciabat, nullis legibus humanis, sed vix diuinis subditos teneri, Euangelium vi quadam atque discordia instaurari oportere. Hinc beluæ nescias an hominis effatum ab eodem Pseudopropheta emissum est; Quod verum Dei verbum doceret, eius rei efficacius argumentum aut miraculum non habere,

*To. 9. Ger.
ma. VVit-
tenb. In a-
liu Comit.
Vformat.
fol 104. E.
rasin. in ep.
ad frat. in-
fer. Germ.*

re, quam quod tam cito tantas discordias ac tumultus commoueret; & Euangelii peculiarem hanc esse naturam, quod excitet seditiones. id quod de Arianæ sectæ ingenio, quæ sectarum nostri temporis prælux quædam extitit, luculentè testatus est Vincentius Lirinensis. tunc siquidem, ait, quando nouum illud dogma exortum est, non tantum affinitates, cognationes, amicitia, domus; verum etiam vrbes, populi, prouincia, nationes, vniuersum postremo Romanum Imperium funditus concussum atque emotum est. namque vbi profana ipsa Arianorum nouitas velut quædam Bellona, capto prius omnium Constantio Imperatore, cuncta deinde palatii culmina nouis legibus subiugasset, nequaquam deinde destitit priuata publicaq; iura profanare. tunc temerata coniuges, depopulata vidua, profanata virgines, monasteria demolita, disturbati Clerici, acti in exsilium Sacerdotes, oppleta Sanctis ergastula, carceres, metalla, quorum pars maxima interdictis vrbibus protrusi atque extorres, inter desertum, speluncas, feras, laxa, nuditate, fame, siti, contriti & tabefacti sunt. atque hæc omnia nunquid aliam ob causam, nisi utiq; dum bene fundata antiquitas scelestæ nouitate subruitur, dum Superiorum instituta violantur, dum rescinduntur scita Patrum, dum definita maiorum conuelluntur? Hinc ergo illud popularis belli incendium, quò

Vincent.
Lirin.

tota fere Germania deflagrauit; vt vix tãdem multorum millium sanguine reflingueretur. quam calamitatem fecuti sunt motus Principum, qui spretis æquissimis maiorum legibus atq; institutis, rem vi gerentes, & ipsa patriæ viscera crudelem in modum depasti, huc demum amenitiæ prolapsi sunt, vt cum valere se temporibus arbitrantur, magna vi atque impetu ipsam Augustalem Imperatoris maiestatem imminuere, sceptrum quoad possent è manibus, & gladium à Deo porrectum excutere, ipsumque summum Magistratum è solio, in quo Diuorum hominumque consensu collocatus est, deturbare laborarent. quæ dum fiunt, heu! quam multis hodie liberis ciuitatibus omnium exitialium sacrorum ac dogmatum colluuiem aperto velut ostio immissam, & vnam Catholicam atque Orthodoxam Religionem, longissimè portubus ac portis profligatam lugemus. Estque ea confians cordatissimorum hominum sententiã, in eam necessitatem malucolorum consiliis & machinationibus optimum reipubl. Christianæ statum auorum memoria deiectum fuisse, vt funditus pessum ituri fuisset, ni Diuina Sapiencia, per quam Reges regnât & potêtes iustitiam decernunt, cœlesti planè consilio summam rerum ad Gentem Domumq; Austriam deferri voluisset. cui quantum posteris sæculis tribuere vellet, Christiano populo haud obscurè olim declarauit, quando è cœlo salutare Crucis signû eo tempore ostēdit, quo RVDOLPHO, qui primus ex ea familia Cæsar dictus fuit, Aquisgrani more maiorum augustalia insignia deferebantur. Monstrabatur videlicet iam tum bonis omnibus, fore, vt Austriacis ad clauum Imperii confidentibus Gentes Christianæ sub viuificæ Crucis vexillo respirarent. quæ spes ne quemquam falleret, ex quo momento Principes Austriaci regnum imperiumque obtinuerunt, mirum quantis populorum regnorumq; accessionibus aucti cumulatq; fuerint, Rhæ-

torum.

torum, Valeriorum, Carnorum, tum Belgarum, Hispaniarum, Sicilia, Bohemia, Pannonia, & denique Indiarum; vt è sola illa Gente, quod nulli ab Orbe condito euenisse vllus meminerit xii. Cæsares non hæreditario iure; verum quod Augusta virtutis argumentum est, libera Septemviri electione creati sint. Et quod maximæ cuiusdam felicitatis indicium esse potest; de nulla familia quoad terrarum Orbis stetit, dici possit, quod de hac; imperio illius & dominatui nunquam Solem occumbere; cum tam Europæ, quam eorum qui nobis obuersi sunt Antipodum regnis dominetur. & cum essent, qui hanc tantam Augusta huic domui felicitatem inuiderent, omnesq; neruos ad eam oppugnandam intenderent, adeo tamen subtrere nequiuerunt, vt quo id magis molirentur, hoc illa semper altius ritu Nobilis arduæque palmarum assurgens, amplioribus ditiorum atque ornamentorum accessionibus cresceret. itaque iam sit coniuncta salus omnium nostrum cum Domo Austria, vt neq; nos illa stante & virente corruiere, neque illa sine grauissima totius reipubl. Christianæ calamitate apperi posse videatur. Quo magis Alsatiæ huic gratulationem debemus & applausum, quod ex illa Domo, cuius Maioribus Nepotibusque ea cura vel maxima semper animis infixæ fuit, vt periculorum immemores, memores diuinorum erga se benefactorum, memores regii muneris insigniumque cognominum, reipub. Orthodoxæ fidei sartam tectam relinerent, Academia huius vere Austriacum indulserit Funtorem; vti qui illud, quod vnum ad summam Augustæ & felicitis huiusce Domus laudem & tot tantorumque triumphorum cumulum desiderari videbatur, egregiè expleret, vt publica virtutis & Sapientiæ officina constituta, spiritalia quoq; arma comparari sanciret, quibus gloriosissima animarum simul & corporum victoria potiretur. hancque Dioecesim ita exornaret, vt omnibus fru-

gum, fructuum, vini opibus, cæteraque vbertate redundantem, quæque esset (vt ille canebat de Parisiensigleba, posteaquam illam ditionem Carolus Magnus Academiâ decorasset;)

Dives agris, facunda mero, mansuet a colonis,

Messe ferax, inoperta rubis, nemorosa racemis;

per hoc Athenæum omnium Scientiarum, magis magisque vt Tertullianus aiebat, ceu rus consitum, & amænum, super Alcinoi pometum & Midæ rosetum effloresceret. Romam itaque latericiam inuenisse; reliquisse marmoream; gloriatio sit Augusti Cæsaris; Tua erit, SERENISSIME PRINCEPS, tantò gloriosior quantò sublimior, perenniorque; ALSATIAM ACADEMICAM effecisse. Verè enim, quoad hæc Orbis moles sibi constabit, omnibus omnino rebus Sapientia, vt volucris Aquila, quadrupedibus Leo, piscibus Delphinus, arboribus Palma, brutis animantibus homo, terris astra; imò ipsis dominabitur astris.

CAPVT VIII.

GRATIAE SERENISSIMO
FVNDATORI NOMINE NOBILITATIS
ALSATICAE.

CVIUS tam eximiae beneficentiae fructum cum ad nobilissimam Alsatiæ ditionem augustiore quadâ luce illustrandam, tum vero haud mediocriter ad illos pertinere arbitramur, quos non minus natalium & generis splendor, quam indolis & virtutum claritudo ceteris altius euexit. vt ipsam Nobilitatem accessorio quodam honore nobilitatam rectè dixerim, quando il lam

AR-

ARCHIDVCALE ACADEMIA videmus honorari. Quamuis enim ex maiorum nobilitate aliqua possit vulgi opinione gloria emanare, certior tamen ea & stabilior omnium sapientum sententiâ habetur, quam sibi vnusquilibet propriis meritis rebusque præclare gestis comparauit: & verissimum est illud Antisthenis pronunciatum; homines virtute sapientiaque præditos in se fontem continere, vnde nobilitatem sibi affluenter haurire possint. Quis ergo non videt, eò nobis ad agendas promeritis gratias operosiores imponi prouinciam, quo isthæc Tua, SERENISSIME PRINCEPS, eximia munificentia non ad plebeios duntaxat & gregarios, sed ad ipsos etiam Nobiles & auitâ maiorum serie illustres amplioribus ornamentis honestandos sese exporrexit? Videlicet iam nunciatus in mentem venit, quod Iulio II. Pontifici Max frequens in ore fuisse accepimus, literarum scientiam in plebeis argenti, in Nobilibus auri, in Principibus gemmarum loco habendam: nec minus recolunt animo Alsata Tui, quod Macrinus Imp ad Senatum rescripsit; exiguum fore in Nobilitate momentum, nisi cum Sapientia morum benignitas adsit & humanitas; siquidem fortuna muneribus suis etiam parum dignos exornat; animi per Scientias liberaliter exculti virtus, quæ sola clara æternaque habetur, propriam cuique nata est, eamque solidam apud omnes gloriam conciliare. Quod si præclare, & vti multa, sapienter seuerus ille morum Censor Cato iudicauit, eam remp. fore maximam & fortunatissimam, vbi claro loco nati primas virtutum minimè ignobilibus concederent, & plebei cum primariis non de generis gloriâ, sed de virtutum prærogatiuâ concertarent: sentiet nunc profecto ACADEMIA MOLSEMIANA nobilissimos quosque

que Alfasas insigni morum commendatione & accessio-
 ne doctrinarum acceptam à maioribus Nobilitatem cu-
 mulaturos; & si idē est gloriæ qui virtutis modus, quan-
 toque hæc clarius excellit, tanto illi altior locus debetur,
 virtutis vero magnitudinem operis præstantia metimur,
 præstantissimum porro illud opus esse ducimus, in quo
 maximè ingenii atque industriæ vis exprimitur; qui non
 stimuli Nobilium Alfararū animis, quæ non studiorum
 flammæ generosis illis pectoribus suscitabuntur, vt ad il-
 lud, quod Tibi, SERENISSIME ARCHIDVX, in hac
 absolutissima Nobilissimarum Artium palæstra consti-
 tuenda propositum esse vident, totis viribus connitan-
 tur? vt quos olim auitæ familiæ splendor siue principalibus
 consiliis adhibebit, siue honorificis palatinorum of-
 ficiorum dignitatibus efferet, siue alio quouis munere
 cumulabit; tantò hæc omnia securius illis committan-
 tur, quantò eximia disciplinarum liberalium cognitione
 clariores existent. Vtinam vero sicut vberimos olim
 reipubl. fructus eorum Nobilissima indoles pollicetur,
 ita nos, etsi non pro dignitate, at pro voluntate, quando
 officiorum vicissitudine aliud nequimus, at saltem ser-
 mone aliquam gratiæ vicem rependere valeremus. Im-
 perabo autem mihi met ipse, & singulari quodam gratias
 agendi genere sentiendo gratior quam loquendo, illud
 excorum mente profitebor, amplius vniuersos
 nos Tibi debere, quam exsoluere
 vlla ratione possi-
 mus.

FINIS LIBRI TERTII.

ARCHIDVCALIS ACADE-
MIÆ NOVÆ MOLSHEMENSIS,

^A
REVERENDISSIMO ET SERENISSIMO
PRINCIPIS AC DOMINO D.

LEOPOLDO

ARCHIDVCE AVSTRIAE, &c.
EPISCOPO ARGENTINENSI
ET PASSAVIENSI, &c.

FVNDATAE, ET PANEGY-
rico Explicata

LIBER QVARTVS.

DE SOCIETATE IESV, CV-
IVS GVBERNATIONI TRADITA EST.
ACADEMIA MOLSE-
MENSIS.

. Proœmium.



ON est ita pridem, SERENISSIME
PRINCEPS, cum minimam nostram
IESV Societatem fermè nulli non cogni-
tam, nescio quam alevolorum aura adslari,
& obortocertamine aduocationem postula-
ri viderem. Ego vero, ut litium semper fu-
gitans mox reslui, atq, ab contentiosa dimicatione alienus,
Cc ut cla-

ut clamores illos excuterem, ad gratissimum Musarum oceanum diuertens, eò me velut in tranquillum portum & religiosum quietis asylum recepi. Inter hæc nescio quis Vindex aut Recuperator ad fores; meque, si non arbitrum innocentia iam præiudicata, at Patronum ei, cui me, Deo ita vocante, ex voto succenturiandum sponte mancipavi, in hoc publico Nonæ ACADEMIÆ theatro fieri rogabat; idque officium me citra insignem ingratitude notam illi recusare haud posse asseribat. Itaque, vides opinor, SERENISSIME ARCHIDUX, astus meos, & quibus cogitationum fluctibus in ipso ferme Orationis exodio circumuentus sim, animaduertis, ut positis utrimque rationibus, quod de Critolai lance dicitur, quantum unam erigi, tantum alteram deprimi necessum sit. Si enim ad dicendum homo infans, certe non disertissimus adgrediar, verendum mihi omnino est, ne offendi se magis quam defendi ipsa illa Societas sentiat, qua nullius externi præsidii egens, suis probè septa & vallata munimentis nativam vim suam ultro per se tuetur; neque nostram illa Panegyrim laudumque, predicationem exposcit, qua pura castaque mente uni Deo addicta, omnem humana gloria gurgulium Religioso quodam fastidio calcare didicit. Quod si contentione aut viribus ingenii agendum sit, nos inter tam multos longe disertissimos fandique, potentes ne respiciat quidem; sed potius Carneadem sibi quempiam adfiscisci iubeat, cuius eam ingenii vim Tullius fuisse memorat, nullam ut unquam rem confirmandam susceperit, quam non probavit; nullam impugnandam, quam non evertit: sin vero planè obticescam; ingratitude Scyllam reformido, dum ei, cuius instituto me totum addixi, denouique; vel tantillum apologetici laborem impendere noluisse conuincar. Quia tamen grauissimo Tuo iudicio, SERENISSIME PRINCEPS, ita eam hodierna potissimum die extulisti, ut iuxta Apostolicas Casareasque auctoritates Archiducalem Tuam Molsheimensem studii Generalis Vniuersitatem,

in qua

in qua Religiosi Societatis I E S V Theologiam tam Scholasticam, quam Positiuam, necnon Philosophiam Naturalem & Morale, Linguas item, Latinam, Græcam, Hebræam, aliasque Ingenuas Artes profiteantur, ac iuuenes quoscunque doceant, eamq; ad instar aliarum Vniuersitatum studiorum Generalium, tam in Transalpinis prouinciis & regnis, quam alias vbilibet erectarum, Apostolica Cæsareaque autoritate erectam, & institutam; & quibuscunq; priuilegiis, indultis, libertatibus, immunitatibus, exemptionibus, fauoribus, gratiis, prærogatiuis, honoribus aliis Vniuersitatis tam Apostolica, quam Imperiali, Regia, aut Ducali autoritatibus, & aliâs pro tempore quomodolibet concessis, non solum ad eorum instar, sed pariformiter, ac eque principaliter in omnibus & per omnia uti, potiri, & gaudere, voluerunt; eam inquam sic erectam & institutam *Tuo, SERENISSIME PRINCEPS, rogatu ac voluntate, curæ, regimini, & administrationi Societatis I E S V & illius Præpositi Generalis, seu ab eo deputandi, qui totius Vniuersitatis Rector existat, Apostolica, Cæsareaque autoritate perpetuo supponant ac submittant. non est, quod iam amplius aut iudiciis dandis, aut predicandis illius laudibus inanem metum prætexam, cum vel hac unâ testificatione in totius Orbis Christiani conspectu posita maleuolentissimorum hominum calumnie, quibus*

bus clam palamue impetimur, deterantur, & veteri Græcorum paramiâ, Veritatis Oratione tametsi simplici gloriosior virtus aduersus subdolos hostiū substructiones eualescat. Fauent vero, ut video, SERENISSIME PRINCEPS, iustissimis conatibus meis Auditores, & sua vultus serenitate, minimeq; obscurâ benivolentiâ aurâ planam mihi & expeditam viam muniunt, ut de illa quidpiam Familia differere, minimè vel ab hoc loco vel ab eorum cupiditate alienum futurum sentiam, cuius honori Te ad eò consuluisse agnoscunt, uti hoc ei Augustum Academicarum Artium Sacrarium publica Summarum Christiani Imperii Capitum approbatione commendares.



CAPVT I

DE SOCIETATIS IESV
IN CHRISTIANA IUVVENTUTE DISCIPLINIS ACADEMICIS erudientia instituto.



INTER inextricabiles schismatum, & offensionum sinus, quibus ille serpens antiquus tamquam spiris, omnium ordinum homines labentibus annis inuolvebat; Ecclesia tamen semper læta atque fecunda singularem retinuit crescendo facultatem, nimirum ut illud adspiceres, Arcam usque diluvii aquis attolli, & contra prava tum crudelissimorum Regum fastigia, tum vaserrimarum hærescon dogmata, ferri tamen fluctibus superiorem. Fecit hoc magnus ille vniuersi Rector, Ecclesiæ vero suæ etiam clypeus & tector Deus, qui opportunis temporibus eas hominum nationes suscitauit, quæ docendi, prædicandi, &

cæteris

ceteris id genus muneribus, Apostolici instituti functiones egregiè expleret; nec disciplinam tamen interiorē, vel asceticæ perfectionem intermitterent. Videlicet cuique ætati apta opportunaque subsidia, quibus ad supremam beatitatem pertingere possit, diuina Supremi Numinis prouidentia largitur. atq; vt quondam inualescente Albigenſium hæreſi, noua quædam excitauit in Ecclesia Dei lumina, quæ cum eruditionis splendore, tum perfectæ vitæ peracri studio, humano generi in tam tetra vitiorum nocte prælucere, atque ad æternæ vitæ ſemitam vltro ſe duces offerrent, Franciſcum Aſſiſinatem in Italia, & Dominicum Calarogam Nobili Guſmanorum domo in Hiſpania natum, ambos Dei amicos, excellenti vitæ probitate, ac ſanctimonia florētes; tum maximè, cum alibi Præſulum ſtudia circa ſalutem animarū languſcerent, alibi Sacerdotum iners & reproba vita parum remediū afferret: ad idem planè exemplum ſæculo proximè ſuperiore, vario ferarum incurſu labefactam ſuæ vineæ mæceriam, tum nouo militum præſidio circumdare, tum hoſtilia fortius repellere cœpit. Quippe Paulo III. Pontifici Maximo Chriſtique Vicario hanc mentem iniecit, vt Religionem Clericorum Societatis Ieſu Pariſiis in B. P. IGNATIO nouemq; ſociis natam, in Hiſpania olim probè exercitam probatamq; iam à teneris ad deſenſionem & propagationem fidei coaleſcentem probaret, confirmaretque, ſtatione illi in Eccleſia attributa, ex qua vitiis, hæreſibus, atque errorum infamiæ bellum faceret, remq; Chriſtianam pro virili parte ab hoſtium inſultantium ſurore tutaretur. Quod ſi igitur in hominum perneciei Sathanici adminiſtri adeo attentè peruigilant; Societas noſtra Ieſu, quæ ad hos omnes miſeros, coq; calamitoſiores, quo exitii ſui ſecurioreſ ſunt, eripiendos à primis ſuis incunabulis aduocata eſt, ad quam, quæ ſumma Dei benignitas, vndique manus tendunt, à qua perditæ perituræq;

Vinc. ſp. ſul. hiſtor. lib. 30. Suerium tom. 4. Anton. 3. part. tit. 23 S. Bonan. vita S. Fr. apud Sur. tom. 5.

vitæ auxilium aliquod expectant, rogant, vt ex tanta illos
 volutatione extrahat, vt disiectis atque errantibus cla-
 rum veritatis lumen ostendat; & tamen tam multorum
 animorum saluti, qui tot insidiis in discrimen adducun-
 tur vel punctum temporis eripiet, quo accita non opitu-
 letur? non faciet, si nomen, si institutum, si Dei gloriam,
 si suam ipsius salutem tueri volet. non certè Ignatius pri-
 muscius Parens atque Autor, per quem in hoc vno cor-
 pore (dicam vel adstante inuidia) vexillum Deus de gen-
 tilitate atque hæresi, ingrauescente hoc sæculo extulisse
 videtur. Videbat in remotissimis regionibus Satanam
 Sacrilegum furem, quem Deo ipsi sustulerat, diuinitatis
 honorem vsurpare; videbat ad Septemtrionem Luth-
 rum impiissimas patriæ suæ faces intentare; videbat v-
 troque in orbe magnam hominum partem Dei sui igno-
 ratione laborare, magnam turpissimis opinionibus im-
 butam, longè maximam innumeris vitiorum pestibus
 deslagrantem ad æternam perniciem prouolui. Annus
 iam prope octogesimus agitur, & dedit ex eo Societas vi-
 ros, qui magno conatu, & Deo conatum secundante, non
 sine fructu, in altero orbe idololatrici portenti cultores
 artificesque subigerent; in hoc nostro de salute deque fi-
 de periclitantes ad desertum Ecclesiæ gremium, hæresi-
 bus postliminio eiuratis, suauissimè fortissimeque redu-
 cerent: in altero gentilicios aspides & serpentes regulos,
 arida & inaquosa consecrantes, aquis Baptismi lustrali-
 bus expiarent; in nostro desperatione iam succisos post
 frequentata mortis opera animos in gratiam cum Deo
 reponerent: in altero per vicina cælo iuga, per aspera ve-
 pribus saxa, per duriora saxis Gentium corda, per infames
 marinis scopulis salebras, diuino igne inflāmati, felicio-
 res animarum quam alii margaritarum piscatores pene-
 trarent; in hoc nostro per Academias, per Gymnasia, per
 Catecheses pueritiæ Catholicæ fræna tractarēt; quorum
 blandam

blandam sequentes pueri manum Christianæ disciplinæ præceptis imbuerentur, atque à teneris ad virtutem diuinumque timorem consuescerent. Collustramus aliquā-
tis per, si placet, omnia quæ sequuntur mortales in ciuitate, in rep. in Ecclesia viuendi instituta; quot Societas ex iis, qui cum in literarum palæstra ad omnem honestatem formarentur, magnam suis moderatoribus, magnā propinquis, magnam reip. virtutis expectationem commouerant, nunc orbi & florentissimis quibusque rebus publ. Serenissimos Principes, Illustrissimos Heroas, Religiosissimos Antistites, Magnos viros, clarissima ditionū capita & columnina suppeditauit? quantos inter tot venalis vitæ animas reperire est, qui comparato sibi apud nos pietatis & literarum idoneo apparatu, despræta mundi vanitate perfectæ vitæ desiderio incensi, in sacrosanctas Religionum familias, quasi in salutis portum sese adgregarunt; vbi seuerè imperare corpori, habenas voluptatibus iniicere, sensus omnes in arctum rationis gyrum cogere, nullius non sanctitatis numeros obire possint. SERENISSIME PRINCEPS, quod nullis Tuis ingratis fiet, Christianissimi atque inuicti Gallorum Herois, Henrici IV. Maximi Francicas per orastandem Societatis nostræ Patroni elogium adducam; illius inquam immortalis Regis, quem superioribus annis funestus latro sui suorumque benefactorum securum, cum fructu amplitudinis regis quæque dignitatis quam maximè frueretur, nihil tale meruentem, inaudita audacia, latrocinante cultro sustulit, cuius deinde nos sicarios per tot terras hæretici pro suo in nos amore, nullo tamen interea vel vestigio ferri, quod Iesuitæ cruentassent, ostenso, proclamarunt. Hic, cum essent è Senatoribus, qui compluribus argumentis Regem à Sociorum in Galliam, vnde iniquis sugillationibus pulsi fuerant, reuocatione auersum ibant, hoc eos inter cætera responso consilii nec inops nec incallidus Hen-

In Apolog.
Henrici IV.
pro Societ.

Henricus retudit. Triginta, inquit, & eo amplius anni sunt, cum in Gallis Patres iuuentutem bonis & moribus & literis excolere cœperunt. In horum Gymnasiis quam multi suis studiis aut laudabilem finem imposuerunt, aut ad Iuris prudentiam vel Medicinam transferunt, aut ad alias functiones publico bono euocati sunt? Nec dissimile huic testimonium dedit nuperrimè Christianissimus LVDOVICVS XIII. tanti Parentis haud degener Filius, qui & amoris, quo Societatem, & affectui, quo bonas Artes, & zelo, quo remp. Christianam amplectitur, contestando, inter cetera digna CHRISTIANISSIMO, digna LVDOVICO Rege opera, nostros vna cum veteri Claramontani Collegii possessione, pristinas etiam Societatis functiones quibuscunque disciplinis Iuuentutem erudiendi, velut postliminiò, aduersariis nequidquam oblectantibus, Lutetiæ Parisiorum resumere, tum viæ vocis oraculo, tum publico & Regio Diplomate sanciuir. Nisi quis forte putat omnes illos, cum in adulta iam ætate patri animi magnitudine aduersariorum iniurias pro ludicro habent, qua in ætatis flore adolescentiæ precacis sanas habuerant; cum incredibilem in literarum cursu ardorem antea, nunc in Principatu constanciam ostendunt, cum eodem vultu triumphalem imperii currum conscendunt quo ante, cum in ephæbis essent, suorum coæuorum familias ducebant, tunc primum eos tam admirabilem animum induere, cum res gerendæ sunt; omnia iam pridem in adolescentiæ rudimentis, in scholarum Gymnasiorumque disciplinis velut in athletica quadam palæstra præludentes, prouisa atque meditata habuerunt. Nostræ enim Societatis Doctores protritum in speciem, at saluberrimum formandæ iuuentutis & non ad literas modo

modo; sed ad mores etiam ac pietatem erudiendæ munus ita sibi deposcentes, vt ad maiorem Dei Opt. Max. gloriam malint cum paucis adolescentibus delitescere, cum iisdem sub tecto exiguo æstatem atque hiemem perferre, quam ad splendidissimum quoduis munus adhiberi; illi, inquam, in his ipsis non obsoletam iterum Stoam aperiant, non Timonis olent allia, non Diogenis nasturcia reuocant, multo minus Epicurei hortuli delicias instillant; sed frugale consecretur Lyceum; quod vt plenam, solidam Sapientiam, ita puram putam virtutis auram in auita Germanaque fide fundatam exhalat, cuius deinde odoribus recentes testæ paulatim imbutæ, veteres autem perfusæ, veternosi sensim fermenti acorem deponant. Et vero ipsa illa, tam quæ literaturam, quam quæ Philosophiam amplectitur, Sapientia, non inscia suæ cælestis originis, cernit haud dubiè quibus è fontibus amplissima illa doctrinarum flumina promanarint, per quæ toto Christiano orbe tam multi assiduè summo ingenio viri nauigarunt, hodieque nauigant. cernit etiam se velut spoliū profanæ multitudinis iam olim Ægypto ciurata manu missam, adeptamque ius non solum ingenuæ libertatis, sed prænobilis etiam adoptionis, qua in familiam Ecclesiæ Christi Sponsæ transiens non per æs & libram, sed per iustitiam & veritatem à fiduciaria Matre coëmpta est; recolit item se summa cum dignitate præpositam Venatoribus, non quales apud Ætolos ad aprum illius regionis vastatorem perdendum complures etiam Principes viri conuenerant, cum inter Ætolos & Arcananas crudele bellum exortum est,

Ob caput atrocis villosaque tergora porci:

sed qui cum fidei Orthodoxæ pareant, homines ex errorum latibulis tãquam feras excutiunt, & veritatis lucem, sicubi rerum difficultatibus tamquam frondibus inum-

Iere. 16. 16.

brata sit, patefaciunt; ac denique nullum pro Religione auita, non si per niualia Caucaſi iuga, aut feruentes Lybie arenas gradiendum ſit, laborem ſubterfugiunt. atq; hos iam olim Sponſæ ſuæ paranympbus promiſerat, egregii Vatis Ieremiæ voce futurum canens, vt quamplurimos quandoque Venatores mitteret, quorum id munus eſſet, mentes hominum errore captas & homines ipſos ferarum more degentes de omni monte & de omni colle & de cauernis petrarum venari. Hanc igitur iuſtitiam pietatemque, ſine qua Sapientes inueniri haud paullo difficilius eſt, quam ſine Conſilio IC^{tes}, ſine thyſo Bacchós, ſine frigore niues, noſtri inſtituti eſt teneris mentibus cum Philoſophia & cætero doctrinarum apparatu inſtillare. meminimus enim Paulum in vtroque verſatiſſimum, ſcribò monuiſſe, vanam Philoſophiam ſedulò eſſe cauendam; vana autem & inanis eſt, non tantum quæ fanæ fidei, ſed etiã quæ virtutis, quæ integritatis, quæ Chriſtianæ caritatis eſt expers; ſine qua inflans ſcientia vanitatem duntaxat generat & inanitatem; quem ſcopulum vt euitemus, nō ſolum ipſo Societatis inſtituto, ſed Scholaſticorum etiam noſtrorum legibus, tot ad pietatem qua priuatæ qua publicæ cohortationes, tot catecheſes, S. myſteriorum, Exomologeſeos quot mēſibus, S. Eucharistiæ, ſolemnioribus diebus, Sacræ Liturgiæ quotidianæ frequentationes, Cœtuum piorum, tum Deiparæ Sapien-tiæ Incarnatæ Genitrici, tum cæleſtibus Spiritibus dicato-rum congreſſus, collimarunt. Nimirum Duces huiusce inſtituti ſequimur vel ab ipſo naſcentis Eccleſiæ exordio Pantenos, Clementes, Origenes Alexandriæ, ad Orientem Baſilios, Benediſtos ad Occaſum, Gregorios Magnos in Latio, Venerabiles Bedas in Britannia, Rabanos in noſtra Germania, Sanctiſſimos iuxta doctiſſimosque Eccleſia-rum Antiſtites, qui publicis, quibus diſtinebantur fun-
ctionibus

tionibus tantisper conquiescere iussis, ad iuuentutem tum literatura, tum probatissimis moribus efformandam sese appulerunt. quorum deinceps exemplo accurabant Præfetti monasteriorum, vti ne sæculum sterile atque effæctum haberent, Professores alerentur Viri è D. Benedicti cum primis disciplina excellentes, quorum auditoria lectissima eiusdem ordinis iuuentute stipata, & præstantissimis erant ingeniis referta; qui vbi ad maturam virtutis doctrinæque frugem effloruissent, inde in alia Cœnobia, velut in Colonias quasdam eximio pietatis vbique fructu & Religionis incremento propagabantur. Atq; vtinam hæc tam præclara maiorum instituta proximè superioribus sæculis retrolapsa non fuissent; nunquam eas clades ac vulnera in publicam vsque perniciem neq; Cœnobia, neq; Christiana Religio tolerasset, quæ nunc vna Tecum, SERENISSIME PRINCEPS, Alsaticorum Cœnobiorum Archimandritæ tanta cum omnium laude instaurare certatim contendunt. Ergo infernus ille prædo, qui cum nemo bonus pacisci vnquam potuit, extrema rabie vefanus, factò in nos impetu per tot venena, quot hæreticorum ingenia, per tot aspides, quot linguas calumniatorum, plusquam nouercale odium, vti quondam aduersus alias Deo Sacratorum hominum familias, ita hodie in Societatem mox à primo eiusdem exortu magna semper hostilitate violentiaque deprompsit.

CAPVT II.

SOCIETATEM IESV HÆRETICIS TVM OB ALIA, TVM MAXIME propter functiones ACADEMICAS exosam esse.

Quo in genere Clemens Alexandrinus rectè obseruauit, technam hanc propriam esse hostis generis

Hier. ep. 68

humani, vt quoties veritatis doctrinā adulterare nititur, sycophantas excitet, qui veræ doctrinæ defensores calumniis oppugnent, eosque velut fundibularios præmittat, antequam in iustæ pugnæ faciem rem decernere adgre-
diatur. itaq; secundum illud Hieronymi hi maledictorum pannos hinc inde consuunt, & eorum carpunt vitam, quorum doctrinæ vident se resistere non posse. Tenuit hoc fraudum genus paganos quondam Christianæ fidei atque Ecclesiæ nascentis cunabulis infensissimos, cum factiosi & turbulenti homines terribilissimas suas machinationes, parricidia, insidias, cædes, aliaq; id genus nefaria flagitia, in Christianorum integerrimos mores & ab omni cuiusque facinoris suspicione, nedum affinitate intactos conflarent. verum istius quod dixi artificii ante omnes hodiernis Nouatoribus palma concedenda videtur; quorum è schola quotquot prodeunt, obseruarunt viri graues sic institutos, vt nullo ordinis, gradus, siue conditionis discrimine, maximum iis vulnus facere conarentur, quos fidei ardore anteire ceteros, ingenii exercitatione & contentione laboris doctrinam sanam propugnare, vafritiem hostium detegere, prodere incertiam, atq; in his velitationum studiis Ecclesiam Orthodoxam, qua possunt, propagare animaduertunt. Atq; vt quæstiones Arnaldinas, sicas tragicas, Catechismos leuiticos, aliasque id genus mendaciorum strues & per triualium ora detritas Milesias fabellas, quas præstat silentio sepeliri, in medium hic non congeram; quid illa tempestas inuidiæ nuper exorta, cum magni Francorum Regis animam Orbis Christianus obstupuit, & indoluit

Sic laeso de corpore raptam;

vbi tamen teneretur autor, & flagrantis parricidii vestigia nō iam oculis sed manibus deprehensa calerent; post viuידam quæstionum vim & spectata exquisitorum cruciatuum

ciatum in reum confessum exempla , post tot modos
viasq; postulantium inquirentiumque , vt ne in vno ca-
pite tanti facinoris conscientia quieuisse crederetur ; cum
in his omnibus materiam quæstioni decessisse acta ipsa
nobilissimæ Curia docerent , volant nihilo minus in pu-
blicum famosi libelli , præscribuntur noui accusatorum
tituli , ipsa nostra Societas vanissimis commentis & men-
daciloquiis postulatur. & quia

Humanum genus est auidum nimis auricularum,

cupidissimis auribus calumniæ sectariorum hauriuntur,
schedæ falsitatis indices longè lateque sparguntur (nem-
pe quisquillas volantes & venti folia auidissime arripi-
mus) at quo precio imposturæ? populo imposuistis, fabu-
latores visi estis, ventis Chamæleontem pauistis, odia, &
inuidiam quantam licuit maximam consilare parauistis;
& quia verè an falsò, pili facitis, dum modo noceatis, desi-
deria certè ac spes quibus excidistis, hoc vestro petiti-
o-num atque insimulationum labore estis solati. Et olim
quidem videre fuit Iulianos desertores, fædissimos Co-
pronimos, atrocissimos Leones, spurcissimos Iouinia-
nos, pestilentes Vigilantios ex orco ad exitium Christiani
orbis retractos, innocuum Religioforum gregem ferro,
flamma, maledictis vexare. at hodie nostri Nouatores pe-
sistentissimis scriptis aduersus Societatem debacchantur;
nec eo contenti, assumpto veritatis & Religionis, vt præ-
ferunt, fucò aucupioque, apud Principes viros id agunt,
vt qui bonitate naturæ ad clementiam omnem & placabi-
litem nati factique sunt, hi pessimis eorum institutis
sufurrisque efferati, & metu, odiis, peruersisque iudiciis
imbuti, repente Atrei quidam, Etheocles, aut Phalares
cum pessimis hisce monstris, tamquam Vlysses cum Cir-
ce & Calipso conflictati, & in belluinam naturam ex ho-
minibus conuersi, eos efflictim oderint, quos si benè per-
noscent,

noſſent, amoreque complecterentur. nihil hic ad odium commemorabo; quin vel iſſis mancipiis hoc liberum fuit vt gemant, cum vapulant; & nemo tam eſt in ſeruum etiam iniquus, vt quem luſtu afficiat, gemere nō permittat. Itaque cum Superioribus annis Imperii Princeps idemque Antifteſ, ad Epiſcopalem reipubl. clauum iuſtis Procerum ſuffragiis admotus, Societatem in quantamcunque ſubſidiarii operis partem aduocaſſet; hæretici apud præcipuos Imperio & Electione Principes, querimoniis ſuis id agere conati ſunt, vt leſuitas vrbe ac diœceſi procul arceri vellent; at illi quidem armata vi nihil attentare; grauem tamen omnes quaſi collatis Symbolis commonitoriam contexunt, manu ſingulorum & effigata cera munitam, leſuitas omnibus merito terrarum oris inuiſos vrbe atq; diœceſi proſcribat. at vero egregiè cordatus Epiſcopus, minas minis, vt clauum clauo repulit; ſiquidem exaratis contrà literis reſponſoriis, quas Catholicorum Principum (qui opportunè ad priuata comitia illuc conuenerant) pari modo ſigillis Principum ſubſcriptionibusq; firmari curarat, tumore placidè compoſito, ſilētium hoſtibus impoſuit. Quod ſi fontem & capitalis odii cauſam inueſtigamus, illam vel principem iſſorum confeſſione reperiemus, vel certè non poſtremam; quod fidei ac Religionis tuendæ propagandæque ſtudio, iuuentutem Optimarum Artium diſciplinis aduerſus dolos corū & fraudes obfirmamus. Vident enim tot per Europam Collegiis ad hoc vel maximè inſtitutis, tantum honeſtiſſimorum Adoleſcentum florem erudiri. vident in florentiſſimis terrarum ac regnorum prouinciis Principes iuuentutis noſtræ diſciplinæ commendari; ſentiunt ſe pauciſſimos, qui è noſtra inſtitutione prodierunt, ſuis erroribus illaqueare. vident etiam & dolent ſpes ſuas ac vaticinationes eludi, neq; interire in Germania regnum, vt inſolenter vocare ſolent, Papiſticum; exſurgere

surgere potius, & quantumcumq; laborent contra, nihil referre, nisi stoliditatē; imò ipsam illam, quam omnibus diris deuotam vellent, Societatem, ex his scholis, transcripta sæpe noua tyronum sobole, stabiliri. quorum plerique cum inter ciues ac tribules suos opibus, & honoribus, vel propter natales, vel ob virtutem ac Sapientiam florere potuissent, eò se sponte demittunt, ad quod multi vix magnis premiis propositis inuitari possunt. vident nos gratis erudire, non lucrum spectare, non mercedem, non dignitates, quod legibus & instituti nostri decretis seuerrimè cautum, vt hoc maiore fide & libertate Christiana tam sancto tanique necessario labore perfungamur; vti qui vnum Deum remuneratorem expectamus, præterea neminem. Vident etiam in Scholarum Gymnasiis & Academicis vniuersas doctrinarum copias, vel ad vitiorum & scelerum oppugnanda monstra, vel ad cæcos hæreseon atque errorum impetus ab Ecclesia propulsandos transferri. Dolet iis, esse custodes qui hos lupos arceant, prodire pastoricos canes sibi admodum formidabiles, qui latratu & rictu lupos adorianur; hos abactos vellent, vt in oues securius pro libidine defauirent, & profligata fide Christum etiam auitis sedibus deturbarent. Ingemiscunt ex his ipsis Sophronisteriis emergere, viros doctrinæ gloria, & vitæ integritate eminentes, qui si abessent, iam liberè per Europam hæresis & furor dominarentur, & diuinis atque Apostolicis decretis abolitis perisset Ecclesia, Pastores foro & bonis omnibus cessissent, marcuissent ouilia, & Echidna illa Lerneæ vulneribus suis sæcunda, scabie sua nouarumque rerum prurigne totam remp. inficiente, pecus omne Dominicum internecone funditus deleteretur. cum nunc ex aduerso videamus, quæ immensa Dei clementia est, confertam Sacrorū hominum multitudinē, templorū venerationem instauratam, disciplinam Ecclesiæ reforescentem, priscos ritus, diuinumq; cultū magno
& pic-

& pietatis incremento, & Ecclesiæ splendore reuocatum. Et quid pleno veritatis meridie facem inferre pluribus laboro? cum testes habeamus totas prouincias, per quas nostra Societas diffusa est, tot Imperatores, Reges, Exarchos, amplissimas Ciuitates, quorum omnium, dum Collegia Societati constituerunt; ea vox est, Societatem, iuuentutis erudiendæ gratia illis locis fundatam, vti in cuius honesta informatione spes omnis vberioris ætatis & vnicum rei communis, certumque præsidium positum sit. Quod si igitur, vt isti obtendunt, seditionum & motuum incitatores, si turbarum faces, si tubæ seditionum, si crudeliores Turcis, si Phalaride, Scini, aut Busiride immaniores, si Germaniæ, si Principum & Imperii proditores, si rerum publ. furæ, si prædones publici, si omnium criminum rei sumus; quid Inuictissimi Imperatores, Patriæ Patres, Augusta illa tota Serenissimorum Archiducum Austriacorum Domus, potentissimi Reges, Illustrissimi Principes atque Antistites, illustres ordines, florentissimæ resp. in quibus viuimus, viuimus autem? imo vigemus, alimur, amamur, fouemur, & augemur; tãtis nos fauoribus prosequuntur? vt dum vos in pecualem, vt ita cum Ennodio loquar, stuporem peccati nebula oblimat, vestris opprobriis depressionibusq;, at aliorum laude, tamen si eam non captemus, gloriosiores euadamus? interim notus nobis Satanæ veteratoris & Hæreticorum mos, vt qui cōscientiæ laude clarescunt, rei maiestatis proclamantur. Scimus Hilarios, Athanasios, Chrysostomos, Ambrosios, ipsum adeò Christum; Scimus nuper in Anglia Campianos, Briantos, Hartos, Tumsonios, Garnetos, Ogilbeos, felicissimos Orthodoxæ Religionis testes hoc scelere non conuictos, sed iniuriâ postulatos, mortem constantissime oppetiuisse. & sumus quidem ita in remp. animati, vt si ab nostro abitu salutem & tranquillitatem Imperii pendere cerneremus, operamque nostram

in fide

*Optat. Milen. lib. 6.
Cypr. ep. 7.
lib. 4.
Hilar. ad
Constantinum.
Theodoret.
lib. 1. c. 28.*

in fide Catholica tuenda vel superuacaneam vel non necessariam arbitraremur; sponte nostra libentissimis animis de Germania in vltimas vsque terras, ad eos, qui alio ab nobis orbe dissiti sunt, commigraremur; quin si pax, si concordia, si fides fideiq; vnitas morte nostra redimi posset; sanguinem prius & vitam daremus, quam quidquam per nos patriam detrimēti accipere pateremur. cuius rei testes iam pridem & obsides gloriosissimorū Martyrum centuriam Societas nostra habet; quibus anno proximē superiore septem fortissimi huius temporis Machabæi Societatis nostræ Sacerdotes, in illa America vastitate per Tristissimos, post laboriosam & diuturnam xx annorum operam in superstitionibus euellendis positam, multiplici suppliciorum genere martyrio coronati accefferunt. & vero quid moribus, legibus, quotidianis functionibus, vitæque instituto aliud præferimus, quam patriæ iuuandæ, quæ nobis non minus, quam cuius aliorum cara est, voluntatem? cur natale solum, parentes, amplas sæpe hæreditates, honorum aucupia, clientelas, aliaq; id genus, quæ vulgus admiratur, sponte respuimus? quæ nostra opera & serua, nisi deterre à vitiis, animos hominum ad virtutes accendere, informare rudes, afflictis solatium, perditis salutem pro viribus adferre, hæreses doctrinæ integritate morumque innocentia refellere, & aduersus maleuolorum maleficorumque calumnias benefactis pugnare? Quamobrem sit contumax Sectariorum animus, & peruiacaci falsæ Religionis insania petulanter exsultet, ac panis nos terroribus suis belluarum ritu conturbare laboret; florebit interim Societas, quamdiu instituti sui memor quod agit, hoc aget, & tamen si certis temporum periodis, aduersariorum maleuolentiâ damna quandoque & clades sentiat; interuentu tamen latiorum, vt iam sepe in Germania, Galliaque experta est; cumq; tot in nouo Orbe & vtrisque Indiis ex incognitis gentibus anima-

rum accessiones quotidie fiant, nec pauci per Septentrionem fraude nouorum dogmatū perspecta ab errore resipiscant, tot etiam per Academicæ & literariæ iuuentutis institutionem Sacras Cœnobitarum familias, Clerum, Nobiles, & omnis ordinis homines videt reflorescere; semet solatur & erigit, haud diuturnū fore sperans regnum sectarum, quod & in se diuisum est, & opera Sātanz, imo magisterio ductuque excitatum sponte sua corruet: crebro etiā ab Iosue aliquo fortissimo Duce ad verbum Eleazari Sacerdotis egrediente & ingrediente, id est, pace belloq; rem fortiter ac sapienter gerente, funditus euersum atque excisum est. Pergite interim, quando ira furori vestro & errori lubitum est, atrocibus mendaciis, chartisq; infamibus nos quasi fraudum ac proditionum architectos, Regum regnorumque insidiatores proclamare, & virulentæ linguæ spiculis armati omnia in nos probra tamquam fel draconum euomite; illud certe efficitis, vt apud omnes, qui rem suis momentis æstimare prudenter solent, nomen nostrum, comperta innocentix fama, etiam renuentes maiorem in modum amplificetis. & vt hoc abesset, semper tamen vel solo temporis lapsu mendacium veritati, rationi furor, fucus innocentix, hæreses & schismata Ecclesiæ tandem cessierunt.

CAPVT III.

SOCIETATEM IESV AB
PRIMIS INITIIS AD HANC DIEM PER
SERENISSIMAM DOMVM AVSTRIA-
CAM clementissimè in Germania susceptam,
defensam, & per Orbem Christianum
propagatam esse.

SED nouit Imperatoris nostri omnia cœlo contuentis benignissima dispensatio manum obuiam famosis

As vestu
 & quæ
 tamen
 guene
 lassit
 dissip
 cum i
 hoc te
 ra int
 rum t
 cietas
 III V
 pro
 XL
 mor
 quar
 tibus
 in ea
 fou
 corr
 adm
 mer
 suor
 truci
 Ger
 ta, p
 adm
 gna
 len
 Hic
 ru
 pi
 ci
 ta

sis vestris ad obrectandum ingeniis opportunè exhibere. & quemadmodum fumus exiguum ignem obruit; idem tamen ab ingente ac luculenta flamma discutitur; ita nugiuendos istos & fumigerulos per vastum terrarū Orbem latissimè coruscans gloria Serenissimorum Archiducum dissipabit; quos præpotēs ille Deus tamquam imperium cum iis partitus, voluit hoc æuo velut pharos & ignes in hoc tempestuoso mari, imò velut tutelaria quædam sidera inter tot nubes nimbosque publicos collucere: quorum beneficentissimam voluntatem minima nostra Societas ex eo tempore semper experta fuit, ex quo Paulus III. Pontif. Max. pontificali afflatu digitum Dei inibi esse pronuncians, peculiari eam diplomate ad annum M. D. XL. v. Kal. Octob. quo die festam Cosmæ & Damiani memoriam colit Ecclesia, collaudato eius instituto stabilivit; quam deinde decennio post, Iulius II. & qui consequentibus annis Apostolico imperio successerunt, amplissimis in eam rem Pontificiæ sanctionis literis expeditis, tenere fouendam, ampliandam, nouisque copiis & priuilegiis corroborandam rati sunt, quo vel currentibus calcaria admouerent, vel ampliorem de Christiana republ. bene-merendi materiam exhiberent. Et vero primis natalium suorum exordiis sub CAROLO V. Augusto Magno Patruo Tuo, SERENISSIME ARCHIDVX, primum in Germania inter obsolescētis fidei Orthodoxæ detrimen-ta, per PETRVM FABRVM Allobrogem Theologum admiranda vitæ innocentia, & vnum è decem primis B. I. gnatii discipulis, apparuit, dum is Petrū Ortizium excel-lenti virtute doctrinaque Cæsaris Oratorem sequeretur. Hic igitur pro Societatis instituto, concionando, magno-rumque virorum partim noxas expiando, partim animos-piarum commentationum ope expoliendo, sub Austria-ci Sideris tutela viam tacitus communiuit, qua in Ger-maniam Societas penetraret. Nam & Wormatiæ indicto

*Societ. IX.
SV confir.
ANN 1540.*

*Historia
Societ. to. 1.
variis lib.*

conuentu Procerum Imperii, cum Andreas Schmidelinus per infelicem concordiam cuiusdam fidei formulæ, nouas hæreses comminifceretur, meruit à sæculo nostro irrideri, dumque

Aut Fabrum forceps aut ars indocta sefellit,

Equum voluit cudere; cudit Equ;

& Ratisbonæ postea idem noster Petrus Faber cum Petro Contareno Pont. Max. Legato, Cæsare adprobante Theologi vices functus, cum aliis rebus, tum Ioanne Cochleæo acerrimo Quinti Euangelistæ antagonista, rerum cælestiũ commentatione, ad fidem quoad posset defendendam inflammato, memorabilis extitit. Adhæc Spiræ in Comitibus cum idem, ceu ardens quædam lucerna, animos etiam Magnatum inflammasset, expetitus à Cardinali Alberto Moguntino Archiepiscopo, Moguntiam venit, tantumque doctrinæ & innocentie lumen ad Rhenum quaquauersum diffudit, vt complures (quod è literis Colonia missis à Gerardo Cartusie Rectore compertum est) pii viri desiderium suum adeundi Petrum, & tamquam oraculum, consulendi palam facerent; vti quem diuino spiritu plenum animaduertissent. neque diu eos, pro suo erga omnes adiuuandos ardore moratus est. nam cum Martinus Eucerus ex Monacho apostata, olim Heidelbergæ profugus, vnius Francisci Sickingii fretus patrocinio, & duplici incestu infamis, Argentina Coloniam à factiosorum turba accersitus, plebem Agrippinensem Lutheri veneno intoxicare laboraret, Clerus & Professores Academicæ turbulenti concionibus auditis, Petro Fabro expertæ iam soliditatis Theologo adhibito, Buccrum in publicæ disceptationis arenam euocarunt, quam cum ille detrectaret, Petrus nihilominus conscripto antididagmate, hominis pestilentis supercilium luculentè repressit. Sub eiusdem etiam Caroli V. Augustali sipario alter è decem primis Societatis

cietatis IESV alumnis CLAVDIVS IAIVS Gebennensis Theologus, vir ob integritatis doctrinæq; famam præclare apud Austrios primum, deinde Bauaros ac Sueuos de Christiana Religione meritus est. qui posteaquam relicta insigni opinione sanctitatis, Ingolstadianæ Cathedræ dignitatem Ioannis Eckii successor, egregiè sustinuisset, Concilium Tridentinum frequentasset; Viennam exinde vocatus, recusato Tergestino Episcopatu, quem ei FERDINANDVS Romanorum Rex obtulerat, erigendi Collegii domusque Dei instaurandæ zelo, prima ibidem Serenissimo Rege ira iubente, Sociis fundamenta iecit. Extant vero hodieque publicis literarum notis expressa B. Ignatii ad Serenissimum Regem monumenta, quibus & Societatis & Iaii nomine, productis grauib; rationum, momētis, Præsulatum, quem Iaium suscipere sapius Ferdinandus iusserat, deprecatur, Oratque vt quando tota cum eo nouella Societas in Serenissimæ illius Clementiæ sinum confugit, eiusque se fidei ac patrocinio dedit, Sua Maiestas pro Regia sua benignitate ac Religione ab nobis talia propulset arceatque discrimina, vnde certum sit Societati nostræ exitium imminere. Quid vero dicam de exundante illa summi amoris dignatione, qua idem ille Augustus Rex PETRVM CANISIVM, qui primus è Germanis Societate IESV iniiit, complecti dignatus est? quemq; sexcentis hæreticorum petitionibus machinisque vna cum Nicolao Bobadilla tamquam columnam ferream opposuit; vti cuius verba quasi ignem, & quasi malleum petram conterentem censuisset. Cuius etiam, vti & Sociorum doctrina, vitæque innocentia mirificè captus, cum eorum operam in felici Viennensis Collegii foundatione vtilem prospexisset, apud Pontificem Maximum, & Societatis Parentem B. Ignatium egit, vti Pragam, ad Bohemorum Metropolim

Canisum destinaret, quo domicilio Societati constituto, Bohemiam Hussitarum furore laceram pristinae redderet tranquillitati. Summam deinceps doctrinae Christianae, suo iussu & auctoritate per Canisum in vulgus editam, velut compendiarium haereseos obicem, non solum regio favore prosecutus est; verum etiam, uti Princeps verè Catholicus, tum ad studia impietatis profliganda, tum ad iura Sacrosanctae Religionis retinenda, Caesareo edicto cavit, Canisii Catechismum, praeterea nullum, in Scholis per provincias ditioni suae subiectas praelegendum ediscendumque ab Christiana iuuentute curarent. ut ex illo tempore omnium ferè Gentium linguis maximo fidei bono Canisius loquatur. Quibus amoris Regii significationibus ita commovebantur haeretici, ut cum se voce, stilo, & vigilante Canisii studio ab Christi ouilibus arceri cernerent, per ludibrium, ut ipsi quidem arbitrabantur, CANEM cum AVSTRIA CVM compellarint. Sed hic noua iterum B. Ignatio Canisioque pugna cum Ferdinando Augusto fuit; nam cum vario quidem conatu per Iacobum Lassum suum Romae Oratorem Rex tum apud Pont. Max. tum apud Societatis Parentem; sed irritò successu, uti Canisum ad Viennensem Cathedram euehi pateretur, vrgeret; illud tandem exorari se B. Patrens noster passus est, ut anni vnus administrationem in Praesulatu illo Canisio permetteret; sic tamen, ne quidquam de annuis Episcopatus redditibus, in sum aut cuiusquam de Societate usum attingeret; quin vniuersa perfidos probosq; viros in sola pietatis opera erogaret. Nec minorem Tirolensibus curam optimus Cæsar impendit; apud quos, ne quid religio detrimenti caperet, Collegiū item Sociis constituit, annuoq; prouentu regie Princeps religiosissimus stabiliuit. At quonam honoris titulo insignem fecero, quonam elogiorum ordine PHILIPPVM II. magnum Hispaniarum Indiarumque Regem, Caroli

Caroli
virtut
gener
rum
neju
cino
fime
scena
adde
tame
ligio
ita
sta
nes
pro
anti
fera
nib
tia
opt
tan
loc
vir
int
qu
tis
lat
Ca
pe
ob
d
n
c

Caroli V. Filium collocâro ? cuius multiplices & regiæ virtutes in tot sese partes fundunt, vt nullus sit in quouis genere locus, quem non ille occuparit; cuius in populorum sibi à Deo commissorum vigilantissima gubernatione, iustitia, continentia, æquitas cum immortali Austriaci nominis fama Christianas prouincias latissimè longissimeque diffitas compleuerunt. cuius gloria tam alte ascendit, vt neque cuiusquam oratio quidquam ei laudis addere, neque silentium demere posse videatur. Sicut tamen CATHOLICI REGIS titulus in Orthodoxa Religione omnibus humanis rebus excellentior habetur; ita incomparabilia in SOCIETATEM adeoq; ECCLESIAM promerita, quæ ille in longè remotissimas regiones per immensa terrarum & marium spacia, innumeris prope nationibus, quibus pro tecto cælum, pro domibus antra, pro strato solum, pro Deo dæmon erat, ab immani ferarum vita execrandisque cacodæmonum superstitionibus ad vniuersi veri Numinis cognitionem ac cultum traducendis, Regia munificentia contulit, merito illum optimis Societatis nostræ Parentibus inseruerunt; illiq; tanto celsior gratiæ quidem in terris, gloriæ vero in cælis locus debetur, quanto immensius ac diuinius Augustæ virtutis opus fuit, nō modo nouum orbem inuenisse; sed inuentum iam legibus, institutis, variisque Artibus, & quod caput est, Orthodoxa religione, quæ humanæ salutis fons est & parens, præclaro consilio instituisse. Quod si laudatur Caroli V. Augusti Parentis elogium Austriacæ Cæsare dignissimum, quo, cum Mauris ad Algeriam depugnaturus, vbi exercitū suum loco accliuī, salebroso, & ob aduersas ventorum tempestates iniquo consistere videns, receptui canere iussisset, multis contra nitentibus; respondit, malle se vnum Christianum seruare, quam mille Mauros, mille Turcas, totidemque

Pænos

*Zend. in
vita Caro-
li V.*

Panos perdere; quæ non inusitata laudum præconia
conquirenda essent, si dicta huic factio Philippi verè Ca-
rolinæ virtutis heredis coarquare adniterer, qua tot Chri-
stianorum millia, per Hispaniam, Lusitaniam, cæteraque
regna & subiectas ditiones, vel hostibus crepta, vel recu-
perata, vel Deo & Ecclesiæ conciliata seruauit? tot Mau-
rorum, Indorum, Turcarumq; animis Satanæ abstractis,
Rex omnibus modis, vt verè maximus, ita Religiosissi-
mus Societatis nostræ minimæ opera in eam rem magna
dignatione aduocata, tot eidem vtroq; Orbe domiciliis
fundatis, dotatisque salutem dedit? Quare nos Regiæ illi
menti, quam cælo adscriptam, vita nō religiosè tantum
& innocenter, sed etiam sanctè acta persuadet, quam v-
nam possumus gratiam stilo atque elogio persoluimus;
cuius hæc semper erit clausula; cæterorum ferè homi-
num merita & nomen angustis Herculei freti terminis
includi; Philippi Regis beneficia vtrumque orbem com-
plexa neque vllis coërcita terrarum finibus; omnia cœli
climata, tractusque regionum amplitudine sua comple-
uisse. Sed iam ad fastidium inornatæ dictionis deuitan-
dum contrahenda oratio est. Dicerem alias Maximili-
anum id nominis I I. tum alias Societati addictissi-
mum, tum vero maximè, quando eam aduersus rebelles
nonnullosea in vrbe vbi ipsa domicilium habebat tuta-
tus est, literisque Ratisbona xvi. Octobr. anni c 15. 15.
LXXIV. datis cauit, ne nostris, & studiis Academicis mo-
lestiam negociumque facerent. non silerem Serenissi-
mum Tuum felicitis recordationis Parentem Carolum.
nō Parentis ad cœlum euocati loco Tutorem, & Patru-
lem RVDOLPHVM II. Aug. non Inuictissimum Mat-
thiam nunc Augustum. nō Serenissimum FERDINAN-
DVM BOHEMIÆ, & dum hæc scribimus, benè omina-
tis rei Christianæ auspiciis, HUNGARIÆ REGEM,
Germa-

Germanum Tuum; non ALBERTVM & ISABELLAM, Serenissimos Belgarum Principes, non MAXIMILIANVM Supremū Teutonici Ordinis Principem, eundemque Tirolensem & Alsatiæ Superioris Administratorem conticescerem, omnes vt Patriæ Patres, ita Societatis Amantissimos Patronos; ni amplissima eorum beneficia tam arctis finibus comprehendere vererer, & pro nostris dictis eorum facta loquerentur. Etenim quibus non locis varia, eaq; amplissima Societati domicilia regis prouentibus stabilita condiderunt, vel adiuuerunt? quoties Collegiorum, quibus pertenuē vectigal esset, dotem amplificarūt? quoties per interualla, vbi compererant res domi angustas, foris asperas, as sæpenumero alienum persoluere, remque familiarem ex vltima quadam paupertate ad honestum statum erexerunt? longum sit iter ad omnia; si quæ Hispaniæ, Germaniæ, & remotissimis terrarum regnis æterna Sociorum memoria recolenda, beneficiæ Austriacæ monumenta passim relictæ sunt, numerare velim. quam multa ex adolescentibus contubernia ad Catholicæ fidei propugnaculum excitata Societatis legibus administranda tradiderunt? quoties aduersus subdolos hæreticorum, & vel inuidorū vel Sycophantarum cauillos, infamiaque probra, Optimorum Principum decretis & subsidiis, Pragæ, Glacii, OEniponti, Olomucii, à Deo & Societate victoria stetit? vt non minus de nostra illi existimatione, quam nos ipsi solliciti esse viderentur. non attollam secunda oratione facillimos nostrorum aditus, non humanissimos Serenissimorum Principum congressus, quibus crebro tecta nostra magni hospites non ambizioso comitatu, sed ambiendo affectu exoptatissimi subire dignati sunt, nō sermonibus nostris voluptuosam quandam vereq; paternam patientiam impertitam, non externa quæ detulerunt commoda, non iura, non immunitates, quibus aucti sumus, non honorifica iudicia, quæ

de hoc Ordine semper fecerunt. quæ si animo repeta-
mus, plura citra omnem dubitationē ab Serenissima Do-
mo Austriacæ ad nos profecta reperiemus, quam si ex hac
ipsi familia prodiissent. Et vide amabo, SERENISSI-
ME PRINCEPS, quam nihil à me hæcenus exaggeran-
ter de effusa illa Sacratissimæ Domus Austriacæ beneuo-
lentiæ peroratum sit; cum è XXXII. Prouinciis, in quas
more institutoq; maiorum, vniuersa nostra IESV Socie-
tas per vastissimum terrarum Orbem ad vsque Antipo-
das tributa est, xx. faciliè, sub felicissimo Austriacorum,
moderamine contineantur; ex quingentis & vndesexa-
ginta domiciliis per hæc prouincias dispersis, CCC LXXI.
partim ab Serenissima Domo Tua posita, partim sub e-
iusdem patrociniò collocata sint; ex terdecies millenis,
centum & bisseis Sociis, qui Deo in Societate famula-
mur, (quorum quidem hoc anno labente numerum ini-
tū reperire potuimus;) supra octies millena, dena & octo
capita in variis Austriacæ Familiæ ditionibus, indulgen-
tissimo non tam Principum, quam Parentum amore ac
serenitate tuti degamus, quorū omnium vota in Vestram
salutem ita conferuntur, vt nemo fere pro se intercedat,
quin potissimam precis suæ partem pro Vestra incolumi-
tate apud Deum Opt. Max. interponat. Vestræ namq; be-
neuolentiæ aura velificantes, nihil maleuolorum turbines
sinistra omnia & læua occincentes reformidamus; sed Al-
cedonia nobis promittimus, tamque tranquillum mare,
quam est illud olim, cum Alcedo pullos educat suos,
vnde non ab nostris tantum, sed etiam ab exteris inter cæ-
tera Augustalium decorum elogium, illa quoque, publi-
cæ salutis Propugnatorum, libertatis Af-
fectorum, & quietis Fundatorum
merito reportatis.

*Catalogus
Prouinc. &
Dorum
Societ. po-
strema edi.
Augusta.*

CA

CAPVT IV.

SOCIETATIS IESV IN AL-

SATIAM EVOCATIO, FVNDATIO, ET

*vsque ad tempora SERENISSIMI*LEOPOLDI pro-
gressus.

QVIs enim cum M. Tullio illam animi celsitatem & magnitudinem non extollat, quæ Optimos Principes præsertim & Heroas inuitat, ut exoptent pro omnibus Gentibus, si fieri possit, iuuandis & conseruandis, maximos labores molestiasque suscipere, & vel Herculem illum imitari, quem beneficiorum memoria immortalibus adscripsit, vel Epaminondam præclarum Thebanorum Principem, de quo scriptum extat, cum Thebani diem festum agerent, vinoque soluti sine cura iacerent, hunc Principem solum vigilasse, & armatum concursasse; cumque familiaris sciscitaretur, an solus voluptatis publicæ expers ageret; ita sanè, respondisse; namque muneris esse sui vigilare, ut ciues dormiant; à vino abstinerere, ut illi sine metu perpotare queant. Atque huius virtutis & communis beneficentiæ decus eximium in Christiana rep. clarius exprimere verè Catholici Principes & Magistratus studuerunt, qui opes quas vel possident, vel colligunt, non tam sibi, quam patriæ congerunt, & in rerum administratione non tam de suis commodis, quam de reipub. salute, deque Christiana Religione, qua vna vera salus nititur, cogitant; vsque adeo, ut dum ciues tranquilla pace & ocio honesto frui queant, ipsi labores ingentes libentissimè tolerant, & ut subditorum æternam salutem propagent, sponte sua ipsi vitam etiam in summum salutis periculum adducere non vereantur. Vnde

*Plutarch.
in Epamin.*

& ipsi hoc consequuntur, ut ubi constiterit tanta eorum esse merita, & præclara beneficia in Christianum populum existant, ab omnibus & mirifico colantur honore, & eximio amore comprehendantur, ut nemo Civium non paratus sit pro istiusmodi Principum salute & dignitate fortunas, opesque profundero, & quodvis etiam vitæ discrimen adire. Sane Alexandrum Macedonem meminimus, cum vivens maximis ubique encomiorum laudibus in coelum eueheretur, dixisse quandoque, cupere se cum in viuis esse desisset, post aliquot temporum spacia ideo ad terras redire, hoc solum periculum facturum, num post mortem quoque illum tam honorifica celeberrimi nominis elogia sequerentur. Eo nos metu Te, SERENISSIME PRINCEPS, liberamus, quando Optimorum Collegii huius iam vita sanctorum Parentum gratissimam omnibus memoriam ad præsentis gaudii demensum repetimus; ne memoriam eorum, quorum in ipsis Collegii constituti primordiis liberalitatis & beneficentiæ fructum adhuc quotidie in oculis servimus, exuisse convincamur, quibus nullū tribuisse studium, & animi esset in vita functos parum grati, & agrestis cuiusdam magnorum meritum oblivionis. Itaque cum sub annum depulsæ per Christum natum servitutis. M. D. LXXIX. Erasmo è Comitum Limburgiorum familia, vita sancto, IOANNES ex Illustri MANDERSCHIEDTIORVM COMITVM profapia, magna omnium bonorum gratulatione subrogatus fuisset, & ad huius Nobilissimæ Sedis amplitudinem ac gloriam, atque ad res magnas in imperio pro Religione & Dei gloria fortiter Sapienterque gerendas magna illi Deus præsidia ingenii & virtutis adiunxisset, ea profecto non avarè in Ecclesiam ipse suam refudit: nec minorem sibi apud cœlestes gloriam, apud terrestres famam peperit, quam superiōribus annis ex eadem domo Guilhelmus, qui Prumiense, Stabulense, & Malmundariense, amplissimi

IOANN.
ex MAN.
DER-
SCHEID-
TIORVM
Comitum
profapia
EPIS C.
ARGENT.
Collegii
Molsheim.
FVNDATOR.

plissimi nominis monasteria obtinens, Sapientiæ, virtutis, prudentiæ ciuilib, Religionis, aliisque animi dotibus eximius, operam suam in Senatu Imperii, Maximiliano & Carolo inprimis commendarat. Cæterum cum in difficillima & Nouatorum motibus turbulenta tempora incidisset, cum animo suo reputans, quantam vim ad priscos mores reuocandos, & temerariæ Religionis damna facienda, nec non ad tuendum antiquæ pietatis splendorem educatio institutioque iuuentutis obtineret, vt scilicet inde remedium publicis moribus animisque deprauatis existeret, vnde Sacrorum omnium labes atque perniciēs obrepserat; sapienter ad instituendum Ingenuarum Artium Gymnasium ac pœne iacentes in Alsatia literarum disciplinas excitandas euigilauit. creuerat, &, quod ante insinuaui, sub Serenissimorum Austriadum tutela, paruis quidem initiis olim enata, sed diuinis mox incrementis longè lateque per Germaniam sese diffuderat Societas Nostra, cui statio in ordine Cleri partim OEcumenici Concilii Tridentini autoritate, partim volente & approbante Christi Vicario est attributa. Huius ergo disciplinæ atque instituti homines vbi comperit Princeps, pro sua quidem virili parte ad affectas iam pridem Christianæ reipubl. res subleuandas opem industriamq; conferre, & præter vsitata Sacramentorum præsidia, animorumque sedulam ac quotidianam tractationem, puerilis etiam ætatis doctrina imbuendæ, & Christiana virtute, quod caput est, excolendæ munus sustinere; zelo Religionis, & Optimorum tum Imp. tum aliorum Imperii Procerum exemplis permotus, gratum ei optatumque fuit, in sua quoque Diœcesi, adcoque in Germaniæ luce Societatis IESV homines spectari, qui tradēdis æquè pulcherrimarū Scientiarum & certissimæ Religionis institutis, prauisq; hæreticorum erroribus refellendis, sua in ditione dignitatem locumque tuerentur. Quamobrem datis li-

teris primum quidem ad HERMANNVM TYRÆVM Nouesiensem Prouinciæ Rhēni Præpositum, anno salutis septuagesimo nono supra sesquimillesimū, ac eiusdē haud multo post Successorem FRANCISCVM COSTERVVM Mechliniensem nota eruditione vitæque integritate virum; eorundemque monitu ad EBERHARDVM MERCURIANVM Societati Vniuersæ id temporis Præpositum Generalem, primo quoque tempore Societatis IESV alumnos accersendos, & ad perpetuum inditione sua domicilium inuitandos existimauit. P. Mercurianus accepta Principis voluntate, quod Societatem ipse perhonorificè missis literis expetiuiisset, eiusque ad immortalem Dei gloriam propagandam pertenui infirmæque opera uti iam certum haberet, id vero gratum sibi iucundumque accidisse respondit. dedisseque in mandatis Præposito Prouinciali, uti Illustrissimum Principem cum spectata virtute doctrinaque Sociis adiret, quicum de constituendo domicilio coram agere, & alia quæ ad salutem Ecclesiæ mente complexus sit, negocia communicare possit. Ergo sub annum M. D. LXXX. IACOBO ERNFELDERO è Nemetum ditione, primo Collegii Rectore constituto, Scholarum initium VIII. Kal. Aprilis datum est, iuuentute, quæ non tam numero, quàm flore & indole æstimaretur, adcurrente. Mox anno sequente, domum, quæ nunc horto ad Meridiem adiacet, ponere adgressus, Idibus Martiis, (quæ superiore anno Socii primi in Alsatiā & hanc domum ingressus aniuersariæ fuerant,) angularem fundamenti lapidem, sua ipse manu solemnī cærimonia collocauit, illudque palam, cōtestatus est, nihil se in hoc opere aliud, quam Dei honorē, Ecclesiæ Catholicæ decus, & nostræ Societatis suæq; Diœceseos commodum spectare. Ex quo tempore quantopere hoc Collegium indulgentissimus

tissimus Parens ac Princeps adamârit; idoneis verbis explicari non potest. nam in summa annonæ caritate Collegii fabricam absoluit, & inopiam Collegiarum frumento, variaque tum domestica & libraria, tum sacra suppellectile leuauit. insuper domum cum templo Sacelloque Deiparæ Sacro, veteri illo quidem, sed ob loci sanctitatem multis abhinc sæculis frequentissimis Alsatarum supplicationibus celebri, attribuit; voluitque publicum donationis diploma extare, quo cōstaret fundum, Collegium, templumque ipsum, vnaque domum hospitalem, cum, vniuerso annuorum reddituum prouentu, consentiente & vero etiam adprobante Illustri Procerum Cathedralium coronâ, optimo donationis iure Societati transscribere; adiutantibus fauore eximio, & subscribentibus Illustribus Heroibus, Christophoro Ladislao Comite à Nellenburgh & Domino in Tungen, Argentinensis Ecclesiæ Præposito, Amplissimo item & Illustri Domino Arnolfo à Manderfcheidt & Blanckenheim Scholastico, R^{mi} & Illustrissimi Fundatoris Fratre Germano, & Ioanne Comite à Salm Domino in Riefferscheidt Camerario, qui totius Collegii nomine, cum Principe communi diplomati sub annum M. D. LXXXII. die Virgini Deiparæ Cognatam visitanti Sacra, in Arce Dagstein confecto, stipulata manu subscripserunt: GREGORIO deinde XIII. Pontifice Maximo, An. M. D. LXXXIV. Pontificatus sui duodecimo, V. die Kalendarum Maii factam donationem confirmante. Habetur etiam in manibus, eiusdem Illustrissimi Fundatoris alterum diploma, quod ann. M. D. XC. pridie Non. Decemb. dedit, cum hoc sanè peregregio Societatis elogio, constantis & intimi amoris indice; quod Societatis homines iuxta laudabile suum institutum à Sede Apostolica, ipsoque Sacro Occumenico Tridentino Concilio approbatum

Cœcil. Trid.
sess. 25. ca.
16.

probatum, iuventutem, quæ omnium Ordinum reipubl. Christianæ seminarium est, & à qua totius Ecclesiæ incolumitas pendet, non minus Christianis moribus quam L.L. disciplinis indefesso labore singularique industria imbuant. neque fundis tantum auctisque vestigalibus Optimi Collegii Parentis gratam & vtilem sensimus humanitatem; sed preciosis etiam Sacrisque donariis mirificum quandam pietatis cumulum experti sumus. Nam præter crani D. MATERNI primi Alsationum Apostoli partem, dimidii palmi magnitudine, celebrem venerandæ antiquitatis CRUCEM, quam in thesauro habuerat, Collegii templo consignavit. Longa est pedes XII. tota lamellis argenteis inauratis, variis item signis, ac lapidibus preciosis oblecta, cui multæ Sanctorum reliquiæ inclusæ creduntur; quam referunt annalium documenta, per Carolum Magnum Hierosolymis reducem Coniugi pro munere aduentorio donatam; eandemque deinde per Hugonem Burgundiæ Ducem Camelo impostam, permiffa ei via quâcunque tenderet, demum ad Cœnobium. Madermünster ad montis Altitonæ radices deportatam, quæ nuperis hæreticorum furiis intercepta, sat magno ære redempta ex Harpyiarum vnguibus in auitam possessionem reuertit. Cumque secundis, ceu putabamus, rebus potiremur, vt sunt incertæ hominum prouidentia, VI. Nonas Maii Anno M. D. XCII. subita R^{mi} atq; Ill^{mi} Fundatoris mors in magnum non Alsatiam modo, sed etiam Collegium luctum & periculum præcipitavit. Si quidem hostes destitutæ Vigilantissimi Principis funere Diocesin & Illustrem Ecclesiam Patrono ac Præsule suo videntes orbatam, cum iam vim ante leges ferrent, & patefactam scelèri viam crederent aduersarii, denuo Ar-

genti-

gentinensem patriam in extremum Religionis & fortunarum discrimen adduxerunt. Quippe Satana rursus zizania spargente, & diuisis in contraria studiis, cum pars altera Ioannem Georgium Ioachimi Brandenburgici Filium tutorem accersisset; pars integrior & Catholici nominis, FRANCISCO DECANO BARONE A CRICHINGEN immortalī laude viro, comitis in diem v. Id. Iunii indictis, Tabernis Alsatiaē bono laudatoque parentum more, Carolum Cardinalem à Lotharingia Caroli III. Ducis Optimi ex Claudia Valesia Regis Henrici Filia sobolem, ad Lotharingicæ Gentis splendorem, & vicinæ Argentoratensis Ecclesiæ salutem natum Principem, Brandeburgico opposuit. Quam iudicii Sapientiam, & suffragandi maturitatem ab cælesti vtrique numine magno veræ fidei Zelotæ Francisco subministratam, euentus docuit non opportunam solum huic Diocesi, sed vel vnicæ salutarem fuisse. Nam posteaquam factio militari furore inflammata, in circumiacentem sese populum infudit, dum exulcerati Procerum animi similitate odioque multifariam vtrunque distrahuntur, dum Protestantium Heluetiorum, Anhaltini, & aliorum male pacatorum Principum auxilia vndique accersuntur; quis non actum de Molshemio, Alsatia, maiorum hæreditate, & vinea Domini Sabaoth conclamasset? ni Lotharingicæ supra omnem inuidiam eminentis Stirpis, cuius Sapientissimis consiliis, religione, fide, atque inuicta animi fortitudine regnum Franciæ quondam incolume stetit, per suæ familiæ insigne decus salutem in tempore attulisset. Itaque vt in iugis Aetnæ montis, vbi maximè vrit flammæ, exoriri iuxta viridantes herbas & efflorescere dicunt; ita Caroli Principis iam maturescēs virtutis inter ipsa bellorum incendia sese in florem induit. qui ex Gymnasii vmbraculis egressus sub Annum 1610. x c. honorifico Romæ de se facto iudicio, per Sixtum Pontif. Max.

CAROLVS LO-
THARIN-
GVS S.R.
E. Cardin.
EPISC.
ARGENT.
COLLE-
GII AM-
PLIFI-
CATOR.

Cardinalitii fastigii insignia consecutus, post magnos ei omnium Ordinum habitos honores, amplissimæ prouinciæ munus accepit tres Ecclesias Cathedrales procurandi cum potestate Legati de latere; quod munus à Gregorio XIV. ipsi mandatum in Prouincialibus Ecclesiis, Tulli, Virduni, & apud Mediomatrices, quanta fidei, iustitiæ, zeli, & æquitatis fama gesserit, ipsius acta vitæ cumulatè loquuntur. Eiusdem itaque Principis præcipua laus hic enituit, quod ubi nullus iam consilio & auctoritati locus superesse videretur, CAROLVS hic felicibus armis hostem ferocem fregerit, Urbem Argentoratensem in officio esse iusserit, Ecclesiam defenderit, pacem reduxerit, tot feris Religionem incurfantibus sæpem se interposuerit, & steterit oppositus, ne ferus aper eam tremefactam concussamque penitus dissiparet. Porro deformato iam Alsatiæ statu, in magna gladiatorum impunitate, cum extrema subditorum bellis diuturnis clades emergeret, quo aliquem in hac tempestate velis remisq; cursum teneret, & ceu quidam Irenatcha pacem armis præcoleret, in concordiam tandem aliquam vtrimque partes coiere. Dehinc languescētem & opibus exinanitam Ecclesiam præsidii inclytæ pietatis, fortitudinis, ac iustitiæ non crexit modo, ac recreauit; verum suo iam progressu superioris Antistitis vestigia premens, excellenter & ingentis virtutis gloriæque fama gesti Magistratus confessionem etiam hostibus expressit. nec tamen interim à Collegio exornando ampliandoque Princeps Optimus temperabat; siquidem Scholarum ædificium, quod ad Occidentem Collegii habitaculo aduersum est, & ad Meridiem Illustrissimi Fundatoris domicilio iungitur, inædificauit. Princeps, ut pace togaque felix, & ferreo isthoc sæculo belli non expertus, ita magnorum in Societatem & hoc Molsheimense Collegium meritorum copia, immortalis nobis memoria recolendus. Habuitq; Academiam hanc condendi &

di & instituendi cogitationem, nisi eam in medio gloriæ cursu (Deo hanc Tibi, SERENISSIME PRINCEPS, consummatæ beneficentiæ coronidem reseruante) immatura mors intercepisset. Siquidem ingenti omnium mœrore, quibus eius virtus, pietas, & animi fortitudo vel præsens inspecta, vel absens fando audita erat, morbi immissi vi diuturna, quassato corpore, ad patriam deuectus XXIV. Nou. pridie S. Catarinæ, Anno c. 10. 10. CVII. Nancei omnibus diuinis prædiis & Sacramētis rite procuratis cœlo, vt piè credimus, immigrauit. cuius immaturo excessu, Cathedralæ quatuor Ecclesiæ, tum multas quas vel instaurarat, vel aliunde accersitas fundatasq; regia magnificentiâ ornat, Religiosæ familiæ, damnurn ingens fecêre, sed & subtractum publici exempli decus, & quod huic loco proprium est, Episcopatu Argentoratensi, cuius CONSERVATI titulum & præconium apud Seros posteros promeruit, ingens vulnus inflictum. Corpus Nancei in primaria Æde funeratum, quam vt perennibus Sacrorum Officiis cumularat, ita eius erigendæ auctor & potior pars merito ab omnibus colitur. Eum igitur nemini bonorū dubium esse potest, illa tot regionum munerum ac benefactorum remuneratione affluenter in illo beatarum mentium cœlesti domicilio frui, quæ tot egenis, Deoq; dicatis hominibus benignissimè impendens, apud Deum in sænus, sibi in thesaurum, immortalitatis memor, reponebat. In qua felicitatis sede beatam illam Caroli Principis animam equidem toties accessorio quodam, eoque haud vulgari gaudio, velut epimetrio affici crediderim, quoties in hanc ab se relictam Argentoratensis Ecclesiæ orâ prospectans, Te SERENISSIMVM SVCESSOREM, quem hic viuens in oneris honorisq; partem adsciuerat, omnia illa immortalitatis opera, quæ ipse vel cogitatione, vel desiderio complexus erat, tam feliciter exequi; & quæ maxima est gloria, se in concepta id

236 LIB. IV. PANEGYRICI
temporis tum de egregiæ in Deum & Ecclesiam munifi-
centiæ, tum cęterarum Virtutum Austriacarum expecta-
tione minimè falli contemplatur.

CAPVT V.
SOCIETATIS IESV SVB
SERENISSIMO LEOPOLDO INCRE-
mentum, coloniaque per Alsatiam
deducta.

ESTQUE hic vnanimis omnium bonorum in Orbe
Christiano concentus, eam in Serenissima Domo
Austriaca munificentiam erga Religiosos & litera-
tos perennasse, vt iure optimo saluberrimis quibusdam
fontibus comparari posse videantur, vnde in tot homi-
num milia sani consilii, recteq; sapiendi riuuli manarint.
quorum gubernatio, cum in difficillima reipub. tempora
incidisset, illi ad Religionem redintegrandam, ad instau-
randa literarũ studia, ad ipsum ciuilem statum stabilien-
dum, ad veteres omnium pœne rerum recrudescentes
ruinas erigendas, eos sibi perpetua quadam tutela fouen-
dos esse duxerunt, quos pro sua virili ad hoc conniti ad-
uerterent, vt, si qua parte respubl. Christiana detrimenti
aliquid cepisset, id sapientiæ, pietatis, religionis studio re-
sarciretur. quæ res ista præclarissima nomina peperit, vt
PATRES PATRIÆ, RELIGIONIS CATHOLICÆ
DEFENSORES, CONSERVATORES CIVIVM, OR-
BIS TERRARVM DELICIVM, VRBIVM POPV-
LORVMQVE RESTAVRATORES omnium pœne gen-
tium linguis appellarentur. nempe hæc est istorũ omnium
effectrix & parens Sapientia, quam Regum omnium vt
Sapientissimus ita fortunatissimus Salomon à solio suo
Regio

Regio nūquam abesse summis votis exoptabat; vti è qua pulcerrima illa & salutaris rerum publ. omnium *utilitas* consequatur, quæ exuberantem bonorum vbertatem quasi è beatissimo copiarum cornu longissimè latissimeque diffundat; quæ deinde in ipsum quoque Regem perpetuo quodam amne refluens, aucto indies meritorum cumulo, reciproca inundatione redundet. Tiberium Constantinum Imp. pace & bello præstantissimum, inprimis vero in egenos & literatos beneficentissimum, cum multa quotidie pauperibus, nec pauciora doctis largiretur, ab Sophia Augusta obiurgatum, quod fiscum imperialem nimia in pauperes & doctos liberalitate exhauriret, respondisse accepimus; nunquam defuturam pecuniam, quamdiu vel pauperes stipem accepturi essent, vel literati reipubl. profuturi, addiditque dignæ vocis oraculum; magnum esse thesaurum stipem pauperum. neque huic absimile Imperatoris Leonis efatum, qui ab purpuratis reprehensus, quod Eulogium hominem pium & eruditum ad ludum in vrbe apèriendum profusiore stipendio euocasset; quod in belli præsidia potius erogandum fuisset; respondisse fertur; nullam se à Deo maiorem felicitatem optare, quam vt omnes militiarum sumptus in literarum scholas & contubernia eruditorum profundere liceret. nec abs re fortassis erit, SERENISSIME PRINCEPS, Saluianum Episcopum Massiliensem hic produxisse, quem Eucharius viri sanctitate & doctrina eminentè, Gennadius Episcoporum sui tēporis Magistrum, alii quasi noui Hieremiam vocarunt; is volumen quadripartitū nomine Timothei ad Ecclesiam toto terrarum Orbe diffusam exarauit, quo grauius fideles commonefacit, ne in terra, verum in cælo thesauros sibi aceruarent; cō quod vniuersi simus precarii rerum, quibus hic fruimur, possessores; quas tamen licet nobis Dei

G g ;

bene.

beneficio in res cælestes commutare. idemque grauissimis verbis in eos inuehitur, qui tã præclaram regni semperiterni obtinendi occasionem præteruecti, sicut in vitæ terrenis rebus vsquequaque affixi fuerunt, ita eundem affectum (quem stultum appellat) in extremis mordicus retinent, nec quæ possent, imò quæ deberent bona Ecclesiæ, egentibus, piisq; rebus destinant; sed sæculo & terræ duntaxat relinquunt, & cum, vt dici solet, Sapientia in exitu canatur, cumque illos qui Sacri altaris dignitate præminent, tantum alios merito, suæque salutis procurandæ industria excellere oporteret, quantum gradu antestant; eos vel maximè hac in consanguineos agnatosque mollicie dementatos luget, id quod grauiter & Concilii & SS. Patrum consultis norunt esse interdictum. Interim honore illo quasi gratiño abutentes istud consequuntur, vt velut homines nauci, cum exacto vitæ mortalis curriculo ad rationem Supremo Pastorum Principi reddendam euocantur; nullum aliud habeant argumentum quo se probent diu Ecclesiam administrasse, præter ætatem. Quamobrem gratulor plurimū bonis omnibus, hoc tempore Pontificem huic Diocesi Austriacū singulari Dei prouidentia obuénisse, optimorum Antistitum veteris æui quam simillimum, id est, perpetuo de iuribus Ecclesiæ suæ conseruandis tuendisque, de prisca disciplina, sicubi collapsa est, reuocanda, de affectis Clerici ac Religionis partibus persanandis, deq; famissimis scientiarum Artiumque Liberalium præsidis comparandis laborantem: deinde etiam, Tibi, SERENISSIME PRINCEPS, ad quem propter arctissimam Sanguinis Austriaci communionem, amplissima huius felicitatis gloria, tanquam iure quodam possessorio deriuatur; Teque ipsum impellit, vt domesticarum voluptatum, vrbanoꝝ cōmodorum & propriæ quietis oblitum, omnia aut peregrinationis, aut concursationis, aut vigiliarum, aut laborum

rum incommoda respicientem, non pigeat multiplices, quæ hoc rerû statu incurrunt, in rep. Tibi commissâ difficultates magna animi alacritate exforbere. neque enim ignotum est toti Imperio, quanta animi magnitudine superioribus annis, cum in Iuliacenſis negocii incendio latius erumpente Rodulphi Augusti ſel. Recordationis iuſſu, cuius autoritas exulcerata fuerat, præſidium Iuliaco abſ Te impositum fuit; vnus aduerſus tot Principes, totque Francorum, Anglorum, Hollandorum copias, totque heterodoxæ ſectæ reſp. & ciuitates, iuſto peſtiferum equeſtriumque exercitu conſtato, tormentis cæteroque bellico apparatu contracto, vi armorum ius extorquere parantes, non ſine grauiffimo capitis Tui periculo diſpendioque fortunarum, prudentiam, fidem, magnanimitatem Cæſari, Orbique Chriſtiano egregiè probaſti. Neque innata Tuis Alſatis gratitudo patietur cos obliuiſci tum dolorem illum, quem accepisti, cum iniurioſa inuidioſaque Principum quorundam & vicinorum conſpiratione, armis Alſaticam Tuam ditionem contra ius faſque, cum non mediocri hominum, pagorû, & pecorum ruina concuti intelligeres, tum indefeſſam illam virtutem, quæ nullo aut labore moleſtiaque fracta fuit, aut negotiorum multitudine ſuccubuit, aut tædio vel ſatietate relanguit; ſed eodem ſemper curſu, nihil vnquam vel clandestinis Satanæ conſiliis, vel ſubdolis hæreticorum machinationibus conceſſit; quin & complures clientelas in commune Patriæ bonum ad liquidum reuocaſti, & longius diſiecta atque in certamen adducta iura in priſtinâ poſſeſſionem & æquabilitatē, velut poſtliminiò reſtituiſti; & in publicam ſalutis curam totus inardeſcens, commiſſum Tibi à Deo Alſatarum Tuorum patrociniū, religionis quæ auitæ tutelam conſtantiffimè tutatus es. tum vero etiam pii omnes prædicabunt inexhauſtum Tuæ benignitatis fontem, quem in diuerſos Deo dicatarum.

Fami-

SERENIS-
SIMVS
LEOPOL-
DVS A-
CADE-
MIÆ
MOLSH.
FVNDAT-
OR.

COLLE-
GIORVM
in Austria
BENE-
FACTOR.

PASSA-
VIENSIS
FVNDATA-
TOR.

SERE-
NISS.
primus
Molshe-
mium in-
gressus.

Familiarum Ordines, verè Austria, hoc est, pia & munifica quadam largitate quaqua uersum deriuasti. Sed quod huius potissimū loci ac temporis est, illa cum primis beneuolentia nobis non erit silentio inuoluenda, quæ Societatem nostram complexa non vnus alteriusue Collegii finibus terminatur, nam & in Austria VIENNENSIS COLLEGIO, post grauissimam fatalis incendiū iacturam, aliquam multis nummū millibus succurristi. & LINTZENSES nostros adiutaſti & pronuper KREMBSEN- SI COLLEGIO, per Illustrissimos Comites ADOLPHVM ALTHAIMENSEM, & ELIZABETHAM Coniugem Krembsii opportuno Austriæ loco, amēnissimoque ad Danubium situ, Augustum Templum Tua benignitate attributum, fundusque Domui Gymnasioque condendo abs Tua Serenitate assignatus est. PASSAVII vero ciuitate, Ptolomæo Boioduri nomine, nobilissima, Danubii, OEni, & Illiceti fluminum propinquitate ad instar peninsulæ commodissimo opatissimoque situ, quam olim Carolus Magnus, vti & Laureacēsem Ecclesiā, regia liberalitate exornauerat, de Tuo solius peculio, bonisq; hæreditariis, in magna temporum difficultate, Gymnasio, & Collegio à fundamentis exstructo, additaque celeberrima Bibliotheca, nullis delendam temporum iniuriis, nullis terrarum aut marium interuallis non prædicandam FVNDATORIS ac PARENTIS munificentiam nostris animis altius defixisti. In hac certè Alsatia Tua vel nolētibus (si quidem id fieri potest,) semper versabuntur ob oculos in Collegiis, Templis, aliisque mobilibus, in luculentissimis foundationibus, donariisq; æterna, tanto tamque pio Principe dignissima monumenta. Venisti, vt Principatum hunc Tibi iam antea cōsentientibus omnium votis delatum capeſſeres, & difficillimis maximisque itineribus, hiemante cœlo, sub annum c. 10. 10 c. 11 x. die, qui Epiphaniam Domini præcurrit, sub crepuscu-

crepusculum vespertinum **MOLSHEMIUM** magna omnium gratulatione acceptus, iniuisti. cum primū enim Te aduentare multitudo senserat, continuò patefactis effusa portis, occupare spectandi studio vias, atque ingenti lætitia Principi & Pastori suo obuiam prodire gestiebat: postero die, vt delicias Tuas tum pietatem, tum Societatem esse ostenderes, ab Clero silenti ac religioso agmine, comitantibus septem Cœnobiorum Archimandritis, solemni habitu, cum dilecto Ciuiū ordine deductus, matutinis quidē horis diuinæ Liturgiæ in Æde Cathedrali; vespertinis vero precibus in Collegii tēplo interesse voluisti. mox testā Collegii magnus hospes subire dignatus, iisdem diebus cogitationē suscepisti, partis illius, quæ Scholis ab Serenissimo **CAROLO** decessore positis, ad Orientem parallela est, nouo domicilio ad maiorem Collegii amplitudinem & commoditatē exornandæ. quod & magnificè præstitum; cœnatione, musæo, ac conclauibus ad vsum nostrorum accommodatissimis hodie videmus, & fruimur. Estque nunc ea Collegii Gymnasique facies, quæ ad sui contemplationem viatores vel nolentes excitet, ea patentis introitus amplitudo ac dignitas, vt quantamuis turbam facile admittat & reddat, ea symmetria singularum partium & elegantia, vt non modo novos oculos & peregrinos, sed assuetos etiam teneat atque oblectet; maleuolorum autem animos ita configat, vt inter cætera, quæ nobis opprobrire solent, etiam hūc arietem, grauem scilicet, muris nostris incutere subinde soleant; quasi ea ædificiorum amplitudo, paupertati religiosæ officiat. in qua tamen & hic & alibi Principes Optimi suæ potius munificentia beneuolentiæque, quam nostræ vitiæ inopiæ rationem habendam esse duxerunt. Quis vero non iam dico sperare, sed vel cogitare poterat, inter tantas ferocientis Satanae oppugnationes, nostris tam graui tempestate bellorum non modo nuper, sed etiam sub

*Vid. Adam
Contem-
in Secret.
Societ.*

H h

benefi-

beneficētissimis felicis memoriae Antecessoribus, IOANNE Collegii Fundatore, cum ad XL. millia insolentissimorum militum sub hæreticis Ducibus in Alsatensem agrum irrupissent, & inter cætera vel insolentiæ vel rapacitatis & sacrilegiorum facinora, Templis, Cœnobiis, Collegioque ipsi exitium minitarentur; tum sub Serenissimo CAROLO, in factione Brandeburgica, dissipatis omnibus Collegii membris, & vectigalium tenuitate tot populationes consecuta, Collegiū ipsum tot affectum detrimentis, tamq; iniuriosè habitum, quam haberi potuisse in tanta militum licentia cogitare promptum est; in ipsis fere tempestatum confinibus ad eam dignitatem emerfurum, ut ARCHIDUCALI ACADEMIA exornaretur? Ad hanc itaque Molshemensibus Tuis, ut patriæ ornamento esset & emolumento, transcribendam, animum serio appulisti, quam etiam annui census auctario locupletare dignatus es. & quod in ruinosa licet veteris Templi structura, petere non audebamus, Tu ultro verecundia nostræ occurrens, TEMPLVM dignum amplitudine Austriaca, designationis primordiis ipso die S. LEOPOLDI captis, primum deinde lapidem algente coelo, mense Februario, adstante & vero etiam animo manuque fauente Reuerendissimo Serenissimoque CAROLO ARCHIDUCE, EPISCOPO BRIXIENSE & VRATISLAVIENSE, Fratre Germano, qui commodum in rem præsentem venerat, solempnibus carimoniis per Reuerendissimum Adamum Antistitem Tripolitani Suffraganeum Tuum initiatum, apertis fundamentis posuisti; cuius haud multo post absoluti extypon dare in animo habemus; ut iam haud iniuria gloriari possimus, Societatem in Alsatia sub Illustrissimo IOANNE Collegii FVNDATORE natam, Sub Serenissimo deinceps CAROLO LOTHARINGO adolescentem, deniq; sub Te Serenissimo ACADEMIÆ PARENTE, ad excessum

quen-

quendam amplitudinis gradum & quasi maturitatem omnibus tam Religionis, quam Sapientiæ præsiidiis emergentem, esse iam tandem in robusta ætate collocatam. Neq; cōtentus fuisti, SERENISSIME PRINCEPS, Molsheimensibus Tuis regiam liberalitatem exhibere; sed tanquam communis totius Alsatix Parens, foras etiam extra Molsheimium eandem beneficentiæ largitatem protulisti. Nam & HAGENOÆ, ciuitate Alsatix Imperiali Matram inter & Somam posita, Collegio fundando dotandoque vna cum Amplissimi, & quoad Catholicam fidem sinceriore Senatus parte, in FVNDATORIS cōsortiū venire non es aspernatus. qua re non iniuria plus dixero dignitatis decorisque Ciuitati illi cæteroqui florentissimæ accessisse; quam olim, cum sub annum M. CLXIV. Fridericus Barbarossa muro illam, agris, ædificiisque stabiliiuit, & Cæsario palatio, quo S. R. Imperii cimelia insigniaque Caroli Magni Augustalia asseruarentur, exornauit. Inde sub annum M. DCXV. adulto Ianuario, cum SELESTADIVM (Heluetum Antoninus dixit) inter Nobilissimas Alsatix Vrbes merito numerandum, & partim loci natura, partim Elli siue Illi fluminis beneficio egregiè communum venisses, ab tota Ciuitate gratanter acceptus, inque Ædem Sacram, quæ Præposituræ S. FIDEI adiacet, (quam anno M. CLIII. Richardem siue Hildegardem Sueuiæ Principem Friderici Barbarossæ supra commendati Matrem fundasse veteres mēbranæ perhibent) deductus, Te vniuersa Præposituræ iura, quæ quidem etiam nū super sunt, annuentibus Illustribus Argentoratensis Ecclesiæ Sacri Cleri Proceribus, Collegio Societatis ibidem constituendo, plenissimo iure dare, dicare, addicere, Deo auspice, Cess. testibus, & cupere in primis, vti ea res in maximam eius gloriam, summum decus felicitatemque Alsatix, Ecclesiæ, Selestadiensem, & Societatis cedat, palam edixisti: Ciuitate interim ob tam egregiam eius dici ra-

HAGENOENSIS cum Ampli. Senatu FVNDATOR.

SELESTADIANI FVNDATOR.

ramque speciem insolito perfusa gaudio; emicabant ex D. Dominici familia Patres, è quorum numero fuit, qui Ciuium, Clerique nomine, pro suo in Societatem affectu, Tibi, SERENISSIME PRINCEPS, de hoc Societatis inductæ beneficio, vt ipsi interpretantur, gratias diserta oratione diceret. Eandem vero Tutæ Octoviris rempub. administrantibus impensè commendasti, tantam interim hilaritatem præferens, vt beneficium non dare, sed accipere videreris. & fuisse operæ precii, quæ Dei bonitas est, felix euentus hodieq; docet; cum ex eo tempore & in Vrbe, & in agro, consueta Societatis munera fructu non pænitando per nostros ad Dei gloriam obeuntur, quæ in Te Serenissimum SELESTADIENSIS Collegii Parentem, ceu fontem merito redundabunt. Videmus itaque, SERENISSIME PRINCEPS, quam iure merito eundem honorificum FVNDATORIS titulum, quem supra RVDOLPHVM id nominis è maiorib. tuis IV. (qui princeps inter omnes Serenissimos Exarchos Academiae Patrens, idemque Cœnobiorum multiplicium partim fundator, partim reparator fuit) tulisse meminimus; eundem inquam pronuper Vir doctus luculento, quem publici iuris fecit, & Serenissimæ Domui Vestræ consecrauit, volumine, Tibi adscripserit. Ac potestne sempiternos non induere fructus palme ille, qui ex tam generosa & fecunda semperque sui simili vite prodiit? potestne à Cæsarea stirpe degenerare, quæ sicut tot Cæsarum gloria sublimis, omnes omnium temporum anteaكتورum monarchias magnitudine atque diuturnitate Imperii anteuertit, ita cælestibus semper grauidata muneribus, non modo fecunditatis perpetuitatem tenuit, sed nouo insuper sætu liberalitatis læta, vberiora indices multiplicium meritorum incrementa in Orbem Christianum propagauit? Habebis ergo, SERENISSIME PRINCEPS, pro isthac Tua erga Societatem nostram minimam Augusta munificentia,

V. C. Theodericus Piefordius in Stem. Habsburgi Austriacis Bruxellæ ed.

ficentia, homines in terris testes & admiratores; Deum vero olim in coelis remuneratorem; Socios denique apud eundem deprecatores, vti nos sub Serenissimo Tui Nominis præsidio quam diutissimè tutos tectosque conseruet, quo ad Votum Tuum, quod vnicè Tibi cordi esse in hac Academia potissimum constituenda palam fecisti, pro auita Religione stabilienda, firmandaq; repub. labores, ingenia, & preces quanta maxima possumus animi contentione referamus.

CAPVT VI.

QVOD SERENISSIMVS

LEOPOLDVS ACADEMIAM MOLSH-

mensem ab se Fundatam SOCIETATIS IESV

gubernationi commendarit, id aliorum Chri-

stiani Orbis Principum ac Dynasta-

rum exemplo bonum factum

videri.

SIC equidem confido, SERENISSIME PRINCEPS, quamuis amoris Tuo erga minimam nostram Societatem, quam semper à teneris vt pupillā oculi complexus es, in Tua isthac MOLSHEMIANA ACADEMIA indulgere voluisti; nihil tamen hoc in opere præcipitasse; quin potius illa rationum momenta, quæ supra enumeraui, iam dudum antea librantē, voto Caroli Aug. id nominis V. (quem cum nomino, iam laudaui) egregie respondisse. is enim, vt est apud Zenocarum, Austriacos sui Sanguinis Heroes in rerum decisionibus Saturno planetarum supremo similes esse desiderabat, quod vti ille Summus inter alios orbes tardissimè circumducitur; sic Monarchas Exarchosque Austriacæ Domus, qui summo

apud mortalium genus loco eminent , quam minimè præcipites in consiliis esse oportere arbitrabatur. Itaque precium operæ fecero, si aliorum etiam Optimorum Principum ac Dynastarum tanquam coronidis loco syllabum adtexam, quibus cum hisce rerum publ. præditiis statuendis SALVS PVBLICA SVPREMA LEX esset;

FRAN-
CISCVS
BORGIA
DVX
GAN-
DIAE *fun-*
dat, & So-
cietati cõ-
mendat
ACADE-
MIAM
GANDI-
ENSEM
in Hispania.

ita curę cordiq; fuit, iisdem Societatem IESV honorare. Primus ergo, qui Academiam Societati concedidit, est FRANCISCVS BORGIA DVX GANDIÆ, qui posteaquam ad propagandam inter Mauricos, quibus ea regio abundabat, Orthodoxam religionem ac fidem, de Collegio Gandiæ instituendo ad B.P. Ignatium retulisset, Gymnasium, quo non ciuitas modo, sed & vicinitas adiunaretur, primo lapide Academiæ fundandæ à Petro Fabro, vbi Sacris rite operatus fuerat, III. Non. Maii Anno M. D. XLVI. posito, ædificandum curauit. anno denique postero literas ex Vrbe impetrauit, quibus autoritate Apostolica disciplinarum Vniuersitas, quæ Societatis administrationi ac potestati subesset, constitueretur, quęque deinceps à Carolo V. Cæsare cunctis celeberrimarum in Hispaniæ regno Academiarum Salmaticensis & Complutensis prærogatiuis exornata, tandem publice ipsis Kal. Martiis, Francisco Duce cum Illustri Procerum corona præsentē, primo eius & Collegii Rectore Andrea Ouiedo pronunciato, euulgata fuit. nec multo post idem ille Dux magna Caroli V. Imp. magna hominum laude publicis muneribus sago, & toga perfunctus, rebus denique omnibus, quæ in bonis numerantur, ad voluntatem fluentibus, mundiue vanitate reiecta, Societatem nostram ingressus, paupertatem diuitiis, deliciis asperitatē, splendori aulico religiosum squallorem, honoribus ludibrium sui que contemptum anteferebat, ita vixit, vt non sine magna sanctitatis opinione mortalibus relicta ad immortalē vitam demigrarit. Insigne quoque & celebre ob

IOAN-
NES VE-
GA PRO-

REX MA-
MERTI-
NAM in
Sicilia.

bre ob Academiam conditam & Societati traditam, no-
men fuit IOANNIS A VEGA, Viri siue religione, siue
belli ac pacis artibus plane summi, qui ex Caroli V. Aug.
Cæsaris apud Pontificē Max. Oratore, factus Siciliae Pro-
rex, post Africanā expeditionē Cæsareis auspiciis aduer-
sus Dracutū feliciter susceptā, post captam Aphrodisiū,
Maurosq̃que Pontificiis, & Florentinorum Melitenesium-
que triremibus sibi associatis expugnatos; ad regni totius
Ecclesiæque emolumentum, MESSANÆ antiqua, nobili,
& primaria Siciliae Vrbe arte & natura munitissima, ce-
leberrimoque ad fretum Mamertinum emporio, non de
Collegio solum Societati IESV; sed etiam de Vniuer-
sitate constituenda, Pontifice Maximo, totoque Conci-
lio, quod Signaturam nominant, adprobante, cogitauit.
Itaque assignato stabili in eam rem censu, Collegii nostri
Rector idem qui Academiae ad conditū diem renun-
ciatus est, ex eodemque Collegio Cancellarius publicē
datus, qui dignissimum quemque ad decretos honorum
gradus eueheret, & partis doctrinæ industriq̃; insignibus
decoraret. Pari Academiae, EBORÆ, ciuitate inter Lusitani-
ci regni vrbes facile post Olyssiponem primaria, ad
Callipodis amnis ortum fundatæ gloria, sequitur HEN-
RICVS D. EMMANVELIS Regis inuicti & Mariæ Fer-
dinandi Castellæ Regis natæ Filius, Portugalliae Infans,
S.R.E. tituli SS. Quatuor Coronatorum Cardinalis, qui
Ioanne id nominis III. Lusitanorum Rege apud Paulum
item III. Pont. Max. id agente, Cathedrali sede Eborensi,
cui Henricus Antistes præerat, in Metropolim euecta,
primus eiusdem Archiepiscopus nominatus est. Is dum
ibidem egentioribus suæ Diœceseos Sacerdotibus con-
tubernium exedificat, comperta Societatis in animarum
lucro industria, opus illud cum annua pecuniarum dote,
Summi Pont. consensu mutata voluntate, in eius vsum,
Collegiumque conuertit. & Ludouico Granatenfi no-
bilissimo

HENRI-
CVS S.R.
E. CARD.
ARCHIE-
PIS. EBO-
REN. REX
LV SIT. E-
BOREN-
SEM in
Lusitania,

bilissimo ex Dominicana Familia Ecclesiasse, deque rep. Christiana piissimis lucubrationibus optimè merito Cardinalem perurgente, Scholas quibus non humaniores tantum literæ, sed Philosophia quoque cum Theologia traderetur, compluribus ædibus Collegio proximis adiectis, Paulo IV. Pontifice Maximo adprobante, Academia titulo iuribusque ita instruxit, ut idem Sociorum qui Academicorum Rector esset. unde Manutio IC^o teste, non in Urbem duntaxat, sed in cætera vicina oppida & circumiacentes Transaganæ regionis incolæ, adeoque in vniuersam Lusitaniam ingens utilitas atque ornamentum cum pari Societatis opinione accessit. Habetque in hodiernam diem Eborensis Academia celeberrimum diem illum, quo aduentus, Spiritus Sancti celebratur, cuius Numini Nominique Cardinalis cum Academia Templum, Collegiumq; voluit consecratum. quem sicut in omni vita, ita post obitum Societas ut Parentem, Religiosi cæteri ut Patronum, docti ut Mæcenatem coluerunt. Auxit etiam Academici Fundatoris titulo clarissimum suum nomen OTTO EX ILLVSTRI TRVCHSESIORVM Domo, Wilhelmi Baronis & Ioannæ ex Friderico Comite Furstenbergio Filius, AVGVSTANVS ANTISTES, Catholici nominis inclaus per Germaniam restitutor, qui vbi doctrinarum opibus in Bononiensi Academia egregiè Adolescentiam instruxisset, generosissimi animi imperu ad maxima quæque viam illi breui temporis curriculo expediente, non in Pontificatus tantum & principatus fastigio, sed in purpuratorum etiam Patrum amplissimo Senatu a Deo positus, Petro Canisio in urbem Augustam inducto, victum laremque in ædibus suis, quas olim Canonicus incoluerat, tantisper præbuit, quoad Societati domicilium conderetur. Ipse interim Augustani Collegii aduersus portentosas hæreses, quæ miserabili tot animorum exitio non

OTTO
TRVCH-
SESIVS
S. R. E.
Cardin.
EPISC.
AVGV-
STANVS,
DILIN-
GANAM
in Germ.
Superiore.
Petromel-
la in Pont.
& Cardin.
Henr. Pan-
taleon par.
x. de Viris
Illustr.
German.

non modo ciuitatem, sed totam etiam prouinciam interstinis inter se internecinisque diffidiis distraxerant, tamquam firmissimi valli opponendi autor fuit; quod deinde per Illustrem Fuggerorum Gentem collocatum, liberalitate sua munificus Pastor iuuuit ornauitque. Deinde vero cum immanissimam luporum rabiem in gregem innoxium sub Augustanæ confessionis versipelli tegmine grassari optimus Pastor dolenter aspiceret, ad ACADEMIAM DILINGÆ excitandam animum adiecit, quo impensius nobilissimæ Sueuorū iuuentuti, vicinisque Rhætis & Algois suæ ditioni parētibz subueniret. Quare literis ad Pont. Max. & Carolum V. Imp. simulque ad Ferdinandum Regem datis, impetratisque eius condendæ iuribus, cum illam ad tempus exteris Doctoribus cōmendasset, tandem Petro Soto è S. Dominici familia, (qui Carolo Aug. à confessionibus erat,) suadente, imò etiam impellente, sub annum Domini M. D. LXXIII. transmissis ei à Iacobo Laynesio Supremo Societatis IESV Præsīde Doctoribus, & XIII. Kal. Octob. in Gymnasium inductis, Petro Canisio & Societati omnia honorum Academicorum insignia, epomidem, signum, sceptrumq; & cum iis integram Academiæ moderationem transcripsit. nec multò post Maximiliano Cæsare ita rogante, in Hispanias cum Serenissimis Filiis Rudolpho, Ernesto, & Matthia Archiducibus Austriæ, Tuī, SERENISSIME PRINCEPS, Patruelibus profectus; decennio post, id est, sub annum M. D. LXXIII. ipse vitam mortalem Romæ exiit, honorificentissimo integerrimi Principis, & apud omnes propter excelsas animi dotes amabilis elogio decoratus; cui religiosissimo Præsuli iam pridem, uti spes nos certa tenet, cælestis munerarius præmia reposuit, & in omnem reponet æternitatem. Post Ottonem vero seruata temporum serie venit inter Illustres

CAROLVS
LOTHARINGVS,
S. R. E. CAR-
DIN. &c.
MVSSIPONTI
NAM in
Lotharingia.

fres Academiarum Societati creditarum Conditores dignissime commemorandus CAROLVS CARDINALIS a LOTHARINGIA, Claudii Ducis Guisæ Filius, Francisci Inuicti Frater, qui præter heroicæ virtutes & eximias animi corporisque dotes, quas ad publicam afflictæ Galliæ salutem & tranquillitatem contulit, Dux summa prudentia, antiqua fide, egregia doctrina, & eloquentia singulari, munificam planè & regiam voluntatem erga homines pios iuxta & eruditos declarauit. Is & Galliam Calviniani furoris & rebellium Dynastarum, tumultu quassatam, grauissimis reip. temporibus prudentia, consilio, & autoritate fulcruit, ideoque Carolo IX. Christianissimo Regi carus, suaque virtute apud Galliæ populos conspicuus, frequentes ad Reges & Regum Imperatorem Legationes fæderibus inter eos ciendis suscepit; Synodum etiam Tridentinam frequentauit; postquam, Regi autor fuit, vt Mediomaticum Vrbe, Caluini Synagogam ad pontem S. Barbaræ conuenticulis agendis exstructam prouti soloque æquari iusserit, & idem conuentu Possiaci habito, in magno Regis, Reginæ, & Procerum confessu os Theodori Beza infibulauit, Petri Martyris & cæterorum eiusdem arrogantia Symmystarum audaciam fregit. Tandem cum munificentissima functus adilitate, Remis literarum omnium Artiumq; Gynnasium permissu Regio Pontificioque, Anno M. D. XLIX. excitauit, viditque illud hæreticorum fraudi ac tumultibus obiici oportere. Ac demum publico iuuentutis Lotharingicæ Gentisque suæ bono, summa CAROLI III. Ducis propinqui voluntate, MVSSIPONTI Anno M. D. LXXI. ACADEMIAM humanæ diuinæque Sapientia procreatricem, Gregorio XIII. Pontifice Maximo laudante, & publici diplomatis autoritate firmante constituit, iisq; præsidii communiuit, vt pro munifico & regio illius animo siue ad discendum fructum, siue ad Doctorum gratiam & dignitatem,

gnitatem, Academicis sua præmia non deessent. Estque is Societati honos habitus, vt Hospitali quondam S. Antonii ei in domicilium attributo, non solum præcipuas docendi partes, vti frequentissimis aliis Academiis fieri videmus, Socii obiret; sed Collegii & Academiæ Rector idē perpetuo Sixti V. Pont. Max. decreto statueretur. Qui tandem Auenione Anno M. D. LXXIV. moriens, elogium voce publica commeruit; quo eloquentiæ fulgur, prudentiæ Gallicanæ decus, Ecclesiæ columen, & specimen Orthodoxæ pietatis posteris commendatur. Quibus vero laudibus extollam CAROLVM illi cognominem. PRINCIPEM Religionis plenum, & ad Ecclesiam sibi demerendam regia liberalitate cōspicuum, amantissimū Fel. Recordationis TVVM, SERENISSIME ARCHIDVX, PARENTEM, quem vt autorem vitæ habuisti, ita rerum domi forisque præclare gestarum, religionis, moderationis, clementiæ velut locupletissimum absolutæ gloriæ patrimonium Tibi ab eo relictum tueri atque augere laboras; quarum virtutum, cum in omni vita edidit documenta, tum vero singulari gentiliis laudibus auctariū superaddidit; quando à me laudatam, prius GRÆCIENSEM ACADEMIAM, velut inexpugnabile sanæ fidei promontorium, & munitissimum aduersum tetros hæreseon errores passim emergentes asyllum, Societati, quam in Styriam aduocarat, quamque omnes ingenii vires tum ad hæreticorum factiones fraudesque patefaciendas, tum ad iuventutem bonis literis imbuendam conferre didicerat, gubernandam tradidit. Quam eandem Serenissimus Frater Tuus Germanus FERDINANDVS BOHEMIÆ & HUNGARIÆ REX, tum alias, tum ab eo potissimum anno, quo ad ditionis paternæ gubernacula magno illius reip. bono admovebatur, non beneuolentia modo paterna, sed bene-

CAROLVS IX.
ARCHIDVX AVSTRI-
Æ, &c.
Serenissim
mi FVN-
DAT. PAREN-
s Fel.
Record.
GRÆCIEN-
SEM in
Styria.

HENRI-
CVS IV.
FRAN-
CIAE
REX FLE-
SCHIE-
SEM in
Francia.

nescentia etiam est persecutus. nam & dissoluto ære alieno, ædificia complura nostris vsibus opportuna adiecit; & liberalissima indulgentia Oppidi Millestadiani (à mille idolorum statuis, quas Domitianus Carinthiorum & Noricorum Dux gentilicia superstitione celebrauit) donatione, annum Collegii censum eximiè ampliavit. Vno igitur nomine vtrumque complectar, & ambos vti Religionis, ita SOCIETATIS PARENTES, qua voce nulla in humana societate grator est, compellabo. Immortalem se quoque hoc nomine præstat HENRICVS id nominis IV. FRANCORVM REX, qui nostris per edictum Rhotomagi Anno M. DC. III. mense Septēbri datum, reuocatis in regnum, vnde iniquorum factionibus pulsi fuerant, mox x. Collegia, quæ ad istam diem durarāt, confirmat; Lugdunensi, Diuionensi, cæterisque; magna ciuium approbatione Scholas habere denuo sancit; denique inter alia vel amplissimis diplomatis confirmata, vel prærogatiuis munita, vel iudicii beneficiisq; exornata, FLESCHIÆ, quæ Andegauensis Ducatus ciuitas est, natali Christianissimi Domo, Academiam vna cum Collegio, adiecto etiam pro Tironibus domicilio, Societati consignauit, cumque honorem addidit, vt partitim Principum instituto sepeliendus, cor ei suum, vbi vita abiisset, transferri voluerit; id quod magna Ludouici XIII. hodie feliciter regnantis Successoris, & paternarum laudum hæredis, id est, tum Orthodoxæ Religionis verè CHRISTIANISSIMI Defensoris, tum Societatis nostræ indulgentissimi Parentis voluntate præstitum est. Extatque diploma publicum, quo subditos Regni magno gaudio ex Societate restituta Rex ipse contestatur perfusos, quod id tandem post diuturna vota se addeptos viderent, vt Filii vnà cum literis ad pietatem erudirentur. Occurrit hic etiam ACADEMIA noua PADERBORNENSIS, quam Illustrissimus singularis

laris exempli PRINCEPS THEODORVS exauita FVR-
STENBERGICORVM profapia, cum sua in Diœcesi ante
aliquam multos annos Collegium Societati, Gymna-
siumque humanioribus literis tradendis; Templo illi ad-
dito, primoq; lapide XVII. Kal. Iul. qui dies felicissimæ
illius electioni anniuersarius erat, condidisset; tandem al-
tero abhinc anno Idibus Septemb. accepto consensu S.
D. N. PAVLI PP. V. & Inuictissimi Imp. MATTHIÆ, in-
credibili omnium volūtate ac gratulatione Paderbor-
næ in Westphalia Academiam Theodorianam erexit, om-
nibus immunitatum priuilegiis, atq; ornamentis, qui-
bus celeberrimæ quæque totius Orbis perfruuntur, com-
munitam. atque ad conditam diem Diuini Spiritus ope,
faciente Proepiscopo Monasteriensi, implorata, splendi-
dissimo Cleri Prælatorum, atque è prima Nobilitate com-
mitati, in amplissima spectatorum, quorum maximam
partem ab fide Orthodoxa alienos Academiæ nouæ fama
excitauerat; literis atque autoritatibus tum Sedis Aposto-
licæ, tum S. Cæsareæ Maiestatis publicè recitatis, oratione
beneuolentiæ plena erga Societatem præmissa, Præposi-
tum Prouincialem breuiter allocutus, diplomata, sce-
ptum, aliaque ornamenta, adeoque totam Academiam
optimus Princeps Societati contradidit; quo vberius ex
ea, tamquam è terrena Paradiso in omnem suam Diœ-
cesin salutaris doctrinæ flumina emanarent. illudque pu-
blicis notis ad immortalem Theodoriani zeli memoriam
optimus Princeps consignari voluit; se affectu zeloq;
boni publici, qua religione qua sapiētia procurandi
propagandiq; Religioni quidem Templum, Sa-
pientiæ vero Gymnasium Academicū, Collegiū
vero Patribus Societatis IESV, tamquam fidis v-
triusq; thesauri dispensatorib. æternū consecrassē.

THEO-
DORVS
Episc. Pa-
derbornen-
sis, P A-
DERBOR-
NENSEM
in West-
phalia.

Panegy-
r. Paderbor.

MAT-
THIAS I.
CAES.
AVG.
PRAGEN.
SEM in
Bohemia.

Superesset etiam, quam PRAGÆ Regia Bohemiæ Metropoli anno proximè superiore Inuictissimus MATTHIAS AVG. in Imperiali hodie fastigio collocatus, ab se amplissimè dotatam Societatis regimini submitit; qui sicut Orbi, quod Austriacorum Cæsarum perpetuæ ac contestatæ gloriæ in fide Orthodoxa tuenda, & comprimendis rebellium factionibus debuit, abunde reddidisse hodieque reddere existimandus est; ita ob singularem, erga nostrum Ordinem beneuolentiam tot tamque egregiis documentis in illustri positam, sicut apud Socios meritò in veneratione futurus est, sic oratione hac meâ certè aliquâ grati animi significatione aspergendus esset; nisi quemadmodū in Solis lumine stellulæ, ita sermo noster exilis in tantâ Maiestatis amplitudine prorsus euanesceret. Videmus interim, SERENISSIME PRINCEPS, eandem Te viam ad Augustum VIRTUTIS & HONORIS templum insistere, quam viri Principes, quibus ius, fas, religio, & ille XII. Tabularum colophon, videlicet PUBLICA populi SALVS, tamquam Atlantibus inniuntur, reip. salutariter adiuuandæ in omnium Gentium theatro, ac rōtius posteritatis oculis, summa cum laude contriuerunt. qui, vt erant in omnibus ad subditorum, incolumitatem spectantibus ocularissimi, nec Deo se gratius quidquā, nec vtilius reip. nec sibi ad immortalitatem gloriosius facturos arbitrati sunt, quam si eos amarent ac fouerent, iisque ciuium suorum liberos, velut preciosissimum thesaurum, expoliendos commenderent, qui se suaque diuino cultui, & iuuentuti ad omnem pietatem informandæ, ad vnius Dei gloriam, patriæque salutem, ex voto consecrarunt. Etsi enim non desint viri hac etiam tempestate grauissimi doctissimique, qui TVAM illam ARCHIDVCALEM VNIVERSITATEM, vti in celsiore dignitatis gradu positi, facile maiori autoritate, nec minore prudentiâ consilioque gubernare

nare valuissent; ILLAM tamen VNIVERSAM SOCIE-
TATI committere voluisti, non tantum, quod religiosa
quadam animorum cōsensione, quo membra suo Capi-
ti arctiore nexu deuincta sunt, hoc illam firmitus solidius-
que duraturam crederes; sed etiam, quod perpetuā &
quotidianā literariæ iuuentutis tractatione, nostrę Socie-
tatis homines aliquod experimentum assecuturos confi-
deres, quo neque publicæ rei negociis distracti, neque rei
familiaris cura, neq; aliā cogitatione auocati, hoc vnum
agerent, vti tenerum iuuentæ germen adhuc pubescens,
in literarum palæstris ad magnam totius reip. instauran-
dæ spem quanta maxima fieri potest, solertia industriaq;
aleretur. Ac quemadmodum periti bellatores callidos i-
tinerum Duces legere consueuerunt, quibus cum sint
explorata semitarum compendia, condensa siluarum
frequentata, & perspecta latronum latibula, facilem ad e-
xitus desideratos viam patefaciunt; ita TVAM illis A-
CADEMIAM pro Serenissimi Tui amoris magnitudine
credere voluisti, qui ex quo adolescentiæ bonis moribus
ac literis imbuendæ sese penitus addixerunt; ad illam.
Cynosuram totius vitæ gubernacula flectunt, vt si non
semper fortasse quam felicissimè, certè quam accuratissi-
mè hanc sibi commissam Spartam exornare cōnitantur.

CAPVT VII.

TEMPLI NOVI MOLSHE-
MENSIS IN COLLEGIO SOCIETATIS IESV
PER SERENISSIMVM ACADEMIAE FVN-
DATOREM positi descriptio, & sub idem tem-
pus Academia promulgata En-
cania.

I AM vero insignis illa Basilicæ abs Te, REVERENDIS-
SIME PRÆSVL, Deo Diuisque Tutelaribus positæ
(cuius

(cuius ENCOENTIA in hoc ipsum tempus inciderunt) & tum Collegio contigua insitaq; tum è Gymnasio Academico conspicua amplitudo ac magnificentia satis admonent, vt ante quam dicendo absistam; hunc quoque laudatissimæ Tuę pietatis Colophonem Panegyrico imponam. Videlicet vt Augusti operis aspectu cursor subinde in stadio; ita in extrema orationis calce fessa mens NOVI huiusce TEMPLI aspectu mirifice renouatur. Qui vt ostenderes, non solum quam iure Archiducali Tuo SYMBOLO, Paulinum illud; PIETAS AD OMNIA UTILIS EST, præferes; sed etiam quàm arctè SCIENTIAM PIETATI sociandam æstimâris, ACADEMIÆ, seu proprio Scientiarum domicilio, magnifici operis TEMPLVM, Virgini Sapientiæ incarnatæ Parenti Sacrum, Augustis impendiis piè adstituendum curasti. vt ibi quidem eam Auditores studiosè inquirerent; hic ab Deo religiose postulerent: ibi animum optimis disciplinis erudirent, hic pietatis operibus assuefacerent: ibi scientiam labore & vigiliis; hic conscientiam & sanctitatem diuinis præsiidiis sibi curandam, ac cæleste Numen precibus votisque propitiandum tum Academici, tum vero Ciues adeoq; Alsatæ vniuersi admonerentur. Etenim illa immensa & summa Maiestas, quæ nullo vel spacio comprehendi, vel intercapedine arctari potest; ita tamen sæpenumero vel per seipsam, vel per amicos Cælitales suam præsentiam locis accommodat; vt hic potius, quam alibi degere, munera largiendo, & vim Maiestatiq; suam exhibendo videatur. Sic Iacobus Patriarcha illustri scilicet visio per quietem admonitus, non sine admiratione terribilem locum istum pronunciauit, quo Dei Angelorumque species animo eius obuersata, nouo sese & inusitato beneficio cumulasset. nec minus Religione venerabilem, quàm fructu salutare Probaticam piscinam

Gen. 28. 16.

Ioan. 5. 2.

nam Numinis præsentia faciebat; cum huius potius, quã alterius cuiusuis agitatione, Angelorum ministerio, tabidis corporibus morbi dispellerentur. Sic vtique terram, quæ primò nascentem Deum hominem excepit, quæ Sacratissimum morientis Sanguinem bibit, extinctum gremio complexa est, quam Christus omnibus denique vestigiis consecrauit, non Sanctam modò dicimus, ac salutarius; (id quod longissimis difficillimisq; itineribus Maiores Tui, SERENISSIME PRINCEPS, religiosissimè præstiterunt) sed ad immortalitatem memoriæ, Religionis laude, & admirandis Christi factis æternùm gloriosam prædicamus. Meritò igitur vel naturæ instinctu Sapientes Græciæ Persarum Magos exploserunt, quibus autoribus Xerxes inflammasse Tempia Græciæ dicitur, quod hunc mundum vniuersum Dei Templum esse, neque locorum vllum faciendum discrimen persuaderetur. cum omnium Gentium consensu receptum sit, plurimum exinde Religionem augeri, si certis definitisq; locis, non solum mentibus, sed oculis quoq; Supremi Numinis præsentia & fauor obuerfetur; quibus eam debeamus reuerentiam, vt neque sanctitas citra piaculum iis detrahi, nec violari sine sacrilegio possit. Porro Templorum procuratio, siue structurā & fabricam spectes, siue ornamenta & apparatus interiorē, cum non ad vsum quemcumque (vt in priuatis domiciliis) sed ad decorem, qui DEVM Opt. Max. deceat, quique animos ad religionem excitet, accommodanda sit, quos nō sumptus exhauriendos, quas non faciendas pecuniarum effusiones opinamur? neque enim hic metuendum, vbi immenso Numini veneratio quæritur, ne extra modum sumptu & magnificētia peccetur. Tollantur immania cœlo surgentia Tempia, vestiantur Numidici, Lesbii, Pontici, Ramnisci, Mitreie marmoris crustis, scgmina niteant artifice manu versiculpra, ludant opere musiuo, & vel picta, vel cælata versicoloribus

loribus lapidum frustis, acta vitæ præclara & Martyrum certamina inuentium oculis ad viuū repræsentent; fulgeant auro parietes, sternantur Pario lapide pauimenta, & laquearia in cryptæ morem anaglyfis ac preciosi marmoris incrustatione splendescant; nunquam hæc non Sanctorum hominum exemplis sancita diligentia, Religioni suffragata est; nūquam ideo vel dedecori fuit Deo, talibus ornamentis Domum illi Sacram exornari, vel iis fraudi, qui, vt in cæteris frugi essent; hic certè adeo effusi reperti sunt, vt ars certaret cum copia, quodque de largitione quidam vsurpauit, id de liberalitate & magnificentiâ Templorum dici non potuerit, quod fontem ipsum exhauserint benignitatis. Quid iam vasa aurea argenteaque, lances, paropsidas, thuribula, pateras, Lychnuchos, lâpades ex auro, geminis, & quantiuis precii metallis, templis illata, Deoque dicata memorem? Verum sicut attestante Seneca, nihil in rerum natura tam Sacrum est, quod sacrilegium non inueniat: ita videmus iuratos Dei atque Ecclesiarum hostes, diuitias & opes in Sacrosanctis Basilicis Deo Diuisque dicatas non inuidere tantum; sed sacrilega etiam audacia & libidine diripere consueuisse. Iuliano Cæsari nostræ Religionis transfugæ canes erant Verrini & venatici, qui omnia quæ fisco atque ærario ad compilandum seruire poterant, ad nutum heri sui in Christianorum Basilicis odorabantur. Annon Cybaritici canes istiusmodi hac ætate in aulis Principum plurimi vixerunt viuuntque? qui nostri temporis Diagonæ, cum superstitionis tollendæ fuco, nouos apud Principes Magistros allegassent, facile Dominis inhiantibus & parum religiosus persuaferunt, vt non cõtenti fundos, vêtigalia, Ecclesiæque patrimonia suffocassent; dies etiam noctesque illud cogitarent, vt amplissima maiorum donaria interuerterent; & signis cimeliisque Nobilissimis, ac Templorum

Seneca de
const.

Sap. cap. 9.

plorum gazis expilatis, tum demum veram Religionem restituisse, & longo intervallo se perfectū Dei cultū renouasse putarent. Quare arma & infesta signa inferre tēplis, Principum thronos, imo equorū præsepia loco altarium sistere, compilare Crucifixi signa, excutere atque reuellerē claustra reliquiarum, auro & parergis quibus inuolutæ fuerant extortis, plurima auferre, offerre nihil illis sententia stetit. idq; tanta furtorum impunitate, vt vix vllus hic accusator sit repertus, qui huiusmodi hominum sacrilegia odore, aut aliquo vel leuiter presso vestigio persequeretur. Vnde & illud postremq; locum apud illos inuenit, quod de Siculis à C. Verre spoliatis sua in accusatione M. Tullius non minùs festiuè, quam aptè vsurpauit. nam cum ille innumeris sacrilegiis fana Siculorum diuexasset, signa & antiquissima & Nobilissima, quæ neq; prædo barbarus vnquam, neque hostis attigerat, detraxisset, Delphicas mensas, crateras auro gemmisque faberrimos, & maximam vim omnis generis vasorum abstulisset, denique in tota Sicilia neque Sacri, neque religiosi quidquam duxisset, eam in prouincia solitudinem fecit; vt Mythagogi, qui hospites ducere solent, & vnumquodque ostendere, conuersam iam demonstrationem haberent. namque vt antea demonstrabant, quid vbiq; esset; ita nunc quid vndiq; ablatum fuisset ostendebant. Sensit gemellum quiddam cum aliis religiosissimis Alsatiæ Tuæ Templis, SERENISSIME PRINCEPS, nostrum hoc Molshemense, in quo communi illa superiorum temporū turbela, Oppido hostiliter occupatō, cum nostrum quoq; Collegium, cui ampliando iam tum insistebas, in hostium potestatem venisset; Principibus licet aliud iubentibus, ea tamen fuit in Sacrarum rerum contestatione Sectariorum licentia, ea in Templo funditus exhauriendo sitis & ardor, vt ab ipsa tumulorum refoffione cōtra naturæ & Gentium scita Sacrilegas manus non abstinerent; neque bellum ma-

gis Tibi, SERENISSIME PRINCEPS, vel Alfatia, vel Ecclesiastico Ordini; quam Superis ipsis, adeoque Piiis Tuorum Decessorum Præfulum Manibus indixisse videntur. Ergo quod de Phœnice proditum est, id Tuis, REVERENDISSIME ANTISTES, auspiciis Templo Societatis hic Molshemii accidisse recolimus. Sicut enim

Ignè Hyperionio volucris Phœbeæ senectam

Exiit, & fato fit rediuvina suo :

nō secus Templum Nostrum, quod ævo & vetustate prope fatiscebat, tum ab nupera illa direptione necdum planè respirabat; Tuis, RELIGIOSISSIME PRINCEPS, hortatibus impendiisq; in Augustam illam, vti hodie cernimus, molem formamque, Colophone sub hoc Academia tempus illi imposito, consurrexit. Sic CAROLVM verè MAGNUM Habsburgiaci Vestri Stemmatibus Condito rem tot clarum victoriis, literas maiestati Imperii æquantem, Religionem etiam præferentem; Basilicis ac Diuorum Ædibus ornandis, ac publicis operibus, ad decorem Deique cultum propagandū exstruendis animum curasque commodasse accepimus. Cumque vehementer loci amœnitate caperetur, qui Rhenum inter & Mosam calentium lympharum scatēbris hilare fecit; atque idcirco AQUARVM, siue AQUISGRANI ad hanc diem nomenclationem tulit, Augustani Basilicam ibi magnifici operis ac regali sumptu DEIPARÆ MATRIS nomini posuit. cui exornandæ perpoliendæque tantum adhibuit studium, vt non è finitimis locis duntaxat, quidquid prisce operis marmorisue è ruinis suppeteret; sed & ROMA Rauennaque magnam partem aduehendam curarit. Nec minorem sibi Religiosissimi Principis laudem WERNERVS id nominis I. Argentinesium, idemque Tui, SERENISSIME PRINCEPS, Sanguinis Antistes, apud posterōs conciliauit. Qui Argentorati Ædem VIRGINI MATRI

MATRI ab Dagoberto Francorum Rege antea positam, & prout æui veteris ratio ferebat, Religione magis quam mole visendam; in eam, qua hodie videtur, Augustali magnificientia structuram, & Constantino, Carolo, seu quouis Romanæ fortunæ Principum ingenio dignissimam, extulit: itaque saxi & cæmento immortalis compaginauit, vt liquid sub luna perpetuum humana opera spondeant, hæc certè aduersus æuum & iniurias temporum perpetuum duratura videatur. Atque vt sensim ad Te propius adeamus; an nō Tui gratiosissimi Sanguinis, Nominis, & eiusdem inter Marchiones hoc nomine, ordinis, cuius Tu, SERENISSIME FVNDATOR, inter ARCHIDVCES, id est QVINTVM, eundemque cognomento PIVM, (quem etiam supra cœlo assertum memorauimus) Tuam hanc TEMPLI MARIANI Fabricam parissimam suæ, eidem VIRGINI TVTELARI annis abhinc quadringentis positæ, non sine accessoriæ cuiusdam lætitiæ incremento, ex illa sempiternæ felicitatis Aula prospectare arbitraris? idque vel maximè, tum quod die illi anniuersario, id est, xv. Nouemb. A. M. DC. xiv. primum Te Noui Templi lapidem, auspici omnis ergo meminerit posuisse? tum quod hoc senescente atque infeliciæuo, (quo vel hæreticorum perfidia, vel tepore discordiæ Catholicorū plures Deo dicatas Ædes destrui, quam ædificari; plures improbitate sacrilega profanari, quam consecrari, pristinoque nitore restitui videmus) videat non Stemmatis modò & Sanguinis; sed PIETATIS etiam, & Religionis hæredem sibi superstitem etiamnum superesse. Atque vt eius à me vel rudis imago proponatur; surgit TEMPLVM ipsum raro structuræ genere decorum, saxo plurima parte campestri constructum, aspectu atque magnitudine peramplum, proportionem, venustate, atque eleganti symmetria cum primis visendum, edito excelsoque inter cætera Urbis ædificia fastigio emi-

nens. nec sua operi deest firmitas, adminiculis forinsecus illud aduersus æuū & iniurias probè fulcientibus. Situ est ad Ortum Solis veterum more. Structura Templi, alis vtrimque procurentibus, oblonga, *χιονοειδής*, siue Crucis figuram exprimit, (quam compluribus Serenissimis Tuæ Familæ Templorum Cōditoribus placuisse reperio) spacio in longitudinem ad c c x x i v. pedes protenso. latitudo l x x x i i i. pedibus traducitur, & septenis supra l x x. ad vsque templi fornicem altitudo. Parietes ad perpendicularum erecti integerini & mediani è lapide viuo solidoque, quales ad æternitatem Architecti postulant, loricatione & tectorio ad venustatem inducti sunt. Fenestræ è vitro mundo, lucido, & claro, vitreis orbibus plumbo iunctis, sparsim ferramentis obseptæ illa sunt amplitudine ac longitudine, vt sufficiens lumen in parentissimū templum quaquaversum immittant; eā firmitate, vt qua Septentrionem spectant, & Boream hauriunt, quantum eūque turbinem ac ventorum vim arcerere possint. Ostia valuis & vectibus, quibus oppefulentur, firmata; nec sua valuis antipagmenta operosa & dædala manu laborata desunt; quæ arte sua quantumlibet etiam morosum spectatorem detineant. Tectum podiis ad ornatum illustribus interstinctum, fulcris, trabibus, canteris, tignisque ad probè munitum, ac pectinatum, regulis è fissili petra inducitur; additisque ad necessitatem capreolis, omnem præstat à cælesti iniuria securitatem; tubulis è cupro, qui & stillas cadentes à parietibus, cauedione prohibent; & aquam extra impluuium deriuant, prominentibus. Ternæ in eodem turres assurgunt, è quibus illa, quæ ad Occiduum templi plagam est, haud procul à postica Ianua, quâ in Collegium ingressus patet, quadrata infernè, cæteris supernè altior, porticibus, striis, ac parastatis distincta prominet; geminisque Manianis ad prospectum simul & venustatem exornatur. ad has
per

per scalas cochlides ascenditur, constatque ab imo ad summum gradibus CLXIX. Inter Turrez, quæ prima Orienti obuertitur, vti & media, æramētis pendulis seruit; ac tandem gracili mucrone fastigiata, auratoque nodo, (quod illi cum cæteris duabus commune est) illustris, vexillum præfert, quod salutifero IESV nomine aurcis literis exarato in patentem campum effulget. Altera, quæ media Sacræ Fabricæ tholo insidet, victorioso viuificæ Crucis trophæo irradiat, cui recepto maiorum more Gallus superstat versatilis, olim quidem Petrum voce, at nunc sui aspectu, Petriq; recordatione, ex omni plaga vniuersos ad pœnitudinem inuitans. Tertia denique Templo ad Occasum adsitæ, cæteris operosior sublimiorque, Virginem Matrem Templi PATRONAM, Luna pedibus substratâ, radiisque solaribus circumdatam sustinet. Quâ porro Templi facies ad Septemtrionem sese aperit, ~~frontispicium in æumen~~, surgit pyramidale, Archiducalibus Tuis, SEXENISSIMÆ PRINCEPS, insignibus prælustre, nec procul inde ad extimam Collegii partem Oratorium est domesticum, B. P. N. IGNATIÏ, Societatis Fundatoris patrocinio celebre, vbi tum panicis terroribus ac dæmonum præstigiis profligandis, tum iis persanandis iuuandisque, quorum animæ cum corporibus, scripto chirographo, malo dæmoni obnoxie sunt, eiusdem Diui intercessione nec infrequens quotannis impenditur opera, nec obscura utilitas colligitur. Sed iam exteriore peripheria lustrata, Ædem ipsam subeamus. Cuius nitor intestinus cum externa molis elegantiâ decoret. Tria continet spacia, mediam cellam cum duabus alis, quæ hinc ad Septemtrionalem Collegii arcem, hinc in hortum gemina conca-meratione arcuata eleganter contextæ porriguntur, sustinentq; ambulationes, è quibus in cellam prospicitur; & commodum est diuinæ Liturgiæ ac cōcioni interesse, siquan-

quando magno hominum concursu templi spacia oc-
 cupentur. Auget admirationem prægrandium colum-
 narum series & ordo ad opticam mensuram æquabili ra-
 tione quindenū cubitorum interuallo diffitarum, quæ
 fulciendæ testudini, Xystisque, & Odeo sustinendis, basi-
 bus rotundis circumsecus insidentes, porticibusque in-
 fertæ, ac suis stereobatis, scapis, capitulis, epistylis, zopho-
 ris, & volutarum ornamentis ad amussim instructæ, at-
 que per artificem Pictorum manum maculis variis inter-
 meantibus, auroque splendescences, Ophites marmor re-
 præsentant; & latera ipsæ colligentes, insigni mole atque
 amplitudine, arcibus variis in loco affabrè se decussanti-
 bus, eximiū Basilicæ splendorē conciliant. Odeum sum-
 mæ Aræ obuersum, columnisque & fornicibus innixum
 totum luminibus illustre, & Augusto Organo sonorum, Com-
 mitum profapia, Illustris item IOANNIS REINHAR-
 DI Hanowensis Comitis Coniugem, perpetuo Catho-
 licæ pietatis monimento, Ædi Sacræ illato. ad Xystum
 venio, qui, si quidquam aliud, in adspæctum sensumque
 pietatis rapit spectatorem, sculpturis picturatis magnifi-
 cè exornatus, quæ tabulis quadris Sacras Christi D.N.
 historias viuacibus emblematis exhibent, Angelis inter-
 mixtim eiusdem patientis ac triumphantis instrumenta
 præferentibus; ut non tam oculos sculpturæ picturæue
 varietas, quam pium animum utilitas argumenti oble-
 ctet. In Xystum duabûs aliis turribus altrinsecus positis
 gradatim ascenditur, quæ propriis structuris atque orna-
 mentis, peristylis contiguæ, ad nitorem exsplendescunt.
 Laqueare ineriorius testudinatum albario, pictura vernan-
 te, & stellulis aureis ut plurimum venustatur, ac stemma-
 tis hinc inde penicillo poetico lemniscatis, Angeli inter
 conuexa lacunaris fusili opere effigiati circumuolitant.
 Pavimentum lithostroton quadro lapide, coque solido
 decenter

decenter stratum, examussim æquam planiciem constituit. Ex hoc vbi ad Templi Chorum prospexeris, arcus sese offert medius structuræ solidæ atque elegantis, Hetrusci operis, è viuo & quadro saxo LXVI. pedibus sublimis, xxxv. in latitudinem protensus; ad cuius coronicem, dextrorsum Archiducalia Tua, SERENISSIME ARCHIDUX, insignia, vti Illustris Collegii Argentoratensis alterorsum ad perennem Fundatoris & benefactorum memoriam depicta sunt. Chorus, ad quem ternis gradibus ascenditur, principē continet ARAM, quæ fuso struili saxo, Dei Filium in terris nascentem repræsentat, assistentibus vtrisque APOSTOLORUM PRINCIPIBUS, quos Societas nostra Tutelares habet; iuxtimque Diuis MATERNO & LEOPOLDO notissimis Ecclesiarum Fundatoribus, & tum ALSATIÆ, tum AVSTRIÆ Patronis. Pars supera VIRGINEM MATREM cœlo assumptam, eandemque Augustam Reginam ab Sanctissima Triade coronatam, & tum cælestium Spirituum choro, tum Societatis nostrę Diuorum Tutelarium B. P. IGNATII Fundatoris, & B. FRANCISCI XAVERII, Fidei per Indias Propagatoris augusta specie valatam exhibet; Sacratissimis Nominibus vtrimque tum SALVATORI, tum DEIPARÆ appositis, auroque quasi obryzo bracteatis. Aræ fastigium Christum D. N. CRUCIFIXVS, ceu primarius loci Paterfamilias, hinc Virgine Matre, hinc Ioanne discipulo Cōsobrino adstantibus occupat; qui cum vniuersa structuræ mole pium spectatorem cum veneratione detinent, & commorantem ad orandum alliciunt. nec prætereundi cum aliis ad pietatis incitamentum effigiati Quatuoruius Evangeliorum Scriptores, quorum fictæ pictæque, statuae ad dexteram, chorum ambiunt: quibus in aduersa parte totidem Ecclesiæ DOCTORES pari magnitudine, & artificio visendi respondent; atque vt ingredientibus reli-

gionem ineutiunt, ita introgressos morantur. neq; inueniunt Angeli calathos omnigenis fructibus onustos præferentes interludunt, vbi etiam florum, frondiumque, & pomorum implexus contextusque (encarpa Vitruuius vocat) coronario luxu exuberantes haudquaquam indecori sunt. Porro sub ipsam Chori aditum ad dexteræ alæ caput Sacriarū est, quod Tute, SERENISSIME PRINCEPS, ceu pietatis Tuæ proprium & familiare asceterium destinasti. Cui parte altera aliud item Virginis Matris tutelæ dicarum obiacet. duorum Sacræ sedis Argentoratensis Antistitum, IOANNIS id nominis Primi, Xenodochii Fundatoris, Anno cId. ccc. xxix. octauo Id. Nouemb. (vt ex sepulchrali saxo liquet) & GUILHELMII II. Anno M. cccc. xxxix. pridie Non. Octob. vita functorum sepultura decoratum. Proximè ab illo Sacrarium abest, Sacræ supellestili quotidianæ, Sacerdotibus item ad S. Liturgiam cum dignitate peragendam ornandis percommodum. Est & aliud ab hoc, qua post principem Aram per pseudothyron accessus pater, TEMPLO ad Solem Orientem adstructum, preciosiori (cuius solemmnibus anni feriis vsus sit) tum Sacrarum vestium, tum è Diuorum pignoribus Reliquiarum synthesi, tutius opportuniusque recondendæ. Porro Septentræ variis Templi partibus, Aræ, quibus Deo litari possit, dispositæ sunt. Quod si alicubi fortunatos lapides eos dixit Philosophorum Princeps, quos in Deorum delubris contigerit adhiberi, si tantam in Veteri Lege apud DEVM immortalem gratiam iniit Sapientissimus Regum Salomon, quando Templum Hierosolymitanum tanta quondam Religione inclytum condidit; quos non Diuini Numinis fauores huic Tuæ munificæ pietati, SERENISSIME PRINCEPS, conciliandos æstimemus; vbi in Tua illa magnis impediis Augusta Basilica ad vnus Dei gloriam excitata, non, vt olim, è victimis holocaustum;

stum; sed è purissimo Corpore & Sanguine Christi immaculatus Agnus ad Sacrosanctam Aram ab Religiosis Sacerdotibus quotidie immolatur? Fecisti ergo rem nomine, munere, Sanguine & maioribus Tuis dignissimâ, quibus illud solemne & religiosum fuit, inter cætera virtutis & Catholicæ pietatis opera, Basilicas vel à fundamentis in altum sustollere, vel renouare prostritas & fatiscentes, vel constitutas cumulare donariis, vel habitacula & mansiones Christi pauperibus construere. Atque post hanc beneficentiam tantum nihilo minus ærario superesse cõpererunt, ut grauiissimis bellis, publicisue periculis, Deo cælestem tutelam & secundos rerum successus accumulante, opibus, armis, autoritate, potentia, felicissimè ad totius Christianæ reip. salutem, & perpetuam AVSTRIACÆ DOMVS gloriam interuenirent.

CAPVT IIX.

GRATIAE SERENISSIMO

FVNDATORI NOMINE IUVEN-

tutis Asiatica.

ET parquidem erat, SERENISSIME PRINCEPS, tenuitatem meam iam tandem Tua patientia frangere; sed quoniam perfecta dilectio non tam debet recolere, quid officiorum soluat, quam meminisse, quid debeat, etiam nunc laxatis verecundiæ habenis denuo cogor audacis eloquii obsequium iterare. Quamuis enim Augustæ Dignitatis præstantia & Archiducalis fastigii amplitudo, quo se magis supra conditionem infirmæ adolescentiæ attollit; hoc minus ad gratiarum actionem mihi facultatis relinquit, ne quidem si omnes gratiarum voces aduocaro; quia tamen publici boni amore lumen illud

aureum, virtutis Austriacæ, obuia quadam, facilitate & prompta erga omnes beneuolentia, velut nube texisti, fiduciam sanè, quam in ipsis dicendi auspiciis largitus es, eandem nunc perpetuandi, Tuo, id est, Serenissimo vultu autor mihi es, simulque hortator, vt iterum grata profitendi obsequium meo periculo sim subiturus. Quis namque omnium me hominum inuenuitissimum nō arguat, si florentissimæ Iuuentutis nomine parcus in illius beneficii ostentatione deprehendar, quod Tu, SERENISSIME PRINCEPS, illi potissimum ætati ad vniuersæ deinde Ditionis emolumentū proprium esse voluisti? Efferūt se igitur hac ARCHIDVCALE ACADEMIA Alsatæ Tui, atq; hunc diem tam lætis animis votisq; celebrāt; vt & ipsi priuatim beatos se florentesq; olim fore ominentur, & Tibi consona voce pulcherrimum illud, Patris Patriæ, Restitutorisq; Alsatiæ Cognomentum addere, ac Nobilissimam gloriosissimamque è quercu coronam ob Ciues seruatos imponere non vereantur. Scilicet vehementer tam sua, quam reipubl. interesse animaduertunt, liberos suos hic potissimum absolutissimos doctrinarum fructus, & Supremos Academicarum Artium honores adipisci. vbi enim aut iucundius morantur, quam in patria, aut securius, quam sub oculis suorū parentum, aut minore sumptu educātur, quam domi, aut plus emolumenti afferre olim satagent, quam si non tantum natale solum ab infantia amare & frequentare consuecant; sed in eo etiam omnia futuræ vitæ præsidia, & honorum aut munerum, quæ obituri sunt, præparamenta comparabunt? Quod si cauebant Spartiatæ non modo ne pueri negligenter in republ. instituerentur; sed etiam ne minus instructi ad alias prouincias transirent; vt apud Plurarchum memorabile sit Eteoclis Ephori responsum, cum accepta in deditionem Ægide, Antipater quinquaginta pueros

pueros obſides poſtulaffet; non daturum pueros, ne minus probè in patria formati, foris incompoſiti euaderent; & ciuium deinde albo, vbi adoleuiſſent, expungerentur; ſenes, vel mulieres, ſi placeret, bis totidem daturum; illoque vltima denunciante, ni accepiſſet; pueros, inquebat, non dabimus; ſi morte imperes grauiora, æquiore animo moriemur. ſi, vt eſt apud IC^{tum}, Reſpublica corpus perpetuum habetur, quod per ſubrogationem ſimilium perſonarum immortalẽ fieri debeat. ſi apud Perſas tanta Filii cura educabantur, vt pueri quidem ad ſeptimumdecimum ætatis annum pane & naſturcio viſitantes non niſi in conſpectu Parentum arcum torquere, equitare, currere, fabularum inuolucris fortiter geſta explicare condiſcerent, ephœbi deinde noctes diesque ad vſque xxvii. annum in Achys hærentes Moderatorum curæ traditi, ea quæ pueri didiciſſent, retexendo ſolidius firmarent; donec tandem maturitate, variisque corporum animorumque progymnaſmatis exercitiis, Magiſtratibus Regumq; conſiliis admouerentur; quam non Tibi gratiam debebit flos ille Alſaticus, cuius teneritudinem ætatis, præſtantiffima humanarum Artium Philoſophia, cuius iuuentam Cæleſtium Diuinarumque rerum cognitione, per quam ante annos maturitas imbibitur, expoliendam curaviſti? Quarum rerû Scientiam, ſiue ad hauriendam animo, ſiue ad diffundendam in alios virtutis lucem, plurimum ſemper valuiſſe Sapientiſſimi quique iudicarunt. Qua quidem Iuuentutis inſtitutione ſemota, habemus non iam anguſti oris, ſed exuberantis fluuii tanquam Nili ſeptemPLICIS oſtia, quibus omne genus errorum, omniumque ſectarum, diſſidiorum, atque impietatum ſentina, non voce, non ſuffragio, & conſenſione accerſita; ſed ſuapte ſponte pleniffimis velis remiſq; in Chriſtianæ huius reip. ſalum inuehatur. Dignaberis ergo

SERENISSIME PRINCEPS, aspectu influxuq; Tuo ver-
nantem hanc Alsaticæ iuuentutis indolem, quæ, velut ad-
huc in herba delitescens germen, iamq; per biennem Phi-
losophici noualis culturâ in calycem & florem erumpe-
re gestiens, nunc quidē hodierna tam benefica Gratosissi-
mi Tui luminis irradiatione excitum, cum ætatis vi-
tio & autoritatis, aliud non possit, grata proficitur; o-
lim vero, (quando Tuum istud beneficium non so-
lum grata profitando, sed potius bene accipiendo per-
soluitur) cum adulta ætas autumnusque hoc, quid-
quid nunc florum est, in frugem fructusque opimos
maturarit; ad Dei cum primis gloriam, Christianæ
reip. Patriæq; salutem, & immortalem TVI SERENIS-
SIMI NOMINIS laudem, omnia doctrinarum præsi-
dia in hoc Tuo florentissimæ ACADEMIÆ Gymnasio
comparata, se collaturum adpromittit.

EPILOGVS PARÆNE- TICVS

Ad Iuuentutem Academicam Molshemensem.

AGITE ergo, NOBILES ALSATÆ, (ad vos enim mea
se confert Oratio) agite, Ingenui nauiq; Adolescen-
tes, quorum robustæ adhuc & crudæ vires ad huius
Academiæ gloriâ totiusq; reip. spem aluntur, cognoscite
mecum felicitatem vestram, qua Deo auspice, Diuis be-
neuolentibus ad eas disciplinas animum appelletis, qui-
bus, si vtilitatem spectatis, nihil fructuosius, si oblecta-
tionem, nihil iucundius, si naturæ ductum, nihil procli-
uius, si dignitatem ac pulcritudinem, nihil ad immorta-
litatem vitamque beatam firmitus aut stabilius potest re-
periri. Veniat vobis in memoriam nullo vestro labore
aut

aut sumptu, hūc ARCHIDVCA LIS ACADEMIÆ locū,
 tanquam augustum quoddam & spectabile virtutis atq;
 ingenii theatrū, ad hanc rem ab SERENISSIMO PRIN-
 CIPE Nostro dilectum esse, vt quibus generosior san-
 guis ad celsissimā immortalis gloriæ honorisq; regiam
 anhelat, illi in hoc mansuetiorū seuciorumq; literarum
 Gymnasio, velut ponendis pulcerrimis olim futuri ædi-
 ficii columinibus desudarent; omnesque perspiciant,
 quæ quantaque vobis præmia tanquam in Olympico
 cerramine, in pleniore Philosophici Theologicique fa-
 stigi agone coronā prensantibus iure merito debeantur.
 Itaq; tum demum fortunatos vos esse prædicabo, si quò
 SERENISSIMI FVNDATORIS munificentia, quò Mæ-
 cenatum fauor, quò patriæ expectatio, quò Maiorum
 vestrorum autoritas, quò præclara indoles, quò Mode-
 ratorum Academicorum vigilantia vos manuducit; il-
 las ipsas Artes Scientiaque ad vñus DEI Obsequium co-
 combibatis, vbi cum pietate adgregatæ ad sempiternam
 plurimorum animorum felicitatem quam latissimè pro-
 manare possint. Enimuero, vt Philosophi in corporibus
 cælestibus quendam veluti elementorum florem; in a-
 liis vero sublunaribus sæcem inesse dicunt; ita ego in li-
 teraria cognitione, siquidem solitaria est, sæcem, in pie-
 tate florem æstimo contineri. Videte enim quam nulla
 ex illis, si solæ sint; nihil medentibus, nihil sanantibus
 literis incrementa, imo vero, quam multa potius detri-
 menta reip. accedunt; videte, inquam, quam vilis & no-
 xia sit Artium possessiuncula, nisi, hoc præsertim maligni
 mundi senio, beata virtutis pietatisque supellestile locu-
 pletetur. An non infelicitis nostratis sæculi Nouatores
 hac destitutos, cum ex vtilissimarum cæteroqui discipli-
 narum tractatione, famam duntaxat & inanem vulgi
 prædicationem misera gloriæ animalia sibi in omni stu-
 diorum

diorum suorum ratione proposuissent, tandem aura illa leuicula, cum satis adspiraret vltra quam oporteret, citò prouectos, eò sæpe delatos ingemiscimus & erubescimus; vbi amissis deinceps rationis & Religionis gubernaculis, variis errorum opinionumque deprauatarum, fluctibus miserum in modum agitati exerrarunt? Vnde deinceps turpissimo naufragio in saxa & Syrtis impacti, nullum aut veritatis portum capere, aut integræ fidei certique Numinis fidus aspicere valuere? atque vtinam hæc tabifica lues suos tantum autores lethali contactu corrupisset. non esset quod tam multos in singula pæne momenta partim viua voce pro pulpito, partim nefario stylo emissariis libris & voluminibus exaratis, velut ex luctifico Pandoræ poculo dementatos, ipsis lutulentis corruptelæ mancipiis inquinatiores, ipsis etiam Gentibus infideliores, miseranda prorsus contagione in Atheismum prolapsos lugeremus. Et vero, quonam decore, qua gloria consurgere potest, quam è libris & in Scholarum Gymnasiis Adolēscētes hauriunt, doctrina, si non eam benefico vitaliq; aspectu suo Pietas recrearit? quam in frugem maturescet eruditio, quæ hoc Christianæ pietatis & modestiæ nutrimento spoliatur? Vos ergo ipsos, Academici Adolēscētes, acrius incitate, omnes animi vires conisciscite, vt quando vobis omnia fortunæ bona Parentes, omnia ingenii ornāmēta Præceptores, omnia quæ ad absolutam Christiani hominis dignitatē faciunt disciplinarum præsidia SERENISSIMVS PRINCEPS FVNDATOR studet comparare, nihil quidquam æstimetis potius, quam in frugiferis literatæ Sapientiæ latifundiis ex hac Pietatis & Eruditionis semente in nouellos vestros animos coniecta, vberem metere messē ad vitæ deinceps morumque munimentum. Hæc est fruges, hæc messis, quam à vobis Deus, quam Patriæ salus, quam SERENIS-

FIMVS



